

東華續錄

同治朝

卷六十八之七十一

第六冊

十二月辛巳朔諭軍機大臣等駱秉章奏滇匪闖入邊境見籌剿辦一摺滇匪楊逆等股各率陳湜督率所部迅由隰州一並攻陷鹽井直撲衛城總兵劉寶國督兵馳援因兵單受傷收隊固守經駱秉章飭令知府鍾令劉松山郭寶昌等軍追入資攻剿惟川省東南北三面邊防尙緊該逆見經闖入其勢猖獗鹽源待援孔亟難保建南一地殲除力贖前愆儻再因循兵勇力遏逆氛著駱秉章迅令胡中和由敘南酌調楚勇遴派得力將弁統帶並於靖邊等營劉典會籌剿辦迅圖殲滅毋處文武兵練合力兜剿該督仍當嚴檄劉寶國等迅圖截事不得藉口餉絀兵單稽遲時日以地殲除力贖前愆儻再因循諭令知之○壬午諭軍機大臣等裕瑞桂成奏撥兵邊守口外要隘籌辦布置情形趙長齡奏劉典會籌剿辦迅圖殲滅毋一摺陝省回捻時思竄越晉省裕瑞擬於包頭河口駐兵防守而以察哈爾馬隊並續調官兵分撥防邊兼爲後路策應並請飭令左宗棠撥出一旅渡黃入晉進趨河保所籌固屬周妥惟此時陝匪已由宜川搶越冰橋竄入吉州黃河業經失險晉省所屬地方在在均堪竄擾左宗棠督辦軍務日久未能截事反縱賊蹤東渡趙長齡陳湜毫無備禦致賊竄入晉疆實堪痛恨均著交部嚴加議處趙長齡見已帶兵出省著卽檄調各路兵勇相機扼要堵截並著陳湜督率所部迅由隰州一帶迎剿毋令蔓延他處左宗棠前奏有捻回如過河竄晉卽擬率軍先清晉省再行入秦並有令劉松山郭寶昌等軍追入晉省之議著該大臣一面撥兵渡河赴晉追剿一面相度機宜親督各軍入晉將此股賊匪就地殲除力贖前愆儻再因循玩忽任令蔓延四竄致誤大局自問當得何罪陝省回捻交乘左宗棠並與庫克吉泰喬松年劉典會籌剿辦迅圖殲滅毋再玩延晉省毗連直豫到處可通官文李鶴年務宜迅籌兵勇揀派得力兵弁扼要嚴守毋任竄入邊境太原省城並著趙長齡飭令胡大任嚴密守禦陝捻既竄晉境難保沿邊一帶回逆不乘機由草地竄近薩托等處著裕瑞等督飭馬陞各軍實力防堵毋稍疏虞將此由六百里加緊諭知官文左宗棠庫克吉泰裕瑞桂成喬松年趙長齡李鶴年並傳諭劉典陳湜知之○諭成祿奏圍攻肅州被挫情形文麟奏肅州股匪竄撲玉門各一摺成祿剿辦肅州踞逆日久未下此次一經接仗卽損一武職大員不知平日布置者何在官軍失挫後賊勢愈張成祿若再不激發天良勉力進攻何時是滅賊出關之期著卽激勵各將士迅圖攻拔肅城毋得任意遲延致干重咎黃祖淦所部既交馬天祥管帶務當飭令該員認真整頓以作士氣肅城之賊成祿既稱移營扼紮三軍聲勢聯絡何以大股竄出關外若罔聞知其爲形同聾瞶已可概見見在雖經文

麟擊退而該逆紛竄靡常仍須時加戒備期免疎虞著文麟嚴飭文武員弁設法扼剿毋任該逆窺伺以保巖疆安敦玉一帶旣形喫緊著將玉門應辦事宜妥籌布置卽往安西勉圖兼顧哈密地方最關緊要仍著文麟將關內外辦理就緒迅赴該城任事以資鎮撫將此由六百里各諭令知之○以賊竄吉州奪左宗棠趙長齡職仍畱任○予甘肅陣亡總兵官黃祖淦等祭葬世職○癸未賞已革浙江處州鎮總兵官陳國瑞頭等侍衛發往山東軍營交巡撫丁寶楨差委○甲申諭軍機大臣等前因棍噶札勒參奏厄魯特官兵礙難收作門徒因病請假請撥鹽菜等項厄魯特錢糧孳牲請照舊章辦理贖願難民情形各摺片諭令原議王大臣妥議具奏茲據奏稱厄魯特官兵改爲該喇嘛徒眾李雲麟原以棍噶札勒參善於撫馭奏明辦理如果聽其驅使不難著有成效等語今昔情形不同因時制宜自可從權籌辦該喇嘛所請辭退門徒之處著毋庸議兵丁鹽菜銀數著麟興錦不勒多爾濟榮全李雲麟明瑤卽照該喇嘛所請在解到新疆餉銀內陸續補撥以資接濟棍噶札勒參所稱孳牲錢糧從前全賴賞給該官兵等方能度活見在牲畜失盡請照舊章辦理並以該人眾時有盜竊等事若不善撫綏必激變成禍各情朝廷見授李雲麟爲布倫托海辦事大臣明瑤爲幫辦大臣一切事宜均屬責無旁貸著李雲麟明瑤會同棍噶札勒參悉心籌畫明定章程妥爲辦理其中如實有空礙之事著隨時據實具奏布倫托海見已改設辦事大臣而該喇嘛又稱該官兵似有不願改作門徒之意應否仍照塔城舊制添設厄魯特官員兵丁抑或酌量變通著麟興李雲麟等悉心再議以臻妥善至接濟牲畜一節能否酌令喀爾喀等旗附近蒙古部落量力捐輸或設法另行籌給之處並著麟興李雲麟等酌覈情形妥籌覆奏棍噶札勒參受恩甚重正宜及時圖報以副委任著麟興李雲麟傳諭該喇嘛懷遵曼次諭旨力疾從公毋得稍涉推諉其所請賞假回籍之處著毋庸議原摺著鈔給閱看將此由六百里各諭令知之○乙酉李鴻章奏官軍自濰縣等處剿賊獲勝後十一月十三日郭松林楊鼎勳乘勝向東南跟追行抵夏灣降任逆營眾陳懷忠等馬賊千餘人十五日及賊於膠州之鄭家寨兵至卽逃沿途小有斬獲十七日黎明大霧賊知追軍四集乘昏暗時繞兩城集山中回竄揚鼎勳郭松林亦回軍追截賊由東北沿海潰走十八日潘鼎新唐仁廉會追行抵諸膠交界之劉午關賊猝相值倉皇亂竄唐仁廉率隊馳逐賊折由山內急走潘鼎新督軍追至丁家村是夜賊目王占鼇帶馬賊二百餘人來降十九日潘鼎新統出賊前二十日黎明追及於膠州之小南溝縱橫衝擊賊隊大亂官軍盡力掩殺斃賊甚多餘逆且戰且走復追二十餘里殺斃悍賊五六百人天忽大霧唐仁廉冒霧前追馬步各逆併力回犯唐仁廉督同龍太勝等橫衝賊隊鼎軍趕上夾擊殺斃僞奏王賴侍就及悍賊多名是夜賊目張向春趙林篤帶馬賊六百餘人步賊千餘人

來降分別遣雷賊眾日夜狂竄由高密濰縣昌樂臨淄北趨二十四日劉銘傳郭松林楊鼎勳潘鼎新會集於安邱途次商定分路兜逐二十五日潘鼎新由濰昌繞往長山攔截西竄濟南之路劉銘傳郭松林等徑赴青州會剿而賊已西走二十八日賊竄新城縣境見我軍緊追不敢再西由海邊折回東竄壽光界內二十九日我軍自南而北逼賊於海濱洋河瀾河之交該逆無處逃走拚死抵戰逆首牛遂帶步賊四五百人任碇帶步賊三千餘人賴汶洗李允各帶賊隊抵敵唐定奎劉克仁猛力衝進牛逆先敗任逆經郭松林等軍乘勢壓下我軍馬隊徑鈔賊後該逆先棄步賊後棄老弱輜重再棄馬匹我軍由洋河追至瀾河僅贖馬賊數百名奪路而走共計生擒賊匪一萬餘人殺斃不可勝數屍橫四十餘里據擒賊供稱偽遵王賴汶洗已下馬投水而死任柱之兄任碇一犯死於瀾河東岸其牛逆及任柱之弟任三厭已否就殲未及確查見在馬隊分路窮追當可剋期殲滅查賴汶洗等糾合悍黨竄入東境劉銘傳首倡合守運河併軍追剿之議卒能大獲奇捷逆首殲擒殆盡大股已就削平實屬勞苦功高郭松林楊鼎勳忠勇耐戰迅速赴機均擬俟此股全數蕩平再懇恩施其尤爲出力之副都統善慶等謹先行開列懇恩給予獎敘其餘出力文武員弁兵勇及陣亡將士咨查明彙案分別奏請獎卹

上諭軍機大臣等見在僅贖馬賊數百逆勢已極窮蹙著李鴻章乘此機會檄飭各軍迅速進兵爲一鼓聚殲之計不可稍涉鬆勁致令匪勢復張又成不了之局陝省賊匪勢甚猖獗見已由宜川竄入吉州晉省軍情甚形喫緊左宗棠所部各營未能兼顧朝廷殊深厯繫李鴻章務將東捻剋期殄滅以便騰出兵力鼓行而西將秦晉各匪協同剿洗掃蕩逆氛本日御史游百川奏此次捻逆回竄青萊未得肆掠飢疲已甚其中被脅難民皆思自拔請飭乘此合力兜剿李鴻章見在但防運河東北黃防兵甚寥寥河冰堅凍賊如北竄恐東省軍務貽患非輕等語著李鴻章迅籌勦辦不可稍失戎機黃河防務並著妥爲布置以期有備無患將此由六百里諭令知之○諭左宗棠等奏官軍進剿宜君回匪疊獲大勝並分軍勦辦譚家灣等處回巢情形各摺片此股回匪馬莊沅等圖陷米子營壘經劉端冕等以少擊眾首逆伏誅洵屬異常出力譚家灣等處回巢亦經高連陞等軍踏毀回逆疊受大創半回甘境事機尙爲順利第馬莊沅雖已伏誅而蘇萬沅郭阿渾等未盡殄除甘省無糧可採難保不棄隙回竄仍著左宗棠嚴飭各軍認真防剿毋稍鬆懈其由宜川竄入山西之匪亟應迅速聚殲毋任延蔓該省兵力單薄而地方富庶京協各餉尤賴以接濟該大臣身膺統帥自當權衡緩急即著懷遵前旨迅飭劉松山等軍繞赴山西迎頭截擊左宗棠亦即酌量情形督軍入晉就地殲除不准稍涉遷延庫克吉泰於何日出省喬松年責任封圻亦當同心協力不得坐視致誤事機庶左宗棠無顧此失彼之虞將此由六百里諭知左宗棠庫克吉泰喬松年

並傳諭劉典知之○丙戌諭軍機大臣等官文奏梟匪回竄西北飭軍扼剿並派春壽馬隊前赴西路各摺片梟匪由莘冠一帶竄回直隸之清豐南樂等處經楊毓相等督率弁勇疊擊獲勝該匪展轉奔逃復由隆平竄至甯晉勢將搶渡滹沱余承恩等見已繞至趙州著官文卽嚴飭該將領等迎頭探截毋任該匪北竄滹沱河水勢雖微仍當督飭地方官集團守禦不得藉詞弛懈穆騰阿見駐德州距賊已遠著卽統帶所部西進迎探截擊以防賊由舊路東竄西路一帶空虛官文見令劉長佑移紮適中之地督飭各軍堵截並令春壽統帶所部馳往定州正定等處防剿惟春壽一軍人數無多分則力單官文當斟酌情形令其歸併一處以厚兵力而備迎截賊騎剽疾奔突靡常崇厚亦當籌布兵勇嚴扼東路豫備截擊不可因距賊尚遠稍形疏懈賊匪由海豐回竄時僅餘二三百騎何以此次與官軍接仗又分三四股抗拒此非奏報不實卽匪類裹脅愈多何日是滅賊之期該督等務當振刷精神迅將此股匪徒聚殲毋蹈因循粉飾之弊是爲至要將此由六百里各諭令知之○諭昨因陝匪竄晉亟須派兵剿辦適李鴻章奏擒匪屢被官兵擊敗賴逆伏誅餘孽無幾朝廷正擬調派東省得力之軍入晉助剿本日據侍郎毛昶熙奏稱陝擒搶渡黃河竄至山西吉州恐其直走太行漸達直隸邊界晉省兵力不敷堵禦請抽調宋慶程文炳兩軍屯紮太行東南兩面探蹤扼截並另片奏晉省與豫省河北三府毗連不可無兵扼守請飭李鴻章派得力將弁會同皖軍嚴防運河騰出張曜一軍移紮河北各等語所見適相脗合晉省爲完善之區餉源所出且與畿輔毗連斷不可任賊蔓延山東賊已窮蹙李鴻章所部兵力甚厚足敷剿辦著卽飭令宋慶程文炳各統所部由山東直隸起日西行入晉境後規賊所向與陝晉各軍會籌夾擊速掃賊氛東省擒勢雖蹙該大臣務當趁此機會迅圖殄盡此後按捕餘匪安插降眾事事均關緊要見有宋慶程文炳兩軍入晉該大臣正可專心辦理東省軍務庶不至功虧一篑

宋慶程文炳兩軍餉銀卽著李鶴年英翰張兆棟照舊撥給如有不敷李鴻章亦當設法接濟運河防務緊要宋慶一軍既經調赴西路著李鴻章等卽派得力將弁將宋慶所防地段實力嚴防張曜一軍著卽移紮河北李鴻章等亦當另派得力將弁填紮運防毋稍疏虞該大臣等素顧大局諒必通盤籌畫不至因宋慶等軍調赴山西置運防於不顧也原摺均著鈔給閱看將此由六百里諭知左宗棠李鴻章趙長齡英翰李鶴年並傳諭張兆棟知之○子陝西陣亡參將羅少林等祭葬世職○丁亥諭軍機大臣等官文穆騰阿奏截剿梟匪獲勝一摺梟匪在晉州釣魚臺吳邱等處經余承恩陳濟清等分路追剿殄擒多名所贖不滿二百人該匪經此次懲創勢已窮蹙亟應一鼓作氣迅速殄除著官文穆騰阿嚴飭陳濟清等盡力窮追務將此股敗殘之眾悉數剷除不准一名漏網儻敢稍涉懈弛致取匪乘間潛逃縱令死灰復燃必將該員弁等從

重治罪已革總兵余承恩係勦賊不力獲咎之員此次督隊擊賊尙屬奮勉著與在事出力各員均行存記並著查明逆首姓名毋使倖逃顯戮本日據徐繼畬等奏請飭余承恩赴晉勦賊等語晉省爲餉源所自出關繫緊要余承恩籍隸山西保衛桑梓尤應格外出力著官文飭令該員將所部兵勇挑選精銳迅赴該省勦賊歸左宗棠調遣直隸勦匪正在喫緊未可因抽調一軍稍涉疏懈官文等務當另調得力之兵馳赴前敵合力殺賊以竟全功將此由五百里各諭令知之○諭前因捻逆竄過黃河擾及晉疆疊經諭令左宗棠督兵入晉先顧大局茲據左宗棠奏捻逆渡河犯晉自請治罪並調馬德昭駐守運城留劉典等勦辦陝回各摺片捻匪由吉州南竄河津蒲解一帶防務喫緊運城鹽庫爲餉源所自出左宗棠見調馬德昭一軍進紮運城著即檄令星夜拔營馳赴該處駐紮相機進剿並著李鶴年一體嚴催飭令剋日啟程不得稍延時日左宗棠當懷遵疊諭迅速入晉督剿劉松山郭寶昌兩軍並著左宗棠趙長齡迅速催提兼程來晉繞由東路兜剿而西與陳湜所部會合夾擊昨因東省捻股殲除將盡李鴻章兵力有餘已諭令該大臣等將程文炳宋慶兩軍由山東直隸赴晉助剿張曜一軍由山東移赴河北堵剿該將領等到晉豫後即著歸左宗棠調遣並著一面催提以厚兵力此次捻匪入晉該大臣竟未能立時得信日久始得消息朝廷焦盼已久前經吏部遵旨將該大臣嚴議革職已加恩改爲革職留任所請從重治罪之處著暫行寬免該大臣當思奮勉立功圖自贖愆再仍前貽誤寬典豈能再邀且該大臣由閩浙總督調任陝甘授爲欽差大臣督辦陝甘軍務倚任不爲不重若不振奮精神力求成效清夜自思何以自安陝省回匪未靖且續有由甘東犯大股該慮軍務即著責成劉典高連陞與庫克吉泰喬松年會籌勦辦喬松年責任封圻亦當會商劉典等調度不得置身事外本日據前任大僕寺卿徐繼畬給事中白恩佑御史郭從矩等奏陳山西軍務布置機宜並請飭陳國瑞余承恩帶兵赴晉各摺已諭令官文飭余承恩統帶所部西行入晉矣陳國瑞前已有旨令赴山東歸丁寶楨差委覓在東省軍務較鬆陳國瑞著改發山西交左宗棠差遣即著該員與宋慶程文炳合統兵勇赴晉與余承恩所部均歸左宗棠節制調遣徐繼畬白恩佑原摺均著鈔給左宗棠趙長齡閱看郭從矩原摺著摘鈔給左宗棠等閱看該京卿等所陳布置機宜並著左宗棠趙長齡酌情形辦理將此由六百里諭知左宗棠庫克吉泰喬松年趙長齡李鶴年並傳諭劉典知之○諭劉嶽昭奏滇軍回援省城楚雄等處一摺迤西逆匪連陷祿豐廣通元謀等城勢甚猖獗楚雄危急省城戒嚴岑毓英所部各軍已分投西進援應著劉嶽昭咨照宋廷春一面將省城防守事宜妥籌布置以靖內患一面督飭各軍相機進剿迅將祿豐等城剋期攻拔毋稍延緩岑毓英見紮曲靖即著飭令確探賊情隨時策應不得遷延觀望坐失事機滇省軍務方殷

劉嶽昭身任滇撫務將黔西一帶賊匪迅圖掃蕩卽行入滇任事以副委任將此由六百里諭令知之○改派頭等侍衛陳國瑞前赴山西軍營交欽差大臣左宗棠差委○戊子諭軍機大臣等李鶴年奏遵覆張曜宋慶兩軍分紮山東東平戴廟等處見飭防守情形等語昨因晉省軍情緊要諭令李鴻章等飭令宋慶統帶所部由山東直隸赴晉協同剿匪張曜一軍移紮河北李鶴年此次所陳自未接奉前旨晉省竄匪亟應添兵協剿著李鶴年懍遵本月初七初八等日寄諭將張曜宋慶兩軍迅速調撥以赴戎機馬德昭一軍昨據左宗棠奏調赴運城卽著李鶴年飭令趕緊拔營馳赴該處相機堵剿該將領等到防後卽由左宗棠調遣其段廣瀛四營見駐晉溝應否渡河繼進之處著李鶴年與左宗棠會籌布置趙長齡仍當督飭陳湜激勵各營認真防剿務將此股竄匪就地殄除毋得專恃客兵置身事外再千重咎將此由六百里諭知左宗棠李鶴年趙長齡並傳諭陳湜知之○諭麟興等奏土爾扈特盟長呈懇赴京請旨遵行一摺土爾扈特盟長布彥勒哲依圖自伊犁變亂後游牧盡失奔赴烏城呈請入都陛見覽其所陳各情中途顛沛流離甚爲可憫若仍令其折回遊牧路途阻滯非所以示體恤布彥烏勒哲依圖著准其馳驛來京由內地臺站行走惟該盟長入京其土爾扈特厄魯特遊牧人眾日久無主恐其滋生事端著麟興錦丕勒多爾濟傳知該盟長設法安插該將軍等亦當隨時就近料理務臻妥協將此由五百里各諭令知之○免招商赴津米船稅釐○己丑諭軍機大臣等戶部奏統籌財用請嚴飭將帥迅速平賊一摺據稱用兵省分偏僻將士人品不齊往往視帶兵爲利藪所部勇丁按籍而稽十不得五幸而獲勝鋪張揚厲監膺上賞其甚者惟恐軍務速平故意縱賊以爲自利之計等語所奏切中時弊各該統兵大臣督撫等受國厚恩宜如何激發天良實心籌辦迅圖滅賊之方儻玩泄因循任令老師糜餉日久無功軍務竟無了期問心何以自安著各路統兵大臣用兵省分督撫卽將所部各營認真考覈毋任缺額虛冒口糧並嚴檄將弁同心勦匪務期就地廓清以靖地方而裕國用若仍蹈從前積習朝廷必治以應得之罪決不寬貸直隸梟匪滋擾所練六軍並未見力加勦辦並據奏稱此項固本餉需半耗於督帶月糧及委員薪水等款徒循訓練之虛文無裨勦匪之實用似此情形實堪痛恨著官文破除情面將六軍大加整頓認真淘汰以期兵歸實用餉不虛糜該督卽迅速辦理據實具奏原摺著鈔給閱看將此各諭令知之○諭穆騰阿奏馳抵衡水賊已東竄見添隊跟追並釣魚臺等處期賊獲勝各摺片所陳余承恩陳濟清等在釣魚臺吳邱追剿各情與官文所奏情形大略相同此次賊匪由武邑阜城等處渡河東竄雖經富和等跟追並未大加懲創該匪所贖僅二百人其勢已蹙自應分路追擊以免死灰復燃著穆騰阿嚴飭派出各員弁覘賊所向迎頭截擊不得徒事尾追復滋蔓延德州一帶卽著飭令派出之軍認真兜剿余承恩見已調赴山西官文當懷遵

前諭另調得力將弁接替並檄飭陳濟清會同穆騰阿所派各軍跟蹤剿擊不准稍有遷延貽誤戎事將此由五百里各諭令知之○諭趙長齡奏秦軍擊賊獲勝見在跟蹤追剿一摺此次擒逆闖入晉疆雖經劉松山等軍追剿獲勝克復吉州而逆蹤紛竄愈偏愈東見在洪洞竄匪諒亦不能久踞勢將乘虛東竄前諭左宗棠飭令劉松山等軍由東面兜剿仍著懷遵前次諭旨檄飭各軍繞前攔截張曜本令移紮河北堵剿余承恩亦令由直入晉見在晉東遼潞一帶尤須有兵扼截即著官文李鶴年迅飭張曜余承恩兩軍由臨洺關進發宋慶程文炳兩軍著李鴻章英翰張兆棟催令兼程前進由直隸獲鹿大道進剿會同劉松山郭寶昌陳湜等軍兩面夾擊以殄逆氛左宗棠亦應迅速赴晉親往調度不得稍涉遲務趙長齡見已出省即著扼要駐紮固不可任賊北竄亦宜杜賊東趨庶完善各邑不至處處被擾陳湜進駐趙城西面沿河一帶仍責成該司加意嚴防毋得再令匪徒闖入更形滋蔓馬德昭一軍諒已渡河儘南路情形較鬆並著左宗棠相機檄飭併赴東路兜剿以杜紛竄左宗棠趙長齡陳湜前已施恩僅子薄譴儘任逆氛東北紛竄不能力遏兇鋒必當重治其罪懷之勉之將此由六百里加緊諭知官文左宗棠李鴻章趙長齡李鶴年英翰並傳諭張兆棟陳湜知之○庚寅諭軍機大臣等丁寶楨奏擒逆被剿南竄查驗黃防並截剿梟匪各摺片官軍剿辦擒匪獲勝情形與李鴻章前奏大略相同自當乘賊窮蹙一鼓作氣迅就殄除惟賊騎雖已無多大率皆百戰悍酋若不及早剪鋤將來死灰復燃又有滋蔓之慮著李鴻章嚴檄各路將士乘勝窮追務將此股竄匪剿除淨盡毋使一名漏網該大臣當念功虧一簣之時極力圖維清此巨寇與行間諸將士同膺懋賞也見在賊既南竄已有劉銘傳等軍緊躡追剿兵力尙厚王正起等軍已由丁寶楨飭令分紮要隘即著嚴飭認真扼守儘遇賊匪回竄必當分投截剿不可稍形鬆懈黃河防務該撫布置尙妥天寒水凝尤宜格外慎重即著照所擬實力舉辦不可徒託空言該撫暫駐省城旬餘以便居中調度一俟河流解凍仍著專力督剿海口一帶四五十里不能駐隊務當責令王成謙等妥籌守備期免疏虞直隸梟匪屢經官軍擊敗見在忽東忽西紛竄無定即著嚴飭傳振邦郭大勝等勤加偵探由東南扼剿與直省官軍會合夾擊以殲窮寇將此由六百里各諭令知之○督辦新疆北路軍務西安將軍庫克吉泰奏馳抵咸陽妥籌扼剿得旨即著督帶親軍扼紮渭濱一帶隨時與劉典等軍妥籌策應不得徒事株守致誤事機○辛卯刑部尚書齊承彥卒予祭葬諡恭勤○以譚廷襄爲刑部尚書鄭敦謹爲左都御史調賀壽慈爲刑部左侍郎寶授沈桂芬禮部右侍郎○壬辰諭軍機大臣等官文穆騰阿奏梟匪殄除殆盡直境肅清崇厚奏梟匪被剿星散見飭搜捕餘匪舉辦團練各摺片梟匪自晉州敗遁後由景州竄至東光之安樂屯等處經官軍追捕疊有斬擒該匪僅餘一二十人改

換農服由山東夏津之杜甫掖渡河遁去該署督等見飭張得信等過河追剿余承恩等暫駐夏津卽著官文穆麟阿崇厚嚴檄派出各軍乘此聲威將夏津竄匪悉數殲除一面知會丁寶楨督飭官軍會同按剿母任一名漏網再貽後患逃散零匪必有窩藏之所各該州縣地方官當迅行嚴密躡緝以絕根株儻捕拏不力致令死灰復燃將來在何處滋事卽將該處地方官及營汛各員從重治罪決不寬貸天津所屬見辦團練著崇厚與官文會商飭令劉策先督同官紳認真經理做照堅壁清野之法以衛閭閻此外天河屬境與順天東路南路兩廳毗連之處並著飭令劉策先查明次第辦理所練六軍著官文懷遵前旨逐加淘汰去弱留強以期餉不虛糜毋得瞻徇情面虛應故事將此由五百里各諭令知之○諭張之萬奏擒逆衝過六塘河擾及鹽河以北抽隊迎剿情形一摺前據李鴻章奏擒匪在壽光海濱等爲官軍擒斬殆盡僅贖數百騎遁去何以忽有捻眾萬餘由順河集竄撲六塘河擾及鹽河北岸雖經張之萬派張從龍抽兵迎剿小有斬擒未能大挫賊鋒該逆已深入完善之地裏下河一帶地方倍形喫重更恐該匪圖竄運河回擾皖豫張之萬見調姚廣武王可陞等軍夾擊卽著迅速進兵力圖掃蕩並著檄飭黃翼升等水師駛赴眾與楊莊一帶節節嚴密防守李鴻章自前次報捷後至今尙無續報劉銘傳等軍已否追賊南下逃逸餘匪究有若干逆酋悍目尙有幾人卽著確切查明具奏並嚴飭各軍星馳赴剿務期一鼓蕩平毋使該匪稍延殘喘得遂其裹脅奔突之計丁寶楨亦當勤加偵探嚴防回竄運河交冬水淺防務尤關緊要李鴻章李鶴年英翰張兆棟等務須添派兵勇加意梭巡儻任一賊一騎偷渡必將分防將弁按照軍法從事並著丁寶楨李鶴年英翰張兆棟等分派勁旅覘賊所向與淮軍合力夾擊毋稍觀望其程文炳宋慶張曜等軍著李鴻章等仍遵前旨分別飭令移防赴晉毋得藉詞逗留此次六塘河疏防地段各員著李鴻章張之萬確查從嚴參辦將此由六百里諭知李鴻章張之萬丁寶楨李鶴年英翰並傳諭張兆棟知之○癸巳諭軍機大臣等馬新貽奏接辦西防石塘大工單開章程並繪圖呈覽一摺海甯繞城石塘將次工竣見辦西防石塘大工通共約需銀四十八萬九千兩據稱所估工料價值覈與例定稍有加增實因物力艱難時勢不同所致自係實在情形所估銀數既經加增馬新貽當督飭屬員認真購辦務期工堅料實爲一勞永逸之計所有勘估各工及章程六條均著照馬新貽所擬辦理該撫卽實心經畫迅速開辦以重要工此項工程須添購新石十餘萬丈浙省採辦斷難敷用著郭柏蔭遴委委員在於洞庭等山按照志載尺寸如式採辦五萬丈運浙濟用毋稍遲誤其石價水腳運費等項均由江蘇籌款自行報銷將此各諭令知之○諭左宗棠奏官軍入晉勦擒獲勝情形一摺所稱克復吉州並解河津稷山之圍與趙長齡所奏略同惟見在捻蹤已至洪洞劉松山郭寶昌兩軍出平陽

進勦該大臣調喜昌安住全福馬隊從天井關趨澤潞一帶相機截擊尙屬合宜卽著催令迅速前進以期迎頭搗擊韓侯嶺爲太原門戶前經陳湜派兵扼守趙長齡計日亦可趕到著卽督飭各軍嚴加防守毋許一匪竄越致滋蔓延宜川一帶擒匪雖多而晉省無知兵大員督辦事無稟承恐未能迅速蕪事且前調宋慶程文炳等軍由獲鹿赴晉張曜余承恩兩軍由臨洺關進發並將陳國瑞發往該大臣軍營差遣客兵愈多必得左宗棠親往督辦方可調度合宜著仍遵前旨兼程東征其宜川等處擒匪另派安員防勦俾得移緩就急廓清晉境再行返旆而西以紓厯念並著陳湜嚴防西面沿河一帶母使匪眾再有攔入直隸河南各要隘疊諭官文李鶴年加意嚴防著懷遵前旨相機辦理毋稍疎懈昨據御史王道源奏條陳晉省防勦事宜所稱進兵道途固屬詳細第兵機無定難以遙制著左宗棠趙長齡酌量調度閻敬銘如已就痊並著趙長齡知照令赴太原省城幫辦防守事宜並將石嶺關豫爲布置晉省團練有名無實丁憂候補侍讀祁世長人素謹飭著趙長齡傳知該員會同原辦之紳士田雨公趙德轍體察民情認真妥辦河保豈歸化包頭一帶著裕瑞等督飭馬陞各軍並新調察哈爾官兵嚴密堵禦口外各廳著趙長齡酌量派員幫同稽查襄辦防務期免疎虞王道源原摺著鈔給左宗棠趙長齡閱看將此由六百里諭知官文左宗棠裕瑞桂成趙長齡李鶴年並傳諭陳湜知之○甲午諭內閣官文奏革員帶兵出力並請遣撤楚勇回籍等語已革直隸總督劉長佑於革職後督勇親赴前敵將梟匪殄除殆盡尙屬出力劉長佑著賞給三品頂戴管帶所部楚勇並楚省帶兵各員弁均回湖南本籍妥爲安置○諭軍機大臣等前據官文等奏梟匪殄除殆盡餘匪竄至山東夏津當經諭令官文等飭令派出各軍將夏津竄匪悉數殄除茲據穆騰阿奏稱直隸派出各軍與山東兵團將夏津竄匪殄除技捕淨盡直隸已無賊蹤惟該匪敗逃之餘難保竟無一名漏網潛匿他所山東夏邱莘館等處並直隸大順廣一帶素有土匪更難保無此股梟徒潛匿窩藏著官文丁寶楨嚴飭該地方文武實力查緝務期淨絕根株不得稍涉鬆懈致令死灰復然穆騰阿所部出力員弁准其擇尤保奏毋許冒濫所有神機營馬步官兵卽著穆騰阿管帶回京吉林馬隊仍著雷駐直隸由官文飭令在正定一帶擇要扼紮以防晉省擒匪東竄仍交春壽富和統帶認真整理訓練所有軍裝火藥馬匹器械並著官文妥爲經理籌備毋稍缺乏江甯副都統富陞著穆騰阿卽行知照令其馳赴任所將此由五百里各諭令知之○永定河隄工合龍○乙未諭軍機大臣等英翰奏皖軍渡運擊擒獲勝收降並追期情形一摺擒股被劉銘傳等軍擊敗由山東南竄宿北經牛師韓徐登善等渡運迎期將逆匪擊敗並收降投誠賊眾多名分別散遣畱用惟散遣降眾務須妥籌安插不可漫無歸束致令散而復聚別滋事端畱用之眾亦須善爲駕馭以資驅策此股殘匪

甫經皖軍擊敗並據英翰奏稱賊數無多乃復向六塘河浙軍防守地段竄渡而南該營將士之防堵疏懈已可概見實堪痛恨前據張之萬奏稱竄渡六塘河敗匪約有萬餘是否另有分股著李鴻章查明具奏淮徐一帶防務此時倍形喫緊李鴻章旬日以來未有續報軍情劉銘傳等軍曾否追至淮甸該大臣務當督飭諸軍分路扼截杜其竄越江皖之路並著英翰檄令牛師韓等合力截剿務期就地殄除以杜蔓延毋令垂成之功驕於一旦陝捻竄入晉疆需兵助剿甚急程文炳一軍仍著英翰飭令迅速拔營由直東一帶赴晉並著李鴻章遵奉前諭飭令張曜宋慶兩軍趕緊啟程分赴山西河北防剿毋稍遲緩將此由六百里各諭令知之○諭蘇鳳文奏擊退黔省苗匪並鎮安等處剿賊情形各一摺貴州荔波所屬之九阡下河等處苗匪竄擾粵疆闖入思恩宜山等境經遊擊吳開運等擊退復有另股苗匪竄撲慶遠府城經官軍鄉團擊斃多名該匪旋竄融縣長安鎮據險負隅亟應厚集兵力痛加剿洗蘇鳳文見派刁經明帶兵前往會同何元鳳等軍進剿即著嚴飭該副將等合力圍剿迅速殄除不得任令逸出致貽後患柳慶等處團務飭令該地方官實力舉辦藉資協助柳州西北一帶接連楚境並著咨照湖南巡撫派兵嚴防以杜竄越獨山荔波一帶為苗匪出沒之區必當派兵駐紮隨時截剿道員吳德容所部既經渙散著曾璧光迅速派得力將弁帶兵前往與粵軍會合夾擊毋得任令擾及鄰疆致滋延蔓逆匪吳亞終一股屢經官軍擊敗其勢漸衰著蘇鳳文督飭單遠璉奮力進剿剋期殄滅毋稍延緩其謝八一股盤踞龍州窰頭等處馮子材已拔營前進著蘇鳳文知會該提督迅速進兵力圖掃蕩以靖疆圉將此由五百里各諭令知之○子廣西陣亡府經歷高士廉等祭葬世職○丙申諭軍機大臣等降調廣東巡撫蔣益澧本日已加恩以按察使候補發往左宗棠軍營差遣矣惟該員所帶湘軍前經諭令派員管帶回籍見在已否啟程儘未經回籍即著瑞麟傳知蔣益澧督飭派出各員妥速帶回楚省安插以免滋擾該臬司著即赴陝毋稍延緩將此由五百里諭令知之○李鴻章奏接劉銘傳郭松林等文稱前在壽光瀾河等處痛剿一晝夜殺賊無數生擒萬餘人當將著名大小賊首數百概行駢誅餘暫分別安置送回老營陸續資遣據獲賊供稱逆首賴汶沈追過瀾河落馬淹斃水中天已昏黑究竟未實逃出賊騎約止數百勢極窮蹙當賊敗時各鄉團出寨截殺據報殲斃偽首王范汝增偽列王徐鴻先二名等情是役擒殺之多實軍興以來罕有之捷賊之精銳已略盡矣敗賊由昌樂諸城日照贛榆日夜狂奔十二月初六日距宿遷數十里圖撲運河皖軍總兵牛師韓出隊迎擊收降千餘人總兵徐登善知府方長華亦先後收降千餘人劉銘傳督帶馬隊於初八日趕至宿遷聞賊折竄流陽遂派陳振邦率所部會同牛師韓馳往追剿皖軍程文炳亦於初八日回至宿遷馳赴海流拔捕詎該逆於初七日夜突至流陽城南六塘河浙軍防所搶渡據統帶浙軍道員

李繼南稟稱是夜二更後賊眾分由興河頭張家灣淺處猛撲立卽派隊堵剿該逆前隊由張家灣過河約有數百後隊立

卽擊退等語准消臣張之萬函稱賊竄六塘後初八日撲過鹽河欲由板橋圖渡運河已派張從龍姚廣武各隊兜擊請調

馬隊馳往協剿臣已飭劉銘傳郭松林各軍兼程赴援惟該二軍連日遠道奔馳人馬飢疲未知能否趕及該逆敗殘之餘

亡命亂走清淮各軍若能就洪湖運河之交遏之使不遠竄以待追軍併至或可合力掃除再臣欽奉諭旨陝捻搶渡黃河

竄至山西吉州飭派宋慶張曜程文炳各軍分道入晉兼防河北查運東餘匪未淨張曜宋慶原防戴廟至靳口地段甚長

臣實無兵可調惟晉省毗連畿疆關緊要自應先其所急暫派提督吳雲集帶隊前往戴廟一帶接替巡防檄飭宋慶張

曜剋日兼程進發應由何路進取由河南撫臣李鶴年酌覈飭遵皖軍程文炳見已追賊南下臣飛檄行知並飭候安徽撫

臣英翰相機酌調 上諭捻逆經前次痛剿之後匪首殲斃不少餘黨僅贖數百騎賊勢衰落洵足以壯軍威惟捻逆竄過

六塘河鹽河圖竄運河清淮實爲喫重該處尙係完善之區且西達皖疆張之萬所部單弱恐不能堵禦劉銘傳等馬步各

軍雖不免疲乏而時有可乘正宜一鼓殲旃豈可稍有遲誤致令賊勢復張著李鴻章嚴飭劉銘傳等軍迅卽前進滅此朝

食以慰南顧之懷張之萬駐紮清江兵勇雖不甚多亦當妥爲扼守毋得專恃援軍致誤事機張之萬前奏賊眾尙有萬餘

而李鴻章兩次所奏俱稱賊止數百何以多寡如此懸殊仍著李鴻章確切查明據實具奏張曜宋慶程文炳各軍前已疊

諭分道赴晉著李鶴年英翰仍遵前旨飭令張曜由臨洛關進剿宋慶程文炳由獲鹿進發毋許延緩張曜宋慶兩軍防剿

東捻半載以來頗知奮勉深堪嘉許著李鶴年查明擇尤獎敘以示鼓勵丁寶楨見在蒲臺逆匪雖南趨不可不慮其回竄

河防極爲緊要著懷遵前旨妥爲布置毋得稍有貽誤將此由六百里各諭令知之○丁酉諭內閣協辦大學士四川總督

駱秉章忠誠亮直清正勤明由翰林海擢卿階以廉介持躬仰蒙 宣宗成皇帝特達之知先後命赴山東河南等省查辦

事件旋簡授臬司擢任封疆在湖南十年練兵訓士甄拔人材東南巨寇賴以殄滅復荷 文宗顯皇帝知遇 特加頭品

頂帶以示寵眷嗣 命督辦四川軍務朕御極以後卽擢授四川總督統軍入蜀賞罰嚴明所向克捷滇粵各逆悉數殲除

並越境攻克甘肅貴州各州縣因石逆被擒川境肅清論功行賞晉加太子太保銜旋以江甯克復東南掃蕩念其昔年在

湖南任內識拔將帥克振軍威忠盡咸孚勳勞夙著復賞戴雙眼花翎賞加一等輕車都尉世職本年夏間簡任綸扉老成

碩望方冀克享遐齡長資倚畀昨因舊恙復發賞假調理遽聞溘逝披覽遺章良深震悼略乘章著追贈太子太傅卽照大

學士例賜卹任內一切處分悉予開復應得卹典該衙門察例具奏並加恩予諡入祀京師賢良祠並於四川湖南兩省建

立專祠其生平政蹟事實著即宣付史館伊子駱天保著賞給郎中服闋後分部行走駱天詒著賞給舉人服闋後准其一體會試伊孫駱懋湘駱懋勤駱懋仁駱懋勳均著交部帶領引見伊姪孫候選縣丞駱肇銓著以知縣分發省分即補其靈柩回籍著沿途地方官妥爲照料用副篤念盡臣至意尋子祭葬諡文忠○論軍機大臣等丁寶楨奏梟匪復竄東境官軍追剿殲除殆盡一摺梟匪由吳橋闖入德州恩縣一帶經官軍追剿疊有斬擒殘匪由夏津竄逸與官文等前奏大略相同前據官文等奏該匪全股竄東由夏津竄逸與官文等前奏大略相同前據官文等奏該匪全股竄東由夏津之杜甫掖地方渡河遁去境內肅清是直省已無匪蹤即著丁寶楨督飭兵勇及該地方官分路接捕務絕根株並知會官文檄飭地方官於直東毗境會同躡緝總期殲除淨盡毋任餘匪逃匿又致死灰復然擒逆見在邳宿恐將回擾西路著丁寶楨嚴檄官軍迎頭截擊以剿爲防會同李鴻章各營迅圖掃蕩爲一鼓聚殲之計毋任再行回竄東境將此由六百里諭令知之○諭趙長齡奏擒逆南竄飭兵堵剿李鶴年奏擒匪竄近濟源調軍剿辦各摺片覽奏曷勝憤懣此次擒逆竄晉屢被官軍擊敗復由曲沃南竄垣曲趙長齡自當相機南行方合機宜乃旬日之間僅由徐溝進駐平遙恇怯無能不知調度至於如此實堪痛恨左宗棠著仍遵前旨兼程赴晉扼要堵剿並催安任等馬隊剋日迎擊昨諭瑞麟飭令蔣益澧前赴該大臣軍營差遣到營後著卽分撥兵勇協同剿賊懷衛一帶爲豫省精華所萃斷不可任賊蹂躪著李鶴年飭令參將田慶和等軍奮力迎剿並著李鴻章迅飭張曜由東阿渡河取道大名內黃馳赴懷慶一帶相機截擊前諭李鴻章等令宋慶程文炳兩軍由獲鹿赴晉見在擒逆趨重南路情形稍異著該大臣飭令宋慶等軍迎賊所向相機進剿不可稍涉拘泥致誤戎機河北毗連畿輔防剿尤關緊要著官文嚴飭防軍認真堵剿總兵劉景芳本有革職之案儻能力贖前愆不使一騎竄越直境自當量予恩施如仍前玩泄卽著從嚴參辦毋稍姑息富和春壽所帶馬隊前令暫駐正定見在匪擾河北著進紮大順廣一帶以杜紛竄趙長齡既貽誤於前若再任賊北竄則其罪尤不可追著卽振刷精神妥爲防剿西路河保鄉各屬仍著陳湜暨新調之王巨孝各軍填紮嚴防以免續有竄越將此由六百里加緊各諭令知之○調吳棠爲四川總督未到任前以成都將軍崇實兼署以馬新貽爲閩浙總督未到任前以福州將軍英桂兼署調李翰章爲浙江巡撫以丁日昌爲江蘇巡撫使赴○命署江蘇巡撫郭柏蔭赴湖北巡撫任○戊戌張之萬奏擒股衝過六塘河後盤踞鹽河兩岸村莊欲由三屆竄過運河回擾皖豫與西捻張總愚合股臣當飛調總兵姚廣武等各帶所部由六塘河向西南節節鈔擊以願運河三屆各要隘並飭總兵張從龍抽帶馬步各隊暗襲賊營十二月初九日五更時張從龍潛抵鹽河老壩地方該逆正盤踞各村當

卽督勇撲入欣斃悍賊二三百名生擒百餘名餘匪四竄是日辰刻姚廣武及參將王文行等亦先後趕到並據王文行稟稱初八日行至漁溝以北適與賊遇擊斃馬賊百餘名將在村焚掠之賊搜殺淨盡等語卽飛催姚廣武等向東南一帶跟追山西藩司劉秉璋亦派總兵者貴等管帶馬隊前來助剿提督黃翼升員外郎李昭慶親督水陸各軍相機前進初九日酉刻姚廣武躡賊於淮東后塘車橋一帶揮軍兜剿殺斃千餘名收撫五六百名當有賴汶沈股內賊目黃三率二百餘人棄械乞降姚廣武當卽派弁押送降眾赴淮親督勇隊連夜追剿時已二更該逆欲由淮安以下平橋地方搶渡運河姚廣武商酌參將王得勝尾賊南趨自率所部及王文行等由淮安西門過河循隄堵截姚廣武行至平橋對岸果見該逆搶渡我軍排列洋槍輪流轟擊斃賊極多礙船適亦趕至開礮堵禦該逆捨命狂奔者貴等亦追至淮東張橋截斃悍賊多名收攔者亦復不少該逆由運東長隄向南奔竄王得勝暨者貴等緊躍跟追姚廣武等渡運東會合李昭慶所部分起追剿沿途截殺匪黨不可勝計該逆晝夜竄竄初十日午刻過寶應亥刻過高郵十一日早開參將王得勝追及於邵伯鎮擒僞遵王賴汶沈卽時擒獲大小賊目擒斬無遺餘匪搜殺殆盡其六塘河以北未經竄渡之賊經遊擊蕭誠於十二月初七八等日督勇兜剿斃賊數百名擒斬賊目張得桂等二十三名餘黨經沿途州縣及圩練等隨時截殺毫無漏網淮揚徐海一律肅清臣查逆首賴汶沈始爲髮匪同治二年間與捻匪任柱張總愚合股逆斃復張實爲東蘇等省心腹之患本年十月間銘鼎各軍贛榆之捷擒首任柱伏誅賴逆等回竄東境迨被擊於壽光全股潰敗復敢鋌險南來衝過六塘河意圖窺運幾於防不勝防幸各軍窮日夜之力截擊跟追仰仗天威渠魁就擒著名首要各匪殲除殆盡實足大快人心該將士等迅速赴功勤勞卓著合無仰懇聖恩准臣從優保獎以勵戎行上諭內閣張之萬奏官軍追剿擒逆疊獲大勝生擒首逆一摺逆首賴汶沈前隨粵逆擾亂東南各省十餘年復糾合捻逆竄擾陝鄂豫東江皖各省疊肆猖獗此次經官軍臨陣生擒著張之萬卽行提訊明確就地盡法處治以申國憲而快人心所有此次出力將弁兵勇紳團均著李鴻章張之萬查明擇尤保獎以示鼓勵○論軍機大臣等本日張之萬馳奏追剿擒逆大勝生擒首逆餘匪殲除殆盡一摺覽奏曷勝欣慰擒逆竄過六塘河時度深入江境或回擾皖豫又致蔓延經官軍奮力追剿將賴汶沈擒獲並將匪黨殲除殆盡逆首賴汶沈前據李鴻章奏稱在山東瀾河被剿窮迫落馬投水係屬獲賊所供續據該大臣奏稱該逆首淹斃水中天已昏黑究竟未實此次生擒該逆卽著張之萬提訊明確就地盡法處治此外尙恐有敗散餘匪分逃潛匿著李鴻章張之萬卽行派

兵分路搜捕不可稍涉大意致令餘灰復燃又成滋蔓難圖之勢晉省擒匪已竄濟源河北一帶勢甚喫緊著李鴻章仍遵昨日諭旨迅飭程文炳等軍兼程北上飭令相機迎剿毋稍延緩將此由六百里各諭令知之○調鍾秀為江蘇布政使以慮定勳為直隸布政使文彬為山東按察使由宛沂曹濟道遷○己亥諭軍機大臣等英翰奏皖軍續行戰勝會合各軍窮追並賊竄運西畱黃秉鈞帶隊各摺片牛師韓等於初七日帶兵由宿遷一帶東追敗匪連次戰勝斬殺甚多並收降馬賊三千餘騎方長華一軍亦於初五日在郟城截擊獲勝收降初八日馳抵宿遷會合牛師韓陳振邦等軍合力追剿昨據張之萬馳奏捻股南趨淮揚兩郡所屬各地方經清淮等軍與淮營將士追截疊勝並於初十日經道員吳毓蘭等在揚州灣頭地方將逆首賴汶洗擒獲大小賊目檢斬無遺其圖竄運西之賊亦經姚廣武於初八日夜間在平橋對岸轟擊堵禦未容搶渡

此次英翰所稱餘匪於初十日由平橋搶渡運河向西南奔竄是否另股匪徒搶渡運西人數究有若干著李鴻章張之萬英翰查明具奏並著督飭追剿各軍緊蹙匪蹤並設法迎頭截擊毋任稍行喘息盱眙蔣壩一帶並著英翰迅調皖軍扼擊母任賊匪搶過三河逸出平原又成蔓延不了之局記名提督黃秉鈞帶隊素稱得力見丁父憂著暫行賞假一月俟滿假後仍令赴營帶隊牛師韓等所收降眾見畱軍營者務當妥為駕馭遣散餘黨亦當妥籌安插不可稍涉大意另摺奏見飭程文炳赴援晉省通籌全局一摺並請飭官文嚴催等語晉省擒匪見已竄至濟源河北一帶情形喫重著英翰速飭程文炳啟程前進徑赴直隸或先赴河北彰衛懷等處迎剿著英翰飭令該統將沿途探訪相機辦理不可拘泥此軍行近直隸即著聽候官文調遣並著官文飛速催提北上母任延緩擒逆既竄濟源直境相距不遠官文曾否派兵嚴堵余承恩一軍曾否由直赴晉何以未見奏報著該署督將大順廣一帶迅籌布置母稍大意並飭余承恩速帶所部迎頭截剿是為至要將此由六百里各諭令知之○庚子以郭柏蔭署湖廣總督何璟仍護湖北巡撫○建江南死事官紳昭忠祠並婦女貞烈祠○辛丑 上詣

慈安皇太后 慈禧皇太后宮賀捷○李鴻章奏擒逆竄過六塘河時臣即飭駐守桃源運河之道員李昭慶等會同水師提督黃翼升就近馳往兜剿並函屬劉銘傳郭松林楊鼎勳督隊追擊六塘北岸餘賊仍分馬隊赴清淮協剿十二月初九日六塘北岸餘賊竄丁家紫朱林渡一帶總兵王有明等挑隊過河迎擊該逆驚潰我軍追至包家河頭賊竄無路環跪乞降計收撫一千數百人飭卹雜髮暫行安置其過河之賊竄至淮安經漕軍姚廣武擒獲數百人劉秉璋所部馬隊追及山寶交界張橋地方又擒獲數百人僅餘三四百人向寶應高郵一路竄去李昭慶連夜緊追劉秉璋添隊親督繼進黃翼升亦抽調礮船會同追剿又劉銘傳派陳振邦帶領馬隊會同皖軍程文炳牛師韓追往流陽初九日途遇賊酋任根住等百餘名乞降運東

六塘河以北已無餘匪劉銘傳等督隊由清淮追去十一日賊由邵伯欲往揚州爲六牯橫河急濶所阻折趨佃女廟竄向
泰州裏河一帶黃翼升礮船已進裏河劉秉璋馬隊亦可追及旋據派防揚州之統帶華宇營准勇卽選道吳毓蘭稟稱十
一日戌刻賊眾突至灣頭立卽出隊迎擊獲勝星夜派兵四路趕追該道督同遊擊梅宏勝等由運河東岸向前追殺遇賊
於瓦窯雨夜昏黑逆騎數百猝死拒戰五更時該逆縱火燒屋志在逃逸我軍冒雨直前欲殺吳毓蘭於火光中望見一騎
馬老賊手執黃旗指揮知是逆首連放數槍賊馬槍斃當將該逆生擒餘逆紛紛投河淹斃並擒賊眾三十餘名東路一股
勦滅無遺訊據賊眾指認生擒者實係逆首偽總王賴汶沈該逆亦自認不諱副將吳育仁等由運西沿河追殺三更時遇
賊於槐子橋馬賊正在放火我軍槍礮疊施殺賊百餘名生擒二十餘名餘逆向西南奔竄淮揚水師齊來兜剿西路餘匪
亦殄滅無遺所有著名擒酋皆在擒殺之內見仍四路搜追黃翼升劉秉璋李昭慶均督隊追趕接應等語查粵捻兩逆
糾合而成約有數股倡亂已十數載上年冬開始分爲二一竄陝西僞小閻王張總愚係張落刑之姪一竄山東僞魯王任
柱等係蒙毫捻首僞遵王賴汶沈係粵逆餘黨任柱馬步賊爲最善戰賴汶沈爲最善謀兩逆狼狽相依固結不解自親王
僧格林沁督兵苦戰數年賊漸窮蹙死黨已不踰萬四年四月僧親王殉節曹南匪勢驟張擄脅愈眾臣自維才力不逮遵
旨隨時咨商曾國藩以資裨益並與皖豫漕鄂各疆臣通力合作幸本年十月以來各軍疊次進剿已得機勢十一月間劉
銘傳唐仁廉等在濰縣壽光鈔擊一晝夜賊眾心悸投降遂多郭松林楊鼎勳潘鼎新繼之無戰不捷至二十九日壽光瀾
河之役劉銘傳郭松林楊鼎勳等斬獲幾三萬人賊之精銳器械羸馬輜重拋盡蓋軍興以來罕有之事敗賊到宿遷後沿
運乞降遠近軍民共知其窮蹙已極乃悍酋賴汶沈前在灤河落水未斃復糾同逆黨千餘騎衝出六塘河防經漕臣張之
萬調隊兜追黃翼升到秉璋李昭慶水陸進剿祇贖數百騎偪入高寶水鄉臣與曾國藩先派有華字營在揚州運河扼守
諸軍勦力前截後追竟能殲除全股肅清五省此皆仰賴臣聖主德威遠播廷臣贊化於內疆臣合謀於外數省將士竭力
用命艱險備嘗故收功如是之速臣與臣弟李昭慶受恩極渥無可報稱不敢再邀獎敘所有臣軍諸將勦捻三年論功以
直隸提督劉銘傳爲第一福建提督郭松林杭州副都統善慶提督陳振邦湖南提督楊鼎勳次之長江水師提督黃翼升
山東布政使潘鼎新山西布政使劉秉璋涼州鎮總兵周盛波又次之謹先開列各員伏懇恩施此次生擒逆首賴汶沈之
候選道吳毓蘭應請特恩優獎其餘出力將弁兵勇及籌餉轉運著有勞績人員容臣查明覈實分案列保又奏臣思目前
緊要之事須次第籌辦者實有數端東捻人數本眾臣仰體臣皇上好生之仁期撫兼施自十月間任逆伏誅卽示諭賊中

准令投誠免死嗣是我軍每次戰勝紛紛乞降自濟甯下至六塘河降眾與兵勇閒雜隨隊協勦者亦尚不少亟須清理安插其有田里可歸應分別資遣遞解回籍若無業游惰而又精悍能戰者暫畱營伍嚴爲約束漸化其桀驁之氣再謀分遣此安插降眾應急辦而難遽就緒之實情也東南及中原數省用兵年久物力凋瘵民氣浮驚游勇會匪到處糾劫尙須藉軍威以鎮懾臣部營數過多需餉甚鉅數年以來竭兩江之財力供億此軍羅掘淨盡而各營每年必欠放三箇月積逋如山曾國藩與籌餉司道屢請裁軍節餉臣以運防游擊多一營得一營之助未敢遽議今東捻既平必應陸續裁撤每裁一營應酌補欠餉若干糧臺並無存項須與督撫臣設法籌商未知能有鉅款否此等慣戰弁勇在營食餉尙可守法一經遣散其無業可歸者最易滋事以餉需時勢衡之皆須逐漸辦理此裁撤營勇應急辦而難遽就緒之實情也臣軍各統領營官從征年久東南肅清後卽求假歸比因中原多故未便遽允旋調勦捻馳逐數省轉戰終年臣去冬至徐州晤劉銘傳諄稱疲憊已甚欲速了此賊以求開缺歸農今春周盛波劉秉璋潘鼎新皆疊請開缺出於至誠臣以此捻未滅義無可辭郭松林八月來營卽約以賊平歸養楊鼎勳體弱多病更難久支今倖獲成功將士勞苦已極似應畱其有餘仍備異日馳驅臣自咸豐三年從軍今已十五年無歲不親戎馬勞苦焦思時懼隕越雖年未五十精力已不如前實難久忝重任俟裁遣稍有端緒應懇恩准將欽差大臣關防專員齎京呈繳至諸將請假當酌量准行或所部裁撤後酌飭赴任如堅請開缺果其情事不可強畱當再據實奏懇 上諭內閣據李鴻章馳奏派軍南追生擒賴汶沈餘逆勦滅淨盡紅旗夕至慶幸良深揜逆僞魯王任柱僞遵王賴汶沈糾眾肆擾流毒中原極惡窮兇神人共憤經朝廷特授李鴻章爲欽差大臣督師進剿廣設方略將士同心捷書屢奏旋斃任逆賊勢衰落率黨南奔復經劉銘傳等軍晝夜窮追未及旬日賴逆生擒其餘逆酋僞眾悉數殲除洵足以彰天討從此江南安徽山東湖北等省生民得以安業自宜特沛恩施以酬勞動湖廣總督一等肅毅伯李鴻章調度有方膚功克奏加恩著賞加一騎都尉世職直隸提督劉銘傳加恩著賞加三等輕車都尉世職福建提督郭松林湖南提督楊鼎勳副都統善慶加恩均著賞給騎都尉世職山東布政使潘鼎新著賞給頭品頂帶江南提督黃翼升山西布政使劉秉璋均著賞給白玉翎管各一箇大荷包各一對小荷包各一對火鍊各一箇白玉柄小力各一柄○諭本日據李鴻章奏馳奏剿除捻逆淨盡生擒首逆已明降諭旨將李鴻章等分別給予世職並升擢有差以昭懋賞因思此股捻逆擾亂江南安徽山東湖北河南等省各疆巨公忠體國共濟時艱或督兵出境調度合宜或轉餉籌糧軍行無缺洵屬同心協力一體有功允宜特加異數用普恩施大學士兩江總督一等毅勇侯曾國藩加恩著賞加賞一雲騎尉世職安

徵巡撫英翰加恩著賞給三等輕車都尉世職清運總督張之萬著賞加頭品頂帶並賞戴花翎河南巡撫李鶴年浙江巡撫李瀚章均著賞加頭品頂帶三品頂帶前任直隸總督劉長佑著賞加二品頂帶山東巡撫丁寶楨前任湖北巡撫曾國荃前因防剿不力分別懲處見在捻逆蕩平自應量予加恩丁寶楨著開復革職留任處分並賞加頭品頂帶曾國荃著開復頂帶用副朝廷論功行賞甄敘賢勞之意○諭軍機大臣等李鴻章奏籌辦目前緊要各事件等語李鴻章勦平捻匪克竟大功本日已明降諭旨將該大臣賞給世職以獎勞勩該大臣爲國宣勤身行在行間十有五載覽奏各情殊深屢念見在安插降眾裁留營勇各事宜尤須該大臣次第經理方臻妥協欽差大臣關防著毋庸齋宗恭繳俟善後各事辦理就緒再候諭旨此股捻患雖不根株是否淨盡該大臣仍當嚴飭各路員弁盡力搜捕毋使一名漏網宋憬詩牛遂任二厭等匪曾否殲斃抑尚在逃著確切查明毋令倖逃顯戮徐宿一帶向多土匪擾害地方正可乘此兵威搜除伏莽並著李鴻章會商張之萬妥爲籌辦以期一勞永逸各營將士從征日久勞瘁異常今幸巨患削平自應予以休息著李鴻章將所部各隊裁汰老弱妥爲資遣其得力可用者仍當酌量留營以備緩急之用河北防務喫緊劉銘傳所部最爲得力著飭該提督將所部稍爲休養整頓卽移得勝之師馳赴豫省相機防剿毋令晉捻得以奔突至將士久役於外敵愾同仇朝廷旣憫其勞且嘉其勇未可遽萌退志著該大臣加意拊循以示體恤見在捻竄晉豫之交毗連直隸卽著飭令善慶溫德勒克西統帶所部馬隊迅赴直省歸官文調遣以壯聲勢而靖畿疆將此由六百里諭令知之○諭官文奏西省戒嚴擬將兵勇分別撤調布置一摺所稱直隸西南北三路各隘口擬分派劉景芳姜國仲崔福泰等軍扼要駐守並飭唐訓方移紮唐縣廣昌各處布置均尚周妥卽著飭各軍星夜赴防嚴密守禦捻蹤已至河南濟源南路情形較爲喫重春壽所部馬隊著卽移紮臨洺關磁州等處相機防剿余承恩一軍務須越境與陝豫各軍會合兜擊迅趁逆氛所部兵力尚單著卽酌量添撥以壯聲勢東捻肅清沿河駐防各營應如何分別留撤著該署督妥籌辦理頃已寄諭李鴻章飭令善慶溫德勒克西等統率所部馬隊迅赴直隸會同防剿到直境後著卽分飭扼要駐紮以資得力將此由五百里諭令知之○諭左宗棠奏捻回土匪合擾郟陽等處先籌痛剿以免續竄晉境官軍入晉後剿擒屢勝賊向西南敗竄歸綏邊防無警已調馬隊由河南赴晉勦擒穆圖善奏河州東鄉回匪圖鈔官軍後路見在布置情形各摺片黃河西岸各匪糾合竄擾郟陽澄城洛川等處意圖內犯左宗棠見飭周紹濂等營分投防剿卽著檄飭派出各軍協力兜剿務將此股捻回土匪就地殄除毋令續渡冰橋更增晉境之賊其竄晉捻匪前據趙長齡李鶴年先後奏報該匪由曲沃南擾垣曲並已竄近河南濟源縣境河北軍情甚形喫重著

左宗棠仍遵前旨兼程赴晉惟匪蹤見已南趨應如何擇地駐紮居中調度之處並著妥籌辦理左宗棠當激勵官軍分路截擊以期一鼓聚殲毋令四出蔓延又成不了之局該大臣赴晉後並著庫克吉泰喬松年劉典督飭各軍嚴遏匪蹤毋稍鬆勁左宗棠以西路空虛庫克吉泰若復北行無軍援應著卽照所請庫克吉泰暫緩前赴陝甘毗境該將軍見在咸陽卽體察情形相機布置以壯聲援賊蹤距甯條梁雖遠包頭等處防務仍著裕瑞桂林妥籌兼顧嚴防回竄毋稍疏虞董高二逆老巢在花馬池一帶必須搗其巢穴方能制賊死命該處距甯夏甚近金順帶隊尙稱勇敢著卽挑選所部精騎並統率沿邊馬步各隊及胡世英各營剋期東征迅殲醜類甘肅河州東鄉回匪糾黨抗拒官軍穆圖善以兵力未齊尙難進取生將前敵事務布置暫行旋省卽著嚴檄王得勝等趕緊拔隊前進不准託故遷延穆圖善俟各軍進發仍卽出省督剿以肅事機正在寄諭間據左宗棠等奏雷正綰等軍進援慶陽沿途疊獲勝仗攻拔回巢收撫土匪雷正綰已抵盤客地方距慶陽僅八十餘里著左宗棠等嚴飭雷正綰統率所部與孟玉德等防軍互相聯絡掃蕩而前迅解城圍肅清疆圉將此由六百里諭知左宗棠庫克吉泰穆圖善裕瑞喬松年金順桂成並傳諭劉典知之○諭左宗棠奏請飭湖廣迅撥應解協餉採辦軍米等語本年陝西米糧昂貴軍糧缺乏採辦維艱據左宗棠奏湖北欠解五六兩月協餉銀四萬兩湖南欠解尤多亟應籌解採買以資接濟著郭柏蔭李瀚章劉峴何璟各飭該藩司由湖北迅撥銀四萬兩湖南迅撥銀二萬兩均解交陝甘後路糧臺交王加敏等委員採辦軍米分批轉運由漢江沂流而上入甲河至陝西山陽縣之漫川關陸運至西安以供軍食毋稍遲誤正在寄諭間左宗棠奏餉項將罄需用浩繁急請催提江南等省協餉援案擬借用洋商銀兩開單呈覽並請飭河南巡撫仍按月協解各摺片左宗棠新舊各營餉項積欠三四月不等需用浩繁必須及早寬備所有江南浙江湖北廣東應解同治七年正二兩月協餉及本年未解協餉著曾國藩瑞麟馬新貽郭柏蔭李瀚章丁日昌李福泰何璟各照單開如數籌撥務於明年正二月間解到該大臣軍營以應急需本年二月間左宗棠奏借洋款藉資接濟深有裨益自可援案辦理所有續擬借用洋商銀二百萬兩除已諭總理各國事務衙門辦理外著曾國藩瑞麟英桂馬新貽郭柏蔭李瀚章丁日昌李福泰下寶第何璟傳諭各關監督按單各出印票由各該督撫加蓋關防發交道員胡光墉迅速籌辦會同應寶時與洋商交割分批起解左宗棠原單均著鈔給閱看河南部定協甘餉銀該省未能照解著李鶴年仍照部議按月籌撥銀一萬五千兩解交左宗棠軍營母稍稽延將此由五百里諭知曾國藩瑞麟英桂馬新貽郭柏蔭丁日昌李瀚章劉峴李福泰李鶴年下寶第並傳諭何璟知之○壬寅諭內閣昨據李鴻章馳奏山東江蘇捻股全數蕩平業經降旨宣示因思

博多勒噶台親王僧格林沁前在河南山東安徽湖北等省勦辦捻匪疊著戰績方冀剋期奏功旋因追賊山東於曹州確難見在山東等省捻股肅清朝廷追念該親王爲國捐軀益深悽惻伊子伯彥諾謨祐著加恩賞用黃纁用示眷念舊勳有加無已至意○諭軍機大臣等左宗棠奏率師入晉啟行日期一摺賊匪由垣曲東竄河南濟源縣境劉松山郭寶昌兩軍已落賊後喜昌等前赴澤潞馬隊亦成尾追之勢左宗棠見擬親督兵勇由晉省赴直隸迎頭繞截惟賊騎剽疾異常見已竄至濟源恐其深入河北各州縣地方平原曠衍奔馳益疾左宗棠當隨時確探賊蹤應由何路繞道東行著隨時酌度辦理總期遣行迅速繞前堵截不可落後尾追致成不了之局所有陝省軍務卽交庫克吉泰喬松年劉典督辦務期就地將回捻各逆殄除毋稍鬆勁捻股是否全數竄入濟源抑另有分股盤踞晉省見在晉省勦辦情形若何著趙長齡速行具奏並著該撫迅督各軍嚴密布置扼守要隘毋任續渡冰橋直隸與晉省交界各要隘已據官文奏稱派兵堵截著卽飭令在防將士實力嚴守不准稍形鬆懈余承恩一軍並著官文飭令迅速入晉助剿李鶴年當飭河北防軍認真堵截並嚴催張曜等軍兼程馳赴河北會合各軍截擊毋任蔓延將此由六百里各諭令知之○癸卯命嗣後各項勞績不得援軍營請獎章程以杜冒濫○甲辰諭軍機大臣等丁寶楨奏河牆事竣暫駐省城李鶴年奏捻逆紛竄河內等境見在接仗情形各一摺張總愚捻股由濟源竄擾河內溫縣李鶴年見調崔廷桂等軍分路進剿卽著該撫剋日出省馳赴衛輝一路就見有兵力認真堵蕩務將此股就地殄除毋任蔓延此股捻逆是否全數竄豫著趙長齡確探賊蹤實力防剿儻再一味顛預縱賊殃民坐失機宜趙長齡自當得何罪該捻已竄至河內溫縣左宗棠由何路繞道東行親爲調度之處著懷遵前旨酌度情形迅速前進劉松山郭寶昌等軍並著該大臣催令星馳進剿不得徒事尾追捻蹤剽疾直隸邊防緊要著官文卽日前赴省南扼要駐紮嚴飭在防將士合力堵剿毋稍疏虞陳國瑞見在行抵何處著官文檄令趕緊前進前令該員會合張曜宋慶等軍入晉見既未能久待卽著官文先行抽撥勁旅交陳國瑞統帶視賊所向迎頭截擊統由該署督相機辦理余承恩一軍並著官文檄飭星速赴晉張曜宋慶兩軍李鶴年務催兼程前進會同剿洗以厚兵力捻擾河北東昌臨清等處亦宜先爲之備著丁寶楨嚴密防維妥爲布置正在寄諭間復據趙長齡馳奏捻逆南竄情形一摺卽著該撫馳赴澤州相機防剿不得沿途遷延致有疏失劉松山郭寶昌兩軍並著催令兼程追剿毋使賊得喘息其沿河防務卽遵前旨由陳湜辦理以杜東竄所有山麓餘匪仍著認真搜捕失守文武及陣亡殉難官紳卽行查明具奏毋稍延宕將此由六百里各諭令知之○諭張之萬奏派隊搜捕逃匪請飭皖軍搜剿一摺官軍檢獲賴逆後敗殘餘匪尙在天長盱眙一帶肆擾亟應嚴密

搜捕即著英翰督飭官軍認真搜捕毋畱餘孽並著李鴻章張之萬各派兵弁會同搜捕務期淨絕根株毋使一名漏網蒙
毫爲該匪老巢難保無餘匪雜髮逃回潛圖勾結並著英翰責成各州縣隨時嚴密搜拏儻有潛匿匪徒准各堡寨捆送究
辦以期緜靖閭閻至西路捻逆見在竄至河內等處官軍由北路進剿恐其乘此冰凍渡河南竄思回老巢著李鴻章英翰
於皖豫邊境派兵豫爲截剿地步免致臨事周章以期一鼓蕩平將此由六百里各諭令知之○諭晉省係完善之區且爲
京協各餉所自出自陝西捻回竄擾鄰延綏各屬後晉省西河一帶處處毗連疊諭該撫趙長齡督飭臬司陳湜嚴防各渡
口該撫等宜如何實力堵禦以保完善乃於十一月二十二日竟任捻匪由吉州之七郎窩紛紛東竄擾及平陽洪洞曲沃
河津等邑嗣因陝軍緊蹙賊蹤復由垣曲竄至河南濟源等處據李鶴年奏懷慶之河內溫縣濟源各處賊匪蔓延趕緊調
撥兵將力籌堵剿而趙長齡自報捻逆到垣曲境後未見將匪至何處晉境有無竄匪及見在防剿情形隨時陸續奏聞以
慰焦盼其平日之布置乖方臨時之束手無策已可概見除將趙長齡陳湜先行交部嚴議外著鄭敦謹於到晉後將該撫
所辦軍務如何疏懈一切吏治如何廢弛之處確查並將捻逆竄吉州時太原鎮總兵陳必友駐防何處賊竄之渡口何人
帶勇駐紮何人督防暨該管地方文武員弁一一查明據實具奏再防河係該員弁專責苟能身歷河干督率兵勇嚴密堵
遏何至任賊紛渡冰橋該撫所奏當日接仗情事恐有不實不盡著一併確查覆奏將此密諭知之○諭穆圖善奏進取河
州東鄉回巢情形各摺片據奏因南路兵力未齊業已暫行回省著仍遵本月二十二日諭旨嚴檄王得勝等前進俟各軍
進發該將軍即由省督剿將河州東鄉等處回匪次第殲除毋任再行滋蔓成祿圍攻肅城久無功效見在關外兵力尙單
望援甚切成祿著即統帶原部剋期出關剿辦哈密等處賊匪毋庸辦理肅州軍務致阻師行所有西路各營著交楊占鼇
總統以專責成甘州提督即著楊占鼇署理穆圖善務飭該署提督激勵各營將肅城迅速攻拔痛掃逆氛並將甘涼各屬
防守事宜妥爲籌辦以副委任儻日久無功即著穆圖善據實參奏毋稍回護甘肅西路軍務已交楊占鼇接辦穆圖善仍
隨時知照左宗棠會商妥籌期臻周密黃祖淦賊陣亡前據成祿奏到將該總兵照提督陣亡例議卹矣穆圖善請准黃
祖淦靈柩馳驛回籍沿途照料之處殊於體制未合著毋庸議將此由五百里各諭令知之○乙巳諭軍機大臣等都興阿
等奏擬辦昌圖廳增添民戶並都興阿查廣甯開墾荒地開單呈覽各一摺奉天昌圖廳地方向有墾地民戶兼之民招
民佃人戶日繁見經都興阿等飭屬清查續行增添之戶共有五十二社較從前奏畱佃民原數已添至六萬二千餘
戶之多並飭昌圖廳同知杜芬等會同委員攜帶各社佃民底冊挨戶抽查及選充鄉長編管各情固屬正辦惟該民戶等

戶口較舊增至十倍其中良莠不齊且地方遼闊額設正佐無多稽察一有不周必致藉端滋事仍著該將軍等悉心籌度應否添設官員明定章程以垂久遠之處於議定後詳細奏聞不得將就了事貽患將來其廣甯盤蛇驛開墾荒地邊據有人奏參諭令都與阿詳細據實具奏茲據該將軍奏遵查原辦情形並單開各款雖所稱委員楊得富查報各節尙屬有因而於是非曲直毫無斷制殊非覈實辦公之道著都與阿 奉慶次諭旨將委員等有無浮收勒索派情事及墾地招佃各情形再行確查定擬具奏將此各諭令知之○諭曾璧光奏賊攻安順府城旋經官軍擊退請飭劉嶽昭暫緩赴滇各摺片鎮甯州屬踞匪分股勾結苗教各賊攻撲安順府城疊經官軍痛懲郡城解嚴勦辦尙爲得手該城善後防守事宜曾璧光當督飭屬員妥爲布置並著該署撫嚴檄各軍乘勝進攻將賊匪次第掃除廓清疆圍前據該署撫奏請飭劉嶽昭移師貴陽助剿當經降旨允准著曾璧光懷遵前旨咨會劉嶽昭暫行留省與張文德分投進剿龍里貴定各匪一俟賊事即催令劉嶽昭前赴雲南新任毋稍遲延將此由五百里諭令知之○丁未以裕祭 太廟 上前期詣詣行禮○諭軍機大臣等前因左宗棠奏請借用洋商銀兩當經諭令該衙門妥籌辦理茲據總理各國事務衙門奏稱照案借銀行息太重四成洋稅一項不妨暫爲通融請將左宗棠原擬代借之款劃分爲二一半提用洋稅一半由各海關向洋商借用開單呈覽等語左宗棠軍餉待用甚急該衙門所籌辦法既可節省息銀又可不誤要需自是兩全之道即著曾國藩等按照該衙門所擬各節先由應解部庫四成洋稅項下提出銀一百萬兩飛速解交左宗棠軍營支用其一百萬兩由各海關出具印票由各督撫加蓋關防交胡光墉應賣時向洋商借用由江甯等省各藩司於應協甘餉項下撥還並委解部庫交納歸還四成洋稅之款仍足二百萬兩之數左宗棠於上兩項銀兩隨收隨報總理各國事務衙門俾便查催該大臣素顧大局必能仰體籌餉之艱撙節動用迅速逆氣以慰朝廷西顧之憂其單開數目著各該督撫等督飭按月分別起解毋許稍延至四成洋稅係解部要款並著按期撥解如有遲延即著照撥解京餉章程查明參辦原摺單均著鈔給閱看將此由六百里諭知曾國藩左宗棠英桂馬新貽瑞麟郭柏蔭丁日昌李瀚章卞寶第李福泰並傳諭何璟知之○戊申諭軍機大臣等左宗棠奏捻逆東竄見籌截餉情形丁寶楨奏捻竄豫疆籌布河北勦辦事宜各一摺賊蹤東趨河南衛輝府境左宗棠見飭喜昌等入直隸磁州出廣平順德一帶攔截劉松山等繞出賊之北面向南壓剿即著嚴檄各軍分路進攻迅速逆氣左宗棠見由蒲州渡河取道聞喜翼城東趨入直應如何擇要駐紮居中調度之處著左宗棠妥籌辦理喜昌等馬隊到河南彰德後即可迎頭截剿不必拘定指示道路以免紆折張曜余承恩宋慶程文炳各軍著官文李鴻章李鶴年催令該員等分途前進星

速會剿左宗棠以捻逆中有宋憬詩之黨難保不徑趨大名一帶以杜句結前已寄諭李鴻章飭令劉銘傳善慶等所部稍爲休息移師赴豫卽著左宗棠與李鴻章會商檄飭該提督規賊所向實力殲除各軍到防後均歸左宗棠節制調遣官文當懷遵前旨馳赴省南嚴密布置母稍疏虞見在駐京之黑龍江馬隊一千名著神機營王大臣整頓齊備後派往直隸並見在直隸之吉林馬隊均交春壽統帶歸官文調遣以資厚集捻匪併趨河北亟應迅加剿辦東捻見已殄除著李鴻章統率勁旅前赴河南豫爲截剿地步以免臨時周章如衛懷一帶兵力不敷並著添派得力之師渡河會剿趙長齡見由韓侯嶺進駐澤州一帶務當督飭嚴密守禦遇賊卽擊臬司陳湜見駐何處西路河防仍督同該臬司認真截剿儻任賊賊續渡冰橋惟趙長齡陳湜是問李鶴年扼紮衛輝著卽就見有兵力攔頭截擊毋任匪勢蔓延東昌一帶防務緊要著丁寶楨檄飭派出各軍妥籌防守該撫並卽親赴東昌相機布置丁寶楨所調吉林黑龍江馬隊務當趕緊訓練俾得迅速成軍以備調遣將此諭知神機營王大臣並由六百里諭知官文李鴻章左宗棠丁寶楨李鶴年趙長齡並傳諭陳湜知之○己酉諭軍機大臣等前因山西臬司陳湜防河不力曾予嚴議旋加恩改爲革職畱任原冀策其將來茲據喬松年奏稱陝捻竄渡冰橋陳湜所部勇丁先潰且當河防緊要之時潛行回省而其營中幕客代稟左宗棠巧爲掩飾晉省失事罪在陳湜覽其所奏各情是陳湜之貽誤地方殊堪痛恨而其族人陳膺福捏稟李鶴年各情實爲營中惡習著鄭敦謹於馳抵太原後按照喬松年摺內所陳明查暗访據實奏聞斷不可稍涉徇隱致有貽誤原摺著鈔給閱看將此由四百里密諭知之○是月豁免浙江仁和等六場未墾竈地錢糧蠲免雲南嵩明等十三州廳縣歉收上年額賦蠲緩直隸通州等六十一州縣被旱新舊額賦雜課並民借倉穀浙江海甯等六十州縣杭嚴等三衛荒歉田畝額賦西興等四場被水竈課廣西新甯等三十一州縣被擾額賦湖北沔陽等二十二州縣暨武昌衛水旱被擾新舊額賦雜課湖南澧州等九州縣暨岳州衛被水額賦雜課河南鄭州等七十九州廳縣水旱被擾新舊額賦江蘇太倉等三十九州廳縣蘇州等五衛荒歉田畝暨高郵等二十九州廳縣淮安等五衛水旱新舊額賦雜課展緩江蘇宜興等五縣被擾額賦吉林三姓五常堡被水新舊額賦倉穀緩徵山西薩拉齊廳被水新舊額賦倉穀暨平遙縣被水江西蓮花等二十三廳縣被水被旱安徽泗州等三十八州縣被旱被水被風被蟲新舊額賦賑直隸開州等三州縣被水災民並蠲緩節年錢糧雜課倉穀○是歲朝鮮琉球入貢○會計天下民穀數除江蘇安徽福建廣西陝西甘肅雲南貴州未經冊報外奉天等省通共大小男婦二萬三千六百六十三萬六千五百八十五名口存倉米穀二百九十七萬一千六百一十石七斗七升四合八勺

同治七年戊辰春正月庚戌朔元日節停止筵宴○李鴻章奏道員吳毓蘭稟稱擒獲逆後仍派隊在河西搜捕逃匪上年十二月十二日零星馬賊均經官軍追獲惟霧雨迷離尚有敗匪向天長逃去李昭慶派道員余思樞等馳抵天長探詢賊股十餘人竄天邑之汶澗被鄉團擒殺淨盡另股二百餘人由來安之自來橋竄往盱眙津泥鎮十六日余思樞追及之督營兜擊殺賊多名又據提督李世忠稟稱前蒙撫臣英翰屢邀助辦勦撫今因賊被圍困恐其竄逃趕赴舊縣團防適敗賊由自來橋逃至內有偽衛王李允等跪求投誠查點擒黨約二百餘名當誑勸李允等隨該提督由水路速赴大營立功自贖查逃匪既在皖境李世忠係英翰屬令招撫李允等酋已解送潁州英翰當能相機辦理不至復爲後患聞牛遂任三應皆在其內想英翰分別妥辦奏報在途此股擒賊業經勦撫淨盡臣軍馬步各隊即飭撤回原防休息至逆首賴汶沈一犯准兩江督臣曾國藩咨稱已在揚州就地正法再賴汶沈親筆供詞內稱任柱牛宏升張總愚李蘊汰等皆係擒首任柱已在頓榆殲斃牛宏升卽牛洛紅上年經周盛波戰敗受傷而斃牛遂卽牛洛紅之子李蘊汰卽偽衛王李允合併聲明上諭軍機大臣等李世忠雖係英翰屬令招撫惟李允等三犯流毒數省生靈受害無數被勦後窮蹙無路始行投誠勢難再事姑容著英翰卽將該三犯審訊明確就地盡法處治以快人心而申國憲其餘投誠各犯亦宜分別情罪嚴行懲治不可稍從寬貸此外有無零星逃匿餘匪並著英翰派兵嚴搜淨盡以絕根株不得稍存大意河北擒匪見已竄至懷慶並有擾及衛輝之說勢甚剽疾李鴻章當懷遵前諭迅飭劉銘傳善慶溫德勒克西督率所部兵勇馬隊馳赴河北一帶迎頭截勦務期就地殄除毋任紛擾此股擒匪有宋憬詩餘黨在內尤恐其句結東昌臨清等處教匪致滋蔓延李鴻章當豫籌防範並著另添兵勇親行督帶於黃河南岸擇要扼守以便就近調度程文炳一軍仍著英翰飭令剋期拔營馳赴北路探賊所向迎頭截勦逆首賴汶沈業經正法並著李鴻章傳檄河北直東一帶以襄張總愚股匪之膽仍應相機勦撫兼施冀孤賊勢以便迅速殄除前諭官文出省督防見想已赴大名廣平一帶扼要駐紮陳國瑞計到正定著卽分撥兵勇交合管帶迅往勦賊並迎提由直入豫各軍星速前進以厚兵力將此由六百里各諭令知之○命吏部尚書朱鳳標協辦大學士○壬子諭軍機大臣等張之萬奏籌辦江北善後事宜英翰奏行抵壽州任事餘擒投誠見在辦理情形續派勁軍馳援河北各摺片擒逆餘匪竄近來安盱眙地界李世忠督團迎擊逆匪勢蹙投誠該提督恐其情急南竄裹脅又多將此股全數招降李世忠勇於任事力顧大局所籌甚合機宜惟李允任三應牛遂實爲著名悍賊斷難倖逃法網著英翰仍遵前旨訊

明後盡法處治以快人心其餘投誠各犯並著察看情形妥籌辦理蒙亳一帶爲捻逆老巢見在零匪既已搜捕殆盡英翰當慎選牧令除莠安良以清盜源毋令萌孽潛滋所有蹂躪地方尤宜加意拊循妥籌善後程文炳一軍英翰見飭由臨清鉅鹿一帶探明賊蹤相機迎擊並續派牛師韓方長華兩軍由汴梁馳赴河北作爲遊擊之師頗能不分畛域即著分檄各軍星馳前進一面咨照官文李鴻章李鶴年悉心會商相機調度江北土匪乘機竊發亟應嚴行搜捕著張之萬檄飭姚廣武等軍實力搜擊務絕根株所收降眾該漕督見擬資送回籍應如何妥爲安置之處著張之萬悉心辦理以免別滋事端將此由四百里各諭令知之○定浙江減兵增餉章程○癸丑諭軍機大臣等官文奏豫省匪蹤竄向東南見籌布置並請暫緩出省各摺片捻股麇聚衛懷各屬直省防務日緊且無知兵大員前往督勦各將士尤難用命官文仍當懷遵疊次諭旨相機出省馳赴大名廣平一帶扼要駐紮該署督素能任事諒不至有誤事機其唐訓方等軍即著飭令前往妥籌布置余承恩一軍仍著遵奉前旨迅赴河北追勦如該員所部不敷並著官文另籌添撥該道員受恩深重正宜及時立功不得株守直境希圖安逸直省門戶固應嚴防然賊氛既近亟宜分兵出境截勦不得畫疆自守任賊紛擾前有旨令李鴻章即赴河南督軍迎勦著該大臣迅督諸軍入豫扼要兜擊劉銘傳善慶溫德勒克西各軍著該大臣仍遵前諭催令分路迅速毋任遷延山東曹鉅一帶爲捻逆往來熟路匪蹤見竄延津封邱等處難保不乘勢東趨著丁寶楨豫籌防守毋待逆氛迫近徒費周章程文炳一軍昨據英翰奏稱飭由臨清鉅鹿一帶前進並續派牛師韓方長華兩軍由汴梁馳赴河北著即飭令星速前行以資勦擊李鶴年計已馳抵衛輝即著就見有兵力督飭各將弁實力兜勦不可專恃援軍致賊勢日形延蔓陳國瑞已赴廣平惟所部無人不得不酌爲抽撥宋慶諒入豫境並著李鶴年派員催提與陳國瑞合併成軍至河北一帶合力迎勦官文亦當飭該侍衛迅速前赴母稍逗留官文另片奏請截匪餉銀先行動用等語部庫餉需原不得任意截留所有湖南省前存直隸藩司庫內解京餉銀十七萬兩零如已動用著即籌款歸補委解部庫其請飭部撥銀二三十萬並天津新關稅銀暨撥長蘆運司鹽斤復價一款已令戶部速議矣將此由五百里各諭令知之○乙卯諭軍機大臣等穆圖善奏定邊等處勦賊獲勝金順帶兵東勦等語賊匪攻撲定邊安邊縣井各城堡均經官軍擊敗雖受懲創尙未遠颺金順見在帶兵馳赴東路會勦著即將定邊等處股匪迅速撲滅毋稍稽遲前有旨令金順挑選所部精騎並統率沿邊馬步各隊及胡世英各營剋期東征該署將軍見統各軍不下二十餘營兵力較厚自當遵奉前旨先將花馬池一帶葦高二逆老巢攻克拔其根株再赴延安所屬督飭各營節節掃蕩以保晉甘門戶並著庫克吉泰喬松年劉典調派陝軍與金順聯絡

會勦母得稍分畛域花馬池一帶距晉省包頭等處不遠裕瑞桂成尤須加意防範母令該匪闖入邊境張總愚股匪見已由懷慶竄至衛輝所屬各邑左宗棠帶兵入晉見在行抵何處著即迅速取道繞前截勦母任蔓延穆圖善另片奏正甯縣城被回匪攻陷寶雞回匪退竄回巢等語著穆圖善速派兵勇將此兩股逆回實力掃除並著庫克吉泰喬松年劉典派兵嚴防陝省邊境與甘軍會籌勦辦母任再行東竄將此由六百里諭知左宗棠庫克吉泰穆圖善裕瑞喬松年金順桂成並傳諭劉典知之○廣湖北黃陂縣學額六名四川鹽亭一名○予甘肅陣亡署訓導李蓬峯署典史彭覺祭葬世職○丙辰英翰奏查李世忠所收降眾大頭目八人小頭目三十五人李允牛遂均在其內任三應前在揚州已渡河淹斃李允實爲逆首該匪倡亂十餘年流毒數省自_臣擒獲張落刑後元惡雖除而該逆與任柱張總愚等結爲死黨奔竄於江淮東豫之間罪難擢髮此次奔入皖境雖於李世忠處俯首乞降實由牛遂與眾小頭目首先歸誠該逆見羣情已變始相隨就撫逆其罪大惡極本應卽行正法惟思該逆係蒙宿一帶著名巨首自應恭候諭旨飭下再將該逆明正典刑並傳首淮北等處以昭炯戒其牛遂一名雖係牛洛紅養子年僅十七歲從逆未久且係爲任李兩逆所脅此次首先投誠實爲真心悔罪李允之得以就獲者亦得牛遂等之力爲多擬將其暫留軍前責令立功贖罪其餘降眾大小頭目四十餘人除任夸任罷亡等係任逆弟兄業經分別正法外餘均編伍歸營安插妥協斷不至再生事端李世忠辦理此事相機收撫不勞一軍卒獲渠首應如何優加賞賚之處出自 鴻慈所有皖營尤爲出力將領謹繕清單隨摺保奏伏候恩施 上諭內閣擒首偽衛王李允係著名巨擘曾受粵逆僞封與任柱張總愚等逆分竄江蘇安徽山東河南等省到處肆行蹂躪此次逃入皖境窮蹙詐降覈其罪狀擢髮難數自應立予顯戮以快人心著英翰將該擒首李允卽行就地正法毋庸解京並傳首犯事地方用昭炯戒其餘降眾均著妥爲安插以示朝廷咸與維新至意○諭前因安徽軍務未竣疊經諭令丁憂巡撫英翰毋庸缺並賞假一箇月治喪假滿作爲署任茲據英翰奏稱軍務肅清籲懇扶柩回旗補行穿孝等語見在東捻雖已蕩平而撫輯降眾撤軍籌餉各事宜均關緊要著英翰將一切善後事務籌辦妥協再行回旗補行穿孝英翰回旗後安徽巡撫著吳坤修署理○諭軍機大臣等左宗棠奏吉林馬隊勦擒大勝英翰奏續派勁軍馳赴北路趙長齡奏請飭余承恩統師入晉各摺片左宗棠所派喜昌等各馬隊行抵河內縣屬之合村地方突遇捻騎圍撲喜昌等列隊迎擊槍礮環施計經一晝夜之久共斃悍賊一千餘名賊眾大潰實屬奮勇可嘉所有此次尤爲出力各員著左宗棠擇尤保獎河北賊蹤麇集必須大兵會勦方能痛掃逆氛左宗棠見因澤潞一帶積雪難行擬從平陽大道入山趨遼州由直隸順德一路前赴河北著卽探賊所向繞前壓勦劉松山郭寶昌業

已馳至濟源即著飭令該提督等會同喜昌等乘勝兜擊毋任該逆得以喘息副都統安住廷不出隊殊屬乖謬著即革職留營以觀後效所有安住全福所帶馬隊著交喜昌統帶俾資得力前有旨令李鴻章催令劉銘傳善慶溫德勒克西迅赴河北該提督等諒已登程仍著遵旨檄催分路前行不准稍有延緩李鴻章亦當迅督各軍前赴河南相機調度英翰見改派陸鴻慶等隨同牛師韓前赴河北隨地遊擊騰出方長華一軍仍由河北馳赴直豫所籌尚安著即分飭該將弁等剋期前進其程文炳一軍亦即檄令由臨清鉅鹿一路趨行以便會合諸軍奮力勦擊李鶴年計已馳抵衛輝何以數日來未見奏報著該撫迅將近日軍情賊情詳細奏聞並著督飭各軍乘勝兜擊以期就地殄除趙長齡奏晉省見無賊蹤與臬司陳湜分籌防堵並調余承恩赴晉余承恩一軍見在直境勦賊毋庸調派前往俟各援軍到直後再候諭旨遵行西路河防仍形緊急著趙長齡傳知陳湜嚴密防守如再有一賊渡河致晉西復遭蹂躪即將該臬司軍法從事該撫等具有天良諒不至仍前玩泄增朝廷西顧之憂正在寄諭間據官文奏稱前敵各軍迎勦情形並賊蹤擾及開州暨張曜宋慶兩軍已抵封邱各摺片撿逆由臨漳等處分股渡河經同知余沛恩等會督兵勇迎勦獲勝其由內黃過河之賊見已擾及開州之井店地方直省軍情甚屬喫緊著官文懷遵前諭剋期馳赴大名廣平一帶相機扼紮並嚴飭唐訓方等各帶所部趕緊分布毋稍疏虞春壽富和所帶馬隊尙稱得力並著該署督令其合隊迎勦毋庸另行分撥致形單薄駐紮南苑之黑龍江馬隊一千名著神機營飭赴直隸交春壽統帶並歸官文調遣以厚兵力張曜宋慶兩軍已抵封邱即著官文李鶴年等檄令張曜等繞出賊前與直隸各軍合力痛加勦洗以遏北犯陳國瑞已由廣平進發著即會合張曜宋慶兩軍實力進勦如張曜等軍一時未能會合或先與春壽所統馬隊會齊以便相機截擊賊蹤逼近畿疆李鴻章英翰務當嚴飭劉銘傳程文炳各軍並善慶溫德勒克西等馬隊兼程前來如有遲延玩誤等情惟李鴻章等是問丁寶楨前奏正月初旬親赴東昌相機辦理見在賊蹤北竄該撫計早出省著即迅派勁軍赴大廣一帶迎頭截擊其吉林黑龍江丹丁馬隊如已訓練齊集亦即派赴直隸交春壽統帶該副都統久經行陣帶隊素稱得力著官文傳諭該副都統會合各軍步隊實力迎勦官文所調洋槍礮隊及津軍馬步練兵即著崇厚遴選得力員弁管帶啟程交官文調遣以資厚集津郡一帶亦宜豫防著崇厚挑派得力之兵嚴密布置庶免臨時周章將此諭知神機營並由六百里各諭令知之○諭英翰奏提解捻首到營分別安插降眾一摺牛遂一犯既據英翰奏稱從逆未久首先投誠情稍可原著免其一死仍著英翰將該犯嚴加管束如敢滋生事端立即正法毋稍姑容其存畱降眾尤當設法箝制免致反側以弭後患任三應即任三厭據稱於揚州渡河時淹斃是否確鑿著李鴻章張之萬英翰確切查明毋令倖逃顯戮將此由五百

里各諭令知之○諭王通奏西甯府屬漢回互關北川失陷一摺此次北川新城地方被十三莊回匪攻陷又復句結撒拉回眾焚掠威遠堡附近漢莊情形甚爲猖獗王通因兵力不厚暫且辦撫而西甯郡城並無道府大員駐紮王通遇事無所咨商著穆圖善迅催蔣凝學前赴西甯與王通隨時商酌以期有濟其新降回目馬朝清並著穆圖善催令前往毋稍遲緩將此由五百里各諭令知之○諭李雲麟奏患病未痊懇請開缺並舉員自代一摺已賞給錫綸頭等侍衛作爲布倫托海幫辦大臣矣惟錫綸雖熟悉北路情形而閱歷較淺恐未能措置合宜此時畀以幫辦之任藉資造就李雲麟毋庸開缺仍當會同明瑤錫綸遇事和衷商辦以期有濟布倫托海新設辦事大臣本係李雲麟勅議乃事當開辦之始卽諉之他人揆之人臣事君之道豈宜如此著卽仍遵前旨力疾從公督率棍噶札勒參將所籌各事宜妥爲經理以副朝廷終始保全之意將此由五百里諭令知之○賞刑部郎中錫綸頭等侍衛爲布倫托海幫辦大臣○以安徽官軍扼守運河疊次勦賊出力賞提督李世忠福字珍物總兵官張得勝雲騎尉世職提督黃秉鈞等升敘開復有差○丁巳諭軍機大臣等昨據官文奏稱賊竄開州所屬井店地方曾諭令官文迅卽馳赴省南並令李鴻章等催提各軍迎頭截擊見聞捻逆分三股希圖肆擾牽掣兵力而直豫兵勇不多宋慶等軍未能遵旨前進致落賊後劉松山等軍遠在濟源河北爲完善之區儻任賊飽掠裹脅必致逆倮愈張且與畿輔路路可通設被闖入李鴻章等豈能坐視前諭李鴻章催令劉銘傳等軍由直隸迎剿至今並未覆奏李鶴年出省後勦辦情形亦無一字奏報殊可駭異著李鴻章迅催劉銘傳善慶溫德勒克西等軍兼程前進探明賊蹤所向分投迎剿並著李鶴年催張曜宋慶兩軍繞出賊前迅圖殲滅程文炳一軍近日行抵何處著官文英翰分別提催此次捻逆由晉竄豫所調各軍若能迅速前來迎頭痛剿河朔三郡何至徧遭蹂躪軍行遲玩殊堪痛恨本當嚴加懲處念其曾著勞績暫緩譴責若再任意遷延必將該將弁等嚴辦以肅軍律左宗棠亦當趨程前赴順德總統諸軍向南壓剿並催劉松山等軍繞出賊前毋再遲延李鴻章何日啟程著卽迅速馳奏匪蹤擾及畿南該大臣如由山東徑趨直境督率所調各軍自北而南節節進剿較爲得勢並著相機辦理官文計已出省當激勵諸軍分投堵剿斷不可稍有姑息貽誤大局儻將弁中有巧猾延玩者卽奏明以軍法從事如該署督有心隱諱經朝廷別有訪聞則責有攸歸恐不能當此重咎也將此由六百里加緊各諭令知之○諭左宗棠奏涇州解圍攻克鄧家堡等處一摺譚玉龍等軍攻拔寨店鎮回巢後旋將裊裊山土匪殲斃涇州得以解圍該匪雖經擊敗難保不再圖窺伺著庫克吉泰喬松年劉典檄飭譚玉龍黃鼎兩軍分駐邠州瓦雲驛寨店鎮等處嚴密布置務將該匪節節掃蕩迅就殄除雷正綰一軍進攻鄧家堡等處疊有斬擒慶陽道路已通該郡爲運糧要道並著嚴

檄雷正綰統率所部轉戰而前直搗堅巢母令慶陽再被匪圍致糧道復行梗阻庫克吉泰等仍當與左宗棠隨時咨商將一切機宜會籌辦理將此由五百里諭知左宗棠庫克吉泰喬松年並傳諭劉典知之○戊午諭軍機大臣等據官文馳奏賊勢北趨請飛調客兵入直各摺片崇厚奏派撥洋槍隊等軍助剿一摺覽奏曷勝憤懣張總愚等股匪前由陝省渡河入晉時即經諭令李鴻章李鶴年英翰飭令張曜宋慶並劉銘傳程文炳等軍迅速渡河分由直豫迎頭截擊疊經嚴諭催提昨因捻由河北竄近直境復經諭令官文李鶴年催提張曜宋慶兩軍繞出賊前會合直軍痛剿乃各路統兵大臣並各該省撫臣膜視玩延並不實力催提星夜前進以致處處落後任令賊由臨漳內黃竄過漳河邊馬擾及順德所屬大股由東北平鄉雞澤南和等境狂竄直向北趨李鴻章等各擁重兵坐視觀望毫無急難之意是誠何心捻股裹脅日眾畿輔東北一路兵力未厚設因客兵未齊蔓延益甚震及近畿一帶尙復成何事體見在軍情萬分喫緊張曜宋慶兩軍已行抵封邱李鶴年自當先其所急飛檄該總兵等不分晝夜兼程統軍入直繞前截剿並著李鴻章親督所部各營由臨清德州一帶剋日馳赴直境相機截剿不得稍遲片刻劉銘傳善慶溫德勒克西等軍期平東捻爲日已多將士早可休息並不趕緊前進皆李鴻章督催不嚴之咎著該大臣限日飭令迅赴直境迎頭截剿左宗棠見在行抵何處劉松山郭寶昌兩軍於初三日馳過漳河追剿尙屬出力仍著官文左宗棠飛速催提繞前迎擊總期將賊逼出直境爲要並著官文先就直省見有兵力飭令春壽陳國瑞等軍實力迎剿左宗棠跟追入直會合夾擊以顧大局崇厚見派洋槍隊並天津練軍共二千名出剿著卽飭令卽日馳赴官文行營歸該署督調遣以厚兵力李鴻章催提劉銘傳等軍不力並接奉諭旨後迄無一字覆奏李鶴年於宋慶張曜兩軍並不遵旨飭令分途前進致匪蹤乘虛北竄李鴻章李鶴年均著先行交部嚴加議處以示懲儆再遷延膜視定當重治其罪官文出省督剿遲延姑從寬免其議處嗣後如再似此因循自當一併嚴懲各該統將等如再遲延誤事必當治以軍法以肅紀律毋謂朝廷言之不早也官文請調黑龍江馬隊著神機營飭令立即拔隊馳赴直隸仍遵前旨歸官文調遣所需車輛糧米及馬匹草豆均著官文王榕吉飭屬剋日辦齊其由京至保定一路並著王榕吉親行護送該馬隊行走以便沿途支應不誤軍需官文所請飭派神機營迅撥勁旅之處著該王大臣妥爲籌畫山西毗連直隸隘口甚多趙長齡當速行派兵嚴密堵遏以防回竄程文炳一軍雖距直較遠英翰仍當嚴催星夜馳抵直境並著飭令方長華一併入直儘不趨行前進卽當以軍法從事不可稍涉寬縱丁寶楨當已督軍馳赴東昌著卽遵照前日諭旨分撥兵勇出境兜剿不得畫疆自守其畱駐東省黃河沿岸之吉林黑龍江丹丁計已訓練齊集並著懷遵前諭飭令迅赴直隸交

春壽帶領統歸官文調遣津郡一帶防剿事宜仍著崇厚豫籌布置不可略形疏懈正在寄諭間據李鶴年奏稱匪股由懷慶東竄一摺所陳接仗調兵各節尚係賊未入直情形見在逆蹤已擾及畿南張曜等追軍亦經渡過黃河著李鶴年飭令就近繞至賊前向南壓剿不得專顧本境致誤大局陳國瑞俟張曜宋慶入直後即著官文飭令會合兩軍實力剿賊將此諭知神機營王榕吉並由六百里加緊各諭令知之○命趙長齡等酌撥哈密軍餉○己未以孟春時享 太廟 上前期親詣行禮○命酌撥准浙福建鹽茶等稅備內務府本年經費○庚申諭軍機大臣等昨據官文奏稱捻逆竄至平鄉雞澤南和等處勢漸北趨所調援軍尙未趕到恐其分竄肆擾震及近畿宣化練軍前已撤回著官文酌量情形調赴保定附近一帶駐紮並著鄭魁士於古北口遵化各練軍內挑選精銳二千名督帶馳赴保定以南扼要截剿以杜紛擾密雲練軍已逾半年其中諒有可用之兵著定安據實具奏以備調遣劉銘傳一軍昨已諭令李鴻章迅催赴直繞前迎擊即著官文飛提該提督由河間一帶剋期進剿毋得致落賊後又費周章程文炳於上月二十六日由宿遷拔隊北行迄今已近半月計早馳抵東境並著官文嚴催由德州河間大路前進迎賊所向奮力截剿毋稍片刻延緩將此由六百里諭知官文定安並傳諭鄭魁士知之○諭崇實奏官軍攻剿滇匪鹽源解圍克復鹽井一摺滇匪攻陷鹽井直撲鹽源縣城經劉寶國等帶兵進剿立解城圍並將鹽井克復川邊肅清劉寶國帶傷力戰奮勇可嘉所有在事出力員弁兵勇鄉團著崇實擇尤彙案保奏毋許冒濫建南與迪西壤地毗連難保滇匪不復萌窺伺仍著崇實督飭該地方文武嚴密防維毋稍大意將此由五百里諭令知之○辛酉諭內閣前因捻逆竄擾直隸平鄉等境李鴻章等未能催提劉銘傳等軍迅速赴援降旨將李鴻章李鶴年先行交部嚴加議處本日據官文崇厚奏捻匪北竄衡水定州一帶丁寶楨奏帶兵出省豫籌北援等語覽奏曷勝憤懣朝廷特命官文署理直隸總督勦匪是其專責乃毫無布置任令捻逆北趨日肆蔓延實屬有負委任左宗棠於張總愚捻股未能在陝省就地殲除致令紛竄山西河南擾及畿輔調度無方官文左宗棠均著交部嚴加議處李鴻章身任欽差大臣爲朝廷素所倚畀當此匪蹤北擾宜如何速派援軍同心勦賊乃疊奉諭旨既未催令劉銘傳暨善慶溫德勒克西等軍趨程前進又日久迄無一字覆奏是何居心著拔去雙眼花翎並褫去黃馬褂革去騎都尉世職李鶴年未能迅速出省督剿會殄逆氛以致捻匪竄入直境擾及近畿所調宋慶等援軍又不遵旨飭令分途前進貽誤戎機著革去頭品頂帶並擄去頂帶劉銘傳暨善慶溫德勒克西各軍是否李鴻章於接奉諭旨後未經催令啟程抑係該員等任意逗留宋慶張曜先後寄諭李鴻章李鶴年飭令繞赴直境迎頭壓剿乃均由豫省渡河致落賊後是否該員等不聽調度抑係李鴻章李鶴年不

遵諭旨令其改道赴豫著李鴻章李鶴年據實覆奏再行分別懲處除丁寶楨帶兵入直諭令迅速前進外所有前調劉銘傳等軍仍著官文等迅速催提以資兜剿尋吏部議奏官文左宗棠革職得旨均加恩仍著革職留任○諭軍機大臣等神機營王大臣奏遵撥馬隊赴直並豫備馬步官兵聽候調遣請飭各路統兵大臣懸賞擒斬逆首官文奏擒逆擾及定州請飭嚴防北路崇厚奏北路空虛請飭李鴻章等統兵北援並續奏派兵扼紮河間迎剿李鶴年奏張曜等軍剿賊獲勝並請飭直隸等處勸辦堅壁清野丁寶楨奏出省布置並豫籌北援各摺片覽奏曷勝憤懣此次擒逆由晉入豫左宗棠李鶴年既不能遏賊於前迨竄入直境官文漫無布置李鴻章等又未能遵旨調兵北援致令捻蹤闖入定州勢等燎原實堪痛恨見在定州既有賊蹤勢必愈趨愈北亟宜重兵扼紮著神機營王大臣迅將所備馬步官兵交玉亮統帶前進視賊所向扼要截剿昨日調赴保定之黑龍江馬隊一千名並著由涿州相機前進暫在易州駐紮毋庸前赴省南並著官文派委府道大員前往照料以便王榕吉交替回京春壽富和所帶馬隊著一併調赴保定以北官文不得截留春壽等馳抵保定後即著官文傳諭該副都統規賊所在迎頭痛擊陳國瑞如已會合春壽等隊亦著一併北來如易州情形較緩所有神機營派出之黑龍江馬隊統歸春壽管帶以厚兵力並著官文迅催余承恩等軍繞前截擊毋得稍延片刻該將弁等如有稽延觀望情事即行從嚴參辦崇厚見調槍隊練軍二千名並添調槍礮各隊三營交陳濟清統領赴河間迎剿深合機宜惟陳濟清向來剿賊不能奮勇著該侍郎嚴飭該總兵兼程前進遇賊奮勦張曜宋慶兩軍節節落後著李鶴年催令繞出賊前如再遲延玩誤必當重治其罪所有河北出力將弁著李鶴年暫行存記俟擒逆肅清後再行保獎丁寶楨擬親督莫組紳等軍馳赴任邱雄縣等處迎剿洵屬勇往可嘉即著剋期啟程馳赴直境北路繞出賊前合力痛剿左宗棠見在行抵何處喜昌劉松山郭寶昌馬步各軍即著催赴北路毋得徒事尾追該大臣亦即兼程赴直督同勦辦不得再涉遲延昨令定安挑選密雲練軍備調鄭魁士挑選古北口遵化練軍二千名馳赴畿南督勦見在賊情愈急定安著酌帶密雲駐防所練之軍順道迅速來京聽候調遣鄭魁士仍遵前旨督帶前赴保定以南聽候官文調遣西陵重地最關緊要著奕梁裕恪衍秀嚴密防範惟該處存兵不多並著責成官文派兵扼堵儘有捻蹤竄近惟官文等是問前因王家璧奏請招撫脅從曾令各路統兵大臣曉諭並由軍機處繕給滿蒙漢字告示諒已刊刻懸挂矣著官文李鴻章左宗棠崇厚李鶴年丁寶楨再行出示曉諭如有擒斬逆首張總愚者無論官員軍民均照從前擒斬任柱之例賞給銀兩或酌予官職其陷於賊中能將該逆首斬縛自拔來歸者除免罪外仍著優加賞賚以孤賊勢並著官文飭屬辦理堅壁清野毋使賊有所掠其順天所屬各州

縣著官文萬青黎王裕吉會同辦理斷不可有名無實貽誤事機英翰前調程文炳各軍至今尙未見到著卽催令前進並著官文迎提如程文炳等有意遷延卽著官文嚴參懲處賊至定州距山西大同屬邑不遠著趙長齡豫籌布置將此諭知神機營順天府並由六百里加緊諭知官文李鴻章左宗棠崇厚丁寶楨李鶴年英翰趙長齡奕梁裕恪衍秀定安並傳諭鄭魁士知之○湖南巡撫劉峴奏援黔各軍分勦苗教等匪獲勝得旨著卽嚴密布置並著席寶田迅督所部馳赴石阡將荆竹圍教匪合力殲除○子湖南陣亡副將席啟庚等祭葬世職○壬戌諭內閣本日據官文馳奏投股竄至清苑境內各路官軍齊集兇籌勦辦一摺捻匪由定州竄向清苑行蹤飄忽經提督劉松山總兵郭寶昌協領喜昌各統所部兵勇不分晝夜繞越賊前趕赴保定省城侍衛陳國瑞亦催令張曜宋慶各軍陸續趕到副都統春壽所部馬隊各軍屈計亦可繞越賊前見在各路大兵雲集聲勢甚壯不難將該捻剋日殲除著官文乘此聲威督飭各軍實力痛勦速殄逆氛毋任旁竄追賊各將尙屬出力劉松山等軍由陝豫追至直隸星夜兼程繞越保定尤屬奮勉可嘉劉松山郭寶昌喜昌均著先行交部從優議敘○諭軍機大臣等本日據官文馳奏逆匪竄至清苑催軍繞截並喜昌等軍繞至賊前及隆平勦賊各摺片逆匪於初十日夜間由定州直撲清苑省城戒嚴喜昌劉松山郭寶昌各軍已經趕到該將士等星夜兼程馳赴近畿應援深慰朝廷期望實屬奮勇可嘉陳國瑞亦於是日帶隊趕至保定並催宋慶張曜兩軍於次日到省均屬奮勇春壽余承恩等軍由高陽繞路前赴保定此時當亦可到官文計已督軍出城迎頭會勦總期由北面進壓偏向南趨節節痛勦是爲至要本日據神機營王大臣奏派兵分路防勦情形所有派出馬步軍二千七百餘員名著卽馳赴涿州一帶酌量情形防勦其餘二千一百餘員名卽前赴雄縣霸州一帶防勦其備調之黑龍江馬隊四百名卽著趕緊補齊馬匹相機調撥逆騎剽疾異常難保不由保定橫向東趨繞赴北路涿雄等處兵力未厚官文當慎爲畱意隨時相機飭令保定諸軍力固西北毋稍疏忽致誤全局崇厚前派之天津洋槍練軍共二千名並著速飭馳赴河間等處與神機營所派防軍聯絡聲勢以固京南一路鄭魁士一軍著由附京東北趨向西南迎頭截勦丁寶楨昨擬帶莫組紳等軍北援如兵勢尙單著卽添派得力之隊星夜趕赴北路迎頭堵截並著速飭吉林黑龍江丹丁一併北來以厚兵力山東臨德東昌河防仍著嚴密堵遏毋令賊騎竄渡山西界連直隸各山口要隘趙長齡當懷遵前諭派撥兵勇堵截毋任賊蹤竄越晉疆易州重地關繫非輕著官文懷遵昨日諭旨密籌布置如有一賊竄向西北惟官文是問近畿情形如此緊急李鴻章當懷遵疊次諭旨督率所部迅速入直並飛催劉銘傳善慶溫德勒克西等軍北來會勦淨掃賊氛河北一帶李鶴年亦當速籌兵勇嚴密堵禦以防賊蹤回竄牛師韓一軍著英翰嚴催入直程文炳如遷延不行北

上著官文英翰速行嚴參治罪左宗棠見在行抵何處何以數日並無報來該大臣縱賊入直若再不趕緊出賊前自問當得何罪耶將此諭知神機營並由六百里加緊諭知官文李鴻章左宗棠英翰丁寶楨李鶴年趙長齡崇厚並傳諭鄭魁士知之○諭景紋奏裏塘案內各犯均已押解至藏並達賴喇嘛等公同具結懇請將東登工布一犯從寬辦理一摺東登工布係工布朗結之子覈其情罪本難寬宥惟據該達賴喇嘛暨藏屬僧俗人等結稱東登工布當藏兵進攻之時屢勸工布朗結退出所占土地並獻家貲充作兵餉尙知悔罪去逆不無一綫可原除裏塘案內解到各犯業經由景紋照案辦理崇喜土司拉旺仁增仁增工布二犯並照案發往藏屬五百里交營官嚴加管束外東登工布一犯著從寬貸其一死由景紋發交一千里外嚴飭營官照例圈禁以示朝廷法外之仁將此諭令知之○諭景紋奏西藏豐收安樂僧俗人等懇請達賴喇嘛下山誦經一摺西藏連歲以來雨暘時若年穀豐登疹癘消除民安物阜該僧俗人等以身逢其盛鼓舞歡欣公請達賴喇嘛下山念誦眞經爲國祈福具見出於至誠洵堪嘉尙該達賴喇嘛梵修有素尙義情殷此次下山誦經著景紋妥爲照料並發去黃哈達一箇銀曼達一箇鈴杵一分嘎巴拉念珠一串玉盃一箇玉盤一箇黃段一卷傳諭該達賴喇嘛令其祇領用昭恩賚將此諭令知之○允麟興奏暫開蒙古捐輸作爲新設布倫托海城經費○癸亥丁寶楨奏據探該逆已由永年縣北擾南和平鄉一帶復竄過新河境內若由冀州衡水武邑東光等處東竄北路情形較鬆若由甯晉趙州欒城一帶徑奔正定則北面地勢平曠無險可扼卽有滹沱河一水之阻而冬令水枯亦不足恃此時畿輔情形極形喫重聞此緊信卽日啟行兼程前赴德州計正月十二日到幸王心安馬步各營適到東昌卽帶其同行前派德州之莫組紳各營計十一日亦可到齊擬到德州後趕緊籌帶行資於十三日親督各軍由景州河間向北倍道疾趨前進彼時該匪若東竄冀衡武東各處自可迎頭痛勦若北趨正定一帶軍或由任邱雄縣一路會合直省各軍由京門向南攔截或由肅甯蠡博一路橫出攔勦均俟臨時視賊所向相機辦理總以力遏北犯爲要至東省邊境仍飭楊飛熊王正起兩軍分駐臨館兩處不至疏虞職司守土出境殊覺未便惟畿輔重地若僅令各軍自行赴勦深恐機宜未協貽誤堪虞是以親督前進以期無誤事機至出境後惟有督飭各軍盡力攔勦冀可稍紓宸廑上諭軍機大臣等前因捻逆竄至定州境內省城戒嚴曾經諭令丁寶楨帶兵趕赴北路迎勦該撫業已馳抵平原擬親督王心安等軍由德州馳赴景州河間向北前進實屬奮勇可嘉見在匪蹤已竄保定軍兵甚急著該撫剋日拔營由任邱雄縣一路兼程北上探賊所向迎頭截擊以固近畿門戶崇厚見派天津洋槍練軍各隊前赴河間著卽飭令統領陳濟清與東軍聯絡聲勢實力防勦毋任賊蹤向東北竄擾震及近畿官文此時計可與賊接仗逆騎剿疾

異常恐其橫向東趨繞道北竄務當隨時偵探賊情迅速馳奏並著與丁寶楨互相聯絡相機援應以收夾擊之效丁寶楨另片奏吉林黑龍江丹丁馬匹尙形疲弱未能即時派出等語著卽飭令該統將等趕緊餵養俟馬匹臚壯可用卽行派赴直隸助剿以資得力山東臨館一帶仍著該撫飭令楊飛龍等軍嚴密堵禦以防賊蹤東竄毋稍玩忽將此由六百里各諭令知之○醇郡王請帶兵守護 陵寢詔嘉獎之命在城布置毋庸出京○命賈楨等籌辦外城團防○命侍郎恩承馳往雄縣防剿○甲子諭軍機大臣等衍秀奏賊蹤竄近安肅並神機營探稱捻蹤逼近易州各等語捻逆剽疾異常陳國瑞等軍既抵保定何以縱令西竄致落賊後儻賊由易州竄至房山則長新盧溝橋均須戒嚴著傳諭劉松山郭寶昌繞出賊前迅圖兜剿陳國瑞會同張曜宋慶統率所部迅赴易州一帶迎頭截擊先顧 陵寢要地兼防東竄春壽余承恩等軍卽著繞赴涿州附近各處合力痛剿以上各軍如距陳國瑞營較近卽著陳國瑞迅速傳諭以免紆折阻滯崇厚派出之軍毋庸駐守河間卽著催令兼程由固安附近一帶相機進剿丁寶楨亦著由河間雄縣趨捷徑迅附固安附近一帶繞前兜剿不可稍涉遷延鄭魁士所帶之軍卽著改道由密雲順義一帶迅速進發以上各該軍進止機宜並勦賊情事均著一面互相知照一面徑報神機營 西陵亟宜防範著奕梁裕恪衍秀妥爲防守其神機派出前赴易州之馬步隊著奕梁等派員迎提會同駐紮並著多張旗幟以壯聲勢毋使逆蹤逼近官文卽著出省調度一切遵奉諭旨相機辦理將此由六百里加緊諭知官文丁寶楨崇厚奕梁裕恪衍秀並傳諭鄭魁士劉松山郭寶昌陳國瑞知之○諭見在捻股已近易州西北一帶情形喫緊著王榕吉會同景瑞統帶黑龍江馬隊卽行馳赴涑水易州一帶扼要堵剿不得中途逗留致有貽誤賊蹤已竄過保定以北官文何得安坐省城任賊紛竄著卽趕緊出省繞赴西北一路統率諸軍相機截擊以保 陵寢重地兼顧畿甸省城應辦防守事宜著交鍾秀妥爲籌辦毋稍大意將此由六百里加緊各諭令知之○諭前日據神機營王大臣奏派兵分路防勦情形當經諭令將派出馬步各軍馳赴涿州雄縣等處防勦昨因易州地關緊要復諭令該王大臣添派隊伍速赴該處助防見在捻蹤竄近易州情形更爲喫緊京城西北一帶亦須派兵扼紮著該王大臣迅速揀派得力兵勇妥爲布置並分路廣設偵探毋稍疏漏延緩將此諭令知之○李鴻章奏 疊奉諭旨飭催劉銘傳善慶溫德勒克西馬步各營迅赴河北進剿 查劉銘傳一軍自同治四年春間奉調北征馳逐數省迄未稍休臘月下旬劉銘傳自清江追賊回營函稱積勞成病不能乘騎諄請開缺或乞假三箇月暫予調養等情 派員前往看視患病屬實因屬 弟李昭慶順道勸慰令其乘舟來濟面商一切到濟後 與朝夕聚會察其精神雖尙可支惟痼疾增劇萬難騎馬肝氣上衝動輒憤怒蓋由秉

性忠勇追賊三年之久艱苦備嘗心力交瘁臣既懷 聖訓催督之嚴又憐該提督積勞致病之苦合無仰懇 聖恩暫予

賞假調養俟劉銘傳病體稍痊臣即催令督隊北行至善慶所部由河南帶來七百餘名加以僧格林沁舊部馬隊三百餘

名均係吉林黑龍江官兵出征十數年疲病思歸久無鬪志溫德勒克西所帶察哈爾馬隊二百餘名亦甚疲乏東檢告平

善慶等即稟請裁撤今聞調赴直隸該副都統等深明大義已調取隊伍整頓鞍馬剋期北行惟所部太單又極疲憊不能

獨當一路與淮軍步隊保護既久親若弟昆若益以勁騎輔以臣軍或可為國家捍禦疆圉也頃探賊已北趨邯鄲一路臣

查直豫交界地勢平坦賊騎馳騁必速畿南各屬向少寨堡猝被寇警蹂躪何堪臣軍已成強弩之末整頓實需時日惟畿

疆警報疊至必當提師赴援臣即檄調總兵周盛波周盛傳等馬步十一營由徐州韓莊拔隊來濟會合藩司潘鼎新鼎宇

全軍及善慶溫德勒克西馬隊陸續進發渡黃後視何路有警即向何路截剿臣趕緊布置後路轉糧餉軍火各事並催

提督郭松林楊鼎勳大隊隨後繼進一俟部署稍定即行啟程北上督率趨行察看賊蹤地勢擇要駐紮妥商調度左宗棠

奏臣擬由大道赴太谷後取道遼州以達直隸沙河正月初八日抵靈石韓侯嶺途次遇雪初九日冒雪行八十里抵介休

縣查遼州山徑凍滑萬難迅速趨行且臣全軍輜重僅飭山西州縣代雇車輛按站照價給錢衝途州縣臨時覓雇尚不免

遲誤行期雪後深入荒山更恐夫羸缺誤徑路艱阻求速轉遲見擬改道出井陘由獲鹿樂城柏鄉馳赴順德一帶相機督剿

頃據副都統喜昌稟報已與劉松山郭寶昌兩軍馳抵河南新鄉縣探悉捻逆前股擾至衛輝城西後股尙踞李家村計我軍

追及該逆必有戰事已飭各軍跟蹤痛期與豫軍共收夾擊之效臣慮豫軍與 軍東西並集賊或覓徑回竄晉省南路當

飭山西按察使陳湜撥兵增南路之防並咨趙長齡嚴密防堵臣又續調提督劉效忠馬步五營由豫境馳渡黃河扼垣曲封

門口一帶俾追軍一意前進可無後顧之虞 上諭本日據衍秀奏並神機營探稱該逆大股於十三日已刻竄至距易州城

外三十里地方是賊蹤已向西北奔竄何以官文奏稱大股賊匪尙盤踞保定距省城二三十里之涇陽驛恐所探未能確實

著官文仍遵本日寄諭迅即出省馳赴易涿一帶調度劉松山郭寶昌張曜宋慶陳國瑞等軍迎頭截擊偏賊南趨並一面知

照李鴻章如賊有南竄消息即著迎頭痛剿以期即時殄滅丁寶楨仍遵本日諭旨馳赴近京一路合力迎擊劉銘傳雖係患

病而受恩至重當此烽火逼近豈可稍涉遷延著俟病體略愈即行督隊北上李鴻章已調周盛波等軍由東阿渡黃該

大臣回來辦事尙屬勇往即著兼程前進馳赴近京一帶督飭各軍相機剿擊並催提郭松林等隨後繼進善慶溫德勒克西

馬隊從軍已久朝廷亦深知其勞苦俟畿輔肅清即由該大臣奏請就近凱撤以資休息該大臣行糧必須豫為籌備著官文

嚴飭各州縣豫提公款趕購糧草麪料各十萬斤儲備公所俟李鴻章兵過即給價販用並仍照數買補屆時如有缺誤即著李鴻章嚴參所有轉運嚮導各事宜即責成張樹聲辦理並善於天津倉內借撥稷米三萬石飭令張樹聲派委員弁分運河間等處儲存以備軍食將來由李鴻章咨明江蘇巡撫照數籌運歸補左宗棠縱賊東竄雖追剿尙力而擾及近畿豈可不思補救著即取道固關兼程前赴保定以期妥爲督剿以贖前愆毋再遲誤將此由六百里加緊各諭令知之○諭李鶴年奏馳抵彰郡即日進紮磁州並飭軍力願北路暨張曜劫營獲勝各摺片所陳張曜等接仗情形尙在捻股未至保定以前見在賊蹤擾及易州安肅近畿軍情萬緊張曜宋慶兩軍已於十三日據官文奏稱由陳國瑞催提次日可抵保定並經諭令官文督飭各軍由北面進壓偏賊南趨矣仍著李鶴年飛飭該提督等繞出賊前會合直境各軍實力勦擊不可存主客之見稍涉遲延該撫見擬出境進紮磁州即著扼要駐紮以防回竄並遙爲保定聲援其馬德昭等軍著即迅速催調以資厚集將此由六百里諭令知之○諭崇實奏統籌川黔防務請留周達武暫緩赴任宋延春奏逃西剿匪情形並請催督撫赴任各摺片前因貴陽軍務喫緊諭令周達武迅赴貴州提督之任茲據崇實奏稱見已抽募兵勇派知府唐炯統帶由綦南出境援剿並派遣道員劉嶽暘等分路援應而蜀北邊防亦亟宜豫籌自是實在情形貴州提督周達武著准其暫緩赴任仍令統帶所部分布川北以固蜀省門戶黔省既有川兵赴援著曾璧光振刷精神力圖進剿不得藉口兵單並著劉嶽昭懷遵疊次諭旨將龍里貴定各匪迅速掃蕩見在逃西軍務喫緊劉嶽昭著俟黔省蕪事即赴雲南新任張凱嵩計假期將滿並著迅赴新任毋稍遲延宋延春當慎固封守籌掃逆氛毋得專恃張凱嵩等到任致滋貽誤將此由六百里諭知崇實張凱嵩劉嶽昭曾璧光並傳諭宋延春知之○命嚴查五城匪匪○命恭親王會同神機營王大臣辦理巡防事宜○乙丑諭軍機大臣等奕梁等奏詢明兵勇與賊相誤請暫留喜昌防守崇厚奏匪竄安肅見籌迎剿請飭鄭魁士駐紮通州各摺片據奕梁等稱易州未見有賊十二日姚村鎮所見邊馬係官軍所發差探商民誤以爲賊並省北見無賊匪屯集等語易州雖無賊蹤而該逆剽疾異常不可不豫爲之備仍著官文與奕梁裕恪衍秀悉心會商嚴密布置以期有備無患見在神機營派撥馬步兵二千餘名令玉亮等統帶前赴易州防守即著奕梁等飭令擇要駐紮遇賊即擊毋稍疏虞易州防兵見已不少喜昌陳國瑞兩軍自應作爲遊擊之師以利攻剿著官文等檄飭喜昌陳國瑞統率所部會合劉松山郭寶昌等軍規賊所向痛殲醜類崇厚即飭陳濟清馳赴東北一路會同東省官軍聯絡聲援迅籌掃蕩鄭魁士所部著官文崇厚催令該署提督駐紮通州以順京師東路劉松山郭寶昌喜昌宋慶張曜各軍跋涉遠來糧餉易形缺乏尤應加意拊循

善宜文寬籌餉項發給沿途州縣購辦糧草麩料隨時支應以便源源接濟儻該州縣供應缺誤並有侵漁情弊即著官文嚴參治罪官文當傳諭劉松山等令其倍加奮勉會合諸軍將該逆迅行殄滅用副委任將此由六百里加緊各諭會知之○諭本日據伯彥訥謨祜奏懇准督兵勦賊穆騰阿奏請帶兵馳赴派易一帶迎擊各摺覽奏均堪嘉尚見在捻逆屬聚滿城等處各路征兵雲集神機營派出馬步各隊亦足以資防守並經諭令官文等迅督諸軍分路迎勦惟京師重地防守尤關緊要如近城一帶分兵布置扼要安營各事宜均須有人督率統領善神機營王大臣傳知伯彥訥謨祜候旨簡派穆騰阿本在神機營當差嗣後如有應行調遣之處再由該王大臣等奏派前往此時均毋庸帶兵出京將此諭令知之○丙寅諭軍機大臣等昨因神機營已派馬步官兵令玉亮景瑞等帶赴易州防守當經諭令奕梁等飭令擇要駐紮惟思該副都統等於該處地勢不甚熟悉易州一帶山徑紛歧必須履勘分明布置方有把握著奕梁裕恪衍秀挑派誠實可靠土人作為嚮導帶領玉亮等將易州附近各處所周歷查勘山僻小徑有通 陵內之處均須詳細看明其由易州以西通紫荊關要路亦應知其險隘庶防範可期周密奕梁等即傳知玉亮分飭各隊統領隨同土人到處周查毋稍疏忽其守護 陵寢兵丁著奕梁等飭令小心防護不准片刻疏懈賊蹤相距非遙務須隨時偵探以免疏虞玉亮景瑞等所帶馬步各隊足資防守著奕梁等仍遵昨日諭旨檄飭喜昌陳國瑞統帶所部會合劉松山等軍勦賊毋得專意株守致誤戎機將此由六百里各諭令知之○諭昨據奕梁等奏稱賊蹤竄至滿城江城大江店一帶當經諭令官文檄飭喜昌陳國瑞會合劉松山等軍迎勦見在賊蹤是否仍在滿城地方盤踞抑或分股竄向他處涇陽驛是否尚有賊匪其竄踞滿城之賊是否即涇陽驛全股抑係另有分股近日官軍曾否與賊接仗勦辦情形如何朝廷廬鑿殊深官文於前日奏報情形後見無續報到京著該署督將見在情形迅速馳奏並著隨時馳報以慰懸繫賊情詭譎異常恐其畱住後股牽綴官軍而另分全股暗竄他處以圖肆擾或由滿城以西山內暗圖繞越官文當慎選精細可靠兵役嚴定賞罰勤加偵探密為布置並著督飭各軍痛加勦擊迅挫賊氛毋任日滋蔓延陝豫東皖各軍於直境地勢不能熟悉况滿城以西山徑紛歧非得土人嚮導不能周知地利著官文迅飭各州縣暨各軍將領無論官軍行抵何處即著該地方官選派誠實可靠土人作為嚮導以利攻勦昨據崇厚奏賊蹤竄至安肅是否確實著官文迅速查明馳奏正在寄諭間據丁寶楨馳奏督軍行抵任邱十六日可至雄縣丁寶楨一軍北上迅速奮勇可嘉見在賊股尚在滿城著該撫即由雄縣橫向安肅保定一帶會合進勦並著崇厚飭令前派河間等處防軍聯絡聲勢探賊所向迎頭截擊總期偏由東北偏向西南以期屏蔽京畿是為至要東軍由德州馳赴雄縣僅

裹五日行糧見在缺乏可虞著官文崇厚趕緊籌款派員撥解銀米星馳該撫行營接濟其喜昌劉松山郭寶昌張曜宋慶等軍官文當仍遵前旨一體接濟毋任缺乏丁寶楨另片奏請入京陛見等語該撫由東省馳赴直北朝廷已深鑒其誠惟見在軍情緊急該撫當在營調度督勦俟直隸軍務完竣後再行來京將此由六百里各諭令知之○諭官文奏賊向東南竄動祁州安平已見邊馬並豫軍等請獎各摺片覽奏稍紓屢懷張曜等軍北援迅速官文先行傳旨嘉獎俟立有戰功即行破格獎勵揔逆因北路防守綦嚴漸向東南退竄官文派令張曜宋慶兩軍駐紮北河暫緩拔營一面出省督師探蹤進剿布置尙稱穩妥即著照該署督所擬迅速辦理賊情狡詐百出設或誘兵南追伺隙繞竄北路亦不可不豫爲之防官文既令陳國瑞會同張曜等軍固守北路即著傳知該侍衛等嚴密扼守以固北路藩籬如賊果南竄北路稍鬆仍當飭令陳國瑞等奮力追剿其余承恩春壽等各隊即由該署督統帶出省進剿劉松山郭寶昌兩軍見已拔赴省南即著檄飭向東南追剿實力進擊毋稍鬆勁其方長華程文炳等軍仍著官文催提迎頭截擊以厚兵力並著飛咨左宗棠李鴻章李鶴年等豫爲防勦頃據丁寶楨奏督軍行抵任邱當經諭令該撫由雄縣向安肅保定一帶會合進剿此時賊既南竄自應改道前進著丁寶楨督飭各軍會合崇厚所派防兵相機迎剿楊飛熊一軍由臨清北來並著丁寶楨飭令探賊所向迎頭夾擊以期各路兜剿就地殄除崇厚亦當飭令陳濟清等軍會同東軍聯絡前進遇賊即擊官文摺著鈔給丁寶楨崇厚閱看將此由六百里加緊各諭令知之○丁卯諭軍機大臣等李鶴年奏督兵馳抵磁州並借撥火藥等項籌備糧餉各摺片捻匪見由保定東南竄遁北路官兵雲集官文卽日出省督兵追勦丁寶楨亦率東省援兵由雄縣向西南迎擊並與駐防河間之天津洋槍練軍礮隊等會合前進該逆被兵壓擊難保不回向順廣一帶奔竄李鶴年見已帶兵馳抵磁州著卽在該處駐紮設遇該逆竄至卽可迎頭截剿與直隸追軍互相夾擊迅速殄除河北一帶鎮撫事宜仍著李鶴年就近兼顧張曜宋慶兩軍見在暫紮涿州防衛近畿兼顧易州門戶昨已諭令官文接濟張曜宋慶等軍銀米並令崇厚撥解銀米接濟丁寶楨營軍需著官文崇厚仍遵前諭妥爲籌辦李鶴年所請令州縣採買米麪馬草豫備豫軍過境應用章程並撥車接運護送解營等語均著官文飭令直隸各地方官妥速照辦原片著鈔給官文崇厚閱看張曜宋慶兩軍所需細洋火藥並大小銅帽均著崇厚酌量速撥解赴該營本日復據彭祖賢奏請協濟畿輔官軍餉銀一摺除京營派出各路防兵已由神機營籌撥款項外所有劉松山郭寶昌喜昌張曜宋慶等軍均著由官文籌撥餉項分資接濟並著戶部撥銀二十萬兩解交官文覈實應用其丁寶楨督帶各軍仍由崇厚籌款撥解均毋遲誤以利師行將此由六百里各諭令知之○戊辰李鴻章奏

臣軍自入東剿捻以來倅立寸功生擒巨寇殄平餘匪年底始克蕙事劉銘傳善慶溫德勒克西於十二月二十五六等日
分起馳回邳州灘上老營潘鼎新郭松林楊鼎勳諸軍於十二月二十九三十日正月初二初三等日先後回至濟甯老營
解甲稍息臣親加拊視各軍疲憊不堪劉銘傳三年轉戰勞苦尤甚積受寒溼瘡癩偏體不能乘騎臣因該提督素資得力
屬其始終奮勉毋得偷安而目擊狼狽情形實深矜憫疊奉諭旨催劉銘傳善慶等迅赴河北進剿臣即嚴飭各營趕緊汰
去病弱添補缺額製辦衣履整備鞍馬不准刻延向來游擊之師疲勞已甚須休養整練兩三月然後可用今尚未逾兩旬
也忽奉諭旨賊勢深入畿疆臣恨不奮飛馳援稍紓君父之急除劉銘傳患病屬實已乞恩稍予養息暫難成行外潘鼎
新鼎字全軍並善慶溫德勒克西馬隊已於正月十六日拔營飭令兼程由東阿德景進發唐仁廉馬勇於十八日跟蹤北
上郭松林楊鼎勳武毅勳字等營亦陸續進發臣俟周盛波所部由徐州調到擬於二十日親督啟行由東入直查剿捻非
馬步大隊不能得力直境地勢平曠尤須用眾臣軍強弩之末遷地弗良事機所值敢稍推諉但冀沿途地方官能為豫備
糧草俾無缺乏必當視賊所向繞由東北向西南攔剿聯絡諸軍共維大局上諭軍機大臣等見在捻蹤趨向博野安平
北路較鬆李鴻章所派各軍行抵景德一帶即可探賊所向迎頭截擊一鼓殄除所需軍糧芻料前已諭知官文飭屬妥辦
即著該大臣咨商官文隨時接濟毋致缺乏丁寶楨探知賊蹤南竄即由固安折回雄縣相機進剿甚合機宜著即督兵南
向以便聯絡諸軍四面夾擊其楊飛熊一軍即照所請飭令移紮景州以杜賊竄衡武棗清等處王正起一軍駐紮臨清以
固東省門戶所需軍糧等項俱著官文崇厚等隨時撥給毋稍延誤陳濟清所部兵勇著崇厚飭令隨同東軍迎剿力遏賊
氛所有津防事宜並著督率春霖等妥為辦理不得稍有疏虞左宗棠計已行抵井陘本日已諭令在井獲一帶扼紮以杜
賊竄晉省之路皖省程文炳等軍計應早抵直境著官文迅速迎提以便會合諸軍協力兜剿並著英翰吳坤修飛催當此
大兵雲集必可聚而殲旃該大臣督撫等務當激勵將士迅奏膚功其近日賊情並劉松山等軍有無接仗情形著官文確
探賊情隨時具奏以慰廛繫將此由六百里諭知官文李鴻章丁寶楨崇厚英翰並傳諭吳坤修知之○諭前據左宗棠奏
稱行抵介休由固關取道赴直當因賊蹤北擾諭令迅速前來見在賊已由安平祁州南竄北路情形較鬆劉松山喜昌等
軍跟蹤追剿甚為出力丁寶楨亦督兵馳抵雄縣兵力已厚足敷兜辦恐該逆聞風回竄晉省平遼等處仍應嚴防左宗棠
計程當可行抵井陘即著在井陘獲鹿一帶扼要駐紮賊入晉之路並知會趙長齡派兵於晉東各隘口嚴密布置儻有
賊蹤竄近即可整軍以待痛加剿洗將此由六百里諭令知之○諭桂成奏擊退邊外竄匪並邊內添兵協防一摺據稱蒙

古伊克布棟等處地方賊匪經官兵先後截擊漸次退回邊內惟花定等處匪徒經副都統金順擊勦東趨榆林神木一帶
晉省保德河曲與榆屬僅隔一河當此冰橋凝結之時自應添撥勁軍以防偷渡著德勒克多爾濟桂成卽督飭官軍於沿
邊沿河加意防堵並遵前旨傳知貝子巴達爾琿札那格爾第等督飭蒙古官兵實力堵遏毋任匪蹤闖入是爲至要將此
由六百里各諭令知之○己巳諭軍機大臣等恩承奏到防布置情形暨擬仍駐涿州各摺片捻股雖向東南竄逸惟賊騎
飄忽近畿一帶尤應嚴防以杜回竄易州情形較鬆玉亮業已馳抵該處足資防守恩承著暫緩前赴易州俟涿固等處防
務布置周密偵探賊蹤南竄日遠再行前往所稱調撥達明阿等隊分投防勦之處著卽相機妥爲籌畫仍隨時呈報神機
營酌度辦理將此由四百里諭令知之○諭蘇鳳文奏官軍疊勝苗匪見籌追勦一摺貴州九阡苗匪竄擾融縣之長安鎮
敗走懷遠境內復勾結土匪窺伺龍勝等邑及分屯草頭坪一帶地方副將刁經明等設計攻擊並將三元寨等處擣平官
軍乘勝窮追餘匪由銅盤山遁向西江而去此次苗匪侵軼粵疆疊經官軍追殺其勢漸衰惟西江一帶與黔省永從等縣
苗境相連非大軍繼進不能掃穴擒渠著蘇鳳文嚴檄刁經明等各率所部跟蹤追勦以期悉數殲除仍一面飭令各該地
方官激勵鄉團嚴搜土匪迅清邊患其疊竄南丹土州之翁昂等處苗匪並著該撫督飭何元鳳將邊防妥爲布置相機勦
擊毋得稍涉疏虞將此由四百里諭令知之○革職畱任山西巡撫趙長齡奏竄豫捻股闖入彰德晉省東北邊防緊要擬
卽日親赴路安督防得旨捻蹤早竄直境該撫何以尙未知悉殊屬糊塗仍著懍遵前旨將直晉毗連各要隘妥爲防範儻
再有疏失必將該撫從重治罪○予甘肅陣亡遊擊常德等祭葬世職○辛未諭內閣馮子材奏粵西軍務疲玩請嚴申紀
律等語廣西南大泗鎮等府屬股匪林立屢經官軍進勦遷延日久未能一律肅清皆由帶兵各員弁玩法縱賊糜餉殃民
種種挾制情形殊堪痛恨一省如此恐他省亦所不免若不申明軍律何以肅法紀而勵戎行嗣後各路統兵大臣暨用兵
各省分督撫務當力加整頓正已率屬令在必行遇有軍營帶兵之員失機債事貪鄙玩誤者文官四五品武職三品以上
各員卽行嚴參懲辦其文員六品以下武弁四品以下卽行奏明於軍前正法以期迅掃賊氛拯民水火毋得視爲具文致
干重咎將此通諭知之○諭軍機大臣等官文奏捻逆竄踞祁州漸趨蠡縣籌辦情形並豫備援軍糧米各摺片英翰奏皖
軍啟程日期請飭沿途接濟軍需並歸官文調度覆陳降眾情形各摺片逆匪竄陷祁州尙在該州境內盤踞並漸向蠡縣
東南肆擾官文見飭劉松山等軍緊躡賊後向南壓勦而令張曜宋慶兩軍分由容城北河向南移紮已到汲店一帶擬
繞由南路轉向西北與劉松山郭寶昌等軍會合夾擊布置尙屬周妥見在東北一路已有丁寶楨並陳濟清等所統天津

洋槍等隊兵力較厚且匪蹤既在祁蠡一帶停留並未紛竄正可乘此機會會合各軍一鼓殲除即著官文飭令劉松山等並豫營各軍迅速合剿官文亦即督率春壽富和余承恩等各隊奮勇進發剋期並舉陳國瑞所統之隊即令作為遊擊之師往來策應並著丁寶楨約令陳濟清等軍由東北兩面迎頭兜擊以剿為防毋稍延緩各路大兵雲集若不乘此聲威聚而殲旃以致匪徒他竄必又成尾追之勢該將領中如有遷延觀望貽誤事機者即著官文嚴參治罪如果殲擒巨魁盡殄醜類亦必榮邀懋賞至各軍營糧草著官文飭令地方州縣剋日辦齊准其作正開銷如有貽誤即行嚴參懲辦並著官文崇厚速將洋米轉運各處以備李鴻章等軍營接濟英翰所派程文炳一軍已於初十日由東阿渡黃著即歸官文節制調遣並著迅速迎提北上探賊所向迎頭力剿如有遲延觀望即由官文嚴參所需軍火糧餉並由官文就近接濟其方長華一軍本由豫省渡河著官文英翰飛飭方長華牛師韓兩軍均在黃河南岸扼要駐紮以防賊匪南竄所統降眾英翰當飭令該統將等妥為駕馭毋任滋事李鶴年見駐磁州著遵奉前諭遇賊南竄順廣一帶即與直境追軍會合夾擊毋任竄逸他處李鴻章見已定期北上著即督率各營迅速馳赴直境合力剿辦毋稍延誤將此由六百里各諭令知之○英翰奏擒首李允業經遵旨正法牛遂既蒙恩旨寬容見將其暫留軍前責令立功贖罪如進戰不力仍當立即正法以期弭患無形任三應即係任三厥據降眾僉供係於揚州渡河時為官軍傷擊淹斃尚屬可信臣仍通飭皖境所屬地方官一體嚴密訪查毋任漏網其餘降眾已選挑入伍分飭諸將妥為駕馭半月來雷心察看均尚妥協臣仍隨時雷心辦理不敢稍涉大意致貽後患報聞○壬申諭軍機大臣等英翰奏帶兵馳赴汴梁請旨入衛畿疆一摺英翰見催吳坤修前赴潁州接署撫篆一面親督英山等軍先赴汴梁請旨北上並令牛師韓等抽撥馬隊二千二百人趨程赴援具見勇於任事奮勉可嘉賊匪見在折竄祁州蠡縣一帶著英翰統率牛師韓方長華等軍暫紮黃河以南如遇該逆回竄豫邊即統帶所部實力進剿所收降眾駕馭殊難畿輔重地關繫尤為緊要英翰如渡河勤匪務當慎選可靠之軍妥籌調度不可稍涉大意並檄飭程文炳一軍迅由河間等處會合諸軍向南壓剿英翰見已啟程著吳坤修迅赴潁州接署撫篆所有皖省善後及征軍糧餉一切事宜即著妥為辦理見聞該捻擾及深州一帶係由東南竄逸昨據官文奏匪陷祁州並擾蠡縣是賊蹤仍趨北路見在該逆究逸何處祁州之賊是否盡趨蠡縣著官文查明見在賊情隨時具奏以慰塵繫左宗棠當仍遵前旨迅駐井獲之間扼賊入晉之路捻逆如有南竄消息著李鶴年檄飭各營會同英翰所部迎頭截擊以圖聚殲捻逆逼近畿疆丁寶楨英翰等深明大義迅統援師北上各路追剿之軍亦俱雲集若不乘此激勵將弁一鼓擒渠致賊紛竄他處則匪勢既多蔓延攻

勦之師亦不能如此厚集且此時冰雪凝沍野無青草賊無所掠其勢易窮著官文會商各該督撫合力同心迅籌滅賊以副委任將此由六百里諭知官文左宗棠英翰李鶴年並傳諭吳坤修知之○飭福建浙江江西各撥銀一萬兩專濟皖軍○于直隸殉難知州胡源祭葬世職○癸酉諭軍機大臣等昨因援兵四集機不可失諭令官文會商各督撫等迅籌滅賊之策見聞饒陽失守各軍觀望不前意圖驅賊出境不使犯及北路雖爲慎重京畿起見而頓兵不進任賊肆擾上年畿南水旱疊乘飢民眾多儻被裹脅則賊勢愈張勦辦更形棘手况賊匪出境後難保其不再回窺是時追勦各軍必致又落賊後見在北路已有玉亮各軍分段嚴防並令恩承總統其事此外又有托雲定安鄭魁士諸軍分紮通州盧溝橋等處各專責守恩承定安鄭魁士著即督率各軍妥爲防範左宗棠駐紮井獲之交李鶴年駐紮磁州丁寶楨程文炳兩軍專爲東北兩面屏蔽儻遇大股逆匪衝突著各該督撫嚴飭各軍實力堵禦不使一匪竄越如止分股撲犯卽一面嚴防一面痛加勦洗毋使漏網所有劉松山郭寶昌張曜宋慶陳國瑞等軍前諭均歸官文調遣卽著該署督嚴飭各軍專取犄角之勢而面進攻分爲數隊逐日更番疊戰春壽等馬隊於北面前進專事包鈔追逐並責令余承恩等軍乘夜潛劫使賊日無所掠夜不得息此數軍統領素稱果勇善戰著該署督專責以攻勦之事毋以防務牽掣俾得盡力殺賊卽有零股賊匪紛竄自有各路防兵隨地勦滅儻各該將官不能同心勦賊卽著官文嚴參治罪該署督務當申明賞罰嚴覈功過不可稍有偏向使諸將允服自能奮興鼓舞共圖立功該署督如一味因循徒知驅賊出境是不以不能滅賊爲恥尙得爲克盡厥職耶李鴻章於勦捻情形最爲諳悉見在行抵何處卽著探明賊蹤迎頭痛勦其郭松林等軍並著趙燏前進以厚兵力前諭官文等如有擒獲張逆者卽照拏獲任柱之案給賞其願給官職者卽加等優獎著官文等再行出示曉諭軍民使各奮勉崇厚卽飭陳濟清隨同東軍嚴防並於天津等處妥爲防堵以壯聲勢英翰卽著於河南北相機扼紮以杜逆賊回竄之路毋稍疏虞正在寄諭間據官文馳奏捻逆由蠡縣肅甯竄至饒陽邊馬已及獻縣程文炳兼程趕到其大隊正抵獻縣各等語賊蹤原無定向但任其所往何日可以殄滅且邢州饒陽先後失陷何以並無官軍應援任賊蹂躪殊堪痛恨見在程文炳旣抵獻縣卽著官文飭令迎頭痛勦並著丁寶楨派軍會擊以勦爲防其劉松山等軍卽由官文飭令由西北面緊躡賊後合力勦除北路固宜嚴防而各處大軍雲集防勦自有專責該署督不得以力顧北面爲辭任賊縱橫奔突儻各軍觀望不前聽賊遠颺惟官文等是問饒陽失陷知縣劉嘉祥因公赴省是否爲賊所阻其倉庫監獄暨同城文武下落均著官文查明具奏將此由六百里諭知官文李鴻章左宗棠英翰李鶴年丁寶楨崇厚恩承定安並傳諭鄭魁士知之○諭成祿奏官軍圍

偏肅州逆勢漸形解散一摺肅州在城逆黨見官軍圍攻日緊乘夜潛逃經馬天祥等軍追至惠回堡地方殺賊不少城中踞逆因外來逆股勢多離散負隅抗守此次官軍圍逼肅城逃匪復經追殺逆勢漸衰成祿仍當檄飭王仁和等設法環攻迅圖規復肅州一城頓兵日久屢有旨令成祿將該城迅拔整隊出關該提督非以賊情窮蹙爲辭即以圍逼日緊自解關外情形置之不顧該提督豈復有天良耶前有旨令楊占鼐署理甘肅提督著穆圖善卽飭該署提督趕緊馳赴肅州接辦西路軍務以便成祿剋期啟程母稍延緩成祿俟楊占鼐到時卽著統帶原部出關剿辦哈密等處賊匪毋庸辦理肅州軍務儻再藉詞遷延定將該提督從重治罪決不寬貸將此由五百里各諭令知之○諭劉嶽昭奏滇省變亂廢弛情形派軍赴援平遠肅清白泥壘苗匪投誠各摺片滇省羅次楚雄等城先後被陷賊勢猖獗亟應力籌剿辦著劉嶽昭抽調遵義等處防兵遴選得力將領統帶迅速赴滇相機進剿劉嶽昭將黔省軍事剋期料理完竣卽進駐曲靖通籌全局妥爲布置該撫所陳用兵籌餉兩患西征四端卽著振刷精神實心籌辦總期實事求是毋得徒託空言滇省日形糜爛亟應大員前往以資鎮撫著張凱嵩星速馳赴新任與劉嶽昭將地方軍務各事宜會商妥辦毋再遷延觀望致干罪戾劉嶽昭移師滇境所有黔省勦匪機宜著曾璧光檄飭各軍妥爲調度務將苗教各匪節節掃蕩以期次第廓清白泥壘苗匪求撫是否可靠著劉嶽昭會曾璧光督飭屬員詳察眞僞妥爲辦理毋爲該逆所給將此由六百里各諭令知之○大學士賈禎因病請解職命以太子太保大學士致仕賞食全俸○甲戌諭軍機大臣等崇厚奏賊由肅甯南竄擬籌合圍方略並籌撥洋米接濟兵食一摺賊匪邊馬竄及肅甯因陳濟清等統帶槍隊練軍由高陽任邱一帶進剿折向南奔已入武強之小範等境崇厚擬令陝軍由正定扼守滹沱上游兼顧獲鹿入晉門戶晉軍扼守太行各山口直軍扼守滹沱下游屯兵深冀之間淮軍固守衡水景州挑濠扼紮東豫兩軍分守衛漳兩河爲四面進攻之計惟直省地勢平衍廣闊無險可扼各軍四處分布相距太遠轉令賊騎得以伺隙狂竄且劉松山郭寶昌等軍業經由北面追賊而南張曜宋慶等軍已由滿城而東丁寶楨已由雄縣進紮任邱程文炳一軍昨據官文奏稱已抵獻縣正可與賊邊馬相遇由此向西向進剿此時若再將諸軍紛紛更調轉延時日更慮賊匪得以乘隙四竄裹脅日眾益覺滋蔓難圖著官文丁寶楨崇厚仍遵昨日諭旨飭令諸軍奮勇進剿務當乘此援軍厚集之時迅速剿擊但能連獲勝仗痛加懲創以後便可節節得手不難剋期殄除潘鼎新善慶溫德勒克西等軍計期可由德州一帶直入唐仁廉郭松林楊鼎勳並李鴻章所帶之周盛波等軍當亦陸續可到著官文李鴻章斟酌情形檄飭淮軍由景德二州橫向西出迎頭兜剿毋令賊匪回竄順廣大名並分撥淮軍遏截臨清池北以防賊匪竄至

臨清東昌等處濮范開長一帶久爲匪藪母任此股捻逆竄往致多句結勦辦更難得手左宗棠仍遵前旨駐軍井獲之交
趙長齡派兵分防太行各山路隘口遏賊宣晉之路李鶴年嚴防磁州一帶毋令賊蹤回竄豫境英翰督率皖軍嚴扼黃河
南北兩岸與李鶴年聯絡聲勢互相截剿天津所存之洋米並起卸未收之洋米均著崇厚先行撥運直境各處接濟南軍
食用毋稍遲誤將此由六百里各諭令知之○廣江西建昌府學額一名江蘇金壇縣九名湖北應城二名○乙亥左宗棠
奏臣於正月二十二日行抵獲鹿據郭寶昌稟擒獲賊目謝應俊訊供張逆總愚有竄犯天津之意如不能竄則挑雷悍賊
輕騎馳突賊供不爲無因請飭下崇厚丁寶楨於河間天津嚴爲扼截臣已飭劉松山郭寶昌確偵賊蹤從容南下臣之此
行原求力衛畿甸稍贖縱賊入晉入直之罪見在賊蹤漸南亦當視賊所向誓殄此賊以盡愚忱劉松山郭寶昌喜昌等既
經官文調令跟蹤漸俟賊遠出北路然後進擊或前途另有大軍前來彼此知會合力痛剿今臣既抵獲鹿自未可拘守
一隅坐待賊至惟有力顧晉省東路由西而東督率所部遇賊卽擊以期迅殄狂氛臣軍兵力已厚所有節次欽奉諭旨飭
臣節制已到未到各軍應請旨仍飭各原省督撫臣及直省督臣調遣以免紛紜至晉省東路防軍已嫌單薄而南路垣曲
封門口要隘僅撥兵三百餘名扼守萬一賊由河北竄走豫軍已調赴保定北路勢難趕到賊前設由懷慶闖入則晉省腹
地又將處處糜爛可否飭下山西撫臣轉飭臬司陳湜如河冰漸釋應仍酌帶所部勇丁分布防守以期周密丁寶楨奏臣
初得賊竄博安之信當飭已革總兵王心安等帶隊於正月十八日先行取道雄縣河間探蹤追剿臣十九日亦督隊繼進
二十四日連接王心安稟報該軍於十八日兼程行抵雄縣十九日抵任邱探知賊眾大股在肅甯東西二關並張岡村一
帶盤踞二十日督隊由河間取道進剿行抵河間西南二十里探知賊又由肅甯竄撲饒陽縣城王心安卽於是夜拔隊行
過肅甯十餘里卽見該匪邊馬亂竄副將宋延德帶馬隊沿途趕殺王心安自督步勇七營分三路而進未刻行距饒陽三
十餘里岳家莊地方探悉前路三里許之魏村有大股盤踞王心安卽令宋延德帶馬隊巡哨自率七營員弁分路直前猛
撲時該逆正搜搶當舖各勇吶喊衝入槍矛並擊該匪衝出千餘騎拌死拒敵各勇縱橫截殺斃悍賊百數十人匪勢不支
敗向西南狂奔王心安以兩營入村接殺自帶劉志和等追剿十二里沿途斃賊多名奪獲賊館十四處是晚探悉該匪盡
踞饒陽城內及附郭關廂王心安卽傳令四鼓進攻縣城二十二日由尹村行距縣城十餘里該匪出馬賊三四大列仗
拒敵宋延德帶馬隊奮力猛衝王心安將步勇結爲圓陣繼進馬賊左右環撲各隊以槍礮連環互擊斃賊約二百餘人賊
同縣城逃遁王心安督隊追及城下率勇登城賊越境竄逃各勇進城將餘賊追殺殆盡卽將縣城收復王心安入城安撫

難民卽派各隊出城暫歇復行跟追旋探悉該匪仍踞菜園地方王心安令各勇追擊轟斃數十人賊倉皇奔竄復將菜園奪回王心安乘勝分隊包鈔該逆回馬衝突各隊結陣禦敵屹不少動該匪下馬格鬪又另出馬賊四面橫衝各勇回環接立斃賊甚眾王三元劉志和金成德三營復追出二十餘里天色已暮迷入村莊該逆以馬賊三四千圍之各勇整隊力戰斃賊約二三百人賊捨命猛撲直至更餘參將金成德守備劉家興力竭陣亡三營勇丁計傷亡衝散約三四百人三更時方至菜園會集二十三日黎明賊復麇集圍攻我軍據柵力戰至更餘賊始敗退王心安乘夜親督各營襲剿賊營各勇大呼殺入該匪驚亂直向西南竄逃王心安督隊追壓四十餘里見在賊已盡向西南遠遁等情此次王心安以三千餘人追剿兩萬餘賊孤軍深入百餘里收復縣城後屢戰至兩晝夜士卒皆忍飢血戰嗣復乘夜襲擊殺獲甚眾見在該軍仍擬追剿臣令其暫爲養息飭莫組紳一軍前進該軍再行續發臣到河間後本擬督隊向饒陽前行因東北一路僅臣一軍恐賊復乘虛北竄刻下該匪疊經大創盡向西南遠竄北路稍鬆見擬調回楊飛熊一軍至河間扼紮臣暫駐調度俟北面穩固再行督隊進剿王心安剿賊奮勉可否賞還該革鎮原官頂翎陣亡之參將金成德守備劉家興應請飭部從優議卹其餘復城出力並陣亡文武員弁兵勇容臣查明分別奏請獎卹上諭軍機大臣等捻逆竄向饒陽丁寶楨派令王心安帶隊進剿收復縣城屢戰兩晝夜將賊匪擊敗該逆見向西南竄遁丁寶楨由山東督軍北上首先奮勇派兵擊賊獲勝保衛近畿深堪嘉尚著卽整頓師旅相機追剿毋稍鬆勁直隸前敵各軍如劉松山郭寶昌喜昌張曜宋慶程文炳等所部均距賊蹤不遠何以並未會合進攻僅止王心安三千人孤軍深入天津槍礮練軍與東軍同在一路何以亦不會同前進是否有推諉觀望情事著官文崇厚查明具奏並著催令各軍乘勢迅速追剿以期一鼓殄除見在各路援軍雲集深慮進止不齊未能協力同心共圖掃蕩左宗棠見抵直境所有前敵追剿各軍均著歸該大臣總統以一號令賊騎飄忽靡常見在追賊各軍並著該大臣飭令各將領相機奮剿不必往返請令拘泥稽延致誤事機左宗棠未經接辦之先所有剿賊事宜仍著責成官文遵照前日諭旨責令劉松山郭寶昌喜昌張曜宋慶春壽余承恩陳國瑞程文炳等專取犄角之勢面面進攻各分隊伍更番疊戰晝夜剿襲以免耽延時日至東北兩路仍責成官文丁寶楨崇厚調度各軍嚴行防剿東南兩路責成李鴻章嚴密堵禦其派出進剿馬步各隊入直境後亦歸左宗棠調遣以一事權西南一路責成李鶴年於直豫交界處所實力扼截英翰督率所部仍在河南北擇要駐紮與李鶴年聯絡聲勢以上各路防務專責成各該督撫如賊由何路竄出卽惟何路官軍是問其前敵進剿各軍如有觀望遷延不遵調度者左宗棠亦當據實參奏毋得徇隱干咎各省官兵各有本省應領之餉儘遇派

乏著官文崇厚隨時接濟河南風門口爲入山西垣曲要口據左宗棠奏防兵單薄如賊由河北回竄晉省難資得力著趙長齡另派得力將弁扼紮以固晉省門戶其吉州等處河防仍著陳湜在該處辦理左宗棠另片奏請撥坐糧廳漕米轉運保定等語各路援軍前已令戶部撥銀二十萬兩交官文分辦軍需並令崇厚由天津撥解洋米分運直境各處接濟儘有不敷再由官文崇厚酌量奏請撥解倉場所存米石以濟軍食將此由六百里各諭令知之○諭趙長齡奏查明捻逆搶渡入晉失事殉難各員分別辦理暨請將總兵知府等官懲辦各摺片捻逆竄入晉疆在事文武各員戰守均不得力該撫所奏與賊接仗及失守收復各情是否確實著吉州知州余澤鄉甯縣知縣陳魯典史劉掄英有無聞警潛逃飾詞捏報之處著鄭敦謹確切查明從嚴參辦至參將趙融知府陳膺福所帶勇丁既有搶奪財物陵辱婦女等事經趙長齡飭查何以陳膺福不將滋事之勇按名交出是其庇縱勇丁已可概見著鄭敦謹即將趙融陳膺福縱容勇丁確情查明據實參奏仍飭陳膺福將滋事之勇交出照例懲辦已革總兵陳必友帶隊能否得力並於賊匪搶渡時有無貽誤重情著一併查參原摺片均著鈔給閱看鄭敦謹計期早已行抵晉省何以久無奏報殊堪詫異著即將該省布置防務情形及諭令交查各件迅速查明據實具奏毋稍徇隱將此諭令知之○命欽差大臣左宗棠總統直隸各路官軍○以勦捻獲勝賞還已革總兵官王心安原官頂餉○予山西陣亡副將舒再元等祭葬世職○修湖北安陸府屬隄工○丙子諭軍機大臣等官文奏勦賊獲勝並賊蹤南竄情形李鶴年奏遵查宋慶張曜兩軍遲誤各情並請飭豫軍不可分期及擬紮安陽調度各摺片東軍勦捻獲勝情形昨據丁寶楨具奏已明降諭旨宣示此次捻逆在直任意肆擾劉松山等軍既未能大有懲創而陳國瑞宋慶張曜尤未能奮力痛剿殊負期望見在賊竄武強邊馬已及衡水北路布置嚴密不慮該逆回竄著官文懷遵疊次諭旨嚴飭各將士痛加追剿不得再行觀望致干重咎賊蹤南趨左宗棠正可督兵迎擊該大臣以滅賊自誓諒不肯稍涉延緩著卽相機前進指示各軍同心協剿迅圖殄滅李鶴年前已摘頂示懲所請治罪之處著毋庸置議宋慶張曜兩軍兵力未厚可合而不可分亦係實情見在該總兵等仍合在一處進剿惟未能奮勉追擊著左宗棠隨時訓飭俾知儆惕李鶴年因磁州非用兵之地擬改紮安陽即著該撫相度辦理所有直隸交界處所卽責成李鶴年嚴爲防堵一面知照英翰合兵堵剿丁寶楨著仍遵前旨力顧東北兩面並嚴防該逆竄入東省致令追軍盡落賊後本日據侍郎毛昶熙奏直隸民鮮蓋藏軍食仍絀若四五月以前不克掃蕩則耕穫失時民困思亂師老不振請飭各軍迅籌剿擊等語所慮不爲無見著左宗棠官文申明賞罰用作士氣毋待朝廷之日夕訓誨也將此由六百里各諭令知之○麒麟請酌撤朝陽征兵以逸匪彌勒僧格

白凌阿未獲不許○予直隸陣亡副將郭運連祭葬世職○丁丑諭軍機大臣等富明阿等奏訪拏鄰境巨盜首從各犯請旨辦理一摺逸匪白凌阿及夥匪焦西平卽焦振東逃至吉林之弓棚子地方經佐領杜隆阿派兵拏獲該犯等罪惡貫盈自應立予駢誅以昭炯戒白凌阿一犯屢經官兵拏獲乘間脫逃其真偽殊難辨別茲據該將軍等所奏各情諒必審訊明確儻此次所獲非真將來別經發覺必惟富明阿是問見在白凌阿雖已就獲其同夥匪犯藏匿於吉林各邊者尙復不少仍著富明阿督飭緝匪員弁協同熱河等處所派各員隨時搜捕以期淨絕根株毋稍疏懈將此諭令知之○戊寅諭軍機大臣等官文奏捻逆乘間北竄官軍繞截情形崇厚奏賊匪覬覦天津調兵回防各一摺賊股在饒陽被官軍擊敗遁至安平復由安平折向祁定北趨竄至省南三五十里地方見在劉松山郭寶昌喜昌並張曜宋慶等軍均在北面扼紮程文炳軍行近省城潘鼎新軍已到獻縣左宗棠相距較遠官文職任封圻責無旁貸所有見到各軍仍著官文嚴飭將弁速行會合夾剿務期痛挫兇鋒以副委任春壽所統馬隊並由易州調赴前敵之黑龍江馬隊及余承恩陳國瑞等所帶馬步各隊均在保定官文當乘此兵力厚集督令出剿北路固有玉亮恩承等軍加意嚴防而匪勢如果北竄亦可令春壽等迎頭扼截該署督諒不至擁兵自衛坐失事機其東北一路卽著丁寶楨督率東軍迅由西面前進會合保定諸軍力殄狂氛並著兼顧北路毋令賊蹤乘隙北竄賊股旣已南竄武強衡水何以復又北折擾及保定是否係另股北趨牽掣北路官軍而大股另圖南竄抑係全股均行北犯著官文查明具奏並著官文丁寶楨確探賊情相機會剿轉瞬春融凍釋閭閻亟當乘時播種若不將賊匪迅速殄除則民食維艱益致流離失所畿疆重地尤屬可虞該署督等諒早見及左宗棠旣由獲鹿前進務當視賊所向迎頭截擊以顧西南一路賊匪旣有竄撲天津之意崇厚當妥籌布置實力嚴防所有前經調出之槍隊練軍卽著崇厚飭令陳濟清統帶回紮靜海一帶力顧東南將此由六百里各諭令知之○是月緩徵直隸滄州等六十二州縣被水被旱被雹被風被擾新舊額賦租課暨民借倉穀山東濟甯等五十七州縣德州等四衛東平所屯莊永阜等三場被水被旱被潮被風被蟲被擾本年上半年忙額賦暨雜課竄課

同治東華續錄七十

二月己卯朔諭軍機大臣等官文奏賊匪屢圖北竄見籌布置情形並官軍馳抵張登鎮各摺片賊匪意在北趨雖被官軍進偃展轉奔竄仍復伺隙北擾官文意在攔截北面俟南路諸軍齊到再圖圍剿聚殲惟見到各路官軍已不爲少若再不乘勢痛勦力挫兇鋒將來賊眾裹脅愈多且難保不聲東擊西伺隙他竄潘鼎新程文炳兩軍甫經趕到著卽在北面穩紮

乏著官文崇厚隨時接濟河南風門口爲入山西垣曲要口據左宗棠奏防兵單薄如賊由河北回竄晉省難資得力著趙長齡另派得力將弁扼紮以固晉省門戶其吉州等處河防仍著陳湜在該處辦理左宗棠另片奏請撥坐糧廳漕米轉運保定等語各路援軍前已令戶部撥銀二十萬兩交官文分辦軍需並令崇厚由天津撥解洋米分運直境各處接濟儻有不敷再由官文崇厚酌量奏請撥解倉場所存米石以濟軍食將此由六百里各諭令知之○諭趙長齡奏查明捻逆搶渡入晉失事殉難各員分別辦理暨請將總兵知府等官懲辦各摺片捻逆竄入晉疆在事文武各員戰守均不得力該撫所奏與賊接仗及失守收復各情是否確實著吉州知州余澤鄉甯縣知縣陳魯典史劉掄英有無聞警潛逃飾詞捏報之處著鄭敦謹確切查明從嚴參辦至參將趙融知府陳膺福所帶勇丁既有搶奪財物陵辱婦女等事經趙長齡飭查何以陳膺福不將滋事之勇按名交出是其庇縱勇丁已可概見著鄭敦謹即將趙融陳膺福縱容勇丁確情查明據實參奏仍飭陳膺福將滋事之勇交出照例懲辦已革總兵陳必友帶隊能否得力並於賊匪搶渡時有無貽誤重情著一併查參原摺片均著鈔給閱看鄭敦謹計期早已行抵晉省何以久無奏報殊堪詫異著即將該省布置防務情形及諭令交查各件迅速查明據實具奏毋稍徇隱將此諭令知之○命欽差大臣左宗棠總統直隸各路官軍○以剿捻獲勝賞還已革總兵官王心安原官頂翎○予山西陣亡副將舒再元等祭葬世職○修湖北安陸府屬隄工○丙子諭軍機大臣等官文奏剿賊獲勝並賊蹤南竄情形李鶴年奏遵查宋慶張曜兩軍遲誤各情並請飭豫軍不可分期及擬紮安陽調度各摺片東軍剿捻獲勝情形昨據丁寶楨具奏已明降諭旨宣示此次捻逆在直任意肆擾劉松山等軍既未能大有懲創而陳國瑞宋慶張曜尤未能奮力痛剿殊負期望見在賊竄武強邊馬已及衡水北路布置嚴密不慮該逆回竄著官文懷遵疊次諭旨嚴飭各將士痛加追剿不得再行觀望致干重咎賊蹤南趨左宗棠正可督兵迎擊該大臣以滅賊自蓄諒不肯稍涉延緩著卽相機前進指示各軍同心協剿迅圖殄滅李鶴年前已摘頂示懲所請治罪之處著毋庸置議宋慶張曜兩軍兵力未厚可合而不可分亦係實情見在該總兵等仍合在一處進剿惟未能奮勉追擊著左宗棠隨時訓飭俾知儆惕李鶴年因磁州非用兵之地擬改紮安陽卽著該撫相度辦理所有直隸交界處所卽責成李鶴年嚴爲防堵一面知照英翰合兵堵剿丁寶楨著仍遵前旨力顧東北兩面並嚴防該逆竄入東省致令追軍盡落賊後本日據侍郎毛昶熙奏直隸民鮮蓋藏軍食仍絀若四五月以前不克掃蕩則耕穫失時民困思亂師老不振請飭各軍迅籌剿擊等語所慮不爲無見著左宗棠官文申明賞罰用作士氣毋待朝廷之日夕訓誨也將此由六百里各諭令知之○麒慶請酌撤朝陽征兵以逸匪彌勒僧格

白凌阿未獲不許○予直隸陣亡副將郭運連祭葬世職○丁丑諭軍機大臣等富明阿等奏訪拏鄰境巨盜首從各犯請旨辦理一摺逸匪白凌阿及夥匪焦西平卽焦振東逃至吉林之弓棚子地方經佐領杜隆阿派兵拏獲該犯等罪惡貫盈自應立予駢誅以昭炯戒白凌阿一犯屢經官兵拏獲乘間脫逃其真偽殊難辨別茲據該將軍等所奏各情諒必審訊明確儻此次所獲非真將來別經發覺必惟富明阿是問見在白凌阿雖已就獲其同夥匪犯藏匿於吉林各邊者尙復不少仍著富明阿督飭緝匪員弁協同熱河等處所派各員隨時搜捕以期淨絕根株毋稍疏懈將此諭令知之○戊寅諭軍機大臣等官文奏捻逆乘間北竄官軍繞截情形崇厚奏賊匪覬覦天津調兵回防各一摺賊股在饒陽被官軍擊敗遁至安平復由安平折向祁定北趨竄至省南三五十里地方見在劉松山郭寶昌喜昌並張曜宋慶等軍均在北面扼紮程文炳軍行近省城潘鼎新軍已到獻縣左宗棠相距較遠官文職任封圻責無旁貸所有見到各軍仍著官文嚴飭將弁速行會合夾勦務期痛挫兇鋒以副委任春壽所統馬隊並由易州調赴前敵之黑龍江馬隊及余承恩陳國瑞等所帶馬步各隊均在保定官文當乘此兵力厚集督令出勦北路固有玉亮恩承等軍加意嚴防而匪勢如果北竄亦可令春壽等迎頭扼截該署督諒不至擁兵自衛坐失事機其東北一路卽著丁寶楨督率東軍迅由西面前進會合保定諸軍力殄狂氛並著兼顧北路毋令賊蹤乘隙北竄賊股旣已南竄武強衡水何以倏又北折擾及保定是否係另股北趨牽掣北路官軍而大股另圖南竄抑係全股均行北犯著官文查明具奏並著官文丁寶楨確探賊情相機會勦轉瞬春融凍釋閭閻亟當乘時播種若不將賊匪迅速殄除則民食維艱益致流離失所畿疆重地尤屬可虞該署督等諒早見及左宗棠旣由獲鹿前進務當視賊所向迎頭截擊以顧西南一路賊匪旣有竄撲天津之意崇厚當妥籌布置實力嚴防所有前經調出之槍隊練軍卽著崇厚飭令陳濟清統帶回紮靜海一帶力顧東南將此由六百里各諭令知之○是月緩徵直隸滄州等六十二州縣被水被旱被雹被風被擾新舊額賦租課暨民借倉穀山東濟甯等五十七州縣德州等四衛東平所屯莊永阜等三場被水被旱被潮被風被蟲被擾本月上忙額賦暨雜課電課

同治東華續錄七十

二月己卯朔諭軍機大臣等官文奏賊匪屢圖北竄見籌布置情形並官軍馳抵張登鎮各摺片賊匪意在北趨雖被官軍進徧展轉奔竄仍復伺隙北擾官文意在攔截北面俟南路諸軍齊到再圖圍勦聚殲惟見到各路官軍已不爲少若再不乘勢痛勦力挫兇鋒將來賊眾裹脅愈多且難保不聲東擊西伺隙他竄潘鼎新程文炳兩軍甫趕到著卽在北面穩紮

以固京畿門戶藉可暫事休息其餘張曜宋慶劉松山郭寶昌喜昌等軍著官文催令分路進攻務須由北向南節節壓剿以期痛殲醜類潘鼎新程文炳兩軍俟休息稍定後再行陸續相機進擊不可徒事株守賊匪見向東南張登鎮竄逸著官文嚴飭派出追軍速行痛剿丁寶楨當由東北兩面穩慎進取合力夾攻以剿爲防楊飛熊一軍前據丁寶楨奏稱調赴河間著卽飭令扼要駐紮以杜賊竄天津之路山東所調吉林黑龍江丹丁前據該撫奏稱二月初旬可期練熟馬匹亦可調養騰壯著卽調赴直隸進剿以資厚集左宗棠著由西南一路趕緊進攻以期兜裏嚴密賊匪北竄不遂勢必東趨天津崇厚當嚴行布置以備防剿毋稍疏虞前經諭令陳國瑞會合張曜等軍剿賊茲據官文奏該侍衛已有新募勇隊自係兵數不敷著卽飭令招募勇丁二三千名務須精壯可靠毋以冒濫充數並著官文妥爲駕馭以收其用將此由六百里各諭令知之○庚辰李鴻章奏潘鼎新督率所部於正月十八九日由東阿渡黃善慶溫德勒克西於二十日渡黃唐仁濂馬勇於二十一日渡黃相機北發潘鼎新二十日馳抵德州探聞賊由保定南竄饒陽恐其久踞肆擾或東竄河間天津因督隊倍道進征二十一日過直隸景州二十二日抵阜城卽改由獻縣西趨饒陽臣因該藩司隊伍稍單飛飭善慶溫德勒克西唐仁濂等馬隊迅速前進會合兜剿旋接潘鼎新二十三日獻縣來函云途遇東軍王心安潰勇紛紛回獻詢知該軍二十二日在饒陽接仗挫衄賊營仍在饒陽一帶該軍卽趕前攔擊等語善慶等二十三日抵德州已率所部前往大約二十五六日方能與鼎軍會合唐仁濂二十五日續抵德州據稱沿途麩料難購馬力疲乏計潘鼎新日內必有戰事若馬隊各營趕上馬步相輔或可稍挫賊鋒殊深焦盼聞劉松山郭寶昌兩軍已偪饒陽北面該逆屢陷祁饒兩城其燄漸熾各軍須穩慎進戰此擊彼應先得一二勝仗再厚集其勢與之角逐卽難就地殲除必將窮奔出境若以無制之師單弱之隊輕爲嘗試挫敗旣易賊氣立張故兵家慎言戰以戰而必不勝不如不戰養威擒極狡悍張總愚尤窮寇死黨非戰勝不足以塞其膽非久戰屢勝之軍則人馬器械徒以餉賊臣所知者劉松山湘軍打仗甚穩郭寶昌皖軍進隊尙猛屢據該提鎮稟報遠役久追人馬飢困恐尙不足大戰豫軍宋慶張曜勇隊皆籍隸穎亳款悉捻情當不至挫見經官文相機調度諒臻妥協臣軍疲憊之餘又勇丁多係南人一渡黃河水土食物俱不相習此次奉調北來將領迫於大義勉力遵行而勇夫無知竊聞北地荒旱缺糧間多逃走臣惟督同諸將設法激勸隨時募補體恤其艱苦冀得用其死力再臣所謂周盛波一軍迄今未到臣卽自帶小隊先行啟程由東阿過黃河順道至張秋運河口察看後路糧餉軍火轉運事宜兼候盛軍取齊昨已督飭委員籌辦黃運交匯淤阻之處在張秋設立轉運局以通南北餉道周盛波督押後隊先令其弟周盛傳率所部北行頃已趕

到張秋臣即日督率啟行由東昌至德州再察賊情如已南趨或進駐冀州大名一帶如賊尙趨東北視何處糧草最便暫行屯紮就近調度直境兵馬過眾草糧不給此最可憂屢次商請署督臣官文豫籌速辦頃准函覆已令各地方官提款購備並因張樹聲派充行營翼長難遽分身另委候補知府張光藻赴河間一帶隨營照料糧籌或可無誤軍食郭松林楊鼎勳大隊在濟甯整頓軍裝深恐過河後直東糧草艱絀難資飽騰臣又飛催陸續遣行據報於二十七八等日分起北行黃河渡船稀少若無阻滯二月初旬可到該軍過河後察看賊趨何路再向何路兜剿途次疊奉諭旨敬悉北路防軍已厚無虞銜走下懷曷勝欽慰臣軍自由東南相機夾擊以取犄角之勢雖賊勢剽疾直境平坦千里無高山大川以扼之兵勇雖多仍慮不敷且強弱不齊殊未易言聚殲此實在之情理不敢大言以取咎戾也又奏頃據潘鼎新稟稱二十四日行抵饒陽城東十餘里遇賊邊馬奔竄我軍趕緊追逐適皖軍郭寶昌程文炳自西北來會兵勢較盛賊盡敗竄西南各軍分路兜追三十餘里天晚收隊賊已趨深州一帶次晨該藩司仍約會皖軍探蹤追擊等情臣查東北各軍雲集賊知不可深入勢將南趨順廣或循舊路回竄彰衛或乘虛東擾臨清東昌均未可定臣止由張秋北行雖後隊未齊可爲東面聊作聲援俟過東昌後察探賊蹤所向再定進止一面飛催郭松林楊鼎勳等倍道趨行計其渡河尙需旬日卽令徑趨東昌大名一帶攔剿仍飛飭潘鼎新善慶等由東北壓追而下惟直境西南地勢尤極寬平無險可阻李鶴年在磁州兵力甚單似亦難於堵遏臣懸揣局勢惟懷慶衛輝北阻太行南徧黃河地形較狹似可設法圍圍若左宗棠等趕派數軍嚴扼澤潞各山口及垣曲來路使其無可竄遁各軍由東北節節兜追過廣平大名後或分紮漳衛各河或進扼懷慶之沁河機局更緊再派隊蹙之一隅仍仿照上年扼賊運東之法稍需時日冀收聚殲之效於大局亦無妨礙如不求圍賊之地似難有殄滅之期是否有當伏乞 聖明嚴飭各省將帥秉公合力籌商屆時妥細察辦賊情無定而地勢有定如在直晉圍剿似較得力成否雖未敢豫知或亦因地制宜之法 上諭軍機大臣等潘鼎新等軍昨據官文奏稱距張登鎮不遠諭令在北路扼紮以資休息李鴻章所稱該藩司等徑趨饒陽自係在官文奏報以前之事該藩司等跋涉遠來誠不宜輕於浪戰著仍遵前諭暫在北路堵扼以杜捻蹤北竄李鴻章見由東阿渡黃卽著相機前進周盛波各軍並著催提北上以厚兵力李鴻章抵直後卽可在東南一面擇要扼紮如兵力有餘並著分撥數軍馳赴東北會合丁寶楨崇厚各軍向西南壓擊見在丁寶楨駐紮任邱一帶卽著和衷商酌妥爲布置當此事機孔亟宵旰焦勞該督撫等俱朝廷所委任當思師克在和之義協力同心迅籌滅賊儘因意見參商致誤事機其何顏以對君民耶李鴻章因直隸地勢平行擬蹙之於懷衛設法圍制固屬因地

制宜惟見聞該逆由祁州竄至安州復至高陽肆擾勢仍北趨似未知畏威南竄若不痛加擊剿恐裹脅日多必致盤踞近畿劉松山等軍著官文仍遵前旨飭令由北面壓剿而南若得一二勝仗則軍威大振足懾逆膽儻日久遷延師老餉缺愈形棘手其郭松林楊鼎勳等軍應否飭令徑趨東昌大名一帶著李鴻章相機調派所有淮軍糧草著官文嚴飭各屬妥爲備辦毋使缺乏左宗棠行抵何處著卽相機前進妥爲調度並著與李鴻章隨時籌商方略共奏膚功天津爲富庶之區地廣人眾逆匪垂涎實在意中著崇厚懷遵前諭妥爲防剿並著與丁寶楨各軍聯絡聲勢扼截毋使闖入是爲至要神機營奏陳國瑞募勇成隊酌給餉銀三萬兩以供支放著官文傳諭該侍衛祇領後擗節動用此係格外體恤該侍衛當奮勉剿賊以圖報稱不得徒託空言神機營餉項豈能時時撥給嗣後如有缺乏著官文隨時支發毋稍貽誤本日據侍郎畢道遠奏陳國瑞勦賊奮勇堪派左宗棠翼長等語陳國瑞本係交左宗棠差遣其可否派充翼長著左宗棠察看儻因該侍衛性情與充當翼長不甚相宜或另派妥員或不必派員之處均著該大臣酌覈辦理將此由六百里各諭令知之○諭沈葆楨奏報造船開工日期並陳明船廠情形一摺據稱開造輪船鐵廠關繫最重上年十二月間船臺造成一座所運鐵器木料亦已附船而來當親率在事官紳工匠前赴船塢開工相機酌辦惟需石需木需土需匠四者頗難所奏均中窾要輪船一事所難在於經始見在鳩庀已有可觀尤當矢以實心實力期於必成卽著沈葆楨督飭周開錫等及日意格各員盡心經理毋以畏難自阻庶日新月異共觀厥成其巡察布置一切均著照該前撫所議辦理沈葆楨以本地紳士督辦船政事非易爲英桂馬新貽李福泰下寶第務當遇事籌商並將經費隨時撥給俾得一無牽掣克戡要工將此由四百里各諭令知之○諭曾璧光奏籌辦獨山荔波軍務情形請在重慶設立捐局並請調馬宗駿等員各摺片荔波獨山逆匪恃眾負隅曾璧光以餉絀兵單未能迅圖大舉惟該州縣係黔粵往來孔道且距省甚近匪徒蹂躪已久若不力籌進剿勢將益肆蔓延著曾璧光檄飭黃清源李泉源等軍就見有兵力設法進規相機布置黔省餉需萬分缺乏曾璧光擬援照湖南貴州見在辦捐章程在川勸捐著卽照該署撫所請在重慶府城設立四川協黔新捐總局由曾璧光派員前往勸辦並著崇實飭令川東道暨各地方官協同經理所收捐款仍由曾璧光咨明四川總督儘數劃抵川省積欠餉餉以裕軍儲四川副將馬宗駿湖南沅州協都司田國珍據曾璧光奏稱均屬熟悉軍事著崇實劉崐飭令各該員迅速赴黔交曾璧光差遣委用其黃清源李泉源滕代榮三員並准曾璧光留於黔省以資差委將此由五百里各諭令知之○辛巳諭軍機大臣等張之萬奏派兵入直助剿一摺張之萬以直省軍務緊要擬挑選步勇三四千名馬勇兩營派令姚廣武張從龍王文行王得勝督帶

赴直協勦覽奏具見惻忱前有旨諭令英翰督率皖軍嚴扼黃河南北兩岸與李鶴年聯絡聲勢互相截勦此次張之萬所派馬步各軍卽著飭令前赴豫省歸英翰節制調遣該軍到豫後應如何擇要扼紮之處並著英翰與李鶴年妥籌布置豫省既添此軍防勦兵力較厚如賊蹤竄近西南著左宗棠會商李鶴年英翰相機調度賊匪見仍北趨那定高陽一帶朝廷甚深慮繫左宗棠當懷遵屢次諭旨星馳前進迅掃逆氛以副委任王可陞所部四營卽著張之萬檄飭駐紮清淮一帶以資彈壓將此由六百里各諭令知之○諭穆圖善奏官軍攻克渭源見籌進剿狄道河州一摺甘肅渭源縣久經回匪竄踞穆圖善派知府舒之翰會同提督王得勝傅先宗等由鞏昌進剿直薄城下合力衝殺斃匪甚多賊向官堡奔竄當將縣城收復勦辦尙爲得手惟官堡爲狄道咽喉該逆大股尙踞其中亟應乘勝攻克以便節節進兵著穆圖善迅飭各軍立將官堡賊巢掃蕩以次進規狄道河州該署督卽相機出省督勦迅殄逆氛將此由六百里諭令知之○壬午諭軍機大臣等丁寶楨奏捻逆折竄西北分路扼剿挑派吉林等西丹馬隊赴直崇厚奏賊氛北徇會兵力過請飭撥軍嚴防東北並接濟前敵米糧軍火等項各摺片覽奏均悉逆騎由深祁高陽竄擾任邱河間非北向雄固卽東撲天津任邱河間一帶爲扼要通衢楊飛熊一軍雖經趕到駐紮任邱而陳濟清一軍又將回顧津郡該處兵力尙單難資堵截著官文於潘鼎新程文炳兩軍內速撥得力之軍兼程馳赴雄縣任邱大城一帶均勻分布與丁寶楨所部東軍聯絡聲勢嚴行扼截毋任賊蹤竄向東北潘鼎新程文炳等軍到後兵力較厚設津郡緊急陳濟清等各隊亦可隨時兼顧並著官文調派保定諸軍由西路節節進剿兼顧北面賊匪肆行無忌非痛加勦戮不足以挫兇鋒而寒賊膽官文當相機進擊不可徒事株守李鴻章派援各軍其未抵直境者著迅速迎提北上或替程文炳潘鼎新等軍扼紮保定或卽赴東北各路屏蔽近畿及津郡一帶著官文酌覈辦理總期各該軍取道便捷不至往返紆折爲要左宗棠當速催前敵各軍進剿毋稍延緩其應駐紮何處以便呼應較靈著隨時酌度辦理天津地方富庶逆匪垂涎已久崇厚見於該處水陸設防著卽嚴密布置並著設法聯絡鄉團鼓舞人心以資堵禦左宗棠前敵各營應用米糧軍火等項崇厚當隨時撥解轉運丁寶楨所挑之吉林黑龍江丹丁一千五百名著於行抵該撫行營時認真察看飭赴春壽行營會合步隊迅速進剿一切口糧仍由丁寶楨籌給並著官文隨時節濟餉項軍火以備缺乏月餉著照所請全行發給其各丹丁家屬養贍銀兩仍著隨時另行籌解以示體恤其餘丹丁馬匹仍著丁寶楨飭令認真訓練調養以備調派將此由六百里各諭令知之○諭庫克吉泰等奏陝軍勦賊獲勝情形派員馳往汧寶鞞賊營請調蜀軍助勦各摺片米脂邠州宜川洛川等處羣匪麇集經陝軍分路勦擊屢獲勝仗惟回逆股數太多雖疊

有斬擒究未大受懲創著庫克吉泰劉典督飭各軍嚴密堵剿遇賊即擊以期盡殲醜類寶雞縣城被匪闖入復由寶雞竄至汧陽該將軍等已派劉效忠張岳齡會同喻步蓮前往剿辦著即飭令該員等馳赴汧寶之間會合進兵實力勦洗陝省軍務緊要見在兵力不敷勦辦周達武一軍著崇實迅飭該提督統帶所部進駐隴汧之間與陝軍聯絡進攻以期迅殄逆氛寶河一帶該署督另派安員前往接替以固蜀省門戶劉典另片奏稱蔣益澧熟悉軍情請飭迅速來陝等語本日已諭

令瑞麟飭令蔣益澧趕緊馳赴陝西軍營並著左宗棠咨催赴陝以資得力將此由六百里各諭令知之○趙長齡開缺聽候查辦以鄭敦謹署山西巡撫由都御史署○喬松年以病免以劉典署陝西巡撫幫辦軍務三品卿銜○癸未諭內閣前派恭親王會同神機營王大臣辦理巡防事宜見在直隸軍務緊要所有各路統兵大臣暨各督撫均著歸該親王等節制○諭軍機大臣

等據軍機大臣代奏前任戶部侍郎李鴻藻奏請派親王爲大將軍左宗棠李鴻章爲參贊督辦直隸軍務一摺見在各路統兵大臣並各省督撫帶兵入直勦辦擒匪雖經派令左宗棠總統前敵各軍仍恐各大臣等意見紛歧事權未能歸一以致呼應不靈本日已明降諭旨令各路統兵大臣並各該督撫等均歸恭親王等節制矣各該大臣督撫等於賊勢軍情俱

當隨時具報神機營覈辦惟軍情變幻靡常一切進止機宜仍應責成各該大臣等隨時相度辦理不得專候神機營指示俾免稽遲貽誤左宗棠李鴻章均係欽差大臣見歸恭親王等節制自可一事權而免紛歧所請欽派大將軍參贊等名目

均毋庸議各該大臣督撫等身行在行間親臨前敵務須合力同心迅圖攻勦肅清畿甸儻有推諉觀望株守不前致誤戎機者即由恭親王隨時參奏其所請申明軍律約束兵勇等事即著恭親王等札飭該大臣等遵照辦理將此由六百里各諭令知之○左宗棠奏臣行抵獲鹿一面派兵確探賊蹤一面採辦軍糧以備裹帶前進正月二十六日聞賊趨東鹿窺渡漳

沱臣未及候糧即督隊赴漳沱河北依橋扼紮以防該逆循河西竄旋據探報該逆由東鹿深澤向西北竄走並擾及定州北境適接劉松山郭寶昌來稟兩軍於二十二日四鼓會同安住馬隊在饒陽西北王岡西之張岡襲賊獲勝斃賊約四百名奪獲廐馬三百餘匹解散脅從二千餘名二十五日追入深州境內賊從西北繞避復向北趨臣比即移駐正定東北正

催糧拔隊間接張曜宋慶稟報二十七日馳出賊前自保定西路紮至滿城山麓出隊截勦獲勝賊已南竄並據張曜等稟稱劉松山郭寶昌已馳抵保定矣臣即由新樂赴定州一面咨行見到直隸各軍在賊之北者向南壓勦在賊之東者自東

北向西南進勦在賊之西者自西北向東南進勦各將前進日期報臣以便相機籌辦各軍亦互相知會步步偏壓如至漳

沱河北各軍厚集機局緊湊即覺賊於河濱儻各軍距賊遠近不同不能如期並至即俟該逆渡河後北路局勢更穩再行

東華書局

司台七十

七年一月

痛加勦洗臣至定州後如賊踰定州東南臣亦即移營南下與各軍聯絡進剿一切機宜謹當與署直隸督臣山東撫臣河南撫臣妥爲商酌 上諭左宗棠所陳三路進兵並令各軍互相知會聯絡聲勢爲步步進逼之計布置頗合機宜惟賊勢見由祁定高陽分擾任邱河間意在東撲天津昨已諭令官文於潘鼎新程文炳兩軍內揀派得力之軍馳赴雄縣任邱大城等處分紮扼截東北矣丁寶楨見駐河間楊飛熊陳濟清等分紮鄭州任邱其河間以南阜城景德等處尙覺空虚賊騎避兵繞竄蹈隙乘虛是其慣技左宗棠見駐正定駐前敵較遠應行移紮何處並如何調撥各軍扼截或分路進兜以剿爲防杜賊竄津並紛竄東北之處均著該大臣慎遵昨日諭旨相度機宜酌量辦理將此由六百里諭令知之○諭庫克吉泰等奏逆回竄近省城籌辦情形一摺回逆由寶雞汧陽等處避兵突竄咸陽郿縣並分股渡渭竄近省垣經庫克吉泰喬松年劉典飭令各將弁分投擊退惟賊匪紛竄肆擾我軍備多力分仍著該將軍等督飭在事各員時加防範遇賊即擊省城重地關繫緊要經喬松年調回張岳齡一軍回顧省城劉典亦飛調楚軍五營回省著即嚴飭各率所部視賊所在盡力勦辦兼顧省垣毋稍疏失省中回民甚多尤須加意撫輯認真防範毋任句結爲患劉典見駐耀州未能移動喬松年雖已開缺仍須將省防事宜妥慎籌辦以期周密喬松年另片奏請令庫克吉泰回省等語省城防兵較單著該將軍統帶所部即行回省與喬松年商辦城防俟防務較鬆仍著相機出省督剿喬松年密片一件著留中將此由六百里各諭令知之○子陝西殉難知縣崔銓淦祭葬世職○甲申諭軍機大臣等文麟奏安玉一帶喫緊請暫駐防剿並擊賊獲勝情形一摺肅州逆匪由南山邊繞至安西三道溝一帶經文麟督軍迎剿該逆敗向東竄官軍追至赤金堡沙岡墩等處奪獲甚多所有此次出力弁勇著暫行存記俟文麟抵哈密後續有勝仗再行彙案請獎玉門東接肅州安西敦煌又係追兵後路固應設法嚴防惟哈密回蹤屬聚豈可顧此一隅使之望援念絕著文麟懷邊邊次諭旨統帶所部趕緊赴任不得藉詞觀望其安玉各路應如何撥兵兼顧之處並著相機辦理景廉見在行抵何處即著該大臣迅速咨催前進毋任逗留前有旨令穆圖善嚴飭楊占鼐迅赴肅州接辦西路軍務以便成祿剋期出關楊占鼐此時如未啟程著穆圖善催令星馳前往妥籌勦辦藉顧出關諸軍後路不准再涉遷延成祿俟楊占鼐到後即遵前諭統率原部迅赴哈城會同文麟等實力勦賊如仍前玩泄致誤戎機該提督能當此重咎耶將此由六百里各諭令知之○諭官文酌量截留漕糧接濟兵糈○飭四川等省月撥成祿軍餉○命鄭敦謹籌撥文麟月餉○乙酉諭軍機大臣等恭親王等奏請飭各軍勦捻以專責成並請將陳國瑞歸神機營調遣官文奏捻由高陽向東南奔竄各軍追剿情形各摺片此次令各路統兵大臣及該督撫等俱歸恭親王等節制原冀事權畫一和衷共濟

而追勦堵扼仍應責之各路統兵大臣督撫分段勦辦方能迅速賊事自易州及近京一帶已有神機營精兵防衛當可無虞侵軼所有保定西北兩面及屏蔽易州一帶著官文左宗棠分飭所部相機扼防保定東北兩面並天津進南及界連山東地方並大名以北著李鴻章崇厚丁寶楨分飭兵勇扼要堵勦儻東北面兵力尙單並著李鴻章添派隊伍於河間迤北一帶嚴防其直豫交界之彰衛等處即著李鶴年英翰會同扼守該大臣等將應防地段界址各自認定互相聯絡以期局勢緊湊左宗棠李鴻章久歷戎行所部尤爲精銳並著抽撥馬步勁旅相機兜勦所有到直之劉松山等軍及善慶溫德勒克西春壽馬隊並山東所撥東三省西丹著該督撫等妥爲籌商派赴前敵以利追勦所有一切進止機宜著該大臣等隨時酌度辦理不爲遙制儻有推諉觀望各情即著恭親王等隨時察度指名嚴參該大臣等爲國家所倚畀值此京畿孔亟正臣子力圖報效之秋斷不可稍存意見致煩厘繫其所部兵勇並著嚴飭管帶官認真約束不准稍涉滋擾侍衛陳國瑞卽作爲神機營管隊官所需勇糧等項由神機營給發毋庸歸官文左宗棠調遣李鴻章見在行抵何處著卽迅速前進懷遵前諭相機扼紮所有軍情賊勢隨時具奏劉松山等軍並著官文嚴催追勦毋令逆蹤得以任意肆擾致滋蔓延將此由六百里各諭令知之○丙戌諭軍機大臣等崇厚奏賊勢逼近津南請飭淮皖各軍進勦萬青藜王榕吉奏請飭撥官兵以固畿南一摺崇厚所奏賊匪竄擾獻縣之淮鎮並青縣之杜林鎮距青滄等城甚近似賊股大勢又已趨近津南情形萬分喫緊該處地廣兵單需兵甚急且各路軍火糧餉均藉津郡轉運接濟關繫非輕著左宗棠官文速派劉松山郭寶昌喜昌宋慶張曜各軍星夜兼程分道前進或由大城一路繞前迎擊或由獻縣一路躡蹤追勦務期趕緊勦辦不得專事株守任聽賊騎縱橫到處蹂躪見在河津一帶喫緊官文應先其所急速飭由安州進勦之程文炳一軍及春壽等所部馬隊一併馳赴任邱大城協力防勦丁寶楨駐軍河間著卽分撥所部於大城任邱一帶扼要堵勦並與天津兵勇就近聯絡聲勢互相援應兼顧北路以固畿南門戶並著李鴻章懷遵前諭迅派得力大枝勁旅數軍由德州河間等處兼程迎頭進勦毋得稍事遷延該大臣計期早應行抵直境即著於天津河間一帶相機進紮迅籌滅賊之方崇厚當督飭鄧啟元陳濟清等軍在津南一帶奮力迎勦並著將津郡防務嚴密布置天津民情素稱奮勇並著崇厚督飭該地方官聯絡紳團身先任事以資鼓舞左宗棠已行抵定州著卽照該大臣前議督飭諸軍向南兜勦力挫兇鋒以贖前愆萬青藜等另片奏擬築黃村等處堡寨等語黃村爲京南屏蔽該兼尹等見督官紳築立堡寨擬將南北兩面圍牆東至南苑西牆爲止並將黃村紅門圈入寨內著照所擬趕緊辦理其餘各屬地方堡寨並著該兼尹等督飭各地方官速爲興修以資守禦將此諭知萬青藜王

榕吉並由六百里各諭令知之○左宗棠奏擒逆慎技避實乘虛直隸地勢平衍難限戎馬主客各將領身經百戰非不思

迅圖蕪役而不能不防其北犯必於近京之處設立重防然後放心向南追擊臣維畿內西南路以涿州爲總要南路以固

安爲總要茲值各軍雲集應派勁旅兩枝一駐涿州一駐固安以重形勢此爲近防之軍卽賊蹤稍遠亦未可遽撤也保定

河間天津三郡鼎峙見有重兵在河間如天津有警尚可橫出截之然三郡屏蔽郊畿防軍儻涉空虛必多罅隙此爲且防

且剿之軍須隨時調度不可併聚一方亦不可悉數南下也其進剿之軍則視賊所向併力攻剿如將逆賊逼過滹沱則與

山東河南諸軍共收夾擊之效如賊逸而北則與保定河間天津諸軍共收夾擊之效較之專防而不能剿專剿而無以爲

防者稍覺周妥臣謹擬就前敵各軍遵旨分別調撥以專責成臣於二月初四日行抵定州因沿途雇覓軍馱極難軍糧落

後定州雖可橫出高陽而軍無隔宿之儲道出邢州博野一帶新遭蹂躪無從採購軍糧萬難由此前進擬徑由望都抵保

定與官文通盤籌畫卽赴前敵督率諸軍一意進剿又奏查獲鹿入山踰太行至晉境以固關爲最險但得一千節制之師

扼守關隘賊騎斷難鋌走該處糧既不足井泉亦少駐軍太多難覓飲食臣既奉命總統各軍進剿日趨東北勢難兼顧固

關臣所部五千人又未便再事分撥應請飭下直隸督臣抽撥練軍一千名迅往固關嚴防入晉之路儻賊蹤西竄前阻關

隘後有追師山徑不能馳騁必難逃脫也 上諭賊勢見由獻縣竄擾青縣涿州一路有神機營兵駐紮丁寶楨見駐河間

卽可北顧固安一帶前據神機營王大臣奏擬請各路統兵大臣並各督撫分路防剿當經諭令左宗棠官文專顧西北見

在賊勢趨重東南津郡喫緊兵力又單保定一帶情形稍鬆左宗棠日內計已到省卽著與官文商度機宜並迅催各軍分

路進攻或繞前迎擊或躡蹤追剿不可稍形鬆懈恭親王等距前敵較遠左宗棠卽馳赴東南迅督各軍迎頭截剿痛掃逆

氛一切進止機宜專候神機營指示以期迅速其西北一路防務卽著責成官文辦理固關一路空虛可慮著官文酌派得

力直軍一千名交唐訓方統帶或另派統將帶赴該處防堵以杜賊匪回竄晉疆將此由六百里各諭令知之○諭趙長齡

奏晉東防務緊要添兵堵禦一摺擒匪雖經東竄設被官軍截擊難保不遁而西趨晉省潞澤遼平四府州所屬沿邊各邑

與豫直兩省毗連自當扼要設防以杜匪眾回竄左宗棠已由正定督師東向斷難兼顧西路之防鄭敦謹見署晉撫責無

旁貸著卽查明沿邊各隘口遴派得力兵勇扼要設防並慎選地方文武使官與民相安庶可整頓鄉團以輔兵力之不足

河曲巡檢司以上冰橋尙未融消陝西神木府谷匪蹤正熾與山右保德等處僅一河之隔著卽飭令陳湜嚴督兵勇實力

防堵不得稍有疏忽大同沿邊一帶當飛飭地方文武各員嚴密籌防毋稍大意前次交查各件著鄭敦謹切實查明卽行

覆奏將此由五百里諭令知之○丁亥諭軍機大臣等劉琨奏援黔兵勇攻克荆竹圍賊巢並整頓吏治各摺片荆竹圍賊匪據險負嵎抗拒官軍擾亂楚黔邊境十餘載經席寶田李元度等督帶楚軍進剿將該匪老巢攻破斬首逆蕭潰盛等並將羅家巖賊巢一併攻克匪黨殲除殆盡剿辦甚爲出力河東橋頂山河西偏刀水等寨匪巢即著劉峴飭令席寶田等乘此聲威迅速掃蕩俾得肅清貴東黔省吏治廢弛日久李元度駐紮河西辦理善後著曾璧光慎選樸實耐苦廉介不擾之守令前往任事隨時稟商李元度妥籌辦理務期安輯閭閻免致激生事變其毗連湖南各縣地方官即著劉峴責成席寶田選舉賢員暫行任事以期呼應較靈劉峴原片著鈔給曾璧光閱看將此由五百里各諭令知之○以湖南官軍攻克貴州荆竹圍賊巢賞記名布政使席寶田珍物總兵官韓孝忠一品封典復已革按察使李元度職並賞還花翎餘加銜升敘有差○戊子諭軍機大臣等官文奏陝豫各軍剿賊獲勝逆蹤向西南奔竄並崇厚奏飭左宗棠等分路追剿各一摺此次陝豫各軍到直幾及一月屢經諭旨嚴催始能協力會剿小挫兇鋒見在賊向獻縣西南奔竄即著左宗棠官文嚴飭各軍乘勝追剿儻能蹙之於滹沱左右較易得手如該逆越河而南並著傳諭程文炳潘鼎新兩軍節節進扼以爲劉松山等後繼左宗棠由定州進省與官文晤商後著即出省迅飭諸將視賊所向盡力追剿毋稍稽遲該逆究竄何處並著官文詳細查明隨時具奏第逆情詭譎恐其復折而東李鴻章仍當嚴扼東北面以防竄越丁寶楨崇厚亦應力籌堵扼不可稍涉鬆懈崇厚因丁寶楨兵力較單不如李鴻章之兵勇較厚朝廷早已洞悉前已諭令該大臣駐紮河間一帶以顧東北面復以津防緊要諭令於天津相機扼紮該大臣接奉寄諭後著即懷遵前旨迅督所部兵勇兼程北上會合陝豫各軍向南壓剿並著將進止機宜隨時奏報以慰廑繫崇厚另片奏請飭部撥餉銀以資接濟本日已諭知戶部撥銀十萬兩發交官文支用矣將此由六百里各諭令知之○諭德勒克多爾濟奏馳抵歸綏飭查邊防情形並往包頭察看河防一摺據稱口外沿邊沿河防務均經布置惟回逆馬家拉拉等率領馬步萬餘竄陷甯條梁其榆林神木等處又有回匪竄擾並高家堡被圍該署將軍擬親往包頭一帶察看河防著即悉心查勘會同桂成妥籌布置毋稍疏虞甯條梁地方爲山陝通衢關繫緊要金順見已馳至該處即著督率所部迅圖規復儻任該逆聚眾久踞肆意蔓延必惟該副都統是問該署將軍亦當嚴飭防邊將士實力堵扼榆林神木一帶接近山西見雖冰泮河開仍應加意防範並著與桂成檄飭各軍晝夜梭巡毋令匪蹤闖入以固邊防將此由五百里各諭令知之○廣江西大庾縣學額十名○予直隸陣亡參將周德勝祭葬世職○己丑諭軍機大臣等丁寶楨奏官軍剿擒獲勝情形一摺此次劉松山等軍追剿擒逆殺賊千餘昨據官文具奏已諭令迅速追剿

計此時保定一帶防兵如潘鼎新余承恩等軍爲數不少足敷堵扼所有丁寶楨撥赴保定之東三省西丹一千五百名即著官文飭令春壽將原帶馬隊一併馳赴前敵會同劉松山等進剿官文不得一意截留致誤戎機左宗棠計已行抵保定該大臣諒必有滅此朝食之志即著出省迅督前敵各軍設法兜剿剋期奏功丁寶楨著即飭令莫組紳等軍跟蹤追剿李鴻章行抵何處久無奏報朝廷殊深屢念著即兼程赴直見在東北面向屬空虛抵直後即遵前旨相機扼紮酌量分兵進剿毋再遷延貽誤致干重咎將此由六百里各諭令知之○論德勒克多爾濟等奏回逆擾及草地蒙古官兵屢次接仗見籌防剿一摺據稱西路回匪竄陷甯條梁後復竄蒙古之依克沙巴爾等處蒙兵屢擊獲勝追至綽泰地方並乘夜往劫賊營賊仍退回甯條梁此股匪眾蓄意東趨雖經官兵擊敗難保不乘機竄越且地方遼闊尤恐防不勝防著德勒克多爾濟桂成仍遵前旨嚴飭札那格爾第等督率各軍相機堵遏一面檄飭巴達爾琿暨馬陞等加意嚴防並知照金順迅帶所部繞由東路迎頭截擊痛殲醜類不准稍涉稽延所有陣亡蒙古官兵人等即著查明請卹保德河曲等處與陝疆僅隔一河著鄭敦謹飭令陳湜親督在防將弁認真扼守其沿邊之大同一帶即著責令各地方文武時加偵察該署撫仍隨時咨會德勒克多爾濟等悉心籌防以期互相聯絡藉壯聲威將此由五百里各諭令知之○庚寅諭內閣前因捻匪竄至吉州由干降擾及河朔特派鄭敦謹馳赴山西將趙長齡所辦軍務如何疏懈及吏治廢弛之處確查具奏並因喬松年奏參吉州渡口爲臬司陳湜舊防賊匪搶渡時陳湜之四營皆潰並所上左宗棠函係墓客代爲飾稟及陳湜行至趙城停畱不進暨其族人陳膺福稟報不實等情復諭令鄭敦謹於抵山西時明查暗訪據實具奏茲據鄭敦謹覆奏趙長齡因注意嚴防河保致令吉鄉一帶兵勇單薄迨該逆乘機搶渡擾及腹地又未能撥兵迅剿任賊蔓延咎實難辭其陳湜被參各款或查無其事或查無確據惟該臬司督守全河任令該逆乘虛搶渡又因順道赴省致誤事機實屬失於防範貽誤地方請從重治罪各等語捻匪前次竄擾陝西等境屢經諭令趙長齡陳湜嚴防河岸並責成陳湜總辦沿河防務諄諄誥誡不啻至再三趙長齡統轄全省乃任捻匪竄晉又不能奮力堵禦致令闖入豫疆震及近畿實屬大負委任趙長齡著革職發往軍臺效力贖罪陳湜專辦河防增兵益餉朝廷無不俯允所請乃辦理一無成效卒致貽誤地方且該臬司到省之日即賊匪搶渡之日疏防失律厥咎尤重陳湜著革職發往新疆效力贖罪以示懲儆其陳膺福等被參縱勇滋事等款仍著鄭敦謹查明參奏至前據都察院代奏山西紳士曹翰書等陳請將趙長齡罷斥另簡賢員等語此次查辦各情朝廷一秉至公毫無偏信該紳士等不得以挾制長刁風爲疆吏者尤不可以泄沓滋口實也懍之○左宗棠奏臣於二月初七日馳抵直隸省

郊駐營黃家莊一面與官文籌商防剿機宜一面催趨軍裝採辦口糧卽由高陽相機進剿適准崇厚來咨擒逆游騎偏近
青滄津南喫緊旋據深州探報賊騎回竄州境距城僅十餘里等語賊情狡詐難保非西南游駛牽誤我軍仍逞其圖犯津
滄之計臣抵高陽後如賊勢仍趨東路臣卽馳赴天津之北向南歷剿如賊由深州西南竄走卽檄程文炳自高陽急起追
截臣亦由東北而西南督軍奮擊見已飛檄前敵各軍偵賊所向分道兜剿並力顧津南一帶臣既親赴前敵督剿有人而
保定省城屏蔽畿郊最關緊要官文見正料理前進臣勸其少緩應否令其畱鎮省垣之處出自聖裁頃據稟報二月初
四日郭寶昌與劉松山喜昌會軍進剿大獲勝仗偏賊向西南竄走是匪蹤又竄近深州青滄界內已無賊也上諭軍機
大臣等捻逆在獻縣境內被官軍剿敗折向深州一帶竄擾劉松山郭寶昌喜昌等業經各率所部會合追擊左宗棠卽著
出省馳赴前敵嚴檄該將士等實力兜剿迅殄賊氛毋任匪蹤到處蹂躪青滄界內無賊東路情形稍鬆該大臣當由東北
偏向西南痛將賊匪剿洗毋任回竄程文炳一軍卽著飭令由高陽一帶視賊所向節節進剿毋庸調赴大城任邱一帶春
壽所部馬隊並山東新到之吉林黑龍江馬隊千五百名著左宗棠官文飭令春壽一併帶赴前敵會剿官文卽著畱駐省
城嚴防北路並接濟前敵各營軍火糧餉毋任缺乏之賊勢漸趨西南固關爲山右門戶防守緊要前經諭令官文酌撥唐訓
方帶兵千名或另派得力兵將前往該處防守卽著懷遵前旨妥速辦理山西平定孟縣一帶並遼州各山路要隘著鄭敦
謹迅速派兵堵扼以杜賊竄晉疆之路毋稍大意將此由六百里各諭令知之○諭趙長齡業已革職鄭敦謹見攝撫篆責
無旁貸其防守不力各員並縱容勇丁滋事之案著鄭敦謹確切查明據實參奏毋稍徇隱山西各路防務著該署撫妥籌
布置河防尤爲緊要著左宗棠鄭敦謹酌派妥員接辦陳湜俟接替有人卽行起解其未交替以前著鄭敦謹嚴飭該革員
認真防範如再有疏虞卽以軍法從事左宗棠由晉入直於該處人才自能周知鄭敦謹曾任晉藩屬吏賢否尤所深悉如
有得力之員迅卽奏明辦理以專責成擒匪由陝竄晉蔓延數省左宗棠未能先事防維本有應得之咎念其跟蹤追躡已
到直隸尙知愧奮前旣予以革職畱任處分見姑免其治罪務將此股擒匪迅速殄除以贖前愆儆再遷延玩愒日久無功
必將從前貽誤之罪一併從嚴懲辦懷之將此由六百里各諭令知之○以蔣益澧爲山西按察使降廣東○追予貴州殉
難知府鹿丕宗建祠○辛卯署貴州巡撫張亮基奏請將辦理教案之已革知府多文等獎勵得旨多文於田興恕案內革
職永不敘用前據張亮基奏畱辦理籌餉帶練等事不准干預教民事件當因該革員前案情節較重未經允准何得顯違
諭旨仍令干預敘務所奏前後矛盾汪維翰亦係革職永不敘用之員張亮基輒以委辦教民案件爲詞爲該革員等瀆請

實屬乖謬且督撫辦理教務係屬地方公事何得先向主教面商成何政體所稱經理教案中外悅服等語顯有鑽營請託等弊所請著不准行多文汪維翰並著勒回旗籍不准仍畱黔省○壬辰諭內閣前據前任戶部侍郎李鴻藻奏大兵雲集統兵督撫分位相埒無以一事權而泯意見請照咸豐三年故事派親王爲大將軍坐鎮京師並令左宗棠李鴻章爲參贊大臣分路進剿當因逆蹤距京漸遠特派大將軍坐鎮恐各路統兵督撫事事稟承必致有誤事機而該督撫等勢均位埒轉不免互相推諉因派恭親王會同神機營王大臣節制各軍原以杜進止不齊之弊嗣經恭親王等奏請飭左宗棠由西北進剿李鴻章由東北進剿其官文丁寶楨英翰李鶴年崇厚並神機營派出各軍分段嚴扼所有進止機宜仍由該大臣等調度一切不爲遙制屢經諭令左宗棠等遵照辦理該大臣等亦深知此意於軍務緊要之處卽隨時相機籌辦並未事事拘執必行咨商致形紆緩茲據候補五品京堂王家璧奏稱大帥之功在任羣帥中樞之功在任各路大帥惟恐各路統兵大臣誤會前旨事由中制請明諭宣示等語王家璧於朝廷布置及恭親王等陳奏各情未能深悉聽過慮恐外間無識之徒一唱百和騰其口說於行軍大有關繫不得明白宣示左宗棠李鴻章官文英翰李鶴年丁寶楨崇厚均著仍遵前旨分路防剿一切進兵機宜卽由該大臣等妥籌調度不爲遙制儻有觀望遷延或意見參差致誤軍行者卽著恭親王會同神機營王大臣指名參奏以儆玩泄王家璧摺併發○李鴻章奏臣於二月初十日行抵德州郭松林楊鼎勳亦於十一日兼程抵德沿途雨雪泥淖馬駝倒斃輜重落後軍馬甚形疲乏探知捻逆被宜軍由北兜剿初六七日竄衡水境因滹沱河水勢大長未能竄渡初八日北竄深州王家井等處陝豫各軍仍分路兜偏臣查德州距深州僅二百餘里捻蹤趨向無定德景一路係竄天津要道而德州濱運河糧草較便臣暫駐此間籌提天津米糧以濟軍食兼扼東竄之路並飭郭松林楊鼎勳趕緊整隊由景州阜城繞趨深州一帶偵察賊蹤會同各軍由東北向南兜剿藉可屏蔽近畿但慮直境兵多食少糧草購辦不及耳據潘鼎新善慶稟稱追賊至保定奉署督臣官文飭令扼紮要路以堵北竄臣卽函飭該司與善慶溫德勒克西唐仁廉等馬隊無論防剿必須合併一路如北路情形喫緊臣再督同郭松林楊鼎勳等間道繞赴保定一帶會商官文妥籌拱衛京畿以壯聲援 上諭軍機大臣等見在捻逆向深州一帶奔竄劉松山等軍向南壓剿東北面仍屬空虛難保該逆不乘隙折竄牽掣各軍李鴻章若紮德州卽距深州已二百餘里追剿勢猶不及著卽懷遵前旨督率郭松林等軍迅速前進於東北一面相機扼紮不得以雨雪泥淖稍事耽延其周盛波等軍並著迅速催北來以厚兵力直隸交界地方是該逆南竄之路牛師韓方長華兩軍旣抵黃河北岸著英翰卽飭該兩軍於彰衛一帶妥爲堵禦豫省兵力較單英翰

仍當駐軍河干與李鶴年會籌防剿此時毋庸回顧交卸俟軍務稍平再行扶柩回旗以遂孝思曠省善後一切事宜即著咨令吳坤修妥辦李鶴年見駐安陽即著整頓土馬與英翰聯絡聲勢以防逸匪左宗棠計已馳抵前敵著即檄飭劉松山等各率所部跟蹤追擊並飭程文炳由高陽一帶進剿以期四面兜圍使該逆不得紛竄丁寶楨近駐河間亦當飭令莫紐紳等軍向南緊逼崇厚所派陳濟清洋槍礮隊各軍亦當與東軍策應毋得株守昨有旨令官文雷駐省城即著將北路防務嚴密布置刻下大軍雲集所有各營軍火糧餉該署督務當力籌接濟毋令稍形缺乏本日據候補五品京堂王家璧奏密籌根本重計等語前因捻蹤腐集畿疆特令左宗棠總統各路剿賊復命恭親王等節制各路統兵大臣及各督撫原以一事權而免紛歧其追剿事宜仍責成左宗棠李鴻章等不爲遙制覽該京堂所奏是於此中機緘未能窺及已有旨將王家璧交左宗棠差委著俟該京堂到營時左宗棠即將歷次所奉諭旨給予閱看庶曉然於朝廷之並無成見也又據御史游百川奏請飭各路統兵大臣迅籌滅賊並請詰其有無方略何時破賊切實自陳毋得飾報勝仗等語賊擾直境已逾一月各路官軍不下數萬若不迅圖剿洗糜餉勞師伊于胡底左宗棠等務各屏除意見勦力同心迅將此股賊匪就地殄除共奏膚功王家璧游百川原摺均著鈔給閱看將此由六百里各諭令知之○諭庫克吉泰等奏各營擊賊獲勝情形一摺此次回匪竄近省垣一帶經庫克吉泰等派兵夾擊賊向渭北遁竄其三不通地方賊巢經黃鼎攻克汧洛等處亦經擊賊獲勝並收復寶雞縣城靈臺賊匪復經官軍擊退期辦尙爲得手所有黃鼎一軍攻克逆巢尤爲奮勉出力各員弁著准其存記策案請獎仍著庫克吉泰劉典嚴飭各營將士將各處賊匪力圖掃蕩以期迅殄逆氛見在捻竄直境剿辦尙未竣事陝省毗連晉豫處所甚多該將軍等尤當嚴飭在防將弁認真堵遏毋任續有匪股東趨是爲至要將此由五百里各諭令知之○諭穆圖善奏遵覆甘省兵餉情形並官軍進剿官堡芻糧不繼及拾獲匿名訐帖各摺片甘省本係瘠苦之區餉需奇絀各處回匪擾亂防剿兵勇不能不多朝廷素所深悉即河狄未能肅清西甯一帶不得不暫示羈縻亦係實在情形所有協甘餉銀即著左宗棠劉典仍遵前旨飭令徑解漢中糧臺毋庸解交陝省致多周折並著穆圖善知照湖北督撫遵旨辦理左宗棠前撥海關洋稅銀兩爲數較鉅見在該大臣提師入直需用雖殷而甘省爲該大臣統轄之地諒不忍膜視並著於解到時飭令酌量撥給以濟甘省之急穆圖善固不可曉曉置辯左宗棠亦不必稍分畛域也河狄爲蘭州西路門戶穆圖善見擬出省剿辦即著迅速進兵次第廓清其官堡地方正在得手之際並著穆圖善飭令王得勝等乘勝攻拔毋稍觀望所需餉項著該署督迅籌撥給軍中捏造謠言鼓惑眾心亟應懲辦著穆圖善將籍寫訐帖之人密行查究惟見在月

餉入欠兵心易滋怨望當於查辦之中妥爲拊循使兵心愛戴雖困苦不至生變方爲妥協其上年防守省城及收復洮州克復渭源出力各員弁准其由該署督查明保奏以作士氣將此由六百里各諭令知之○諭張亮基奏鎮將玩視紀律分別辦理一摺總兵林自清係有旨散練回籍管束之員輒敢擅帶練勇戕官肆擄副將池有蓮奉派出師按兵不動勒索銀米殘害官民總兵劉元勳剋扣軍餉任性妄爲均屬大干法紀黔省疊遭變亂民氣凋殘若再任驕將悍兵恣行橫暴民何以堪軍務亦安望有起色著曹瑩光按照張亮基摺內所參各節逐細訪查將該員等撤回省城審訊明確卽行奏明正法以肅軍律惟該員等見均坐擁兵練務須不動聲色設法誘致毋致滋生事端方爲妥善張亮基摺著鈔給閱看將此由五百里各諭令知之○命候補五品京堂王家瑩赴左宗棠軍營差委○癸巳諭軍機大臣等李鶴年奏探聞陝省回逆分股竄逼豫邊力籌備禦一摺據稱回逆於正月間竄入岐山縣境突由扶風等處夾渭東趨其前路三原涇陽回逆同時竄向高陵藍田臨潼各縣匪蹤已及灃橋等語是此股賊匪距豫省邊界已不甚遠亟應力籌堵遏爲先事豫防之計此時英翰已抵汴梁牛師韓方長華兩軍亦到河北足敷扼守前駐豫西之馬德昭一軍應否移紮陝豫交界地方以資堵禦之處著該撫酌度辦理並著該撫一面咨會庫克吉泰劉典派兵繞前截擊一面飛飭河陝各屬激勵紳民齊集團練以固邊防毋稍大意張捻由河間竄向西南難保不仍由順廣一帶回擾河朔著該撫檄飭各軍確探賊蹤認真堵遏藉收夾擊之效將此由五百里諭令知之○諭宋廷春奏鎮沅廳城解圍並克復南邱鹽井楚雄城池失守各一摺滇省迤西逆匪自鎮南姚州各軍退守後遂占踞南邱鹽井並圍攻鎮沅廳城勢甚猖獗經署總兵李錦文等調集兵練分路圍攻當將南邱鹽井克復並乘勝將鎮沅城外賊營二十餘座一律攻破城圍立解剿辦尙爲得手著宋廷春卽飭李錦文等趁此聲威進規雲緬以斷賊援所有此次出力員弁兵練准其擇尤請獎毋許冒濫楚雄府城因祿豐失利致爲杜逆攻陷該處文武雖因援隔兵單究屬防守不力卽著飭令該員等會同楊國發等軍迅圖收復滇省情形危困必須督撫大員前往整頓軍務方有起色劉嶽昭計可由黔啟程著卽星馳前進督飭岑毓英激勵諸軍將各路逆匪力加掃蕩毋任日肆蔓延張凱嵩見已假滿卽著迅速赴滇會同劉嶽昭籌辦一切事宜不准藉詞觀望宋廷春於張凱嵩劉嶽昭未到以前務須振刷精神妥善防剿毋稍玩泄將此由五百里諭知張凱嵩劉嶽昭並傳諭宋廷春知之○甲午諭內閣理藩院奏遵議承襲汗王等爵一摺所有杜爾伯特汗爵著棍布札布承襲棍布札布所遺親王著巴咱爾札那承襲巴咱爾札那所遺貝勒著噶勒章那木濟勒承襲○諭軍機大臣等蔣益澧奏改辦太平關稅收支確數及徵收洋稅數目各摺片廣東太平關稅務經蔣益澧奏明改

辦後一年期滿共徵正額盈餘銀十八萬九千八百餘兩又江海關代徵絲稅紋銀四萬一千九百餘兩較之額定數目不惟不虧並且大有加增嗣後即可按照此次辦法覈實徵收涓滴歸公以杜中飽著瑞麟李福泰督飭南韶連道實力奉行毋得始勤終怠以致夙弊復生儻此後正稅盈餘再有短絀即將該道及各委員據實嚴參著落賠補此次動支經費洋銀四萬一百餘兩既係實用實銷著准其動用此後遞年支發前項銀兩並免其扣減二成以示體恤該關稅務業已辦有眉目嗣後即責成該道一手管理毋庸再派知府幫辦其太平等四分廠委員仍由巡撫遴選委員派充一年交替由該道隨時稽察所有徵收各貨稅則比照條款著即開列清單咨照戶部備案林述訓何世俊等辦理稅務尚臻妥協著李福泰查明酌量保獎將此由四百里各諭令知之○署直隸總督官文奏捻逆西竄見與左宗棠面商機宜撥軍防剿得旨賊蹤見由深州西竄左宗棠既經督軍前進官文當飭令潘鼎新嚴防西北一路務臻周密春壽所部馬隊昨據神機營奏令與陳國瑞會同進剿著即飭令相機前進聯絡前敵各軍互相策應毋稍觀望又奏調佐領全福等赴營差委批著咨行富明阿飭令全福等酌帶兵丁馳赴直隸軍營歸春壽統帶毋稍稽延○子直隸陣亡總兵官李光連參領奇克新等祭葬世職○乙未李鴻章奏臣前抵德州探知捻逆盤旋深州衡水交界距德甚近即飭郭松林楊鼎勳大隊由景阜前往兜剿十一日該兩軍隊伍輻重整備即於十四日由景州武邑西北徑趨深衡之交視賊所向會合劉松山郭寶昌張曜宋慶等軍分路壓剿偏賊南趨據探該逆被剿情急欲渡河南竄適滹沱河雪水漲發衡水一帶不能偷渡臣軍又自德州追逼逆眾見往西南逃遁等語臣初至此間不知滹沱河上游棗城正定等處水勢若何該處有無防兵逆蹤原無定向若不得渡必圖他竄查深州一帶既有劉松山等軍保定防軍亦厚既可無虞北竄臣因東面空虚飭郭松林楊鼎勳從東兜進藉以遮蔽景獻一路該兩軍馬步四十營素稱勁旅遇賊當可痛剿但恐我軍一到賊已旁竄臣又飭該提督等無論賊走何處總須猛力追壓使之不能喘息臣即日督帶周盛傳馬步十一營進紮景州為郭松林後繼若該逆越滹沱而南臣再相機進駐大名一帶就近調派與左宗棠等會籌布置山東撫臣丁寶楨親督王心安七營在河間居中調撥已派楊飛熊八營扼紮任邱又派莫組紳十營四出追剿是其兵力尚非甚單賊勢見趨西南河間情形稍鬆聞該處糧草艱貴似未便兩軍並紮致多擠雜臣軍帶赴北路者郭松林楊鼎勳為一大枝已派進剿潘鼎新善慶等合為一枝已派扼紮保定西北礙難移調僅周盛傳馬步十一營隨臣護衛此外並無他軍其零星各營當留防黃河以南劉銘傳因病請假所部暫難北來儻必令臣專防河間天津一帶應請調回郭松林楊鼎勳等勿庸進剿由臣帶赴東北妥籌布扼丁寶楨即可帶東軍回本境分

防德州臨清東昌等處伏乞訓示遵行抑臣更有陳者勦擒與勦他賊情形迥異賊蹤飄忽瞬息百變祇須揀派大枝勁旅敢戰宿將與之隨地兜逐相機勦辦不能取決進退於數十里之外致誤機宜臣前在山東辦任類等股祇管選將練兵不管臨敵調度諸將無所牽掣得以放手勦辦倖告成功至防擒亦與防他賊情形迥異擒賊無攻城奪寨伎倆故城寨易防而平原難防凡城池失陷必其城已倒坍或無壯丁可守也平原四達則祇能守城寨城寨之外不能禁大股之不衝突馬賊之不游駛惟大山大水可以扼之直境四望寬平除漳沱滏陽衛運各河西淀東淀一帶略可設法置守但人少亦不濟事此外有勦法無堵法其言防言堵似祇虛聲而無實濟臣於辦擒粗有閱歷既有所見不敢不據實憑陳上諭軍機大臣等丁寶楨奏莫組紳一軍追賊深州東鹿等處屢有斬擒皖豫各軍亦在東鹿大捷李鴻章以賊在深州擬派郭松林楊鼎勳大隊由景州武邑西北前往進剿惟捻騎飄忽靡定見據丁寶楨奏稱賊有竄望都之信李鴻章當檄郭松林等視賊所向會合劉松山郭寶昌張曜宋慶喜昌等軍分路壓剿偏賊南趨見在西北一路兵力較厚東北尚覺空虛丁寶楨飭楊飛熊一軍進紮雄縣而令莫組紳回紮任邱布置尙安李鴻章見由德州北上著即督率周盛傳等營進紮河間爲畿南及天津屏蔽並著崇厚飭令陳濟清等統帶天津槍隊練軍聯絡防剿以期周密丁寶楨俟李鴻章行抵河間後即回駐東境在德州一帶扼要駐紮分布東省境內諸軍嚴防臨德東昌等處其所部王心安楊飛熊等軍即著分布河間以南獻縣景阜等處與李鴻章聯絡聲勢以固東路之防儻此時賊已改竄東南應如何分路防剿之處即著李鴻章與左宗棠丁寶楨等商酌調度務期周密左宗棠見赴前敵進剿著即飭令所部與李鴻章所派各軍實力兜擊滹沱河水勢漲發賊騎不能偷渡各路官軍厚集正可三面兜剿偏諸河干爲聚殲之計左宗棠李鴻章務當合力同心迅圖殄滅不可稍分畛域望都距保定較近西北一路防務並著官文妥籌布置毋任賊蹤再行北竄見在郭松林等軍既經李鴻章飭由景州武邑前往進剿正資得力不必撤回多此紆折軍情且夕異宜不可稍涉拘泥儻滹沱河水勢旋消賊蹤竄渡而南李鴻章亦當相機隨時追剿不得株守一方至前派神機營王大臣節制各路統兵大臣並各督撫原以一事權而杜紛歧其進止機宜曾節經諭令該大臣督撫等臨機決斷毋庸聽候神機營指示致多牽掣該大臣督撫等當善體此意不可藉詞推諉將此由六百里各諭令知之○丙申諭軍機大臣等穆圖善奏官軍攻克官堡賊巢進剿渭源大捷並據景廉咨甘州接仗出力員弁請獎暨景廉奏馳抵甘州籌辦情形各摺片同逆自渭源被創後恃官堡險隘負隅自固經副將范銘督軍前進大挫兇鋒立將該堡攻克洵屬不避艱險奮勇可嘉仍著穆圖善檄飭該副將會同各軍進攻狄道迅殄賊氛該副將營米糧缺乏

並著穆圖善飭鞏昌分設糧臺源源接濟所有此次出力各員弁著准與前次克復渭源等處各軍彙案擇尤請獎以示鼓勵提督傅先宗追賊於火兒寨地方生擒賊首馬四等正法王得勝等又疊平賊壘奪回一桿旗要隘著飭令該提督等乘勝進兵會攻狄道毋稍懈弛其傷亡弁勇著由穆圖善查明奏請議卹以慰忠魂景廉既已馳抵甘州所籌應行製辦皮衣各件爲該兵丁禦寒要需著照所請將穆圖善發交部頒各照及藩庫實收發給該地方官妥爲勸捐迅速籌備安玉敦三州縣前有旨暫歸文麟節制景廉與文麟同辦一事所有各軍口食應由該州縣撥解供支之處著會同文麟體察情形辦理文麟疊奉諭旨催令赴任計可行抵哈密景廉將一切製辦齊備卽當剋期出關與文麟盡心籌辦毋稍玩延景廉請刊木質關防著准其刊刻開用以昭信守所請飭晉省籌撥銀兩著鄭敦謹迅撥銀五萬兩解交歸綏道庫由該處派員從阿拉善旗舊土爾扈特遊牧運送玉門縣交文麟景廉軍營應用以資接濟毋得延誤將此由五百里各諭令知之○子江蘇陣亡布政司理問銜徐燦等祭葬世職○子浙江殉難通判沈裕申建祠知縣伍崇熙祭葬世職○已亥諭軍機大臣等官文奏分撥馬隊防剿一摺捻逆見聚深澤晉州之間因溥沱水漲未能竄渡李鴻章復派郭松林等大隊由景州武邑進剿著卽飭令趕緊前往並著左宗棠督飭前敵諸軍乘此機會三面兜圍偪諸河干爲聚殲之舉毋再延緩東省所練之吉林黑龍江丹丁馬隊一千五百名著官文卽飭令管帶之侍衛春山等星夜馳赴前敵左宗棠調遣俟春壽到營時仍歸併春壽統帶並著催令春壽迅率所部前往會剿陳國瑞見已募勇成軍官文令安住挑派所部之黑龍江馬隊八百名會合進剿兵力尙單難資得力仍著該侍衛會合春壽所部馬軍卽赴前敵俾資厚集高陽一帶爲省城東路衝要總兵劉祺所部勇力較單官文見派唐仁廉趙喜義各部兵勇前往合紮著卽嚴檄實力防堵李鴻章此時當已遵奉前諭由景德北赴河間所有東北各路著卽嚴密布置並著兼顧高陽一帶聯絡聲勢以杜該逆回竄滿城沿山隘口既有潘鼎新等軍分段布防卽著官文飭令實力扼守以固西北一路毋稍疏懈將此由六百里各諭令知之○庚子官文左宗棠奏捻逆於獻縣富家林等處經劉松山擊敗後卽竄向深州所屬高鋪頭五子台一帶盤踞二月初十日劉松山郭寶昌喜昌馬步各軍分路進剿窩鋪頭該逆驚遽失措卽向西南紛竄劉松山督兵驟進將賈城瓦口等村賊巢十餘處攻破斃賊甚多敗賊悉向北黎園村竄走各軍躡蹤追及逆首張總愚率悍賊數千冒死返撲劉松山督隊鏖戰適郭寶昌攻破五子台等處賊巢馳至合隊聲威更壯奮力衝殺斃賊數百名賊不能支悉向西南敗走喜昌所部馬隊復將馬隆莊趙家馬頭南黎園鄭家莊一帶踞賊擊散斃賊三百餘名各軍追剿二十餘里十一日抵深州迤西之東陽頭收隊計共擒斬悍賊千餘名奪獲羸馬

軍械無算解散脅從數千名十二日五鼓劉松山等軍復分道而進賊匪遁向祁州劉松山等卽回軍追剿遇賊奮擊馬隊徑穿賊陣將賊隊衝爲數段步軍乘勢蹙之立刃悍賊數百奪賊羸馬五千有餘逆賊紛紛敗竄十三日追至博野屬之南鄧村該逆排隊迎擊圍撲郭寶昌營盤劉松山喜昌馬隊分道夾進騎賊分作數十團蠱擁突至步賊繼進官軍槍礮環轟騎賊紛紛敗潰步賊望塵先遁各軍乘勝掩殺宋慶張曜適由北面壓剿而來賊悉向西竄各軍合追二十餘里收隊而還方賊之衝撲郭寶昌營盤也適郭寶昌來臣宗棠行營議事歸途遇賊圍之數重副將王鳳鳴等率馬隊來援郭寶昌與隨身騎卒左右馳突戮斃賊匪數名始得與王鳳鳴會合于總岳正江力護主將被槍陣亡臣保知縣府經歷方開第在後遇害傷亡兵勇十餘名是日臣宗棠適抵蠡縣聞賊東趨出隊邀擊擒斬賊探十餘名十四日西行追賊行抵望都之界南村知賊蹤南竄有由正定趨獲鹿之勢乃與各將領計議以張曜宋慶兩軍自祁州向西南偪剿劉松山郭寶昌喜昌各軍自北而南兼顧西路亟檄程文炳趨正定期蹙賊於河濱臣卽於十五日進至祁州之北張村十六日途次聞張曜宋慶劉松山郭寶昌等擊賊獲勝尙未接據各軍呈報見已添調春壽善慶馬隊馳赴前敵以利奔追但期偪向西南則局勢較易得手李鴻章奏據郭松林等稟報二月十六日郭松林楊鼎勳等軍行近安平城下賊騎突從西北衝至郭松林等卽派馬隊迎剿趕調後路步隊接應小有斬擒乘勝追殺里許步賊從後突出如牆排進馬隊稍卻郭松林楊鼎勳亟令李長樂等各督步隊馳至槍矛擊刺鏖戰三時斃賊甚眾楊鼎勳等又派馬隊鈔出賊後張逆腹背受敵奪路狂奔我軍追殺至夜始行收隊計陣斃悍賊千餘名生擒五百餘名奪獲器械羸馬無數四更後賊乘霧繞路竄逸郭松林等督隊急起追之自西而南至饒陽之楊家村該逆回軍拒戰賊酋張志青劉瓊夏以芒領數百騎乞降餘眾向東南敗走追二十餘里劉松山郭寶昌張曜宋慶程文炳等均率眾來會楊鼎勳郭松林與之晤商擬各揀選精銳跟蹤會剿將各軍輜重運存安處俾可輕裝追擊早清畿甸十八日賊折竄饒陽以北張曜宋慶連夜躡擊郭松林等亦赴饒北迎頭截剿該逆繞回東南由獻縣武邑境內復向西南逃竄盤踞深州交界之雷楚鎮見仍會商各軍設法兜剿等語臣督周盛傳馬步各營於十七日行抵景州疊據武強等縣稟報賊在西路各軍兜剿喫緊時恐敗匪東竄景德武衡一帶虛無一兵難保該逆不由此徑竄滄青津郡又形喫重臣已令周盛傳挑派八成行隊進趨武強小範河口探蹤截剿爲郭松林等接應並遮蔽越河東竄之路疊奉諭旨飭卽進紮河間查賊匪敗竄東南景州武邑亦當衝要臣旣派隊進扼自未便遽行北去徒煩更調俟各軍會齊大舉賊蹤趨向稍定臣再相機督軍進紮仍飛飭郭松林楊鼎勳等約會各軍乘勝兜剿其力戰陣亡之擬保總兵銜副將尹昌景參將擬保副將龔興祖擬請飭部從優議

卹以慰忠魂 上諭軍機大臣等官文左宗棠李鴻章奏勦賊疊勝各摺覽奏欣慰具見該大臣等調度有方將士用命本日已明降諭旨宣示卽著官文左宗棠李鴻章乘此聲威迅飭各軍商同兜剿蹙之溲沱河濱一鼓殲除同膺懋賞見在賊勢已蹙左宗棠擬添調春壽善慶馬隊以利馳逐春壽所部馬隊前本有旨會同陳國瑞步隊作爲遊擊之師左宗棠係統兵大臣卽著隨時調度將春壽陳國瑞一律調赴前敵以資攻剿兼可相機策應各軍李鴻章因景德空虛恐該逆被剿東竄津郡又形喫重見飭周盛傳挑隊徑趨武強小範河口截剿爲郭松林等後援兼以屏蔽東路該大臣擬暫駐景州卽著照所請辦理儻賊有向東北竄逸之信仍著該大臣進紮河間以資堵剿丁寶楨卽飭王心安等軍相機扼紮隨時偵探毋致稍有疏失崇厚亦當飭令陳濟清等軍加意防範不可以賊蹤略遠稍涉大意保定一帶仍著官文妥爲防範毋令乘間竄逸是爲至要將此由六百里各諭令知之○諭庫克吉泰等奏彙報陝軍近日擊賊情形德勒克多爾濟等奉查探賊蹤趨向見籌堵剿暨請飭陝甘督撫等安置流亡各摺片回逆竄擾汧隴等處經總兵羅洪德等分路剿擊疊獲勝仗其在涇州盤口川踞逆亦經提督張在山率軍追殺賊各紛散卽著庫克吉泰喬松年劉典檄飭各防將士嚴守要隘遇賊卽擊毋任四出蔓延甯條梁失陷程興烈一軍被賊衝散該逆遂攻陷懷遠旋撲榆林南關並竄入神木縣城仍向榆林一帶竄走庫克吉泰等見派劉厚基前赴榆林著卽飭令該提督迅速馳往痛加剿洗所有神木縣殉難文武各員及懷遠等處各官下落均著查明分別辦理榆林神木各境逆匪由府谷一帶竄近皇甫川麻地溝勢漸北犯草地東撲冰橋並有撲犯保德河曲托克托城包頭鎮之說見在河冰未泮各處口岸亟應設法嚴防著德勒克多爾濟桂成卽飭巴達爾琿札那格爾第等督率沿邊蒙兵實力堵禦並探明賊蹤相機迎擊一面檄令馬陞隨時防範毋稍大意鄭敦謹亦當遵奉前諭嚴飭防河將士於保德等處併力堵扼並飭大同沿邊一帶地方文武慎守邊防毋令匪蹤闖入前有旨令金順迅赴甯條梁剿賊該副都統見已由定邊前進著卽會同胡世英迅將該鎮收復並繞赴東路一帶迎頭截擊不得稍涉稽延致賊勢日形延蔓德勒克多爾濟等奏體察邊防情形實由各處難民無所安插迫而爲匪暨各營游勇到處擄掠以致滋蔓難圖所奏不爲無見嗣後陝甘各省遇有收復地方百姓未經歸業者卽著該省督撫及各路帶兵大員無論漢回妥爲安插撫卹免致流離失所各營勇丁務飭管隊官嚴密稽查如有因不得力裁撤者並著酌量給資令其各回原籍不得任聽淹畱在外滋生事端將此由五百里各諭令知之○予陝西陣亡總兵官文星明直隸陣亡副將尹昌景等祭葬世職○辛丑諭軍機大臣等李雲麟奏新城籌辦經費並請將車林多爾濟起用本日已有旨將該親王作爲科布多幫辦大臣矣布倫托海一城經

營伊始該大臣又係勅議之人尤應悉心籌畫據奏於本月初九日由烏啟程著即趕緊前進將該城籌辦經費及一切事宜妥爲經理該大臣素以忠懇自期必能感恩知奮實踐前言不至意存觀望也科布多地方緊要並著李雲麟咨令車林多爾濟迅速赴任以重職守將此由六百里諭令知之○諭景紋奏商同達賴喇嘛等擇吉諷經一摺前因西藏僧俗人等公請達賴喇嘛念誦真經爲國祈福朝廷嘉其忱悃業經頒給黃哈達等件交達賴喇嘛祇領用昭恩賚茲據景紋奏稱因見在內地逆氛未靖兼以上年京畿雨澤愆期該達賴喇嘛等憂慮之心見於顏色商議攢集僧眾擇期開壇恭設覆鍋大會其布施功果均係自行捐辦該達賴喇嘛梵修有素報效出於至誠此次率眾諷經著景紋妥爲照料並發去黃哈達一箇銀曼達一箇鈴杵一分椰子念珠一串玉盃一箇玉碟一箇黃段二卷傳諭該達賴喇嘛令其祇領用示恩賚頻加至意將此諭令知之○以新設布倫托海城池倡捐經費實辦事大臣李雲麟父母從一品封典郡王銜札薩克貝勒錦丕勒多爾濟郡王並以郡王銜貝勒世襲札薩克郡王桑噶西哩紫纒公銜二等台吉達瓦車林以公銜世襲伊勒固克森呼圖克圖羅布桑三都普通善禪師名號○壬寅諭軍機大臣等崇實奏調撥楚軍迎擊渭北回匪劉嶽昭奏苗匪投誠分別安插並滇省軍務喫緊難顧貴陽暨請飭川省協餉各一摺陝省回匪肆擾股數較多兵力難於兼顧前因回逆竄擾寶雞諭令崇實派周達武馳赴汧隴扼剿該署督見已派令周達武所部之提督李輝武率勁卒三千人由褒城取道留壩鳳縣出駐汧陽仍令周達武統率所部並增募千人駐防大安驛一帶著即飭令與李輝武聯絡聲勢並兼扼徽文兩當之衝以固川北門戶所有該兩營糧米仍由川省設法轉運毋令缺乏黔省白泥壘苗匪見既畏罪投誠著劉嶽昭即飭令將軍械呈繳設法解散並著曾璧光慎選地方文武分別安插各令歸業所有苗匪侵占民人田畝並令清出以杜釁端其善後事宜曾璧光當飭大定文武速爲接辦該處積匪散處暗伏劉嶽昭當一面督飭營員設法剿捕一面知照曾璧光趕緊接辦以便迅速赴滇所有勦辦苗匪之在事員弁准劉嶽昭彙案擇尤酌保毋許冒濫滇省軍務緊要杜逆股匪較貴陽匪徒尤爲猖獗劉嶽昭勢難移師回顧貴陽著即速將邊防事宜交代星馳赴滇督剿所有黔省邊防並貴陽附省匪徒仍著曾璧光與張文德會籌妥辦不得專待客兵援剿劉嶽昭既須畱兵兼防川邊所帶入滇之師爲數較單不敷防剿自應添募新軍以厚兵力所需月餉三萬兩著崇實設法按月籌解務須源源接濟不可稍有推諉滇省情形糜爛甚於貴州非得大枝勁旅不足以張撻伐設令餉缺兵潰川省豈能安堵是援滇卽以安川該署督當深明此意力顧全局不得強分畛域劉嶽昭另片奏請令史致康辦理川省捐務等語四川候補道史致康熟悉川省情形著崇實卽飭令該員在川辦理滇捐事務並著飭令四川藩司與史致康會

辦以資得力將此由六百里各諭令知之○予四川因公淹沒副將張福田等卹廕○甲辰諭軍機大臣等前據左宗棠李鴻章官文先後馳奏深州安平勦賊疊勝各情當經降旨宣示冀得乘官軍會合聲威大振之時勦此窮寇必可剋期奏功乃至今數日尚未續有捷報見聞逆眾日少器械亦不齊全勢甚窮蹙若曠日持久不能殄除則必有誤春耕而上年畿輔水旱頻仍民情飢困不堪加以兵燹滋擾必致窮而爲匪勢益蔓延於畿輔大有關繫著左宗棠李鴻章官文嚴飭前敵各軍迅速進剿蹙之溝沱河干一鼓蕩平毋得各懷觀望遷延時日致干重咎丁寶楨亦當飭令莫組紳各軍整陣以待以杜逆蹤旁竄不得稍涉疏懈將此由六百里各諭令知之○諭劉典奏回匪竄擾無常見商辦理情形並請另簡陝西巡撫仍帶勇剿賊各摺片回逆自竄擾汧隴後鳳翔麟游等境又復讎擁而來是陝甘回匪已有路路牽掣之勢邠州董志原回逆將家屬移赴環縣其趨向亦屬無定周家口吉兆坡等處賊股雖經張岳齡于奇泮等剿擊賊眾分逃而伏匿叢山之賊尙多並未大受懲創劉典見檄高連陞劉端冕等分駐宜君邠州等處黃鼎譚玉龍等軍仍駐邠州長武一帶所籌尙屬周密著即會同庫克吉泰嚴飭各軍覘賊所向迎頭截擊以期節節掃蕩毋任蔓延該署撫與庫克吉泰分駐三原咸陽並著隨時相機扼紮不得專顧一隅周達武所派之軍已駐鳳縣應否移紮寶雞以厚兵力之處著即咨商周達武妥籌進止以顧陝南一路其由甯條梁竄入之賊疊陷懷遠神木旋回榆林各情與德勒克多爾濟等前奏情形大略相同已有旨令金順由定邊前進繞赴東路一帶截擊並諭德勒克多爾濟等嚴爲防範矣惟該逆詭譎異常不能東竄即思西擾劉典務當力籌兼顧激勵各防將土步步緊逼毋令該逆得以喘息肆意東趨陝省軍務方殷該署撫身受厚恩務須亟圖報稱與庫克吉泰督率諸軍痛殲醜類以紓朝廷西顧之憂毋庸以巡撫責重難於勝任爲詞致滋貽誤將此由五百里諭令知之○乙巳諭軍機大臣等前據侍郎延煦等奏接見朝鮮委員並查勘鳳凰陽兩邊門外大概情形各摺件當經諭令恭親王會同大學士六部九卿公同商議副都統奕榕一併會議具奏茲據恭親王等奏稱細閱延煦等所奏查勘各處私墾地畝並屋宇窩棚鋪戶雖未全行開闢已無大段間荒而朝鮮所慮專在民物混雜欲除洞雜之弊在乎邊境之嚴復經該親王等會同延煦奕榕詳加審度將展邊一切事宜分別商酌並請飭盛京將軍會同原勘之延煦等悉心查辦等語覽奏均悉著仍派延煦奕榕馳驛前往奉天會同都興阿出邊查辦惟事當伊始必綱舉而目始張且與外藩交涉尤應禁令修明方能垂諸久遠都興阿前於入山查勘一節迹涉推諉此事係該將軍專責豈能置身事外延煦奕榕行抵奉天後即著都興阿帶印出省會同周歷妥辦所有該衙門日行事件即咨交副都統清凱代拆代行都興阿務當按照該親王等所奏各節並將未盡事宜妥爲籌辦儻仍意存觀

望虛應故事以致貽誤將來有壞大局必惟該將軍是問延煦奕榕均經親歷其境自必了然於心此次奉命前往尤當會同都興阿逐一查勘認真辦理以安邊境而衛藩封不得稍形疏漏恩合既屬明悉邊情卽著加恩賞給五品頂帶交都興阿等帶往差遣該員務當感恩圖報悉竭所知如果遇事盡心將來尙可錄用如再不知愧奮則自外生成朝廷斷不爲寬貸前次延煦等接見之朝鮮使臣所設問答均極明晰足見該國王深明大體洵堪嘉尙卽著禮部傳知朝鮮國王俟查勘定議後務須嚴飭該國邊界官員一體遵守以副朝廷安民弭患之意恭親王等原摺著鈔給都興阿閱看將此各諭令知之○丁未官文左宗棠奏二月十五日宋慶率所部行抵深澤縣南逆騎千餘馳至當經宋慶擊敗是夜二鼓張曜一軍繼至合隊劉松山偵悉賊蹤麤聚深澤縣南二十餘里各村卽約宋慶張曜各軍分路進剿十六日宋慶張曜襲破西華集一帶賊踞村莊敗賊向南潰逃漸又向東官軍躡蹤追剿該逆未敢回拒計生擒悍賊二百餘名斬殺無算解散脅從尤眾各村遺棄羸馬輜重不計其數劉松山等督隊逼近賊巢知宋慶等已在接仗催軍亟進將小教村之賊擒殲殆盡躡追二十餘里薄暮收隊計共斃老賊數百名拔出難民無數是日臣宗棠聞賊在深澤南潰敗折向東北卽飭程文炳赴剿自率親兵各營赴無極擬蹙賊於陳村桃園水濱中西間賊至安平西北爲郭松林楊鼎勳兩軍所敗十七日賊眾竄至饒陽之蔡家莊南旺村一帶十八日程文炳由西南面進攻將南旺村攻破督隊躡追餘賊劉松山等由東北面壓剿而前亦將賊踞各村奪回天明各軍會合四面兜擊該逆向南奪路而走各軍躡追二十餘里沿途擒斬甚多直至獻縣始各收隊是役共斃悍賊七百餘名生擒二百餘名拔出難民數千人奪獲羸馬器械尤多是夜賊由饒陽以南向西竄走據郭松林楊鼎勳呈報十八九兩日擊賊獲勝賊趨深州等語十九日劉松山等向西追剿二十日追至距晉州二十里之石村偵知賊騎已至晉州西南慮其折向北趨乃分兵向西北繞進二十一日賊駒果向西北比見官軍立卽駭遁折向東南竄走各軍分道追擊均有斬馘二十二日抵深州東十里之張姓莊詎悉該逆距宿大洪營一帶劉松山約各軍進剿賊見官軍向東潰走各軍乘勢追擊沿途殺賊頗多是役共擒斬悍賊約三百餘名臣宗棠於十七日追賊至無極之石村聞賊折向東南擬卽改赴東路而行營已乏糧三日途中零星採買日不敷食不得已於十八日馳至正定將派員購到之糧裹帶以行比思直趨河間二十三日行過肅甯五里駐紮牛軍莊賊從西南折而西北仍向東南至是被各軍追擊忽向東北竄至肅甯據探馬回報賊騎已突近副將楊鳳元營門楊鳳元率馬隊數十騎迎擊步隊繼進賊分正南東南西南三路猛衝而來楊鳳元派隊分投截剿槍矛並進斃賊多名被創落馬者不少生擒四十餘名賊皆狂奔而去是夜四鼓楊鳳元復帶馬隊乘霧追襲槍斃賊匪多名賊眾驚潰遺

棄屬馬旗械不可勝計二十四日_臣宗棠督親兵及各營跟蹤追剿行約三十餘里追及斷後騎賊當飭提督楊和貴副將楊鳳元都司丁太祥等各派馬隊數十直前衝擊斃賊數十名生擒百餘名分別斬釋餘賊向南狂竄訊據生擒賊供二十三日賊伺隙向東北奔竄不意官軍突起迎擊將賊隊截斷直至二十四日午後始繞避官軍悉向西南合股等語適程文炳馬隊馳至卽飭向祁州躡剿_臣宗棠於二十五日向蠡縣以顧高陽前路查十一日之役郭寶昌陣前受騎賊張九兒等之降並陣斬賊目方黑兒等十八日之役程文炳陣獲賊目陳青沅王大中等又據擒賊供稱賊首李老懷已於陣前伏誅並聞賊自屢挫後倉皇失措一夜數驚其窮蹙情形已可想見_臣宗棠一俟確探賊蹤卽激勵將士更番疊戰設法兜剿又奏再劉松山郭寶昌兩軍上年十一月間克復陝西綏德州城呈請獎敘出力員弁_臣左宗棠因其呈報之日已在賊渡黃河以後當以賊眾渡河未能遏截暫停獎敘查綏德之役在擒逆渡河前十餘日該兩軍員弁實有微勞且自劉松山郭寶昌由晉入直屢著戰功劉松山郭寶昌蒙天恩優敘所部員弁轉戰山西河南直隸三省又已三月可否將該兩軍克復綏德州戰功彙歸入直後各戰先行給予獎敘以資鼓勵劉松山郭寶昌可否賞換清字勇號以示獎勵之處出自恩施又奏各省勇丁口糧舊章多寡不一見在入直正值年荒物貴之時糧食昂貴軍士所領糧餉無多倍形支絀普議增加則於各該省餉章有礙欲置之不論則彼此相形之下未免厚薄攸分再四籌維惟有於皖豫兩軍懸立首級賞格斬逆首級一顆驗明髮長一尺以上者給銀二十兩髮長二三寸以上者給銀五兩近尺者給銀十兩其槍礮轟斃及羣矛攢刺未及割取首級者亦由各將領據實報明臨時議給賞犒銀兩其奪獲羸馬者亦准酌給賞銀藉鼓勵之資爲津貼之費庶可合眾志以賦同仇楚湘淮各軍口糧優厚自不能以此藉口至逆首張總愚張五黑及賊中各頭目之稍著者生擒陣斬從優懸立賞格則各軍一律無庸區別此項賞犒銀兩應請旨准其作正開銷上諭軍機大臣等擒逆被各路官軍痛剿斬竄狂奔由東南逃向東北復由東北折向西南勢極窮蹙正宜乘此機會力圖聚殲滹沱水勢消長靡定若不乘此水漲之時亟行殄滅設被賊騎搶渡而南蔓延將何底止郭松林楊鼎勳等軍自安平饒陽獲勝後見在進剿情形如何日久未據李鴻章奏報著卽迅速陳奏左宗棠李鴻章官文務當振奮精神合力同心共圖聚殲之舉不可稍涉延緩致誤機宜丁寶楨亦當於河間西南兩面嚴密防剿與左宗棠李鴻章各營和衷共濟互相聯絡不可稍分畛域皖豫兩省赴直援剿各營勇糧月額較湘淮等軍數少左宗棠擬於皖豫兩營斬獲首級奪獲羸馬加懸賞格藉資津貼等情均著照所議辦理該大臣隨營餉項不敷著戶部迅撥見銀五萬兩解赴該營應用以濟急需卽由左宗棠隨時籌撥戶部歸款該大臣當趕緊督軍滅賊毋再遷延李鶴年所奏豫軍

戰勝情形與左宗棠所奏大略相同牛師韓方長華兩軍分紮楚旺臨漳兩處馬德昭一軍改紮滑澮之交卽著李鶴年飭令嚴密堵禦設遇賊匪搶渡滑澮南竄卽令此起防軍迎頭截擊以杜蔓延陝豫交界處所仍著該撫隨時防範毋稍大意將此由六百里各諭令知之○命抽查漕糧御史嚴查偷漏○戊申諭軍機大臣等英翰奏回穎交卸撫篆並籌豫西防務各摺片前以直隸軍務喫緊豫省兵力較單諭令英翰與李鶴年會籌防剿毋庸回穎交卸茲據英翰奏稱見已回抵潁州交卸撫篆該署撫本月初二日拜發摺件至今二十餘日尙未奉到諭旨等語已命軍機處將二月十四日寄信諭旨一道另行鈔錄封寄該署撫勇於任事當念直隸交界地方防務正關緊要著卽懍遵前諭剋日折回汴梁督飭牛師韓等軍於臨漳楚旺一帶扼要駐紮並隨時與李鶴年會籌布置相機調度毋稍稽延刻下豫省西路防務較鬆姚廣武等軍計已到豫應否移紮河陝一帶以固邊防之處卽著英翰李鶴年會商辦理將此由五百里各諭令知之○是月蠲緩廣東連平等五州縣被擾同治四年額賦

同治東華續錄七十一

三月己酉朔李鴻章奏二月十八日劉松山郭寶昌喜昌程文炳與豫軍張曜宋慶追賊至饒陽南旺等處劉松山等先破賊踞村莊十餘處斃悍賊數百名張曜等復由北面繼進生擒數十名該逆向南敗走十九日郭松林楊鼎勳整隊迎擊馳五十餘里探賊復橫折西北追至深州東北之李家村賊回馬抵拒楊鼎勳等飭馬隊馳進部隊接應郭松林等親督李長樂等從旁鈔擊令馬隊合擣中間槍擊矛刺斃賊千餘名騎兵衝入亦生擒數百名賊卽敗退我軍乘勝排壓追十數里張曜宋慶兩軍亦至賊奔往東南復由深州南竄晉州界內二十一日郭松林等馬隊遇賊於范家村收降鄧新樂等一百餘騎張曜宋慶等趕至晉州西北攔剿該逆又折竄東南二十二日竄近武強之小範河口二十三日晚賊又由饒陽徑奔肅甯張曜宋慶急馳百餘里鈔出賊前探知是夜賊踞饒陽東北元城一帶遂知會劉松山郭寶昌等乘夜兜襲立將偽懷王邱德才偽幼沃王張五孩所踞兩大莊同時攻毀邱逆一股殲除殆盡張總愚仍伴命迎敵經張曜宋慶督軍鏖戰一時之久賊始亡命狂奔追殺十餘里賊屍枕藉餘匪悉向西遁計生擒長髮匪二百餘名賊勢衰燧從此必難復振又據安平縣探報賊於二十四日由該縣竄祁州深澤二十五日竄晉州境聞已由藁城渡河又據武邑縣陸時言稟報探得擒逆於二十七日在晉州藁城交界樓上村偷渡滑澮河追兵已至賊多淹斃已渡之賊均向南竄各等語臣見駐景州距西路稍遠俟郭松林等續報戰狀隨時具奏 上諭軍機大臣等郭松林等軍追賊於深州李家村等處疊獲勝仗將邱逆一股剿除殆盡張逆率黨扞拒復經張曜

等軍擊敗其偷渡滹沱河之賊經官軍追至淹斃不少未渡者亦經圍殺餘賊均向南竄著卽檄飭郭松林等跟蹤緊躡毋任該逆得以喘息賊蹤飄忽能扼之於滹沱北面自易收功若乘閒南趨則竄豫竄東賊勢又形延蔓此事未據左宗棠等奏報卽著李鴻章等會同確查具奏如此時該逆尚未渡河左宗棠李鴻章官文務當懷遠憂次諭旨督飭前敵各軍乘勝合剿仍燧之滹沱河濱盡殲醜類丁寶楨亦當飭令楊飛熊等實力扼紮並與追剿各軍聯絡聲勢以期面面緊逼使逆蹤不得旁竄儻該大臣等各存意見致已窮蹙之寇復肆騶張其何以副朝廷之委任耶山東邱縣曲周交界處所土匪滋擾著丁寶楨迅飭各該地方文武會同王正起將臨清等處匪類認真查拏務期悉數弋獲以絕根株將此由六百里各諭令知之○劉坤一奏捕獲奉新縣教匪張繼生等訊治如律○諭劉崑投捕瀏陽等處會匪○廣江西吉水縣學額三名湖南甯遠六名貴州安化一名○予湖北陣亡提督唐殿魁曹仁美等建祠○庚戌恭親王神機營王大臣會奏據晉州知州稟報二月二十五日午刻城之東北有大股賊匪竄至申刻均向西南滹沱河口相古莊及棗城樓上各河口涉水竄過河南至三更方始過盡並據提督張曜等稟報見在各軍分造浮橋趕緊南渡追剿又據棗城縣稟報逆眾從晉州相古莊過河竄至該縣向東南紛竄各等因臣等查滹沱河南地勢平衍逆蹤趨向莫定大名順德廣平見無大兵扼守獲鹿西接晉疆僅有防兵千餘亦覺可慮李鴻章遠駐景州李鶴年回防彰德均距賊蹤較遠若不跟蹤剿除第以渡河遠竄爲幸則大順廣等處必被搶逆蹂躪相應請旨飭下李鴻章迅卽督兵進擊並請飭左宗棠酌覈見在軍情除劉景芳余承恩等軍暫時毋庸遠調外其餘派赴前敵各軍卽飭趕緊渡河覘賊所向奮力追剿萬不可以見去畿輔稍遠遂形鬆懈至河南山東山西毗連直境處所並請飭該巡撫等加意扼守毋令侵軼以固疆圉官文左宗棠奏二月二十二日捻逆由深州折向東北竄走其前隊至肅甯者二十三日經臣宗棠擊敗復向西南宋慶張曜督軍乘夜追擊將卽張兩逆所踞大村攻毀斬殺無算邱逆一股剿洗殆盡張總愚亡命奔竄官軍乘勢掩殺賊屍枕藉賊向北狂奔復遇臣宗棠親軍擊退是役生擒賊眾八百餘人內有賊目張立堂蘇付恩陳小奎等三名張立堂卽七大隊賊酋之一尙有積年髮捻二百十三名均訊明正法陣斃悍賊甚多奪獲羸馬二千數百匹旗幟槍礮二千三百餘件賊目龐四印率騎賊一百三十餘名脅從難民四百餘名乞降宋慶張曜受之其程文炳一軍二十四日與臣宗棠追賊至安平北之莊河頭一帶偵知賊向西南狂遁程文炳卽飭總兵李得勝等分投鈔擊行十餘里見賊騎二千餘結陣以待參將王心忠等縱馬進擊總兵李振國等兩面齊進槍礮環施賊驚悸敗潰官軍追殺十餘里至深澤縣西之梁村記轟斃及陣斬之賊約三四百人拔出難民三千餘人據難民供稱

張五孩受槍子傷故賊騎皆驚惶紛竄不敢戀戰等語宋慶張曜營內尤爲出力將弁謹先行開列願懇恩施又奏二月十八日之捷郭寶昌向孔家莊進剿賊遁入孔中旺村郭寶昌飭遊擊張傳典入村馳剿張逆率步賊抗拒其義子張和尚與張五孩及賊目張玉率騎賊兩面鈔至降人張九兒指擊張和尚應槍而斃張五孩等馳奪屍首復經官軍槍斃張玉適各軍被賊來會賊大敗南奔據生擒賊供張五孩左臂亦受槍傷其小賊目死者甚夥郭寶昌所部陣亡哨長張建業一員傷亡勇丁二十餘名二十二日之捷郭寶昌首抵封家村張逆胞弟張三及賊目唐玉均中槍斃該處所踞老賊無一漏網並將王莊等處賊巢攻毀合併陳明又奏臣宗棠於二月二十八日行抵定州接據各路探報捻逆於二十五日在晉州桃園相古村一帶涉淺全渡滹沱河南晉州知州陸邦燿稟稱二十五日見賊騎數十成羣向西南竄走嗣見大股絡繹而來幼童居多器械無幾盡向西南涉水竄渡賊之人馬淹斃甚多滹沱北岸已無賊蹤等語計各軍必已陸續追剿二十九日臣宗棠卽向正定進發滹沱南剿而滹沱北岸未可空虛應請飭涿州等處防軍拔赴保定督出保定附近防軍進扼滹沱北岸各橋梁淺灘以固門戶至馬隊利於馳逐不宜派令防守擬請悉調過河以利追逐其春壽馬隊請飭與劉松山郭寶昌合隊陳國瑞如嫌兵單仍卽令其會合攻剿不必別立一幟其喜昌全福馬隊侯臣宗棠渡河卽令合隊前進賊旣渡河東路有李鴻章大軍迎剿賊必趨重南路應請飭下河南山西各撫臣分別防剿以杜紛竄上諭軍機大臣等張曜宋慶督軍在饒陽東北乘夜擊賊直搗中堅程文炳追賊深澤晉州等處將斷後悍賊痛勒擒斬甚多張曜宋慶一晝夜馳逐一百六十餘里尤屬迅速賊目張利尙張玉均爲郭寶昌所部槍斃張五孩亦被槍傷該逆敗殘已極向滹沱水淺處所竄渡前以滹沱水勢消長靡定諭令左宗棠等務乘水漲之時偪諸河濱迅圖聚殲今賊果由水淺處所涉渡南竄距京師雖屬較遠惟未能在滹沱北面迅籌剿滅失此機會甚屬可惜滹沱以南地勢平衍若不振奮精神趕緊將此股殄除致令蔓延四竄難於收拾必將該大臣等重治其咎以儆玩泄著左宗棠迅督前敵諸軍儘力追剿毋任喘息並將善慶溫德勒克西馬隊調過南岸與春壽馬隊合軍以利追逐陳國瑞馬步勇隊亦著飭令一體追剿潘鼎新等軍卽著官文飭令移紮滹沱北岸扼要駐紮以防回竄應否調赴南岸之處並著左宗棠酌量調遣恩承所部京兵卽移紮保定一帶與官文安籌駐防丁寶楨所部卽移紮直東交界地方以顧東省門戶並顧河間以南並飭東省各軍嚴扼臨清漢范一帶其定安富和富爾蘇鄭魁士等軍卽著移紮河間以北一帶並著官文恩承安籌調度崇厚所派天津洋槍隊卽著飭令該統將陳濟清等與定安等聯絡聲勢兼顧津防余承恩唐訓方劉景芳及直隸駐省各軍均著官文派令扼要移紮搜捕河北餘捻土匪

兼顧省防李鴻章所部郭松林等軍即著飭令由滹沱河南迅速前進並著親督所部兼程進剿與左宗棠合力夾擊該大臣等務當戮力同心利衷共濟迅圖賊事不可稍存意見致誤事機賊勢見當窮蹙北路官兵厚集該逆非東竄臨清東昌即西竄晉省李鴻章由景州一帶進兵當兼顧東南一路以防搶逆與大名及濮范等處匪徒勾結晉省與直境交界山隘甚多防兵力單尤覺可慮左宗棠見在定州當一面督兵進剿一面兼顧晉省山隘以杜賊蹤西竄其平定遼路各山口鄭敦謹當加意嚴防毋令闖入晉疆釀成不了之局大順廣一帶與豫省交界處所著李鴻章年督飭皖豫防軍交籌堵遏遇賊竄近即當越境截剿毋任蔓延張之萬所派姚廣武等軍曾否到豫並著李鴻章年迅速催過河北一帶歸李鴻章年調遣以厚兵力本日又據英翰奏請回旗穿孝一摺見在搶渡滹沱勢將南竄豫境防務喫緊皖軍牛師韓等部均在河北該署撫見又續派黃秉鈞等軍由陳州北趨衛輝正須大員分路統帶仍著該署撫遵奉前旨回駐汴省與李鴻章年協力籌防如遇賊蹤竄近豫疆即著該署撫渡河與李鴻章年會剿俟捨股蕩平後再行回旗補行穿孝以遂孝思將此由六百里各諭令知之○辛亥加賞普濟堂功德林賑米二百石展期兩月○壬子諭內閣張凱嵩奏假期已滿病仍未痊懇請開缺一摺雲貴總督張凱嵩由縣合不數年開海擢封圻上年簡放雲貴總督疊經諭令星馳赴任乃沿途逗遛屢以病體未痊奏請開缺實屬意存規避有負委任張凱嵩著即行革職以示懲儆○李鴻章奏據探賊匪被勦情急由晉州境內搶過滹沱河二月二十七日敗賊向西南狂奔已至晉甯新河一帶二十八日由鉅鹿縣屬之官亭五陳等村向西南竄去聞郭松林楊鼎勳張曜宋慶等軍俱由西北緊躡賊後惟該逆均係騎馬亡命狂奔我軍步隊太多倍道急趨未知能否追及查南路直豫交界之內黃臨漳滑滑一帶有皖豫各軍扼紮兵力漸增若賊人數無多似不至遽行竄突惟大順廣各屬虛無一兵擬即日督率周盛傳唐仁廉馬步各隊由冀州大名一帶相機進紮設法兜剿並堵該逆回竄東北之路目下賊氛漸遠畿輔無虞擬請旨飭下官文催令潘鼎新善慶馬步等營迅速拔隊南下與會於大名再籌調度並請飭山東山西各撫嚴防邊境免賊深入為患上諭軍機大臣等前因搶逆竄渡滹沱曾諭令左宗棠等督兵嚴追乃任搶逆於晉州境內渡河從容南竄官軍未能跟蹤截擊殊屬可恨滹沱以南虛無一兵大順廣各屬土匪甚多因易句結況西通晉省東接臨清等處賊騎飄忽尤恐紛竄為患著左宗棠李鴻章等同心協力督率各軍迅籌殄滅儻再任賊蔓延必當重治其罪晉省平遼各要隘著鄭敦謹加意嚴防並著丁寶楨迅帶所部移紮直東交界處所相機防剿搶蹤已由鉅鹿西南竄逸潘鼎新善慶溫德勒克西各軍著官文懷遵前諭迅飭渡河南剿不得稍涉疲玩致誤事機李鴻章擬赴冀州大名進紮設法兜剿與前諭符

合卽著照所議辦理潘鼎新等軍南下後並著李鴻章妥爲調度恩承卽著移紮保定一帶與官文會商妥籌布置見捻蹤
既已南竄近防不如遠剿李鶴年卽著統率皖豫各軍出境迎剿以收夾擊之效並著英翰迅赴河北以爲李鶴年聲援毋
致闌入河北三郡是爲至要將此由六百里各諭令知之○諭劉典奏請飭庫克吉泰兼顧省防並請將隨營人員畱陝庫
克吉泰劉典奏回逆竄擾鄜州各摺片陝省回逆飄忽無常意圖分擾腹地劉典覓駐三原以資調度著卽督飭各軍加意
防剿毋稍疏虞省城重地防範宜嚴劉典一時未能晉省著庫克吉泰妥籌兼顧督率在省司道等嚴密布置慎固城防不
得稍有疏懈劉典所請將知府喻步蓮張灃知縣羅重熙周豫剛畱陝補用之處均著照所請分別班次畱於陝西補用已
軍知縣向世永著准其畱營差遣回逆大股竄陷鄜州並由張家川竄至汧陽屬境又由涇河川什字道一帶向南分竄
甚劇疾著庫克吉泰劉典嚴飭劉端冕等軍分路進剿迅將各股殲除淨盡以靖疆圉其鄜州城內文武員弁並著該署撫
查明具奏見在陝省東西路均形喫緊左宗棠務將竄直捻匪迅速掃除以便移師回陝免致有所牽掣將此由六百里各
諭令知之○廣河南鄉試中額三名尉氏滑溫三縣學額各三名汜水密武陟登封各二名杞鄆陵鄭商邱汲新鄉輝延
津封邱河內孟偃師鞏永甯商水扶溝許襄城汝郊陝商城各一名江西信豐十名餘于九名○癸丑諭內閣官文左宗棠
奏營員疊被民團戕害亟應查辦一摺直隸辦理團練原以保衛地方官兵等過境如有肆行騷擾者亦應聽候統兵大臣
按照軍法辦理若如官文左宗棠所奏歷經派出偵探解糧之守備王廣先等在深澤交河等處地方疊被鄉民戕害至數
十名之多嚴其被害情由並非因騷擾起釁該鄉民等任意妄殺不可不嚴行懲辦著官文左宗棠出示嚴禁以後官兵務
當嚴肅紀律各該處鄉民不得仍前妄殺儻有前項情弊卽行嚴拏懲治用遏亂萌並著官文嚴飭各該地方官將各案爲
首兇棍嚴緝究辦正定縣知縣鄭兆同於營員解餉過境並不派差護送任令差役羣毆弁勇又不交犯追贓咎無可辭著
卽行撤任畱於地方協緝仍聽候官文等查參辦理○官文左宗棠奏 宗棠由定州至正定接據各統領稟稱賊因官軍
迫急於二十五日由晉州西南之桃園相古莊高堂新莊趙固樓上等村梟水竄渡滹沱河各軍追至河干賊之未渡者悉
被擒斬其半渡之賊官軍以槍礮向中流轟擊人馬顛蹶屍骸枕藉二十七日劉松山所部由藹莊上游覺渡喜昌馬隊繼
之郭寶昌所部由下游覺渡陳國瑞馳抵河干亦率所部繼之騎賊二千餘人伺官軍半渡突出回撲劉松山飭提督陶定
昇等奮力迎堵各營左右鈔上槍子如雨斃賊甚夥賊始向南敗走劉松山以郭寶昌兵力較單派提督蕭章開等繼進策
應此郭寶昌所部馬隊先至南岸賊騎驟至副將王鳳鳴率隊迎擊賊猶逞兇撲關郭寶昌飭參將郭運昌等各帶小隊飛

渡副將胡國龍等率大隊繼進先用擡槍洋槍向上環擊各軍士衝近南岸一擁直前喜昌亦至賊見官軍厚集潰奔向南劉松山郭寶昌等躡蹤緊追以輜重尙在北岸未便遠追收隊暫駐是役陣斬悍賊二百餘名生擒二十餘名午刻輜重渡畢拔隊復行是夜抵趙州之張村二十八日追賊至甯晉之趙莊一帶先是劉松山郭寶昌所部畱守綏德四營自晉入直因師行迅急將輜重分寄趙州派隊守護郭寶昌所帶副將韓尙吉適奉調赴營合隊二十五日由欒城至棗城會同棗城縣知縣陳金式勇練襲賊於角中村斃賊二十餘名生擒老賊五名賊至趙州境劉松山畱守輜重之勇亦出隊擊賊小有斬獲據生擒賊供該逆因軍械盡失意圖復竄懷慶清化鎮伐竹爲矛等語晉省南路亟宜豫防至賊蹤飄忽被創狂竄殊無定向臣等所陳嚴扼滹沱河北岸橋梁淺灘以固正定河間天津三府門戶此著亦不可緩請飭催分別嚴防以臻穩固臣宗棠擬卽過滹沱橋馳赴欒城視賊所向傍西路前進適春壽率所部馬隊馳至正定卽約其同赴欒城喜昌馬隊已過甯晉相距較遠未便拘泥前奏再行調回擬仍令其與劉松山等會剿臣宗棠卽與春壽合隊以免更調之煩臣官文擬卽遵旨回駐省垣籌辦防務 上諭軍機大臣等捻逆竄過滹沱河後官軍在南北兩岸疊獲勝仗見在賊在棗城趙州一帶著左宗棠李鴻章懍遵疊次諭旨同心協力迅籌殄滅務將此股就地殲除毋任再行紛竄宋懋詩是否亦在賊中遇有擒獲賊匪訊供時可得該逆蹤迹著左宗棠等查明一併剿除以杜後患見據獲賊供稱該逆竄懷慶清化鎮伐竹爲矛等語著李鶴年妥籌守禦並迅飭各軍出境迎剿會殄逆氛英翰當懍遵昨日諭旨迅赴河北以爲李鶴年聲援晉省南路天井關風門口等處尤應豫爲之備著鄭敦謹調撥官軍嚴密布置賊蹤被創狂竄殊無定向亟應嚴扼滹沱北岸橋梁淺灘以固正定河間天津三府門戶著官文崇厚悉心籌畫分別嚴防官文見已回省並督飭地方官購運糧草接濟各軍毋令缺乏已革副都統成保著仍發往穆圖善軍營效力贖罪官文所請畱於春壽軍營之處著毋庸議恩承卽駐紮保定一帶與官文會籌防守丁寶楨見由景德一路前進應如何扼要駐紮之處著該撫覘賊所向相機辦理潘鼎新一軍著官文仍遵昨日諭旨飭令由滹沱南岸前進會合諸軍迅殲醜類將此由六百里各諭令知之○合五城煮賑展限兩月○以劉嶽昭爲雲貴總督岑毓英爲雲南巡撫宋廷春爲雲南布政使李元度爲雲南按察使前浙江按察使○乙卯諭軍機大臣等崇厚奏練軍剿捕鹽梟獲匪多名續派馬步馳勦並請飭劉策先查辦團練各摺片上年梟匪竊發展經直軍兜剿始獲蕩平見在捻匪雖已南竄尙未遠離直境天津河間兩府復有鹽匪結幫滋事若不趕緊剿捕必致釀成巨患且恐與捻匪互相勾結又成不了之局陳濟清所部官軍赴交河泊頭鎮剿捕匪眾五百餘人膽敢放槍拒敵守備周水全等整隊奮剿陣斬四名

生擒三十六名尙未大加懲創崇厚見調劉景芳馬勇並正定練軍馳赴滄州南皮交河東光等處會勦卽著飭令該將弁等會同陳濟清派出各隊實力搜捕將著名匪首查拏淨盡並飭知縣馬准督同各商巡役購緝密拏毋任漏網此次獲犯弁兵卽照該侍郎所請提銀分賞並著官文嚴飭該地方員弁督飭兵役會同派出各軍趕緊搜捕嚴杜亂萌前令定安一軍移紮河間著官文行知該將軍於抵河間後嚴密堵扼以防他竄上年馬賊頭目王五見在直東交界地方聚人索馬丁寶楨由河間督兵回顧東境正可乘勢勦捕卽著該撫迅速派隊掩捕悉數殲除至青滄以南之梟匪聚則劫搶鹽店散則瀕迹各村兼爲巡役書差所包庇最難搜捕候補道劉策先見在易州以南駐紮著官文速飭該道員統帶所部練勇馳赴滄州一帶查辦團練務使梟匪不得溷迹以清內患將此由六百里諭令知之○諭鄭敦謹奏賊蹤南竄布置晉防各摺片拾逆渡過滹沱向南狂奔見已由隆平竄至鉅鹿任縣沿途詢問彰德路徑左宗棠督兵傍山南追務須盡力攔剿杜賊竄晉之路平定州地南各山隘並遼潞澤及垣曲各關口與直豫交界處所甚多鄭敦謹見已派兵防守著卽飭令帶兵各員認真堵截毋稍疏懈賊騎剽疾異常該署撫當勤加偵探視賊所向隨時相機擇要移紮居中調度免致顧此失彼李鴻章擬由衛冀一帶馳赴大名等處追剿著卽兼程前進務當與左宗棠前敵各軍迅速會剿不可稍涉遲緩李鶴年見駐彰德正可督飭豫皖防軍越境迎擊並著英翰懷遵前旨星馳赴豫渡河助剿一面飛飭黃秉鈞張從龍等軍迅赴河北以厚兵力晉省兵力尙形單弱左宗棠等總以合力同心防剿兼施毋令捻蹤竄入晉疆爲要並著在直境會兵兜剿就地殄滅永靖逆氛儻推諉觀望任令逆蹤竄及他省致成不了之局恐該大臣督撫等不能當此重咎也將此由六百里各諭令知之○諭庫克吉泰等奏官軍剿賊獲勝克復鄆州城池並麟遊等處剿賊情形各摺片此次回匪突陷鄆州經劉端冕劉厚基等督兵攻克周紹濂等復在吉子峴地方擊賊獲勝大挫兇鋒剿辦尙屬出力惟西路回匪時思東竄著庫克吉泰劉典督飭劉端冕等探賊所向奮力堵剿節節掃蕩以靖疆圉其竄及楊家店一股旣經高連陞擊敗仍著檄令該提督相機進剿毋稍鬆懈北路榆林一帶竄賊近日剿辦情形若何並著妥籌兼顧譚玉龍一軍在麟遊邠州等處擊退賊匪尙爲奮勉該革員前在香花臺剿賊出力經庫克吉泰等奏請開復提督原銜並賞還翎支於二月初四日寄諭內照所請獎勵此次在事出力員弁著准其存記彙案保獎回逆崔三一股見竄汧陽寶雞一帶著卽督飭張岳齡等會合川軍妥籌兜剿迅殄逆氛將此由五百里各諭令知之○丙辰廣江西弋陽縣學額七名○予浙江陣亡知縣李宗謨建祠○丁巳李鴻章奏行抵南宮縣據各處探稟賊敗過漳河後經豫皖防軍迎剿獲勝仍向正南逃竄臣前陳管見以懷慶衛輝北阻太行南偏黃

河地形較狹各軍若進扼懷慶再派隊蹙之一隅比在直晉圍剿較得地勢昨左宗棠函商方略臣又將此議詳晰與商頃准李鶴年來函亦以衛懷一帶依山阻河擬聯絡晉省慎守河防但非多兵莫辦等語與臣意見相同惟賊極猾悍見兵即走有騎如飛未知設法布置能否趕及左宗棠及各省追軍均由磁州彰德循山兜進臣念大名與濮范滑濬毗連恐該逆勾引土匪乘虛回竄直境擬即督軍由大名相機前進循河入豫之衛輝與左宗棠李鶴年等隨時籌商夾擊以期就地兜圍目下賊蹤愈遠直境稍鬆臣所部兵力尙單應請旨飭催官文迅飭潘鼎新善慶等各隊倍道南下俾資調派上諭軍機大臣等捻逆由成安竄入豫省臨漳一帶雖經官軍疊加剿洗該逆被創狂奔異常剽疾刻下已過衛輝非南撲黃河即肆擾衛懷等屬李鴻章以懷慶衛輝北阻太行南偏黃河地形較狹各軍若進扼懷慶再派隊蹙之一隅比在直晉圍剿較得地勢與李鶴年意見相同即著李鴻章李鶴年與左宗棠悉心籌畫合力兜拏爲一鼓聚殲之計並著英翰迅赴河北與李鶴年會商布置掃蕩逆氛李鶴年以剿匪自任務當實事求是迅將此股賊匪剋期殄滅以副朝廷委任儻該匪竄過黃河致滋延蔓必惜李鶴年是問左宗棠在直剿捻既不能在漳沱北岸就地殲除見又著著落後致逆氣復擾豫境儻再不能迅速滅事自問當得何罪著左宗棠即在豫省交界處所擇要駐紮妥爲調度一面酌派重兵星速赴晉將各處隘口嚴密扼守以杜該逆竄晉之路並著鄭敦謹仍遵前諭於澤絳所屬各口隘妥爲防守李鴻章即由大名一帶相機進剿並將大順廣一帶扼要布防遇有賊匪回竄即行迅速截擊潘鼎新一軍即著官文飭赴李鴻章營以厚兵力漳沱河以南並著官文嚴爲備禦以防該逆回竄所有善慶溫德勒克西春壽等軍及陳國瑞所部並著官文左宗棠等飭令迅赴河北懷衛一帶會同豫皖各軍實力進剿丁寶楨即在豫東交界地方擇要扼守遇賊即擊毋任該逆闖入東境所有直隸山東山西各邊界即責成各該大臣等派兵嚴爲防範如有一匪竄逸必惟各該大臣等是問前據官文左宗棠奏深澤等處剿擒獲勝業經明降諭旨將宋慶張曜獎敘此次李鶴年請將該提督等優加獎勵之處著暫行存記如能將張捻在河北三郡迅速剿除定當破格加恩此外尤爲出力員弁俟此股殄除後准其彙案請獎將此由六百里各諭令知之○諭傳諭署安徽巡撫吳坤修吳坤修奏接印日期並擬移紮壽州一摺皖省見距賊氛稍遠而本省善後諸務正宜次第舉辦該署撫以潁州地勢不如壽州爲適中之地擬俟布置後親查各屬險隘即移紮壽州該省蒙亳一帶土匪甚多其降卒之散回者亦復不少均宜相機鎮撫以遏亂萌抵壽後籌濟餉需舉善後皆關緊要著即悉心籌辦直捻見趨河北一帶竄突靡定儻或該省邊界有警該署撫仍即馳回潁州力籌防剿總期軍務地方兩無偏廢以副委任○廣江蘇吳江縣學額六名○

戊午諭內閣前據官文左宗棠奏報宋慶張曜兩軍二月十三日在饒陽東北朔賊獲勝逆首張五孩身受槍傷茲復據該署督等奏稱張五孩業被槍子打入咽喉伏誅訊據投誠人眾曹平義等供亦相符張五孩即張五黑係張落刑胞姪在諸賊中最爲兇悍每遇接仗時首先馳突屢抗官軍見被豫軍殲斃洵足寒賊膽而快人心所有此次接仗尤爲出力之千總汝得林李大川徐效孟等二員著以守備補用並均賞帶花翎以示鼓勵○官文左宗棠奏據成安縣知縣錢敏稟報賊於二月三十日夜竄過漳河劉松山郭寶昌等軍躡蹤緊追等語臣宗棠於初五日馳抵順德約計初七日可抵河南彰德府見飛杏山西撫臣嚴防天井關封門口各要隘暨所屬河防並咨河南撫臣嚴飭所屬加意防河杜賊漏逸上諭軍機大臣等捻股於前月三十日竄過漳河昨據李鶴年馳奏擾及臨漳地方爲方長華等軍擊敗南竄已過衛輝劉松山等軍追擊均落賊後左宗棠於初五日始抵順德計初七日始可抵彰德距賊更遠逆蹤剽疾異常恐由風門口舊路仍竄晉境天井關亦係由豫入晉要路此外各小口山隘甚多均應到處嚴防著鄭敦謹趕緊督兵扼守不得稍形鬆懈晉省兵力單弱左宗棠當兼程赴豫西傍太行前進豫籌攔截並分撥兵勇於晉豫山路各隘口駐紮與晉省兵勇合力防守以杜竄越逆騎竄向衛懷該處有山河扼阻正可乘此機會蹙之一隅爲聚殲之計左宗棠鄭敦謹務當振刷精神力籌堵禦備任賊蹤闖入致成不了之局必惟該大臣等是問黃河正當冰消水長之時李鶴年英翰正可乘勢督兵防守以資扼截其各渡口船隻並著全行提歸南岸儘任賊騎南渡恐該撫等亦不能當此重咎也將此由六百里各諭令知之○庚申諭軍機大臣等官文恩承奏捻蹤南竄會商布置請飭劉策先駐紮省西一帶各摺片恩承率富爾孫督帶所部赴望都駐紮並令博崇武等分紮定州等處均著照所擬辦理官文以省西空虛請令劉策先前往駐紮惟天津等處梟匪復行肆擾勦辦亦關緊要著官文仍遵前旨檄令劉策先統帶所部練勇馳赴滄州一帶相機防剿其省西至滿城沿山一帶應否另撥勁旅前往填紮之處著官文恩承妥籌調度並著崇厚嚴檄派出各軍將該處梟匪實力搜捕勒限殲除毋任一名漏網鉅鹿一帶聞有土匪滋擾李鴻章由衡水冀州前進正可順道搜捕著即抽撥兵勇認真緝拏以靖地方山東臨清另有土匪爲數亦屬不少見聞竄至朝城著丁寶楨探明匪蹤派隊掩捕並著官文丁寶楨查明竄擾朝城及鉅鹿之土匪是否即係一股抑另有分股之處迅速覆奏毋得遷延粉飾致貽他患馬賊頭目王五見在是否拏獲官文丁寶楨崇厚當飭屬嚴行躡緝務期淨絕根株是爲至要將此由六百里各諭令知之○諭鄭敦謹奏晉省南路喫緊擬移紮澤州督辦防堵一摺捻逆剽疾異常竄踞懷慶不遠晉省澤州之攔車鎮與懷慶接壤該署撫擬移紮就急撤調知府陳鵬福等赴天井關與參將怡壽協力嚴防親督兵勇即日馳往該

鎮地方爲後路策應著卽懷遵前諭振刷精神督飭各將弁於晉豫毗連各山隘加意扼守固關等處仍著防兵嚴密布置風門口爲該匪往來熟徑並著添派得力將弁嚴防以杜竄越左宗棠迅遵前旨傍太行前進豫籌攔截隨時知會鄭敦謹合力防守務將此股賊匪四面兜圍爲就地殲除之計目下河冰雖泮而陝回紛竄靡定河防仍未可弛著鄭敦謹檄飭在防將士加意梭巡嚴防該匪偷渡毋稍疏虞將此由六百里各諭令知之○諭據理藩院奏轉據土爾扈特札薩克卓哩克圖汗布彥烏勒哲依圖呈稱請欽派大臣帶兵進剿烏魯木齊回匪該汗率所屬會同進剿並請每年差人進京恭請聖安祇頌時憲書及自同治三年起應領十三旗俸銀俸段由京賞給請旨遵行等語布彥烏勒哲依圖自其祖父渥巴錫投順以來百有餘年安居樂業歷受參養深恩其感激圖報自係出於至誠前次會同和碩特等兵於喀喇沙爾擊回逆嗣又帶兵進剿伊犁逆回並捐輸馬匹其悃忱甚屬可嘉此次又請帶兵進剿烏魯木齊回匪著該衙門傳諭該汗令其馳驛前赴布倫托海地方聽候該處大臣李雲麟酌量辦理以期事出萬全不至屢遭挫敗所請每年差人進京請聖安及頌時憲書著准其照所請行其歷年應領俸銀俸段已加恩交戶部速議該汗所屬人數尙多游牧無資著傳諭該汗於領到時卽行分給各屬以資養贍毋庸由京置辦軍器俟到布倫托海後儘可會合進剿所需軍仗李雲麟等自當籌給也將此諭令知之○諭理藩院奏據土爾扈特盟長布彥烏勒哲依圖來京陛見呈請特派大臣帶兵進剿烏魯木齊回匪該盟長帶領所屬官兵會同征剿並懇請每年遣人來京承領時憲書所有應領歷年俸銀俸段應如何支領請旨遵行等語盟長布彥烏勒哲依圖應領俸銀俸段自同治三年以來未經支領該盟長遊牧盡失屬下困苦殊堪軫念卽著戶部酌量情形妥速議奏其本年時憲書並著欽天監咨交理藩院補給交該盟長祇領惟布彥烏勒哲依圖請派大臣帶兵進剿回匪見在旣無重兵可派亦無專餉可撥而該盟長所屬各旗並厄魯特人眾尙多若聽其任意進兵非特無濟於事兼恐內外扎薩克爲其驚疑於大局甚有關繫第畱之在京則所屬遊牧人眾日久無人統率又恐滋生事端因諭該盟長令其前赴布倫托海地方聽候李雲麟辦理該大臣熟悉西路情形卽著悉心籌畫其經過烏里雅蘇台科布多地方並著麟興奎昌酌量資送所有該盟長屬下土爾扈特厄魯特遊牧人眾餬口無資並著李雲麟等設法接濟就近照料原摺均著鈔給閱看○予直隸軍營病故總兵官張詩日祭葬卹廕諡勤武○辛酉諭軍機大臣等李鶴年奏豫省兵力足敷剿辦請飭皖軍及清淮防軍停止來豫一摺河北地方連歲荒歉見在劉松山等軍俱已追剿至豫合以該省各軍並英翰所派之方長華牛師韓兩軍兵數已不下數萬當此賊勢衰落之時足資兜剿若令黃秉鈞等軍俱行前進轉恐芻糧不給於事無益所有英翰續派之黃秉

鈞一軍卽著雷駐皖境爲豫省南岸聲援其總兵姚廣武等軍並著張之萬飭令在徐州駐紮毋庸馳赴河北李鶴年旣以勦賊自任卽著責成該撫嚴飭各軍勒限殄滅不得徒託空言致令殘燄復張該逆見已竄至懷慶李鶴年亦當迅速折回督剿何以尙在安陽著卽親赴前敵相機調度左宗棠務遵前旨派兵嚴防由豫入晉各要隘以杜紛竄見據生獲匪供該逆有圖由曹州黃河水淺處所竄渡回巢之說亦在意中丁寶楨計已回駐東境卽著督軍嚴防毋令闖入李鴻章見由畿南進發並著迎頭攔截毋任回竄直境儻該逆由豫省渡河卽惟李鶴年是問如果由曹州竄渡則丁寶楨亦不能當此重咎也懷之勉之將此由六百里各諭令知之○諭德勒克多爾濟等奏匪蹤肆擾請飭陝甘派兵駐防邊內東路一摺回匪久踞甯條梁擾及陝省榆林神木一帶時出草地焚掠邊外地方遼廓僅恃貝子札那格爾第率領蒙兵千餘名東西奔馳兵力實形單薄該逆見有圖竄口外之意揆厥所由總因邊內東路防軍時有無逆匪方得縱橫肆擾以逞其避實擊虛之計庫克吉泰等所派劉厚基一軍阻於榆林穆圖善並未撥兵援應該將軍等旣不能派兵專顧邊外又不能截賊東趨設竟任賊擾及歸綏一帶該將軍等自問當得何罪前諭金順迅赴甯條梁剿賊此時諒已進兵著卽迅速攻克繞赴東路以保完區如甯條梁一時未能收復著穆圖善庫克吉泰劉典迅派得力將弁駐紮東路先將竄踞府谷回匪剿滅鼓行而西與金順一軍收夾擊之效沿邊一帶仍著德勒克多爾濟桂成飭令札那格爾第等帶兵駐守相機迎剿以杜逆匪紛竄將此由六百里各諭令知之○壬戌諭軍機大臣等本日據鄭敦謹馳奏捻竄懷慶澤州防務危急一摺捻逆由臨漳竄至新鄉獲嘉河內一帶邊馬擾及清化鎮距澤州邊隘甚近防務萬分緊要著鄭敦謹兼程馳赴該處督率文武嚴防並添調兵勇分布大小各隘口密籌布置不得稍有疏忽督省兵力單弱深慮該逆乘隙竄入此時期匪機宜總以攔截懷慶北面山口爲要務左宗棠當懷遵疊次諭旨迅督兵勇沿山麓一帶星夜前進視賊所向橫截攔剿並著嚴飭陳國瑞飛速馳赴風門口一帶迎頭截擊兼與王巨孝李慶朝等協力防守杜賊回竄晉疆之路毋任遷延推諉陳國瑞卽著歸左宗棠調遣以一事權賊到河內後見又竄向何處李鶴年計可馳抵懷境旣以滅賊自任當嚴飭皖豫各軍盡力兜剿迅速殄滅毋任匪蹤紛擾並著左宗棠分飭前敵各軍會合截剿迅圖聚殲毋稍稽延縱令他竄將此由六百里各諭令知之○癸亥諭內閣內閣奏庶吉士散館考試詩賦策論先期請旨一摺此次著考試詩賦至策論兩項該庶吉士等業經於殿試朝考時分別考試散館時自毋庸再行覆考嗣後散館著仍考試詩賦屆期不必奏請以復舊制○諭軍機大臣等李鶴年奏豫軍疊獲勝仗並賊蹤東竄情形各摺片捻匪竄擾滑縣經馬德昭設伏擊敗追至新鄉獲嘉張曜一軍追至距清化鎮四十里之

恩村將砍竹之賊擒斬殆盡宋慶由獲嘉追至修武與馬德昭張曜等軍連次敗賊擒斬解散者甚多該逆兇鋒疊挫見由原武陽武循河東竄邊馬已及封邱延津勢將蔓及直東李鴻章見已由衡冀趨向大名著即趕緊督軍迎頭截擊前經諭令官文等飭潘鼎新一軍前赴李鴻章營飭善慶溫德勒克西春壽等軍赴河北懷衛一帶此時計尚未出直境正可探蹤迎截著左宗棠李鴻章官文分飭各統將等會合豫皖各軍奮力截剿並著官文懷遵前諭嚴防滹沱以南與李鴻章左宗棠互相聯絡毋任賊蹤回竄直境丁寶楨見在臨清務當督飭東省防軍嚴密扼擊毋令擾及東境逆勢敗殘張總愚已受槍傷正當乘此兵力厚集之時速圖聚殲李鶴年既以滅賊自任尤當督飭豫皖諸軍就地殄除牛師韓方長華兩軍早抵河朔劉松山郭寶昌兩軍在直境時亦頗勇往何以此次擒竄豫疆追剿均落賊後著該大臣督撫等嚴飭各將合力兜剿毋稍鬆勁儻以賊蹤去京較遠稍形懈怠致令蔓延他竄必惟該大臣督撫等是問晉省與豫直交界各山隘鄭敦謹當隨時相機嚴防左宗棠仍當督飭諸軍傍山麓一帶相機攔截毋稍疏忽前因鉅鹿一帶有土匪滋事曾諭李鴻章抽撥兵勇順道搜剿曾否捕除淨盡如尚有零星匪徒滋擾著該大臣仍遵前旨迅派將弁認真緝拏該大臣仍當星夜前赴大名西南一帶實力堵扼毋任捻眾回竄句結是爲至要將此由六百里各諭令知之○諭崇實奏抽調川北防兵移願建南邊防一摺滇省回勢方熾崇實慮其復窺川邊句結越嶲等處夷匪滋擾建南見調周達武抽帶武字八營先赴越嶲辦夷匪以清內患著卽飭令該提督將越嶲等廳夷匪實力剿除總兵劉寶國前解鹽源城圍克復鹽井頗屬奮勇所有南路防剿事務並著責成該總兵認真辦理以期得力陝省雖無捻蹤而回匪股數甚多兵力不敷防剿李輝武所部三千人見駐寶雞一帶助守而襄沔爲寶雞後路且當秦隴之衝儻被甘回闖入川北邊防又形棘手崇實見匪武字數營防守襄沔仍恐兵力尙單該署督當另撥數營添紮該處以資周密儻遇陝南軍務緊急仍著飭令周達武回顧漢中毋得顧此失彼將此由五百里諭令知之○甲子諭軍機大臣等英翰奏近日軍情擬赴衛輝督剿丁寶楨奏帶軍回東分布扼紮並派隊追捕馬賊各一摺捻逆在清化鎮等處經張曜等軍痛剿由原武陽武循河東竄邊馬已及封邱延津英翰見擬渡河協剿卽著馳赴衛輝一帶與李鶴年會籌布置迅掃逆氛其續派史念祖一軍到豫後應否渡河會剿或在黃河南岸嚴防之處並著與李鶴年會商調度張之萬所派張從龍等軍前已諭該漕督飭令在徐州駐紮妥籌布置捻蹤已至封邱延津勢將竄擾直東邊境丁寶楨見駐東昌著卽嚴檄各軍相機防守毋任一賊竄入東境莫組紳王正起兩軍並著飭令在曹州一帶扼紮以杜該逆竄東之路毋庸前赴豫境轉致顧此失彼官文當懷遵前旨嚴防滹沱以南與李鴻章互相聯絡妥籌防期

毋任該逆回竄直境李鶴年當與左宗棠等會商嚴飭各將鎮四面合圍將此股就地殲除毋任再行旁竄懷慶陽武等處
尚有捻蹤難保不因東北兩路官兵雲集折而西竄左宗棠於山西澤絳各口隘仍當派兵嚴密堵禦直東交界馬賊著丁
寶楨認真掩捕並著官文嚴飭廣平大名各屬一體投拏務絕根株鉅鹿等處土匪頗形滋擾著李鴻章探明匪蹤派隊分
剿以靖地方將此由六百里各諭令知之○諭伊勒屯何瑄奏請飭烏里雅蘇台派兵赴巴城北界防剿並伊勒屯奏請飭
撥馬匹暨修補軍械銀兩各一摺巴里坤之北界三塘湖地方爲巴城往來要道本年二月間有回匪百餘人竄往該處肆
行殺掠巴城兵力甚單不敷防剿著麟興等迅即派撥蒙兵一二千名前赴該處游收以遏賊匪東西竄伏之路俟大兵出
關後再行撤回並著伊勒屯等飛咨成祿文麟嚴飭安敦玉等處文武一體防範毋稍疏虞巴城戰馬短少自應趕緊籌撥
即著麟興等在北路撥給驍壯馬四五百匹以資應用至所需修補軍械銀兩並著麟興等籌撥銀一二萬兩解交巴城俾
得將殘破軍器隨時修補如無款可籌即催山西將應解新疆軍餉迅速撥解由麟興等分撥以應急需將此由五百里諭
知麟興錦丕勒多爾濟伊勒屯並傳諭何瑄知之○乙丑諭軍機大臣等左宗棠等奏剿擒獲勝賊蹤東竄見籌兜剿並陳
國瑞誘致勇丁截奪軍裝及請將該侍衛酌改副參等官醫兵將追剿情形各摺片捻逆被豫皖各軍截剿折向東趨原武
陽武一帶前據李鶴年奏聞曾諭令該大臣會合各軍兜剿並諭官文嚴防滹沱南岸左宗棠西傍太行前進力扼晉省沿
山各隘口著左宗棠官文仍遵前旨嚴飭各軍妥爲防剿剋期殄滅陳國瑞勇而無禮朝廷素所深悉因其前在山東尙能
力戰將材難得廢棄可惜令其馳赴前敵假以虛名冀策後效並非寵待優崇不料該侍衛謬妄至此本應量加懲處惟念
當剿賊喫緊之時姑示包容陳國瑞本係交左宗棠差遣嗣因逆氣偏近畿輔是以改歸神機營節制今捻蹤既深入豫境
即著仍歸左宗棠節制並著該大臣傳諭令其將神機營前給鈐記繳回由左宗棠派員解交神機營查銷照前敵各將領
之例另給木記以資稟報軍情之用軍行以尊卑體制爲最要方得大小相維之道見在營中如都統等官尙歸該大臣督
撫節制侍衛雖係京員豈可與欽差督撫平行致紊體制著左宗棠等一一明晰傳諭令其恪遵儻或仍前狂妄即著治以
應得之罪該侍衛所部勇丁並不得逾三千名之數著左宗棠詳悉查明妥爲裁撤嗣後該侍衛營中軍餉軍械即由左宗
棠隨時撥給此中輕重機宜諒該大臣自能斟酌辦理也劉松山等追賊勞苦情形久所洞悉第捻逆一日不平則宵旰焦
勞滋甚該大臣當於拊循之中仍示督飭之意俟逆匪蕩平自當大加恩賚也將此由六百里各諭令知之○諭崇厚奏梟
匪被剿逃散見飭搜捕並查辦團練一摺梟匪李鳳山等在泊頭一帶聞拏逃散由崔兒莊遁入杜林東光匪首高言率眾

與鹽巡接仗經該縣集團勦捕竄入秦村連鎮官軍雖小有擒斬惟該匪出沒無常兵至則散兵去復聚是其慣技亟應嚴行搜捕著官文崇厚悉心會商檄飭派出官軍探明藏匿處所認真掩捕務絕根株匪首高言李鳳山劉二麻子並著飭令嚴拏務獲毋任一名漏網據崇厚奏稱直隸鄉團良莠不齊往往私行集團製備器械並有梟匪卽充團長等語見在勦散匪徒難保不溷迹私團潛行詭計著官文等飭令各該地方官將所屬團練悉心訪查務須遴派公正紳士作爲練長不安分者概行斥退其所募人數所製器械均先稟知地方官編造清冊由查辦團練之員親加點驗給與印諭方准舉辦如有匪徒溷迹經練長舉發送官卽與獎賞至各團私殺私埋傷害兵勇等事尤應嚴行禁止以消奸宄而靖地方將此各諭令知之○丁卯諭軍機大臣等劉岷奏楚軍攻克輪頂山等寨防勦邊境請飭川軍會辦上游教匪各摺片曾璧光奏楚軍攻克荆竹園賊巢黔軍防勦開修一帶並防勦安順情形各摺覽奏均悉席寶田督率楚勇將大小輪頂山賊巢先後攻拔陣斬僞帥宋玉山等生擒逆首石廷士馬汶祖正法黃號教匪全股蕩平李元度一軍於攻克荆竹園後復將秦家寨攻拔生擒逆匪秦忠勦辦均屬出力逆首劉儀順遁回偏刀水寨李元度見在進攻該處賊寨著劉岷卽飭令該臬司迅速攻克並將劉儀順擒獲毋任旁竄其餘各處匪寨並著分別勦撫早行肅事沅晃靖一帶屢爲黔邊苗匪滋擾劉岷當飭令席寶田將貴東苗匪實力勦洗以淨根株荆竹園潰散餘匪卽著曾璧光商同張文德在開修沿江一帶搜捕務期殄滅淨盡以免蔓延見在貴東等處匪勢日衰楚軍於肅清下游後卽當進規向大坪等處賊巢崇實當飭川省援黔各軍與楚師會合夾攻將上游踞賊次第掃蕩以除積患並著飭令唐炯在貴東一帶籌辦善後事宜安順團匪句結永甯匪徒攻城肆擾著曾璧光飭令派出援軍與劉嶽昭留黔之師合力勦除肅清黔西毋任日久滋蔓將此由五百里各諭令知之○予貴州被戕州同雷恩揚祭葬世職○戊辰李鴻章奏於三月初十日行抵大名據探賊已過延津而北漸近直東交界臣飛飭郭松林楊鼎勳由彰德赴滑縣相機攔擊臣由大名前進追行抵南樂縣探知該逆由滑縣東南向東北奔竄擾及直隸開州邊境臣卽由清豐馳赴開州適郭松林楊鼎勳十二日先抵滑縣城西各軍均在賊後緊追郭松林等銜枚急趨折經濟境繞出東北一爲攔擊之師一爲橫截之計行四十餘里次於大邳山賊不虞我軍之繞截而前也郭松林自率馬隊衝入易用剛等分督各營排列疾進衝突踰時易用剛等躍馬陷陣弁勇繼進當者輒靡蔡國祥等各帶步軍乘勝兜擊賊屍枕藉田隴幾爲之滿楊鼎勳督隊由大邳山左橫出截擊賊又悉銳來爭經胡連發等猛擊敗之高占彪等帶隊接應該逆下馬迎戰歷兩時之久楊鼎勳督步隊放連環槍礮傷斃甚眾賊勢大潰郭松林楊鼎勳合力猛追四十餘里劉松山張曜等軍

復由東南節節兜剿賊眾驚亂向西南奔突臣甫至開州派隊向西南搜捕賊已回竄延津封邱一帶臣見飭郭松林楊鼎

勳乘勝猛進會合各軍竭力剿辦以期早就殲除惟該逆負創南趨衛輝懷慶以西地形漸狹若難就地殄滅必仍折而北

趨查由豫入直分東西兩路由淇縣湯陰赴彰德爲西大道由延津滑潞赴開州大名爲東大道左宗棠由彰德進正當西

路臣由開州進正當東路目下賊情未定臣暫紮開州相機督剿仍兼顧東北一面其十三日力戰陣亡之總兵胡家讓副

將銜參將夏得勝遊擊周得意羅清瑞應請旨飭部從優議卹上諭軍機大臣等捻逆由滑縣東南向東奔竄擾及直隸

開州邊境經郭松林等軍攔剿獲捷該逆回竄延津封邱一帶惟逆謀甚狡若不就地殄除勢將仍圖北竄左宗棠由彰德

前進正可嚴扼西大道之路李鴻章進抵開州如賊由東大道竄直亦可迎頭攔截著左宗棠李鴻章李鶴年悉心籌商嚴

檄各軍四面兜剿務將此股賊匪卽在豫境迅速殲除不容再行旁竄並著官文懷遵前旨嚴防漳沱以南與李鴻章聯絡

聲援妥籌布置搶蹤飄忽靡常難保不折而西趨伺隙入晉左宗棠於山西澤絳各隘口務當派兵實力堵禦不可稍涉疏

虞英翰見在行抵何處卽著迅赴衛輝一帶與李鶴年合力進兵迅殲醜類豫東交界處所著丁寶楨嚴密防維遇賊卽擊

毋任一匪闖入正在寄諭聞李鶴年奏張曜等軍在延津等處剿捻疊勝並牛師韓等分剿續勝一摺捻逆羈聚修武迤南

一帶經牛師韓窺破賊情合軍追剿將騎賊數千壓退張曜等軍復在延津吳家寨等處連番追擊斬殺無算賊向西南奔

竄見在賊勢雖屬窮蹙但恐困獸猶鬪官軍乘勝進剿務當穩慎兜蹙以期計出萬全著左宗棠李鴻章李鶴年趁此事機

順手之時嚴督各軍一鼓聚殲以竟全功儻任賊逸出豫境復成不了之局必惟該大臣等是問將此由六百里各諭令知

之○諭宋廷春奏迤西逆匪分股圍偃省垣連日防剿獲勝情形一摺本年正月間迤西逆匪攻撲富民縣城安甯一路亦

破該逆黃夜往攻兩城先後失陷該逆遂由團山等處分股圍偃省垣經宋廷春添兵扼守並徑馬如龍親率將弁攻屢屢

有斬獲賊仍分踞梁家河一帶堅守不出省城根本重地亟應設法嚴防著宋廷春督飭在省文武官紳悉心固守一面商

同馬如龍分撥將士將附近堡寨相機攻拔毋任賊蹤久踞牽掣官軍所有富民安甯文武各官下落卽著宋廷春詳查參

辦岑毓英近在曲靖著卽遴派得力將弁帶兵馳援並將富民等城迅圖克復此次防守富民之文武兵勇遇賊敗走並著

該撫查明整頓以壯軍威劉嶽昭已授雲貴總督黔西道路已通卽著趕緊赴滇會同岑毓英將該省防剿事宜逐一籌辦

毋再遷延又片奏提督馬如龍捐助軍餉並勸各回民一體捐輸等語該提督於逆氣密邇之時陸續捐銀三萬兩以濟經

費並於迤東迤南殷實回民酌量勸捐尙屬急公可嘉所有此次各該回民捐輸銀數及該提督應行獎勵之處著俟軍務

稍鬆由劉嶽昭等查明分別請獎以昭激勵將此由六百里諭知劉嶽昭岑毓英並傳諭宋延春知之○予直隸陣亡總兵官胡家讓陝西陣亡學正張湘等祭葬世職○己巳官文左宗棠李鶴年奏本月初八日賊騎馳近延津南關初九日劉松山郭寶昌喜昌等趕到知封邱之謝店岳寨陳道趙村康店華莊等處均有賊蹤卽於是夜拔隊迎期謝店步賊依村結陣騎賊從兩面直前猛衝當經劉松山擊退乘勢猛追立將陳道康店踞賊一併擊敗時郭寶昌所部正與賊鏖戰提督楊福交等助戰合力擊敗悍賊併歸一路敗逃張總愚見官軍追急賊黨回撲騎賊兩面衝突鈔出官軍之後步賊挺矛猛撲劉松山督隊鏖戰殺賊甚多槍斃賊馬尤夥賊始卻走喜昌等隊合兵追擊二十餘里至封邱之劉古村追殺悍賊不少敗賊向東北竄走劉松山所部提督周盈瑞力戰陣亡並陣亡弁勇十七名郭寶昌因身先士卒思擒逆首張總愚致頭被刀傷骹中槍子傷甚重程文炳一軍初十日抵封邱東北之白臺梁谷一帶賊眾正向東趨官軍出其不意突前迎擊守備韓大武率隊直擣中堅各路馬步分投衝殺約一時許斃賊無數張總愚挾悍賊二千餘騎自東衝至步賊譙擁繼進圖撲官軍程文炳揮軍迎敵適李得勝率隊馳至內外夾擊韓大武與都司李得勝手刃紅旗悍賊數名賊勢披靡悉向東北敗走計前後擒斬陣斃及轟傷者約一千餘名十二日宋慶張曜均抵滑縣東南吳村一帶該逆先向宋慶所部猛撲宋慶督參將劉廷等整隊迎擊擊敗北面之賊擒斬數百名張曜督總兵程之偉等帶隊繼進由南兜繞直鈔賊後奮力齊進擊敗其騎賊副將蔣東才率隊壓擊該逆三面受敵紛紛敗潰追十餘里賊復回拒適劉松山馬德昭馳至賊向東奔程文炳牛師韓亦由東南來會該逆復折奔東北竊維近日賊情窮而益悍蓋以大河阻其前追師躡其後張總愚賊黨反噬故其死黨皆乘健馬拌命衝突而各軍轉戰日久究不免稍形勢頓各將領急於滅賊往往奮不顧身傷折頗多郭寶昌因欲陣擒逆首以致疊受重傷能否醫治痊愈尙未可知而該軍追期正緊之時乏員統領殊恐不能得力臣宗棠前奏所以不忍過加督責者此也見在郭松林緘報十二日行抵滑縣擬卽馳赴開州清豐一路進剿李鴻章十三日已由大名赴南樂開州臣宗棠十五日馳抵大名擬卽督隊前進分道會剿又奏正拜摺聞據張曜等稟報三月十三日劉松山喜昌及郭寶昌所部會同張曜宋慶馬德昭在滑縣封邱之間痛剿擒逆截賊爲二大獲勝仗郭松林楊鼎勳由滑縣之北繞出東南壓剿與劉松山等軍不期而會牛師韓亦率馬隊馳至該逆三面受敵驚惶無措旋向封邱延津之間突竄是役鏖戰極惡殺賊極多臣前聞賊由封邱長垣東竄度李鴻章必將亟趨大名冀與晤商一切見在賊向西南李鴻章聞將回駐大名臣仍卽視賊所向赴彰衛一帶督剿 上諭軍機大臣等昨據李鴻章李鶴年先後馳奏情形大略相同已諭令該大臣等分路兜剿著卽

懷遵前旨嚴飭各軍相機辦毋令旁竄致成不了之局見在逆勢窮蹙性命很關冀圖逃逸實在意中我軍當於奮勇之中仍寓持重之意劉松山等軍追剿既屬勞苦而郭寶昌因欲生擒首逆致受重傷尤可嘉尚即著左宗棠李鴻章英翰李鶴年傳諭各將領令其奮勉圖功一俟奏凱必當大加賞賚用酬殊勳左宗棠擬赴彰衛一帶督剿著即相機馳往逆情詭譎難保不乘虛西竄該大臣務當於澤絳各隘口仍發兵嚴防並著鄭敦謹隨時督飭防軍加意堵扼毋稍大意李鴻章見在東路如賊有東竄之信即著督兵迎擊並著丁寶楨妥爲防範官文於淳沱南岸務遵歷次諭旨派兵嚴堵李鶴年英翰即著會同左宗棠所派各軍四面兜剿以期迅奏膚功將此由六百里各諭令知之○子甘肅陣亡參將宋有年祭葬世職○庚午山東巡撫丁寶楨奏官軍追剿馬賊擒斬殆盡見飭搜捕並防黃河南岸得旨馬賊雖屬無多仍著嚴飭各該文武捕除淨盡以絕根株捻逆見在衛郡各邑難保其不思紛竄疊諭該撫嚴防東境著仍遵前旨實力扼堵毋稍疏虞○辛未命禮部右侍郎沈桂芬在軍機大臣上行走○癸酉諭軍機大臣等庫克吉泰劉典奏遵旨兼顧榆林回逆求撫請旨辦理各等語賊匪由神木竄近榆林疊經官軍擊退另有賊股由永濟橋西竄一由歸德奔響水一由波羅向邊牆外長海子等處逃逸庫克吉泰等見飭劉聲集等各率所部分路防剿即著嚴檄該總兵等聯絡聲援視賊所向迅堵逆氛前諭金順迅赴甯條梁剿賊著該副都統仍遵前旨趕緊進兵將甯條梁力圖攻克繞赴東路以保完區胡世英所部應否將駐紮延安兩營調歸一路之處著庫克吉泰劉典相機辦理回甯禹得彥被擒求撫非真心悔罪者比難保不生反覆著庫克吉泰劉典察看情形如該逆心迹尙屬可靠不妨予以自新令其緘約回甯率眾歸順用示朝廷寬大之恩儻仍心懷叵測著即將該酋處斬以弭後患總之此次收撫事宜如辦理未能妥協致生事端必惟庫克吉泰劉典是問將此由六百里各諭令知之○甲戌諭軍機大臣等都興阿奏先行派員詳查邊外地勢再行覆勘一摺都興阿以邊外地勢遼遠山川險峻擬先派熟悉邊務之員前往靈陽輪廠旺清等三邊門池外沿渾江西岸詳細勘度俟詳報到日再行覆加履勘即著都興阿飭令該委員等將各該處地勢扼要處所周歷查勘毋稍疏漏該將軍即可俟延煦等到後會同出邊覆勘將展邊一切應辦事宜和衷商推務臻周妥不得稍涉推諉將此諭令知之○諭鄭敦謹奏籌備晉省邊防一摺捻逆盤踞獲嘉修武境內時竄擾於陽武延津之間經官軍緊躡追期西竄榮澤東趨滑濬均距晉省邊界不遠時虞竄入山口總兵劉定發等所募楚勇既抵陝州即著鄭敦謹迅速催提入省與朱楚和等兵勇嚴防風門口要隘該處爲擒匪經由熟路務須督飭在防將士加緊防範不可稍涉疏懈陳國瑞一軍既可無須徑赴垣曲即著左宗棠檄令屯紮河內之清化鎮或濟源一帶扼賊之衝該

侍衛由晉赴豫所需糧餉軍裝如有落後未經到濟者即由鄭敦謹酌量接濟以期迅速澤州天井關等處各隘口並著鄭敦謹飭陳膺福等諸軍實力堵遏與陳國瑞一軍彼此聯絡平定遼州等處各山隘該撫亦宜一體嚴防不得以去賊稍遠致形鬆懈左宗棠當仍遵前旨添布諸軍循太行山麓迎頭攔截為晉邊屏蔽毋稍疏略致誤全局陝省回逆竄擾延榆同州各屬奔突靡定晉省西路河防到處戒嚴該逆見在宜川紛擾距大甯之馬關關甚近鄭敦謹已檄陳湜馳赴該處嚴防即著飭令該革員認真堵遏力贖前愆回土各匪既竄韓城邵陽等處與晉疆僅隔一河並著鄭敦謹飭令在防各軍加意梭巡其河保一路仍當時加警備以固西面毋稍大意將此由六百里各諭令知之○乙亥署直隸總督官文奏道員劉鏡先新募勇隊擬飭駐紮省西以資操練得旨劉策先勇隊著准其留於省西操防並著飭令余承恩與天津各軍搜捕鹽匪河間天津各屬團練即責成博多宏武次第舉行務臻妥善毋滋流弊又奏請飭左宗棠李鴻章如賊趨近直境派兵協堵批前經疊諭左宗棠嚴扼西路李鴻章攔截東路賊蹤頗果竄近直境即著官文等知照左宗棠李鴻章相機撥兵與直軍聯絡遏擊淖沱以南一帶仍著官文督飭直軍分布防守毋稍疏懈○命朱鳳標為大學士由吏部尚書遷○丙子諭內閣前據楊岳斌林之望互相參奏各款當經降旨交穆圖善秉公查辦茲據該署督詳細查明並鈔錄楊岳斌林之望親供呈覽據奏楊岳斌原參林之望於糧臺支放毫無稽覈一節甘肅省城設有楚軍糧臺與該省標兵分局支給迨蘭州兵變以後林之望等稟明就所入銀米一律支領並非漫無稽覈原參林之望奏參英奎各情均無影響一節前任甘肅按察使英奎辦理糧運局務所派委員頗有需索虧那情弊兵變時借為口實不得謂無影響彭楚漢赴援省城時督軍衝入車道嶺獲勝因距蘭州較遠省中無由得知實與援省之事無涉並聲明楊岳斌潔己奉公戰功久著林之望彈盡血誠克保危城陳奏事件尚屬因公請均免議各等語此案楊岳斌等互相奏參雖經穆圖善查明俱屬因公惟以總督藩司意見未能和協均有不合前任陝甘總督楊岳斌見任甘肅布政使林之望均著交部議處○諭軍機大臣英翰奏皖軍剿賊獲勝各情並馳赴前敵相機進剿一摺牛師韓等軍在修武一帶擊賊獲勝岳寨等處之賊復經郭寶昌等擊剿大捷惟郭寶昌身受重傷前據左宗棠等馳陳業經諭令妥為拊循本日復明降諭旨賞假兩箇月俾該總兵安心調理並賞給物件以獎勞勩矣著英翰傳諭該總兵趕緊醫調傷痊後即奮勉剿賊其所部兵勇即令總兵郭運昌暫行統帶以資進剿英翰見已馳抵陳畱即日督軍渡河剿賊洵屬奮勇可嘉著即督率各軍與左宗棠李鴻章等聲勢聯絡相機剿辦以期迅掃賊氛賊匪見踞獲嘉修武境內時竄擾陽武延津之間著左宗棠懷遵疊諭嚴飭各將弁扼守晉豫毗連各要隘毋任賊蹤闖入李鴻章力顧東

路之防毋任竄逸李鶴年以勦賊自任著即會同左宗棠李鴻章英翰力籌進剿爲一鼓聚殲之計官文著仍遵前旨嚴防
潭沱以南毋稍大意儻賊復北趨仍著左宗棠李鴻章速撥重兵嚴密堵遏將此由六百里各諭令知之○諭穆圖善奏延
安防兵疊次勦匪情形並調金順赴陝暨請飭山西巡撫籌解原定協撥各餉江南等省撥解甘餉四川山西籌撥軍火各
摺片胡世英一軍駐紮延安止以防陝省北路而逆首董福祥率股分擾盤龍川一帶擾及安塞邊境勢甚猖獗雖經該總
兵疊擊獲勝難保不於甯靈花馬池等處復行煽惑著穆圖善嚴飭該總兵乘機掃蕩以期漸次肅清前因陝西榆林各境
逆回勢漸北犯留諭金順迅赴甯條梁勦賊繞赴東路截擊計該副都統此時當由定邊前進仍著該署督咨令迅速進兵
將甯條梁趕緊收復毋任賊勢蔓延胡世英是否捏報邀功並著懷遠前旨切實查明毋稍瞻徇河州東鄉等處應否派兵
會勦著該署督悉心籌辦左宗棠見在直省帶兵於甘事勢難兼顧該省勦辦事宜穆圖善無旁貸其派兵扼紮北山調
回舊部之處即著咨商劉典妥爲辦理惟不得偏顧甘境致陝地又患空虚山西應解穆圖善軍營月餉三十六萬兩著鄭
敦謹迅飭藩司設法籌撥遴派委員徑解甘垣毋庸由陝省轉撥其原定協撥甯夏新疆及富勒琿各餉亦著該署撫仍照
前數按月籌解江南等省欠解甘餉甚多著曾國藩崇實鄭敦謹丁日昌李瀚章郭柏蔭劉峴何璟各將上年七月以前應
撥甘餉如數迅解所有各該省協撥餉項劉典務當遵奉前諭飭令徑解漢中不得由陝解交致多周折甘省勦回正亟軍
火等項不可稍形缺乏著崇實鄭敦謹趕撥火藥各二萬斤火繩各二萬盤擡烏槍子各五千斤派員解赴穆圖善軍營以
利攻剿甘餉奇絀各該督撫務須隨時籌措以濟軍食不得視同膜外使甘事益形棘手也將此由六百里諭知曾國藩崇
實穆圖善鄭敦謹丁日昌李瀚章郭柏蔭劉峴劉典並傳諭何璟知之○諭梁肇煌奏西逆圍攻省城請飭督撫大員迅速
赴滇一摺滇省富民安甯被陷後復於二月初六日易門失守昆陽新興晉甯河西均屬喫緊前據宋延春奏省城危急各
情與該學政所奏大略相同見在易門繼陷賊勢益肆蔓延著宋延春懷遠前旨會商馬如龍就見有兵力分路布置防剿
兼施迅殲醜類該省被匪肆擾數月以來商賈裹足釐金稀少餉需愈形缺乏若非督撫大員添撥勁旅星馳援救並寬籌
餉項接濟省城危殆情形實有不可終日之勢岑毓英務當懷遵前諭帶兵馳援並將富民等城迅圖克復以解省城之危
黔西道路已通即著劉嶽昭趕緊赴滇與岑毓英悉心會商將兵事餉事及一切布置機宜妥籌辦理毋再遷延梁肇煌請
將此次防剿出力及捐資助餉各員由該學政查明奏獎之處著俟軍務較鬆省城解嚴後由該學政會同該督撫擇尤保
奏毋許冒濫將此由六百里諭知劉嶽昭岑毓英梁肇煌並傳諭宋延春知之○調單懋謙爲吏部尚書以鄭敦謹爲工部

尚書仍署山西巡撫毛昶熙爲左都御史調沈桂芬爲戶部左侍郎以殷兆鏞爲禮部右侍郎

由內閣學士遷

○以運送甘肅軍糧

予阿拉善親王貢桑珠爾默特優敘○予甘肅被戕通判陶壩等祭葬世職○丁丑李鴻章奏三月十六日賊由衛南折竄

東北盤旋延津封邱一帶郭松林楊鼎勳繞赴滑縣迎剿適潘鼎新善慶溫德勒克西亦由內黃至滑諸將會議以自滑縣

至長垣地勢平曠無可攔制擬就衛河以西黃河以東聯營排紮先扼竄路再圖進剿正商議間賊已突至十九日賊由封

邱北趨長垣乘夜折竄滑境二十日楊鼎勳派徐邦道胡連發馬隊迎擊縱橫盪決擒斬數十名賊退數里忽糾馬步回犯

胡連發臂受矛傷裏創力戰楊鼎勳復率高占彪等接應連開槍礮吳雲集大呼陷陣手刃悍酋數名賊向東北竄走郭松

林分紮長滑之交是日見賊由滑南突竄馳往策應臣亦自開州添派唐仁廉陳振邦馬勇赴滑協剿行至大河村遇賊唐

仁廉首先衝陣陳振邦繼進斬悍賊二十餘名逆股全數來撲陳振邦鼓勇猛進賊以悍騎合力死鬪四面包裹陳振邦衝

入賊陣身被數創適郭松林督隊趕至飭宋德鴻等步隊縱橫擊刺易用剛等從旁鈔殺該逆負創竄去潘鼎新善慶等旋

自長垣追至會合疾追同抵濟縣賊由濟縣內黃交界圖渡衛河潘鼎新等擊走之臣復派周盛傳吳長慶等由開州帶隊

截剿二十二日行抵內黃之七級見賊馬由西南而東北卽率所部攔頭迎擊賊卽敗退向東路竄去生擒賊目許善等十

數名賊沿河竄往內黃二十三日潘鼎新郭松林等恐賊繞由大名偷渡仍循衛河以南兼程緊躡周盛傳吳長慶等由清

豐南樂向東分路兜鈔屢獲勝仗臣正慮大名空虚幸河水尚深左宗棠已督隊東下二十二日可抵大名與臣商約臣軍

在衛河南岸兜剿左宗棠督軍在衛河北岸夾擊使賊不得徑渡據獲賊供稱懷衛一帶阻山面河地勢至狹恐被圍困故

亟圖出險肆竄但冀不至衛運兩河仍不出東豫數郡之地或可徐圖得手提督陳振邦身受重傷旋卽殞命擬請旨飭部

照提督陣亡例從優議卹同日陣亡之總兵銜副將劉正同遊擊銜都司魯朝斌守備高峻嶺均請旨飭部照例議卹上

諭軍機大臣等捻逆見竄內黃據獲賊供稱懷衛一帶地勢過狹該捻恐被圍困急圖出險此時賊勢雖蹙難保不爲困獸

之鬪別逞狡謀李鴻章擬先扼竄路再圖進剿所籌甚合機宜著李鴻章與左宗棠李鶴年合力籌辦嚴檄各軍穩紮穩進

實力兜剿務將此股卽在豫境殲除毋令再行竄出致賊勢復張剿辦又形棘手李鴻章各營在衛河南岸兜剿左宗棠督

軍在衛河北岸夾擊卽著該大臣等聯絡聲援遇賊卽擊毋任偷渡英翰已抵陳畱著卽統率所部星速渡河會籌掃蕩逆

蹤距東較近丁寶楨當督飭官兵嚴密布置扼賊竄東之路遣員王永慶前經成祿奏調朝廷以其所犯情節較重不准畱

營茲既據李鶴年奏稱打仗尙屬出力卽著照所請將王永慶暫行畱豫帶隊儘不能始終勤奮仍著卽行發遣毋稍瞻徇

將此由六百里各諭令知之○諭文麟景廉奏兵會玉門酌商先後馳赴安西並陳伊勒屯等截留餉銀各摺片哈密必須大員鎮撫疊經諭令文麟等迅速赴任見在景廉亦行抵玉門亟應會台前進雖據報肅逆多騎由南山邊分竄搶掠文麟等豈得以逆騎飄忽牽制進兵藉詞延緩至伊勒屯等前次奏明動用烏里雅蘇台餉銀自因巴哈需餉孔亟亦由文麟等久不到任有此那移總之地方爲重文麟等既節節耽延該處亦安能懸餉以待耶惟伊勒屯等所截留之銀本係文麟等軍營專餉伊勒屯等不得概行截留其應如何兼顧之處著伊勒屯等妥籌撥給文麟景廉於接奉諭旨後著卽星速督兵分起前赴哈密一切悉心籌辦以重職守毋許在安西逗留自午重咎所請飭撥餉需已寄諭麟興等趕緊籌解此項餉銀解到著文麟景廉與伊勒屯等酌量均勻分撥以資應用將此由六百里諭知文麟景廉伊勒屯並傳諭何瑄知之○予河南陣亡提督陳振邦等祭葬世職○戊寅以孟夏時享 太廟 上前期親詣行禮○恭親王神機營王大臣會奏 臣等接據山東巡撫丁寶楨飛報捻逆於三月二十二日竄至開滑交界二十四日竄至清豐朝城交界二十五日已至東昌府沙鎮地方丁寶楨督飭楊飛熊等開礮轟擊賊向府城東南鄧家林等處肆擾是夜該匪渡過運河以東有奔在平高唐之勢丁寶楨檄飭王心安等隊迅赴在平繞前壓擊並飭沿黃兩岸馬步水師一體嚴防將船隻提歸南岸以防搶渡賊蹤飄忽異常恐由德州一路北趨則天津河間一帶不可不防等語伏查此股捻逆自竄豫境各路官軍雖屢有斬擒究未能痛加懲創今則銳意疾馳各路追兵雖經在後緊躡恐逆蹤迅疾官兵不免節節落後且高唐以北切近景德兩州又去河間天津等處不遠設被侵犯所關甚大卽使逆蹤不向北趨山東境內豈堪再遭蹂躪 臣等已咨李鴻章左宗棠李鶴年英翰等各飭所部迅卽繞前迎剿或設法旁鈔毋任北犯相應請旨飭下前敵各督撫務各盡力緊追不准稍事耽延任賊狂竄並請飭下官文崇厚等趕緊撥隊扼要堵截如兵力不敷應由官文等酌覈事機就近調左宗棠等所部隊伍趕前迎剿此次賊由豫境竄入山東究係何隊攔截不力應令各統兵督撫等嚴查奏請重治其罪以肅軍律 上諭軍機大臣等捻逆由滑縣開州等處折擾清豐南樂復由大名趨向莘縣搶渡運河竄至東昌丁寶楨見飭東省各軍分路馳剿黃河船隻一律提歸南岸惟賊蹤剽疾異常運河水勢復淺恐其由臨德一帶北渡撲犯河間或沿河竄向東北擾及天津畿疆重地豈可再任竄擾丁寶楨務當督飭東軍設法攔截杜其北竄之路李鴻章當飭郭松林等軍沿運河南岸儘力追剿或分軍兜截或設法旁鈔總以先杜北犯迅卽撲滅爲要英翰著督率皖軍卽入東境合力追剿宋慶張曜等軍並著李鶴年星催赴東追擊不得專畱豫境彰德一帶仍著李鶴年派兵嚴防以杜回竄捻逆既到東省此後卽責成李鴻章親督所部迅入東境

撥飭諸將領將此股竄匪就地殲除所有前敵各軍均著李鴻章調度以一事權景州河間等處防務緊要著王文恩承迅速撥軍嚴加堵遏如兵力不敷並著官文等酌量就近撥調以資得力並著左宗棠即赴直境於直東交界處所扼要駐紮天津地方著崇厚速籌堵禦毋任賊蹤竄入直境姚廣武等軍著張之萬飛飭由徐州北上馳赴東境合剿以厚兵力此次賊由豫直竄入東境搶渡運河究係何隊攔截不力著各該大臣督撫等查明嚴參將該統將等從重懲辦以肅軍律捻逆由直入豫左宗棠不能迅速殲除李鴻章專防直東兩省仍任賊蹤紛竄李鶴年以滅賊自任辦理迄無成效復任竄入東境致追剿各軍均落賊後丁寶楨復不能力扼運防任賊搶渡均堪痛恨若不振刷精神力加掃蕩或縱令北犯畿疆南渡黃河以致賊勢益張該大臣督撫等自問當得何罪耶懷之將此由六百里各諭令知之○是月免直隸安州等三州縣積勞地畝上年糧賦蠲緩山東濟甯等四十三州縣暨德州等三衛永利等二場被水被旱被風被蟲新舊額賦陝西甯羌等九州廳縣被水被旱被擾積欠額賦緩徵黑龍江巴彥蘇蘇被雹被蟲上年租賦貸齊齊哈爾墨爾根兩城被旱旗民籽種口糧

夏四月己卯朔諭軍機大臣等崇實奏川軍赴陝助剿連獲勝仗一摺李輝武所部在隴州地方剿回疊勝攻克隴屬之縣頭鎮與劉典等前奏大略相同所聞之開回氣聲擾雖經川陝官軍會剿稍挫兇鋒該逆遁回隴西仍恐乘隙紛竄李輝武所部見駐寶鳳一帶扼要堵截即著飭該提督與陝軍聯絡聲勢相機防剿衰弱僅駐數營兵力尚嫌單薄著崇實仍遵前旨酌量添撥以固川省門戶兼為李輝武後路聲援建南軍務即著責成周達武認真剿辦迅速蒞事以便騰出兵力回顧漢中毋得顧此失彼此次攻克縣頭鎮出力傷亡人等著崇實查明分別奏請獎卹將此由五百里諭令知之○諭劉嶽昭奏恭報赴滇日期一摺前據宋廷春奏迤西逆匪分股圍逼省垣添兵扼守並據梁肇煌奏西逆圍逼省城富民等城被陷疊經諭令劉嶽昭趕緊赴滇與岑毓英妥籌布置見在該督已將黔省經手軍事料理完竣於三月十六日啟程進駐曲靖岑毓英已帶兵赴省救援劉嶽昭職任封圻責無旁貸即著力為其難將省城防守事宜與岑毓英會商妥辦以固根本其省城附近被陷之富民安甯昆陽新興等城及附省賊寨並著該督分撥兵勇迅圖攻克以解省城之危該督見調先鋒各營交提督李家福統帶先赴曲靖與總兵楊盛宗兵練互相接應著即嚴飭該提督等激勵兵勇迅籌攻剿以振兵威楚勇二千八百名即交道員劉嶽昭管帶留黔貴州龍里貴定等處賊匪該督即咨照該巡撫提督等派兵籌剿將此由六百里諭令知之○諭伊勒屯何瑄奏擊退哈密回匪請飭催成祿出關文麟景廉等赴哈並催撥烏城等處銀米一摺西路逆回

句結哈密纏頭攻陷駐紮五堡之定西營盤經已革都司趙英傑等帶領勇隊與勇目孔才所部合力夾擊該匪始行退去
惟匪蹤飄忽靡定難保不去而復來哈密城池久無大員帶兵鎮守人心渙散勢必另生變故前經疊次嚴諭成祿帶兵出
關文麟景廉馳赴哈密諭詞嚴切至再三該提督等一味疲玩屢次節詞逗畱深堪痛恨著即趕緊馳赴哈密不准以後
路糧餉爲名託故遷延儘再畏難觀望致哈密復爲賊踞必將該提督等執法從事決不寬貸該提督等當懷遵疊次諭旨
毋貽後悔肅州軍務並著穆圖善催令楊占鼇迅速馳往該處接辦毋稍遲誤巴里坤哈密軍餉缺乏待用孔亟著麟興速
撥銀數萬兩趕緊籌解並著文麟將安敦玉糧石速行挽運源源接濟以救眉急不得視爲具文致干咎戾將此由六百里
諭知麟興穆圖善成祿文麟景廉伊勒屯並傳諭何瑄知之○英桂奏籌米運京接濟兵食 上嘉之○諭吳坤修辦理安
徽墾荒事宜○庚辰諭軍機大臣等英翰奏皖軍續獲勝仗見擬親赴衛輝督剿一摺牛師韓等軍在滑縣境內及衛輝城
北截剿獲勝黃秉鈞郭寶昌等又在封邱迤北等處獲勝剿辦尙爲得手該署撫就皖軍派出各隊分爲三大軍親率黃秉
鈞郭運昌等即赴衛輝相機督剿賊匪見已竄至東昌搶渡運河前有旨諭令英翰督軍入東著卽懷邊前諭迅統所部各
軍馳赴東境會同李鴻章丁寶楨悉心籌辦規賊所向分投兜剿以期一鼓聚殲郭寶昌傷尙未愈著傳諭安心調理仍由
該署撫派員照料以冀速痊將此由六百里諭令知之○辛巳官文左宗棠李鶴年奏二月十三日官軍在滑縣境內剿擒獲
勝業已馳陳大略茲據劉松山等呈報十三日張曜宋慶劉松山喜昌等先後行抵滑縣之莫村一帶正駐營間探報賊騎已
至官軍合力追擊擒斬頗多十三日五鼓劉松山喜昌等向東北繞進以圖截剿行三十餘里至小寨賊之輜重已悉數前行
其馬步悍賊盡伏村中村後伺官軍至蠶擁而出賊騎兩旁分鈔步賊直前猛撲劉松山奮力衝擊陣斃馬步悍賊百數十名
賊始漸卻喜昌等馬隊復張左右翼以進賊見官軍布隊其左右兩路及鈔過官軍後路之騎賊悉退併一面排列待戰劉
松山揮軍猛進賊殊死鬪官軍愈戰愈奮斃賊甚多賊向西敗走方馬步官軍整隊壓擊之際騎賊三十餘團猛撲馬隊先
經營總富珠哩等帶隊擊敗該逆紛紛北走劉松山喜昌等合軍追殺聞北面礮聲不絕則郭松林楊鼎勳兩軍正由北壓
剿而南也賊見官軍數面追殺折回西南奔竄又值張曜一軍暨西常阿訥蘇肯馬隊自東南向西北截出賊愈膽落狂奔
官軍乘勝又追二十餘里至滑縣西南劉松山等復行二十餘里至劉家村一帶駐紮是役劉松山喜昌張曜宋慶各軍共
計殺賊一千餘名生擒三百餘名賊目張元六邱政洪胡侗吉馬大觀等四名均爲劉松山所部擒斬拔出難民以數千計
劉松山所部參將唐永清力戰陣亡應請旨交部從優議卹以慰忠魂又奏擒逆自三月十三日受創後向西南駛竄十五

日程文炳一軍行抵衛輝城北十餘里瞥見飛塵蔽天程文炳嚴陣以待賊果分股猛撲程文炳督隊環擊賊眾卻而復前者三皆經擊退時郭松林楊鼎勳兩軍適從西南馳至程文炳飭長矛隊乘勢猛進賊向東北敗走馬隊從北面橫截而出騎賊約四百餘名殲擒殆盡其大股仍向東北奔逸是役陣斃悍賊三百餘名生擒三百餘名轟傷賊馬五六百匹程文炳所部受傷十餘人喜昌春山聞槍礮聲催隊前進見賊騎六七團向北飛撲當派富珠哩西常阿訥蘇肯等向前迎擊又斬五十餘名十七日劉松山程文炳全福馳抵延津縣之胡家莊十八日由延津進至陽武縣之延川寨適賊已竄至寨西七八里一帶村莊劉松山商令程文炳分路並進甫行二里遇騎賊千餘猛撲而來劉松山揮各軍急進奮力衝殺截賊隊爲兩段提督陶定升等同時合擊賊勢不支紛向東北狂竄斬賊甚多其落後之賊二百餘悉被擒斬迨至夾隄遂收隊駐紮是役計共殺賊三四百名生擒一百七十餘名內有賊目趙四保王政三胡老元等數犯立於陣前正法解散脅從不計其數總兵何明順單騎陷陣被賊槍子洞胸陣亡宗棠時在大名營次聞賊趨西南卽於十八日拔隊擬親赴衛輝督剿二十一日冒雨至宜溝驛探聞賊騎窺渡衛河卽督馬步各隊循河追截賊方於五龍渡口牽船欲渡見官軍馬隊馳近卽棄船登岸狂奔未敢渡衛犯直而大股則已向山東朝城冠縣莘縣聊城竄走見與劉松山張曜宋慶程文炳晤商飭各軍挑選馬步隊伍採備軍食卽日親率渡衛向臨清州一帶前進視賊所向由北面壓剿而下與李鴻章南路追軍合力夾擊以期迅殄逆氛上諭軍機大臣等丁寶楨所派王正起一軍並王心安所部於二十六七等日兩次剿賊於莊平境內疊獲勝仗惟本日據恭親王等陳奏接據探報捻逆於三十日竄至莊平德平邊馬已至德州吳橋以北東光以南均見火光是東軍雖獲勝仗而逆蹤實已北竄各軍仍落賊後此次逆匪狂奔注意河間天津著崇厚迅飭余承恩劉景芳陳濟清等軍確探賊蹤迎頭攔截毋令闖入津郡恩承見在望都地非扼要並著迅卽整隊前赴河間會同定安鄭魁士等妥爲堵剿恩承所統馬步各軍應如何擇要駐紮著該侍郎與官文安籌調派該將軍等兵力尙單著官文添撥勁旅協同堵扼以固北路前經疊諭李鴻章嚴防東北兩路乃仍令逆蹤紛竄若不迅圖補救該大臣問心何以自安見在定安崇厚恩承等軍俱形單薄著李鴻章迅督諸軍馳赴吳橋一帶扼要駐紮以爲前敵諸軍調度郭松林楊鼎勳潘鼎新等軍已由高唐繞出德州並著該大臣飛催繞前迎擊毋許再有遲誤致干重咎丁寶楨責任封圻不能遏賊東竄致令復擾近畿不得以獲有勝仗稍形鬆懈並不得專候左宗棠李鴻章會商致延時日著卽督軍出境追剿以贖前愆並催王正起等先赴直境迎頭攔截以爲北路屏蔽該逆雖全股東竄而追軍趕到恐又折回南擾是官軍徒奔馳道路於事何濟左宗棠著仍酌量情形

於直東交界處所扼紮整陣以待所有劉松山等軍即催令前進到直東後就近歸李鴻章節制以一事權儻左宗棠已入東境追剿即著英翰移軍於開州大名一帶扼紮以防回竄所有東軍陣亡弁勇著丁寶楨查明奏請優卹左宗棠等另片奏請將陳國瑞歸山西河南撫臣節制等語該侍衛榮鰲性成非威望素著者難以震懾其心仍著左宗棠隨時調度不必有所顧忌該侍衛所部勇丁見已逾三千名之數並著左宗棠嚴飭裁汰妥爲辦理毋令滋生事端該大臣身爲統帥不得諉諸他人爲自全之計候事定後朝廷自有處置也將此由六百里各諭令知之○諭德勒克多爾濟等奏查探邊防酌將蒙古官兵暫行遷調並請飭察哈爾選派蒙兵以備調遣一摺陝西回匪在柳樹澗一帶盤踞並有圖竄包頭鎮之說歸綏沿邊等處防務緊急德勒克多爾濟等將札那格爾第原帶蒙兵及駐紮歸化城之察哈爾蒙兵分別移撥即著照所擬辦理惟賊蹤飄忽防剿未可稍鬆並著該署將軍等檄飭札那格爾第統帶所部確探賊蹤於附近陝省各要隘認真扼紮一面嚴飭馬陞督率沿河各營將士晝夜梭巡毋稍疏懈其各旗營應領餉銀馬價著札飭歸綏道分別籌撥以資接濟察哈爾蒙兵除病廢撤回外所贖無多著文盛杜嘎爾於察哈爾八旗內酌派馬隊兵五百名配齊軍械並遴派幹員時加操練聽候德勒克多爾濟等咨調文盛等務將該蒙兵加意挑選毋得以羸弱充數此項官兵赴防時即著杜嘎爾管帶前往會同德勒克多爾濟等相機攻剿以期得力將此由五百里各諭令知之○署陝甘總督穆圖善奏提督雷正勦賊屢勝並解慶陽城圍報聞○予河南陣亡參將唐永清直隸殉難學正于壯圖等祭葬世職○壬午諭軍機大臣等昨據恭親王等奏捻逆竄至在平德平邊馬擾及德州當經諭令崇厚迅飭津郡防軍迎剿恩承定安等赴河間扼堵官文添撥勁旅協堵李鴻章左宗棠丁寶楨分路防剿茲據崇厚馳奏捻逆竄至吳橋東光一帶請飭南路各軍繞前攔截一摺與恭親王等所奏情形大略相同見在津郡萬分喫緊崇厚雖飭余承恩等分路防剿兵力甚形單薄李鴻章務當懷遵連日諭旨迅督諸軍由直境繞赴賊前與東軍合力夾擊以期迅殄逆氛一面飛催郭松林楊鼎勳潘鼎新等軍繞前壓剿並著丁寶楨迅催王正起等軍先赴直境迎頭截擊以固畿疆恩承所統神機營各軍移赴河間一帶兵力尙單官文務遵前旨多撥勁旅添赴該處助防毋稍延誤左宗棠仍當酌量情形迅速赴直東交界處所扼紮以防該逆回竄天津防務著崇厚嚴密布置毋稍疏懈東光吳橋並南皮滄州一帶運河船隻均著崇厚迅速提歸津郡以北毋任捻蹤搶渡將此由六百里各諭令知之○癸未諭內閣前因捻匪竄遁河南衛輝一帶疊經諭令李鶴年就地殲除該撫屢次摺奏亦以滅賊自任並稱兵力已敷勦辦毋庸援軍前往助剿乃賊由清化鎮回竄該撫漫無布置任令由滑滎等處沿河東趨既未能痛加勦洗復縱賊竄入

東境擾及畿疆張曜宋慶等軍曾否出境繞前兜擊亦未見有奏報貽誤軍情實難辭咎李鶴年著交部嚴加議處左宗棠
李鴻章總統諸軍由東西大道兩路進剿若能嚴密堵截何至任賊回竄見在該逆已擾及東光吳橋一帶該大臣等追軍
又落賊後調度無方亦有應得之咎左宗棠李鴻章均著先行交部議處仍責令該大臣等督率各軍繞前兜擊迅將此股
賊匪剋期殄滅毋再稽延致干重咎尋吏部議上李鶴年照溺職私罪例革職左宗棠李鴻章均比照不應重杖八十公罪
降二級留任例降二級留任得旨李鶴年著加恩改爲革職留任左宗棠李鴻章著照部議降二級留任均不准抵銷○李
鴻章奏賊蹤初欲循衛河北竄三月二十二日正在內黃之五龍口試淺偷渡善慶溫德勒克西馬隊馳及賊見步軍尚遠
遂糾馬賊數十團散轡齊上猛力迎戰並分股繞出陣後意圖包裹善慶等各率所部分擊頗有斬獲潘鼎新郭松林等督
隊馳援善慶等知有援軍從圍中突出夾擊降其偽天將熊大海騎賊百餘人餘賊潰遁東北二十三日賊竄南樂清豐之
交周盛傳吳長慶帶隊趕至擊斃馬賊數十名生擒賊目徐老滑等數名就地正法又追二十餘里至南樂縣東遇賊騎萬
餘合力壓下周盛傳當合馬隊撤回依護步隊進戰賊見我軍馬步齊上悍賊數千下馬持矛鏑擁死鬪經營官賈起勝等
奮勇迎敵自未至申慶戰兩時之久賊大潰走我軍乘勝掩殺計斃悍賊千餘名並斬賊目張丑等數十名賊連夜遁往山
東莘縣境內潘鼎新郭松林楊鼎勳善慶等恐其乘隙渡衛是日循河岸追至莘冠交界二十五日賊即直奔東昌前股已
由東昌城南十餘里李海務一帶渡運東趨我軍於午後追及該逆率悍黨迎戰易用剛等排隊進擊賊屢衝不動徐邦道
等各率馬隊從旁鈔截陣掄悍目何士喜周久等數名殺斃老捻數百名各軍在東昌略購行糧仍圖繞出賊前向南壓剿
臣查賊勢雖甚窮蹙惟步賊悉改爲騎日馳百數十里官軍急追常苦尋戰不得偶一接仗其悍賊多下馬抗拒我軍須馬
步並進方可制勝步隊晝夜飢驅實形疲乏東直交界地勢平曠無險可扼殊爲焦慮左宗棠見督劉松山張曜宋慶程文
炳各軍由大名循衛河東北截擊以堵北竄臣亦飭郭松林楊鼎勳潘鼎新等會合東軍繞由北路向東南兜剿臣拜摺後
即日啟行進駐東昌一帶就近相機調派仍隨時會商左宗棠等妥籌酌辦其力戰陣亡之卽補協領常通河等均請旨飭
卹從優議卹 上諭軍機大臣等捻逆由山東德州擾及直境之吳橋東光一帶津門防務萬分喫緊見聞逆蹤益向北趨
距津郡愈近京畿東南面甚形空虛左宗棠等督兵防剿未能在豫境滅賊致令由大名東昌竄及近畿儻再不奮精神
認真設法繞前攔截自問當得何罪前據丁寶楨奏郭松林楊鼎勳潘鼎新等軍已於前月二十六日由博平高唐繞向德
州迎剿何以此時尚未繞出賊前著李鴻章迅飭該將領等不分晝夜盡力繞前務由西北壓向東南先固近畿門戶該大

臣見赴東昌去賊甚遠著卽懷遵前旨卽赴景德一帶駐紮調度不可稍緩須臾丁寶楨當迅督王正起王心安莫組紳等所部馳赴河間等處防堵恩承計已移紮河間著與定安等會商將河間地東沿運河一帶視賊趨重處所相機扼截與東軍聯絡聲勢官文見派總兵劉祺所部練勇三營移赴河間著卽飭令星夜前往與恩承等軍合隊嚴防直境兵力未厚左宗棠當由西南一路督軍疾馳東北屏蔽畿疆並著崇厚嚴防津郡分飭余承恩等軍與李鴻章前敵諸軍會合夾擊見在賊勢逼近肘腋刺疾異常該大臣督撫等均宜各知緩急連夜催軍北上母待朝廷敦促也英翰當已遵奉疊次諭旨督率皖軍馳赴東境著卽迅速前進分路趨向德州武定一帶儻遇賊蹤回竄卽可迎頭兜擊與李鴻章所部圍剿以圖聚殲將此由六百里加緊各諭令知之○諭鄭敦謹奏布置澤州防務並擊退搶渡回匪一摺捻匪見由東省竄擾直境距晉邊較遠澤州防務業經鄭敦謹分投布置卽著責成該署撫認真防範毋以賊氛漸遠稍形鬆懈陝省宜川等處回匪勢甚鴟張竟在七郎窩對岸結筏搶渡雖經已革臬司陳湜督兵擊退難保不乘隙復來著鄭敦謹嚴飭陳湜督率將弁加意防守不得掉以輕心再干咎戾晉省西面各屬與陝省延榆綏等處僅隔一河地段綿長必須添兵協守鄭敦謹見已檄令王巨孝帶兵五百折回甯吉一帶協防並將道員吳光春新募勇丁三千名分部沿河上下兵力稍厚然遠防不如近剿陳國瑞所部自可先其所急飭令前往吉州一帶渡河而西將宜川等處回匪相機截剿以固晉疆劉典當檄飭陝軍與該侍衛聯絡聲勢兩面夾擊務將此股回逆剋期殲除毋任蔓延陳國瑞既赴秦晉毗境剿賊距左宗棠軍營日遠一切進止機宜著暫歸鄭敦謹妥爲調度軍餉軍火亦著隨時撥給安住所部卽著在清化鎮屯紮以杜捻逆回竄將此由五百里各諭令知之○于山東陣亡副將嚴鴻猷等祭葬世職○甲申諭軍機大臣等恭親王等奏捻趨南皮東路防務喫重擬將京兵酌量調撥崇厚奏津防喫緊調軍會合防剿並續奏賊撲靜海迎剿獲勝津郡情形萬急各一摺捻逆大股由南皮竄至靜海雖經陳濟清擊退而該逆繞赴東北距津十二里之稍直口已見邊馬津防情形萬分喫緊況刻下漕船連檣北上正在驗收轉運之際天庾正供尤關緊要著崇厚就見有兵力分路防剿並知會英國法國礮船將濠牆協同守禦以固津防且恐該逆繞赴北路窺伺京畿其害尤不可勝言李鴻章務當懷遵前旨迅赴北路扼要駐紮相機調度郭松林楊鼎勳潘鼎新等軍早抵德州距南皮甚近何以此時尚未繞出賊前會同剿洗實屬意存觀望著李鴻章嚴飭星馳前進一面將該將領等遲延之處據實參奏斷不准稍涉徇隱左宗棠卽由西南一路督軍馳赴東北以衛畿疆王正起王心安莫組紳等軍著丁寶楨飭令迅赴河間等處嚴密防堵扼賊紛竄之路皖軍程文炳牛師韓方長華等豫軍張曜宋慶等並善慶溫德勒克西暨

春壽等馬隊此時均行抵何處何以未見繞入直境迎頭截擊李鴻章嚴檄催提合力兜剿免致賊勢紛馳益難收拾北路空虛亟應添兵扼守著恩承酌量情形規賊所向擇地扼紮以固京師門戶其所派防守任邱之兩翼驍騎營馬隊應否移紮文安與駐守大城之兵聯絡聲援之處並著該侍郎酌度辦理玉亮等軍及河西務等處均著照恭親王等所擬妥籌布置香河寶坻甯河等處亦形空虛尤應統籌兼顧著官文酌撥兵勇實力防維並著萬青藜王榕吉督飭各該縣民團協同守禦保衛地方毋令匪蹤蔓延及劉祺所部官文卽飭令趕緊移赴河間任邱以北會合恩承等軍嚴防直境毋稍疏懈將此諭知順天府並由六百里加緊各諭令知之○乙酉諭內閣崇厚奏官軍剿擒獲勝力保津郡請將出力各員獎勵一摺擒逆竄犯靜海思渡運河西岸本月初五日經總兵陳濟清派隊堵遏副將鄧啟元統率所部在甄埭小灘等處迎賊鏖戰力挫兇鋒該逆敗向東南奔竄津郡以安洵屬奮勉可嘉自應量予獎勵以昭激勸見旨郭松林潘鼎新等軍已到津郡卽著崇厚督飭陳濟清鄧啟元等趁此聲威聯絡諸軍務將此股擒逆迅速殄除以清畿輔此次逆匪猝犯直境逼近津門迫期各軍均落賊後總由各該大臣等去前敵太遠以致各將領進兵紆緩不能力遏狂氛李鴻章左宗棠等務當迅赴前敵嚴督各軍實力兜剿以贖前愆毋再遲延致干重咎○諭軍機大臣等恭親王等奏軍情緊要添撥隊伍並請飭催追軍羅惇衍奏商辦保護海運米石並定安奏見籌河間防堵事宜崇厚奏津軍擊賊獲勝擒向東南敗竄各一摺擒股竄偏天津思渡運河西岸經崇厚派令總兵陳濟清等迎擊獲勝賊向東南敗走該侍郎力保津郡痛挫賊鋒深堪嘉尚仍著檄飭陳濟清等確探賊蹤相機堵截郭松林潘鼎新等軍見已陸續抵津是官軍聲勢較壯而賊走濱海一帶其勢漸窮李鴻章務當懷遵疊次諭旨妥籌方略迅赴前敵嚴飭郭松林等跟蹤追擊躉之海隅使該逆不得逞其奔突一鼓蕩除左宗棠行抵何處何以數日並無奏報著卽迅速北上並飭令劉松山等趕緊北來會同剿擊河間一帶空虛昨諭丁寶楨飭令王正起等軍迅赴河間扼賊紛竄著卽星馳前進毋再遲延其程文炳各軍著英翰催同夾擊並張曜宋慶等軍均著李鴻章派員迎提以厚兵力揔股雖竄往東南離津門不遠李鴻章等諒不至坐視肘腋之患故作遲回也恭親王等奏請飭恩承赴王慶坨等處堵截定安等由河間赴天津一帶迎截刻下賊情稍異難保不東西分竄著恩承確探該逆趨重處所會同定安鄭魁士等聯絡聲勢相機扼紮定安富和鄭魁士等應否仍紮河間之處著恩承等會商妥籌布置劉祺所部勇隊並著定安催赴河間協同防守明慶等所帶各隊均著照恭親王等所擬迅速辦理京城內外尤宜防宵小瀆迹亦著各行步軍統領衙門順天府五城團防一體嚴查毋得虛應故事王正起等未到河間以前著官文酌度情形派兵填紮其附近保定一帶

亦不得以賊蹤較遠稍涉空虚天津爲商賈輻輳之地該逆久已垂涎崇厚務須嚴飭在防將士時加防範毋稍疏虞日來頻接奏報尙合機宜嗣後並著將附近軍情隨時馳奏以慰厯繫羅惇衍鍾岱奏保護海運米石情形均屬妥協卽著照該尙書等所議妥爲辦理以期無誤正供將此由六百里各諭令知之○諭曾國藩等籌撥陝西軍餉○丙戌諭軍機大臣等羅惇衍等奏賊偏津門請飭各路官軍合擊並請飭統兵大臣擇要駐紮丁寶楨奏會商分道追賊並催隊赴運東防剿崇厚奏准東各軍見抵津郡分隊兜剿葛青藜等奏遵飭各屬整頓團練並察看堡寨各摺片捻逆竄至津郡稍直口並靜海貝王莊等處經津軍擊敗退向東南郭松林等准軍見已追抵津郡溫德勒克西等軍亦相繼而進王心安一軍見已馳抵靜海崇厚商同諸軍分路壓剿該逆又向西南竄動深虞繞竄西北左宗棠見已由德州趨向東北著卽沿運河西岸探賊所向力扼運防毋任竄渡北犯定安等軍卽著駐紮河間一帶與左宗棠聯絡聲勢屏蔽京畿東南恩承著於河間以北規賊所向扼要駐紮毋庸移赴王慶坨並著官文遵奉前旨催令劉祺所部馳赴河間以厚兵力運河以西既有左宗棠軍防堵王正起等軍卽著毋庸趨赴河間著丁寶楨卽督該將領等沿運河東岸向吳橋滄州一帶迎剿見在津郡兵力較厚該逆北竄不遂必沿舊路回竄山東李鴻章見在行抵何處究竟如何調度布置何以未見奏報著卽懷遵前諭迅赴前敵相機扼紮並嚴督各將領迎頭探擊務乘諸軍會集之時或乘夜攻劫賊營或分路圍合三面兜剿覺諸海隅就地殄除毋任該逆逸出又形蔓延豫軍張曜宋慶等並春壽等馬隊均著李鴻章嚴催儘提馳抵津郡西南分布兜剿英翰飛督黃秉鈞等軍由黃運之閒北上合力夾擊毋稍遷延並著李鴻章遵奉前旨將程文炳牛師韓方長華等軍就近催提先馳前進過賊回竄之路郭松林等軍距李鴻章營太遠若無統帥嚴催勢必稽遲著卽就近暫歸崇厚調度卽檄令由西北向東南壓剿與各路援軍合力夾擊力圖聚殲尤須防其繞向津東由甯河一帶北竄該將領等所需軍火糧米卽由崇厚酌量接濟儘不遵調遣致誤事機著崇厚卽行參辦海河一帶仍著崇厚嚴防毋任賊蹤繞竄該處搶船北渡海運米石船隻並著羅惇衍等會商崇厚設法保護毋稍大意李鴻章左宗棠軍報每多疏緩嗣後軍情務當隨時勤奏以慰厯繫不得仍前疲玩順天府屬東南各州縣團練堡寨卽著萬青藜等督飭各牧令認真興辦並派員分路督催仍由該兼尹府尹等察看妥爲籌畫並安辦粥廠增撥米石以濟窮黎毋任失所將此諭知萬青藜王榕吉並由六百里各諭令知之○廣江蘇泰興縣學額六名河南中牟一名○丁亥諭軍機大臣等官文奏籌防北路飭軍遇截情形並請飭部撥餉各摺片捻逆竄至津郡准部各軍業經追及余承恩陳濟清等軍已回贛津郡刻下丁寶楨所部東軍已與淮部各軍由運河東岸前進左宗棠所部

亦由運河西岸前進津郡河間一帶兵力稍厚足敷分布官文仍當飭令余承恩陳濟清等相機布守運河北岸以防竄渡並飛飭劉祺所部移赴河間任邱一帶與京兵聯絡扼守候續有援軍到防卽酌量情形飭令該總兵拔赴武清香河一帶防堵省城防務仍著官文在保定妥籌布置務臻周密直隸軍需用項浩繁前經諭令湖南湖北江西江蘇廣東福建各督撫每省協助餉銀十萬兩剋期由海道輪船解津文崇厚驗收轉解應用各該省至今尙無報解信息見在待用孔亟著戶部先於部庫內借撥銀三十萬兩迅速解交官文以資應用該部卽嚴催各該省速行撥解俟此項餉銀到津卽由崇厚扣留解部歸款其餘三十萬兩著於長蘆鹽課及天津關稅正款內隨時通融措撥官文當樽節動用支放毋稍冒濫並嚴飭防剿各營將弁會合各軍將此股捻逆迅速殄除毋得糜餉殃民致干重咎將此由五百里各諭令知之○左宗棠奏臣抵臨清後偵賊已竄過運河卽由臨清前進三月初四日抵德州偵賊又過吳橋向東北竄走因面商劉松山張曜宋慶各率所部於初五五分兩起取道直隸河間府景州循運河西岸以向天津喜昌春壽各率所部馬隊作第三起由德州屬劉智廟向連鎮泊頭臣與程文炳率所部作第四起繼之初六日臣行抵連鎮計各軍亦可銜尾繼至竊維捻逆由吳橋向東北竄走意在徑擾津沽李鴻章所部郭松林楊鼎勳等三軍早抵吳橋聞已向天津進發臣昨在德州晤丁寶楨知已嚴催王正起等繞越賊前以援天津是運河以東各軍雲集臣所部各軍若再由東路繼進則西岸空虛運河水面狹而船隻多勢難斷其西渡黨賊擄船西竄河間保定各屬又將被賊紛擾局勢更壞不若由運河西岸視賊所向相機截擊較爲周妥如確探賊蹤相距不遠卽搭架浮橋東渡會剿至李鴻章前此所商圍制一策雖制捻良圖然地遠兵分與見在局勢不合臣已據所見緘覆矣頃奉諭旨此次賊由豫直竄入東境搶渡運河究係何隊攔截不力著各該大臣督撫等查明嚴參計李鴻章丁寶楨當已據實直陳臣調度無方不能迅殲由直入豫之匪實爲心疚既不敢飾詞諉過亦不敢希圖引避巧卸仔肩惟有靜聽廷議而已得旨覽奏與昨日丁寶楨奏報大略相同已寄諭該大臣等迅速督兵於運河東西兩岸分路截剿以防北竄著卽懷遵疊次諭旨妥籌辦理毋再遷延致干重咎捻匪由直而豫而東直隸郡剽疾異常官兵節節落後該大臣既稱不敢飾詞諉過亦不敢希圖引避巧卸仔肩卽當振刷精神力圖補救迅將此股逆匪聚殲無遺以副委任若再事延緩致令遠颺或任其東奔西突擾及完善震驚畿輔徒事跟蹤尾擊勦辦迄無成功雖廷議寬大亦不能爲該大臣曲爲優容也懷之此旨並著由該大臣鈔給李鴻章閱看○戊子諭內閣前因捻逆紛竄諭令左宗棠嚴防直晉交界李鴻章嚴防直東交界以期分路迎剿乃該逆由豫竄東由東竄直駛至天津附近地方疊諭李鴻章督率所部前進並將前敵各軍悉歸調度以一事權見淮軍雖

先後到津而該大臣自三月三十日自開州發報後迄今並無奏報未知行抵何處該大臣責任統帥進剿機宜豈宜遲緩至此著卽統軍馳赴北路督率各軍扼要駐紮廣籌方略相機殄滅其已到之皖豫各軍均著歸李鴻章調度以專責成左宗棠見已由德州前進卽著扼紮運河以西分兵追剿丁寶楨亦已進駐交河並著該大臣等會商無分畛域互相策應該大臣督撫等均受朝廷重寄斷不可稍有推諉趨避儻能一鼓殲除自宜同膺上賞若再遷延貽誤亦必重治其罪懷之勉之○諭軍機大臣等崇厚奏擬就運河築圍嚴防海河並續奏逆蹤退竄靜海淮軍拔隊壓追丁寶楨奏暫紮交河探賊攔截各一摺賊匪大股見在竄至靜海東南淮軍郭松林潘鼎新跟蹤壓剿崇厚擬將各路大隊調集運河挑築長圍依照上年東省防守運西辦法扼賊竄路再行疊剿刻下賊情既異且長圍工程非旦夕所能成事總以嚴飭各軍實力合剿迅圖聚殲爲要著崇厚卽飭郭松林等軍奮力追剿副將莫組紳等軍已抵靜海並著丁寶楨飭令莫組紳王正起會同淮軍合力夾擊迅殄逆氛李鴻章見在行抵何處本日已明降諭旨催令迅赴前敵著卽兼程前進與官文崇厚會籌布置蹙諸海隅爲一鼓聚殲之計丁寶楨卽著暫駐交河視賊所向相機策應王心安等軍自應留紮運河東岸會同剿辦以防回竄其西岸兵力向單並著該撫調軍扼堵以資得力賊蹤雖已稍遠而運河海河防務仍關緊要應如何嚴密布置並津郡濠牆以外添挖二道濠溝之處著李鴻章於抵津後會商崇厚酌度情形妥爲辦理左宗棠卽沿運河西岸探賊所向力扼運河爲順屬暨河間保定一帶屏蔽該大臣等務將此股迅就殄除儻再縱令北犯震驚畿輔恐該大臣等不能當此重咎也將此由六百里各諭令知之○己丑左宗棠奏於初七日抵交河之文家廟初八日抵青縣之興濟鎮探報賊於初七日自靜海縣東竄至縣屬四當口後隊尚在天津縣屬之衛南窪劉松山張曜宋慶等各率所部於初八日由青縣東北三十里唐官屯渡運河而東向前截剿春壽喜昌已飭其星速東渡會合步軍前進惟西岸未可空虛擬於初九日由西岸折回過連鎮後始敢東渡督勦益必先固直省偪賊趨東南然後可會合李鴻章丁寶楨英翰諸軍蹙之河海間也連日奔馳探悉南皮被陷情形實由余承恩畏賊不前距南皮二十餘里任賊破城飽掠而去張總愚肩受槍傷聞賊中均言張五孩伏誅後張總愚復帶重傷人心慌亂思散者多惟賊中大小頭目多張姓死黨故受其劫制賊之能戰者不過數千此次句賊犯津實係鹽梟糾眾投入賊夥故賊數有增又從前諸賊盡使長矛此時雙筒洋槍幾於無賊無之是賊已蹙復張之驗見在東直官軍實已數倍於賊而士卒轉戰疲勞將領虛報勝捷兩者於軍情實有關繫李鴻章奏於四月初六日行至東昌探聞該逆已竄南皮滄州境內距津不遠所部郭松林楊鼎勳潘鼎新善慶各軍均當追及左宗棠督劉松山張曜宋慶程文炳等初五日已由德

州進景州以北計北路兵力已厚足資堵遏臣深慮各軍趕到賊又折回南擾官軍奔命不遑轉瞬又落賊後正在絨商英翰請其督皖軍進駐臨清豫籌布置臣擬暫駐東昌聯絡諸軍俟賊回竄就近迎擊欽奉四月初三日諭旨以定安等兵力單薄令臣馳赴吳橋一帶扼要駐紮臣即督周盛波吳長慶等營由東昌啟程馳赴德州吳橋等處扼紮就近相機調派臣查捻逆久成流寇張總愚尤極狡猾頻年竄擾北地擄馬最多平原曠野瞬息百里我軍步隊躡逐實苦不及臣不得已擬爲就地圍制之策疊商左宗棠等思設長圍以困之無如黃河以北平坦千里網羅難施議者謂就運河一綫設防蹙之海東一隅較得地勢惟運河自天津至張秋黃河口計一千二百里內張秋至臨清二百四十里年年黃水倒灌淤成平陸尤費兵力約須十萬餘人方可分布見計直東豫主客各軍僅及十萬臣慮其有守無戰潰決爲患左宗棠慮局勢疏廓難於有成皆係實情或又謂待賊回竄豫境分守漳衛河及張秋至臨清運隄以蹙之費兵亦近十萬又恐偏賊入晉總之圍局不得猝成賊騎難禁紛竄即嚴飭諸軍日以追剿爲事能勝賊而未足以滅賊久且有疲師覆軍之憂可勝惴惴臣智術短淺於時勢之難略有所見不敢不據實直陳 上諭軍機大臣等捻逆自靜海縣東竄至縣屬四當日餘股向在天津縣屬之衛南窪左宗棠見擬由西岸折回過運鎮後再行東渡督勦著該大臣星馳前進會合李鴻章等赴軍蹙之河海之間會籌聚殲昨日又明降諭旨催令李鴻章迅速北路其已到之皖豫各軍均歸調度茲覽李鴻章奏報旬日以來始抵東昌擬赴德州吳橋等處扼紮實形遲緩捻蹤折回北犯剽疾靡定正宜力圖掃蕩保衛畿疆以副委任李鴻章身爲統帥合圍既無把握斷無任賊縱橫不籌殲滅之理著即兼程北上與左宗棠和衷商榷視賊所向迅殲醜類儻再遷延觀望致賊四出紛竄該大臣問心何以自安丁寶楨見駐交河即與左宗棠李鴻章協力同心會籌夾擊英翰所部各營未識行抵何處著即趕緊前進相機策應前諭恩承於河間以北扼要駐紮應如何與左宗棠等聯絡聲援協同剿洗之處即著恩承妥爲調度此次南皮被陷余承恩畏賊不前距南皮二十餘里任賊破城飽掠而去實堪痛恨著崇厚就近查明據實參奏毋稍隱據左宗棠奏見在句賊犯津鹽臺高邑所致高邑係滄州下窪高家口人糾集鹽梟馬賊約三千人投入賊夥賊數有增等語亟應將梟匪嚴行搜捕方不至互相勾結捻勢復張著官文崇厚抽調官軍會同各該州縣地方官將鹽梟認真躡緝並將匪首高岳迅速拿獲以孤捻勢直東官軍實已數倍於賊近聞將領有虛報勝捷等弊著左宗棠官文丁寶楨崇厚於直東將領中查明何員虛冒勝仗任意欺飾即著據實嚴參以肅軍律儻扶同徇隱別經發覺恐該大臣督撫等不能當此重咎也前月二十六日左宗棠所發摺報尙未遞到即著查明在何處耽延

仍一面另繕復奏將此由六百里各諭令知之○諭曾璧光奏請飭四川湖南督撫轉飭撥黔各軍赴援並開照山賊首投誠請將出力陣亡各員獎卹各一摺貴州平遠遵義各屬匪巢與甕開黃越等處毗連並與龍里貴定各逆響應鎮甯踞匪亦未期盡見在劉嶽昭移師入滇上游無人夾擊自應迅集援兵以資攻剿著崇實劉峴卽飭劉嶽曙席寶田李元度唐炯蹇閻曾志友熊英豪賀連級各軍由秀山等處迅赴安順進搗甕安平越及龍貴苗疆各賊巢以期廓清黔境毋任遷延不進致誤事機各軍未到以前仍著曾璧光督同張文德嚴飭各營將士實力防維其白泥壘投誠苗匪該署撫務飭知府馬應鐘妥爲辦理不可掉以輕心所稱張文德勦辦鼎照山賊匪各情是江內漸可肅清已准將何正觀免罪矣惟何正觀倡亂多年北次懾於兵威率眾乞降是否真心可恃仍著曾璧光妥籌安插毋令日後再生事端所有沿江營壘並著飭令駐紮開州之戴榮宗認真防範俾免疏虞將此由五百里各諭令知之○予貴州陣亡遊擊馮成龍等祭葬世職○庚寅諭軍機大臣等羅惇衍奏津郡守備情形並撥鹽關各款應用一摺賊匪見由靜海滄州竄至鹽山去津稍遠崇厚當飭令各路援軍馳赴該處四面兜勦力圖殲滅尤須防其回竄毋稍疏虞賊匪是否全竄鹽山滄靜一帶刻下有無匪蹤著崇厚確查具奏鹽山逼近山東該侍郎計已飛咨李鴻章丁寶楨合力堵剿羅惇衍等見擬將津郡濠牆加高培厚並添挖濠溝以資守禦崇厚擬添練洋槍礮勇二營練勇二營並雇借外國輪船水陸兼防均著照所擬辦理所需經費卽著於鹽關兩庫應解本年京餉項下先行借撥銀三四十萬兩剋期舉辦事竣覈實報銷不可稍有冒濫崇實迅撥四川餉銀二十萬兩瑞麟迅撥廣東餉銀二十萬兩馬新貽迅撥浙江餉銀十萬兩趕緊籌備徑解部庫以抵天津鹽關兩稅應解部庫之數並著戶部咨催毋稍延誤將此由五百里各諭令知之○諭成祿奏官軍圍剿緊急逆黨分竄連日掩襲情形一摺肅州踞匪屢經官軍勦敗勢漸解散存城逆黨僅止數千正可乘機攻剿著成祿趕緊激勵將士設法環攻迅圖規復南山居民串通竄逆煽動五堡戶民戕官滋事該提督親往勦辦陣擒土逆首惡傳三冒料等正法其餘金佛寺各堡戶民仍當設法安撫慎重妥辦毋再激生事端其逃出關外各匪卽飛咨文麟景廉並地方文武沿途截剿關外待援孔亟疊經嚴諭成祿帶兵出關該提督一味遷延疲玩飾詞逗留置邊外軍情於不顧殊堪痛恨著卽趕緊帶兵出關將哈城等匪迅圖勦辦毋稍遲緩儻再畏難苟安致邊外稍有疏虞必當執法從事著甘肅提督楊占鼐見在是否啟程著穆圖善慎遵疊次諭旨迅飭該署提督趕緊馳赴肅州接辦西路軍務毋稍遲延將此由五百里各諭令知之○辛卯署安徽巡撫吳坤修密陳防範提督李世忠舊部兵勇情形得旨該署無當不動聲色隨時嚴密防範毋令滋生事端○命候補鴻臚寺少卿袁保恆赴李鴻章軍營

差委○壬辰李鴻章奏三月二十七日郭松林等軍由東昌兩追躡二十八日探賊由莊平東轉向西北騎賊數十圍隱伏樹林間郭松林飭步隊上前轟擊賊馬卽退列村外潘鼎新楊鼎勳兩軍從旁鈔擊郭松林復調集各部馬隊與善慶溫德勒克西騎兵繞前接戰不及一時逆陣果爲衝動退越數村我軍馬步乘勝合追三十餘里至高唐州之雲家村陣斬悍黨極眾生擒擒目賈託張有得二名二十九日追過平原賊向陵縣吳橋急走是夜四鼓各軍卽冒雨前進行未三十里與賊相值我軍馬隊盡擁而上賊騎以長矛回關都司邱得功陷陣死之步軍各營趕爲接應鏖戰逾時擒殺甚多賊潰而北走四月初一日欲由東光偷渡初二日賊又由東光境內突犯運濱均經我軍攔擊賊敗竄南皮是夜賊酋鄧保政率二百餘騎來降初三日潘鼎新高催各軍以賊既銳意北竄必須繞前鈔截遂循運河東岸徑指滄州適東軍王心安啓後遇賊求援潘鼎新楊鼎勳兩軍先從左右兩路包裹而進郭松林督所部合之善慶溫德勒克西唐仁廉直從中路壓下分投鈔擊賊乃大潰遂於滄州之花園連奪賊館數處收降張懷慶胡志等數百人初四日賊竄靜海我軍追由唐官呂官兩屯至陳官屯楊鼎勳乘夜襲擊賊目何祿誠等率七百餘騎來降初五日賊竄近天津二十餘里郭松林等趕行百數十里沿路截戰偪賊自北轉向東南我軍傍晚到津分駐郡城外探賊向在楊柳青地方伐木結箒潘鼎新等擊走之擬在津門稍辦軍糧再行壓剿見在左宗棠已令劉松山張曜宋慶喜昌春壽各軍由東光南皮循運西節節截剿聞丁寶楨亦督軍由運西繼進德州以下正形空虛臣本日督隊至德扼要暫駐偵察賊蹤再行相機分投截剿其郭松林營內連日力戰陣亡之副將郭文武擬保縣主簿郭士琳擬保副將姚長庚遊擊曾文益都司邱得功均請旨飭部從優議卹上諭軍機大臣等此次郭松林等軍由東昌北上沿途追賊疊勝直抵天津該大臣行抵德州擬暫行駐紮相機派隊進剿雖因該處空虚起見惟該逆已竄鹽山郭松林等軍自當奮力追剿該大臣去前敵太遠各將領無所稟承於軍行不無遲滯著卽懷遠前旨統軍北上扼要駐紮以爲淮皖各軍調度並著會商左宗棠等互相策應迅籌殄滅逆蹤去津未遠該大臣旣抵德州一切軍情務當勤加奏報毋得仍前遲緩將此由六百里諭令知之○諭英翰奏遵旨督軍入東會剿一摺捻逆見由靜海滄州擾及鹽山恐又將回竄東境著英翰趕緊馳赴東昌與李鴻章會商布置視賊所向合力聚殲另片奏奉到三月二十八日寄諭摺片印花拆損郭寶昌賞件僅有小刀一柄餘皆遺失該署撫所發奏報及疊奉寄諭均遲延多日始行遞到等語軍營文報最關緊要驛站任意遲緩必致貽誤戎機著英翰咨會李鶴年會查沿途各州縣將經過驛遞挨站嚴究訊明何站拆損遺失並在何處遲延之虛卽將該州縣按律嚴懲迅速參奏一面仍著兵部由直境各驛挨站查至豫境據實嚴參以肅

郵政將此由六百里諭令知之○諭庫克吉泰劉典奏甘回竄擾陝疆連日勦辦獲勝暨慶陽府城失守隨即克復各摺片甘回竄擾隴涇一帶經總兵蕭奎魁暨黃鼎等軍分勦疊勝譚玉龍在邠州勦賊忽被賊股包鈔相持一晝夜之久援兵未至譚玉龍等力戰陣亡知縣喻兆奎等率隊追勦殺賊甚多賊向正甯奔竄邠涇毗連處所回蹤蟻集若非痛加勦洗不足以靖陝疆北路郵延一帶土匪甚多回逆尤剽疾異常仍須防其東竄著庫克吉泰劉典嚴飭劉厚基等各率所部相機兜擊毋任竄入北山復形延蔓譚玉龍一軍即著飭令胡日盛妥爲鈐束並將邠州一路實力嚴防慶陽府城失守當經雷正綰派兵收復該處地方緊要防勦未可稍鬆應如何撥兵堵禦賊入陝之處著穆圖善庫克吉泰劉典悉心籌商毋得臨事周章頻煩兵力將此由五百里各諭令知之○復陝西邠州陣亡已革提督譚玉龍原官子祭葬世職謚武壯交國史館立傳副將張士榮等祭葬世職加等○甲午諭軍機大臣等穆圖善奏官軍會勦回匪克復狄道州城並秦州勦賊肅州激變各摺片狄道州回逆甘心倡亂肆逆已久經穆圖善派兵會勦屢獲勝仗力將州城攻拔斬摩遺寶足申天討而快人心河州援匪尚有數千潛至北莊其非真心悔罪已可概見該署督當細加察度不可爲其所給總須先將兇悍滋事逆回痛行殄盡再准脅從各回投誠不可將就了事秦州回匪本係狄河悍黨在山溝內伏劫糧運並圖撲犯秦城經道員豫師探蹤會督各隊馳往追擊力行壓退克保州城尙屬奮勇所有在事出力員弁准穆圖善彙入克復狄道案內酌保數人毋許冒濫仍飭豫師速會各軍將秦州回匪殄滅肅城久未攻拔成祿王仁和所部兵勇又復互相爭鬪並激變金佛寺堡居民縱勇在河西各村堡焚掠肆擾成祿前已疊次嚴諭催令出關著穆圖善迅飭楊占鼐馳抵肅州接辦成祿營務以便該提督剋日啟程毋任藉詞延宕至王仁和營勇與成祿所部彼此接仗屢屢潰漫無約束見在逃至甘州駐紮著穆圖善查明啟覺情形據實參奏並將逃駐甘州潰勇分別遣撫約束毋任滋事其激變金佛寺等堡居民並騷擾清水堡等處之統將委員等均著飭令楊占鼐確切查明實情由穆圖善嚴參重辦不得稍存姑息將此由六百里諭令知之○諭蘇鳳文奏越南正貢屆期據情代奏並密陳鎮安防勦喫緊應否察看情形再行開關各摺片越南國王阮福時以來年己巳正貢屆期請示進關日期具見誠懼前因南太兩郡軍務未平該國例貢業經三次展緩見在由太郡至省道路既無梗阻自應令其依期入貢以遂其愛戴之忱著蘇鳳文查照向例進關之期行令該國王遵照辦理鎮安逆匪吳亞整盤踞歸順等處並著蘇鳳文督飭官軍迅速勦辦以靖地方越南貢使經由太郡儻因鎮安鄰氛未靖即著該撫設法妥爲護送令其繞道前進毋稍疏忽至河南直隸等省道路途見無阻滯屆時由該撫咨行經過各省督撫一體妥爲護送以昭慎重將此諭令知

之○子甘肅陣亡副將陳長安等祭葬世職○永定河溢○乙未諭軍機大臣等都興阿著迅速來京陛見並著於留在軍營管帶馬隊將領中揀選熟諳得力者數員一併帶領來京盛京將軍著奕格署理該副都統著即迅赴盛京任事錦州副都統著都興阿派員署理奕格未到任以前盛京將軍印信都興阿即交額勒和布暫行管理都興阿交付額勒和布印信後不必俟奕格到任接署即著趕緊啟程毋稍遲緩將此由五百里各諭令知之○諭恭親王等奏請嚴定期賊限期丁寶楨奏擬赴東昌布置各一摺賊由天津鹽山擾及山東之陽信海豐邊境武定一帶見有劉松山張曜宋慶各軍並王正起莫組紳東軍跟蹤追擊靜海滄州一帶亦有楊鼎勳潘鼎新兩軍扼紮以防折竄兵力足敷防剿丁寶楨見因東昌一路空虛慮該逆由此南竄擬帶王心安一軍並郭松林所部馳赴該處著即在東昌一路嚴密布置不得稍有疏虞致令逆蹤紛越運河水勢洶長靡定見在水勢雖旺防務仍未可稍疏著左宗棠督率所部沿運河一帶視賊所向力行堵遏所有沿河船隻著官文崇厚嚴飭該州縣地方官速行提歸西岸以防逆騎搶渡不得有名無實見據恭親王等奏稱探聞賊有回擾滄州之信是否賊匪分股希圖牽掣官軍著左宗棠檄飭各軍就近剿洗英翰當懷邊疊次諭旨督率所部皖軍星夜兼程由豫境馳赴武定迎頭攔擊以杜匪竄至逆騎數月以來二擾直豫東三省奔突數千里來往自如官軍十餘萬人不能遏其竄越各將領彼此觀望粉飾戰功並有縱勇擾民致百姓戕殺弁兵之事若再日久遷延農民耕作失期恐又別生他變且入夏以後田禾日長賊騎到處潛伏進剿更形棘手况賊股見竄海隅正可乘此機會三面圍蹙就地殄除著李鴻章迅督前敵諸軍步步圍逼合力同心認真剿辦限於一月內將此股賊匪全數殲滅儻能於限內告竣所有出力各將領定必破格施恩優加懋賞如再遲延誤事亦必當重治其罪該大臣前在山東剿滅任賴股匪此次總統北路軍務尤須力加奮勉肅清全局毋墮前功總之剿賊之事惟責成李鴻章一人各將領統歸調遣直東各路分段防剿則左宗棠官文丁寶楨英翰崇厚等任之如賊匪被剿窮蹙由何路紛竄則惟何路官兵是問懍之勉之正在寄諭間據崇厚奏陳截守運河方略並請飭江蘇派輪船兵丁來津巡防一摺該大臣擬於捷地滅河起至祁口一帶止趕築長圍隄牆先將運河截斷以固北面天津河間之防再由運河西岸自滄州捷地直抵張秋黃運交流處所沿河西北兩岸連築長圍分撥兵隊聯絡各州縣民團練勇分段固守並請直隸練軍及京營各軍嚴守滄州交河東光吳橋景州沿河西岸一帶令李鶴年英翰所部進扼東昌臨清騰出湘淮大枝勁旅與東省各隊縱橫截剿等語著李鴻章左宗棠官文丁寶楨英翰崇厚迅速會籌辦理直境沿運一帶著左宗棠官文崇厚安商布置東境沿運一帶著英翰丁寶楨督率所部扼防毋稍疏忽至該逆探知官軍

沿河築牆必應併力衝突李鴻章專辦剿賊當迅督諸軍合力進擊使該逆無暇衝突方爲妥善賊蹤逼近海隅著曾國藩
丁日昌迅即派員將上海捕盜輪船架礮配兵星駛來津交崇厚酌度派令巡查嚴防海口武定之利津大山兩海口船隻
甚多著丁寶楨速行提歸南岸毋任賊蹤紛越劉銘傳前在山東剿平捻股於諸將中較爲出力該提督受國厚恩當思力
圖報效見在三月假期已滿自當督率所部迅赴北路剿賊李鴻章自應檄催該提督銷假俟朝廷諭旨也崇厚原摺著
鈔給左宗棠李鴻章官文英翰丁寶楨閱看將此由六百里各諭令知之○諭長善善奏布置防守情形請撥軍扼要堵剿一
摺捻逆前次竄近津郡誠恐紛擾畿東該副都統請酌撥大兵扼紮玉豐等處以防捻竄東北兩路所陳不爲無見見在捻
由鹽山竄入東境距畿東一路較遠自不必再行徵調致分兵力惟賊蹤飄忽靡定防範不可稍疏且永平府屬無業游民
較多關內外馬賊伏莽未淨尤當防患未然著長善就見有兵力妥籌布置並須勤加偵探分路梭巡庶期有備無患以免
疏虞將此諭令知之○丙申諭軍機大臣等穆圖善奏各軍渡河西剿獲勝進擄河州東南二鄉一摺官軍克復狄道州後
渡河而西續獲勝仗見在進擄河州東南兩鄉賊巢著穆圖善即飭派出各軍乘勝進攻節節掃蕩以期次第廓清河東一帶
仍酌派勁兵扼守以防該匪鈔襲後路至牟佛諦及燕脂川各部回眾如果真心向化將器械馬匹全行呈繳原不妨網開一
面予以自新惟該回性多反覆難保不首鼠兩端別生詭計著穆圖善馳赴狄道察看情形妥籌辦理仍一面督飭官軍將河
西布置機宜悉心調度毋稍疏虞將此由六百里諭令知之○丁酉諭軍機大臣等醇郡王奏請停築圍剿捻之舉仍當依限
迅圖殄滅一摺據稱崇厚請築長圍不獨工大費繁非旦夕所能竣事即使築就安有如許兵勇環守且民與賊俱在圍中恐
賊之稜糧未絕而民之儲蓄先空等語捻逆一日不滅閭閻一日不安總須各將領同心協力將此股剋期殄除方爲善策前
據崇厚奏請築圍剿捻朝廷恐曠日持久難收實效未經允准嗣據該侍郎陳奏截守運河之方仍恐未必確有把握令該大
臣等會籌並一面嚴飭李鴻章迅速追剿左宗棠等實力防守沿運一帶本日據李鴻章奏賊騎飄忽無從圍制張秋至臨清
運河二百四十里設防最難費兵最多等語匪蹤剽疾異常朝廷惟以剿賊責成李鴻章防務責之左宗棠等著即嚴飭各將
領等迅圖滅賊築圍之舉著李鴻章左宗棠崇厚等酌度辦理醇郡王所奏不爲無見原摺著鈔給閱看前據崇厚奏請京營
各軍協守滄州等處沿河西岸一帶京營派出各軍如全禁沿運西岸則北路大形空虛著恩承仍督各軍在原駐地方嚴密
防守毋稍疏忽將此由六百里各諭令知之○李鴻章奏臣於四月十二日行抵德州山東撫臣丁寶楨亦帶隊由交河回德
晤商僉以賊勢回奔自臨清東昌至張秋運河淤涸已久賊所必經非重兵不能設防適福建提督郭松林統帶所部由靜海

滄州追賊沿運南下道經德州臣卽商令會合丁寶楨馳赴東昌一帶相機扼築據探擒逆已於十五日由禹城柱平回竄高唐州境郭松林十六日至高唐富有戰事連接劉松山張曜稟報渡河追往鹽山初十日接仗獲勝十一日賊奔海豐陽信十二日至武定十三日至商河沿途疊戰斬頗眾訊據賊供張總愚以官軍均偏運東圖由水淺處急竄運西等語臣查張秋至臨清運河二百四十里年年黃水倒灌淤成平陸設防最難費兵最多臣先委員弁在張秋河口挑濬淤沙意欲引黃入運以困賊然黃水僅高尺餘未能以水爲險議者皆謂賊在東境燈之河海一隅可圖聚殲臣等身在行間豈有不竭力籌辦之理但直東交界縱橫平曠七八百里賊騎飄忽無從圍制欲就東海南河形勢必須先扼西北運河聯築長牆絕其出路而尤以東至津沽西至東昌張秋爲兩頭鎖鑰臣正在講求簡捷之法郭松林潘鼎新昨過滄州慮賊回撲津郡因見運河盛漲督率弁勇將滄州迤南捷地壩掘開內有減河一道橫通海濱收豬港約百餘里運水立時灌入深可四五尺潘鼎新已飭該地方官就河東集練築牆若守住減河旣斷竄津之路兼可爲滄青靜海屏蔽臣令潘鼎新楊鼎勳等暫行察度布置並緘商崇厚派兵接防設法築壩潴蓄水使深以爲津畿門戶惟重兵均在前路東昌一帶空虛無備賊必乘虛回擾昨准安徽撫臣英翰函稱本月十四五日可至東郡當能與郭松林各軍攔頭一擊但地面寬平河牆未立難保其不繞由上下水淺處竄越而西應請旨飭下河南撫臣嚴防內黃滑濬一帶並飭下直隸督臣轉飭大順廣道將衛河南岸船隻盡行提歸北岸豫爲之備賊尙在運東丁寶楨郭松林等折往東昌設與英翰會師堵截賊又折而北竄德州爲北路衝要距賊甚近臣暫帶周盛傳數營駐扼此間偵探賊情再籌調度 上諭捻逆由天津一帶竄向鹽山等處經劉松山追剿疊勝該逆以官軍俱在運東仍圖西竄第自張秋至臨清運河水涸黃水未能濟運該大臣見令潘鼎新等軍在滄州扼守減河以杜入津之路並令該藩司等察度布置蓄水使深辦理尙合機宜卽著咨商崇厚妥籌辦理東昌一路空虛無備英翰計日可抵該郡儻該逆竄往正可以逸待勞迎頭截擊卽著該署撫嚴飭各將領整陣以待力挫兇鋒如郭松林一軍趕到並著會商夾擊該逆有圖竄運西之語內黃滑濬一帶亟宜嚴防著李鶴年飭令防兵認真扼守毋任再行回竄其衛河南岸船隻著官文飭屬提歸北岸以防竄越丁寶楨前赴東昌儻遇賊西竄卽著會同英翰等分投痛剿劉松山等軍並著李鴻章飭令奮力追剿毋令該逆稍停喘息則逆勢漸衰兜剿較易李鴻章見駐德州距賊蹤稍近所有一切調度機宜卽責成該大臣就近督飭辦理如匪蹤去德州漸遠卽著馳赴前敵督率各將領等迅速奏功毋得遷延干咎左宗棠等亦各懷遵前旨嚴扼運防毋稍疏虞是爲至要將此由六百里各諭令知之○調張兆棟爲江蘇布政使以吳坤修爲安徽

布政使仍署巡撫裕祿爲安徽按察使由直隸遷○戊戌左宗棠奏臣於四月十四日行抵吳橋縣見運河水勢增長適郭

松林自天津南行將抵德州詢知過捷地時已商同潘鼎新等將減水河舖掘開洩水靜海青縣滄州一帶藉資障蔽以見

在局勢言之賊自天津入東境東阻大海南阻黃河西則運河一水縈紆足限戎馬之足惟張秋因河流倒灌淤成平陸見

值黃運交漲淤沙得水漸潰當可暫斷人行李鴻章見與丁寶楨經營黃運之防英翰又抵東昌兵力更厚東西南三面當

可制賊死命北面有劉松山等馬步大隊追壓而下軍情實有可恃頃探悉賊蹤由武定竄及平原禹城之間追軍已跟蹤

前進相距不過十里尙未據各軍馳報戰事臣軍與程文炳暫駐吳橋購備行糧一面偵察賊蹤相機進剿又奏正拜摺聞

接劉松山等呈報四月十一日追賊至海豐陽信賊復南竄劉松山等馬步各軍沿途均有擒斬生擒逆一百十餘名而

奪其馬內有賊目劉萬落馬玉林兩名當即訊明正法十二日追及武定府城下賊眾回撲宋慶於城東率隊迎擊斃賊數

十名賊之大股向武定城南圖竄而北劉松山張曜春壽各率所部由城西截擊力斃悍賊百餘名十三日各軍合隊躡追

及商河縣北積水窪邊賊倉皇無措各軍奮威衝殺賊勢不支紛紛亂竄馬步各隊於積潦中追殺二十餘里賊屍枕藉斬

馘淹斃者約八百餘名生擒約數百名拔出難民一千餘名訊據賊供張總愚仍思由運河西岸竄逸蓋不知運河水勢驟

漲也副將沈義勝縱橫血戰中槍陣亡實堪悼惜仰懇 天恩飭部照總兵例從優議卹 上諭軍機大臣等鴻臚寺少卿

朱學勤奏請催提督勦賊並暫停直隸六軍各摺片劉銘傳自勦滅賴汶沈等股匪後乞假養疾該員本係直隸提督值擒

匪竄犯近畿卽應力疾銷假赴直勦賊以副專閫之寄況見值三月假期已滿若竟晏然安居豈人臣急難赴公之義該提

督起自卒伍不數年間擢至提督受恩深重見當擒逆猖獗之際當不至苟且偷安頽然自棄著李鴻章卽催令該提督迅

督所部馳赴直隸山東一帶隨同該大臣勦賊將此股擒匪迅速殄除以圖報稱儻或始終遷延卽由李鴻章參奏以肅紀

綱直隸所練六軍規模甫立卽值鹽匪起事捻逆竄擾勢難按期操練而所需餉銀糜費甚鉅該少卿擬請將六軍暫行停

止將派調之遵化等軍應支餉項歸於軍需項下支給以節糜費俟擒股勦盡別圖良策等語練軍爲久遠計用勇不如用

兵惟將來軍務平定各營勇丁若何安插亦須籌給應如何籌畫俾無流弊之處著左宗棠李鴻章英翰各就所見會同官

文妥商籌辦朱學勤原摺著鈔給李鴻章閱看片一件著鈔給左宗棠等閱看正在寄諭聞據左宗棠奏報馳抵吳橋會勦

情形與昨日李鴻章所奏大略相同賊騎疾異常不數日聞已由武定竄及平原禹城之間必須各軍儘力追剿方可制

其奔突該大臣既稱見在局勢可以制賊李鴻章丁寶楨英翰各路會齊兵力更厚誠不可失此機會左宗棠見與程文炳

一軍駐紮吳橋著卽偵探賊蹤相機扼剿嚴守運河西北兩面遏其北竄李鴻章著懷遵前次諭旨嚴督各軍蹙賊黃運之
交於一月內趕緊剿辦迅殄賊氛一面咨會丁寶楨英翰力遏運河西面免其紛竄並迅飭各軍分路兜擊共奏膚功將此
由六百里各諭令知之○諭劉峴奏楚軍攻克覺林寺賊巢並截擊苗匪獲勝見籌進剿暨查辦瀏陽醴陵會匪情形各摺
李元度一軍自攻克輪頂山等老巢後招撫毛家棚各寨並剿撫三角山白茅鋪等三十六寨將偏刀水前路略定焚毀朱
村收復覺林寺後路之高臺等處攻克拖尾營並與統帶川軍之道員蹇閻等會合堵剿將覺林寺前壘力行攻拔生擒逆
首朱明月剿辦甚屬得手著劉峴卽飭令李元度乘此聲威將偏場踞逆悉行掃除務將逆首劉儀順擒斬以靖教匪根株
至分犯晃州沅州麻陽等處苗匪經該處文武各員並席寶田所部分路堵擊力加剿洗疊獲勝仗殲斃極多著劉峴卽飭
令席寶田等軍將黎平苗匪速行擊退進剿寨頭並其餘苗巢務期悉行殄滅毋任牽掣援軍西進之路見在川省援軍業
已入黔卽著崇實責成帶兵之道員蹇閻知府唐炯等將尙大坪玉華山教匪老巢攻破並著曾璧光督派黔軍會合剿辦
肅清附省肘腋之患此次李元度等並各營出力員弁勇丁著劉峴擇尤分案保獎毋許冒濫至湖南會匪屢在瀏陽醴陵
滋事見復經該處兵勇團練將起事匪犯剿殺多名惟未獲餘黨潛伏尙多仍慮散而復聚著劉峴卽嚴飭該地方文武會
督紳團設法認真搜捕務當淨絕根株母任一名漏網將此由五百里各諭令知之○予山東陣亡副將沈義勝貴州陣亡
參將周郡耀等祭葬世職○庚子諭軍機大臣等英翰奏會商機宜擬馳赴臨清布置並請飭天津撥給米石及南樂等處
民圩劫斃員弁各摺片捻逆竄向禹城高唐等處前阻黃流西北兩面又有運河足資守禦正可乘機兜剿見在李鴻章駐
紮德州丁寶楨駐紮東昌若英翰移紮臨清足成犄角之勢卽著照所議會同李鴻章左宗棠丁寶楨妥籌商辦更番扼守
更番輪戰以期迅速殄滅此時各路大軍不下十餘萬而捻逆不過數千該大臣督撫等屢奏賊勢窮蹙而任其竄突莫可
制禦總由各將領互相觀望不肯實心痛剿試思合數省兵力剿此殘寇不能及時殄滅該大臣等久任統帥捫心豈不自
愧卽著李鴻章妥籌方略申明紀律奮加勦洗毋得再涉遷延致干咎戾儻任該逆竄渡運西必當查明由何路竄逸將沿
運督防之該大臣督撫等從嚴懲處決不寬貸天津賑米尙有存餘英翰軍營需米甚急卽著崇厚撥給一萬石派員解交
英翰軍營以資接濟如此項米石不堪食用並著崇厚另籌撥解免致轉折徒煩運費丁寶楨所調吉林黑龍江丹丁馬隊
三千名前諭將挑出之一千五百名飭赴直隸交春壽管帶其餘一千數百名丹丁馬隊著訓練餵養以備調遣此項馬隊
見紮何處春壽所帶一千五百名能否得力著左宗棠丁寶楨查明覆奏直隸民團屢經戕害官弁前已明降諭旨令地方

官嚴行禁止何以此次南樂元城復有此等惡習並敢劫掠銀兩馬匹開槍抗拒其爲地方好棍已可概見豈可稍事姑容
著官文再行飭屬嚴行曉諭務使軍行無阻並恐山東民團亦有此弊著丁寶楨一體飭屬豫行曉示儻敢戕害官弁即行
嚴辦以警刁頑該大臣督撫等亦必嚴飭各帶兵將領於所過圩寨不可騷擾地方庶兵民相安不致互相仇恨將此由六
百里各諭令知之○予直隸被戕運同馬峻祭葬世職○辛丑諭軍機大臣等德勒克多爾濟等奏難民土匪回匪滋擾蒙
古游牧見經官軍擊退並籌補馬匹一摺甯條梁等處回匪勾結難民土匪在蒙古游牧邊界四出擄掠該將軍見飭扎那
格爾第督兵防剿即著嚴檄該貝子相機布置遇賊即擊毋任再行紛竄儻該貝子仍前玩泄未能實力堵扼即著德勒克
多爾濟等據實參奏並飭令貝子巴達爾琥總兵馬陞一體嚴防毋稍疏懈金順著懷遵前旨迅將甯條梁攻克以便繞赴
東路藉保完區並彈壓匪眾不至四出滋擾難民紛竄搶掠多由困苦失所以致流而爲匪並著金順咨商穆圖善派員將
收復地方難民未經歸業者妥爲安插撫恤裁撤營勇並給賞令其回籍以免別滋事端札那格爾第所報防兵馬匹多有
倒斃亟應籌補以資乘騎即著照德勒克多爾濟等所擬妥爲辦理將此由六百里各諭令知之○諭蘇鳳文馮子材奏太
郡官軍疊克全茗等處賊巢疏通鎮安餉道蘇鳳文奏鎮安官軍收復東山寨等處並攻克大虎巖見仍督軍進剿各一摺
龍州匪股紛擾雖經官軍攻拔下凍巖寨全茗等處賊巢殲擒匪首黃忠傳陳七等多名疏通鎮安餉道而龍英向武鎮遠
等土州地方匪蹤齷聚尤應及早殲除著蘇鳳文馮子材仍著姚茂田等軍乘勝進攻並知會諒山夷官兩面夾擊迅掃邊
氛一面檄飭各該地方文武於要隘處所實力嚴防毋稍疏懈東山寨等處匪巢林立經道員覃遠璉會同李雲梯各軍分
路攻取將大虎巖一帶賊壘悉數踏平餘匪向歸順州大道墟等處遁去逆匪吳亞終勢力漸衰潛結鎮遠向武各股逆竄
擾右江河道希圖牽掣官軍該逆負固稽誅正宜乘此聲威一鼓聚殲著蘇鳳文嚴飭覃遠璉等會合下游巡防水師及劉
玉成等軍奮力剿擊以期掃穴擒渠毋得遷延觀望貽誤事機將此由五百里各諭令知之○諭伊勒屯何瑄奏巴里坤哈
密軍務緊急請催援兵一摺西路賊匪勾結哈密纏頭攻撲哈城雖經伊勒屯等派勇會同駐哈員弁將賊擊退而據獲賊
供稱烏垣踞逆已會商土魯番各處回賊擬於三四月間分路東犯該逆等蓄意大股內擾巴城等處兵力孤單勢甚危急
文麟景廉已抵安西玉門距哈密甚近何以屢次催令赴任猶復頓兵不救實屬大負委任著文麟景廉接奉此旨後即日
馳赴哈密將防守事宜妥爲布置儻再意存觀望必將該大臣等軍法從事成祿一軍圍攻肅州久無成效朝廷未加嚴諭
特令移師出關至今尚未成行尤屬有意延玩著提督楊占鼐覓在是否抵肅即著穆圖善催令該署提督速將肅州軍務

接辦成祿交卸後卽日帶兵赴援關外不准稍事逗留如仍前玩泄貽誤戎機必重治其罪決不寬貸原摺著鈔給文麟景廉成祿閱看將此由六百里諭知穆圖善文麟景廉伊勒屯成祿並傳諭何瑄知之○壬寅吏部以大學士曾國藩朱鳳標應定何殿閣請得旨曾國藩著授爲武英殿大學士朱鳳標著授爲體仁閣大學士○癸卯賜洪鈞等二百七十人進士及第出身有差○左宗棠奏臣由吳橋於四月二十日行抵甯津縣西關接劉松山等稟稱賊由荏平折竄四月十八日各軍追賊至平原城東適與賊遇見官軍至卽捨命狂奔劉松山張曜宋慶春壽喜昌共商乘夜銜枚急進襲之立破馬家集任家集李家樓十餘村騎賊四散竄走春壽喜昌衝出迤北各村踞賊亦卽驚潰生擒擒逆二百餘名斃賊數百名救出難民數千二十日劉松山等冒雨分率所部急追馳抵甯津屬白家集賊忽返關遇積水窪下馬拒戰各軍奮威壓剿追殺二十餘里賊屍枕藉生擒擒逆二百餘名各軍帶傷弁勇三十餘名是日臣率所部及提督程文炳各營由吳橋抵甯津晤劉松山等商議分四路追賊劉松山張曜宋慶爲三枝向東北春壽喜昌率馬隊繼之臣與程文炳爲一枝向正北指滄州捷地減河二十二日未刻臣馳至減河南岸賈家莊晤善慶溫德勒克西知賊於是日辰刻猛撲減河經善慶溫德勒克西擊退賊南竄進行而東恰與劉松山等馬步各軍相值如賊援減河南岸以向東北則馬步各軍與潘鼎新楊鼎勳防減河之軍可收夾擊之效偏賊海隅聚而殲之如賊徑向東南則劉松山等軍當於鹽山一帶截之而英翰丁寶楨所部復由武定迤西而來棧局更緊臣一面遵旨將張曜宋慶程文炳春壽馬步各軍咨交李鴻章總統聽其節制調度其郭運昌一軍則已經英翰奏歸統帶矣臣拜摺後仍向鹽山一路前進以此時運河水勢尙旺河閒一帶誓可無虞萬一久晴水落臣當急顧西岸之防俟到鹽山後再定進止至臣之此行原爲滅賊起見就在局勢而論防與剿未可偏廢李鴻章意在先防後剿臣意在且防且剿兩者亦似並行不悖若不顧大局不察時勢但執成見故相阻撓則亦難逃臣聖明洞鑒也李鴻章奏接郭松林四月十六日稟稱該提督會同吳長慶帶隊行抵博平縣城北探賊大隊又自南折而東趨郭松林率馬步各隊追及賊騎散轡急遁小有斬獲該提督仍趕赴東昌會合東皖各軍築牆憑河設守以杜竄越又據劉松山等稟稱十五日會同春壽喜昌馬隊追抵高唐恐賊潛渡運西十六日偪之博平以東賊突由荏平折竄東北剽疾異常十八日躡及平原迤東賊又狂竄該提督等以逆眾絕不反拒無從痛剿乘夜襲之立破馬家集任家集李家樓各村擒賊二百餘名十九日賊竄至陵縣德平等處二十日追往甯津境內該逆後隊橫出拒敵我軍分投猛壓追二十餘里擒斬甚多兩大始行收隊逆股復向東北狂奔各等語查該逆前竄天津未遂又乘我軍南下折而北趨不知滄州捷地壩已開減河灌水通海尙有潘

鼎新楊鼎勳兩軍在彼扼堵也昨據潘鼎新稟稱減河東岸已修築長牆八十餘里水深丈餘足資守禦臣飭該藩司與楊鼎勳妥籌防剿必不任其竄過並密屬劉松山張曜等沿途緊追毋任喘息偷渡左宗棠已督程文炳等軍由吳橋甯津赴南皮一帶沿運河東岸扼剿臣料該逆知滄州減河有備南皮東光沿運又有游兵必卽折而南走仍由鹽山樂陵回竄臣所部潘鼎新楊鼎勳旣在滄州以北郭松林吳長慶又往東昌以南兩處皆緊要關鍵賊所必經之路臣僅帶周盛傳一軍駐扼德州咽喉偵察賊蹤相機截剿就見在局勢而論英翰丁寶楨已抵東昌兩路運防可期嚴密滄州減河牆濠旣固津郡亦無他虞惟自滄州至臨清河道六百餘里見雖水深丈餘久晴必漸消落河西一帶毗連畿輔恃民團捍衛臣實不敢放心疊奉諭旨以直省沿運防務責成左宗棠官文崇厚妥商布置但運防未穩進剿仍不宜過急致有礙而走險之虞

上諭軍機大臣等捻匪由高唐博平折竄平原陵縣等處直趨滄州勢甚剽疾雖經劉松山等軍在平原夜擊賊營迄未痛加殲戮見在滄州捷地減河已開楊鼎勳潘鼎新等軍在該處築牆沿岸扼守將撲牆賊匪擊退逆蹤已向東南一帶逃竄左宗棠追剿之兵亦至牖河南岸惟減河下游淤淺處所尙多著崇厚趕緊設法疏濬並飭楊鼎勳潘鼎新等軍分紮減河力固北面至由滄州抵德州一帶沿河西岸尙無兵勇僅恃民團堵禦不足以資扼守崇厚見咨令鄭魁士劉祺所部分紮辭家高泊頭與淮軍聯絡聲勢並勸余承恩由靜海滄州與楊鼎勳等軍協同迎截而泊頭以南仍屬空虛且鄭魁士等軍兵力亦單必須兵有後繼方可以資接應據崇厚奏稱已函商李鴻章就近籌辦卽著該大臣派兵力顧德州以北運防並著左宗棠定安恩承就近相機援應兼將運河西岸嚴密巡扼官文當速籌兵勇派赴該處力扼運西以資厚集儻任賊蹤搶渡河西擾及河間惟左宗棠官文崇厚等是問恐不能當此重咎也李鴻章見駐德州當督飭前敵諸軍儘力窮追毋任賊蹤稍行喘息並著設法繞前兜擊丁寶楨一面分軍與李鴻章所部合剿一面與英翰各軍嚴扼東昌臨清河防並著英翰酌抽得力將弁與李鴻章丁寶楨所部分路兜剿迅圖殄滅本日復據左宗棠奏稱防剿情形一摺與李鴻章崇厚所奏大略相同該大臣見進軍鹽山一帶欲與英翰丁寶楨所部各軍蹙諸海隅以期局勢較緊所籌不爲無見惟賊蹤異常飄忽恐各路官軍未集而賊已乘隙他竄左宗棠李鴻章丁寶楨英翰等總當迅速乘機督軍會剿不可稍緩須臾致令賊蹤蔓延運河水勢消長靡定民團心志不齊難於深恃左宗棠當隨時相機兼顧不可稍涉大意東昌臨清德州至滄南一帶運防官文丁寶楨英翰當彼此兼顧聯絡聲勢以防賊騎回竄總須一面籌剿臨機相度不可偏執一見至左宗棠李鴻章均係督兵大臣前因賊竄保定等處左宗棠已抵直境距賊較近是以令其總統前敵諸軍嗣因賊竄山東距李鴻章行

營較近是以將前敵諸軍改命李鴻章總統朝廷本係爲勦賊迅速起見於該大臣等並無軒輊左宗棠見雖將張曜宋慶等軍交與李鴻章統帶亦當與李鴻章合力會辦不得稍涉推諉該大臣等同辦一事且見在駐紮處所相距不遠自應以國事爲重和衷商酌不可固執成見各分畛域前敵諸軍雖已交李鴻章調度左宗棠亦可就近檄勦以期迅速蕘事將此由六百里各諭令知之○諭前因劉銘傳勦賊較爲出力且三月假期已滿是以諭令李鴻章傳諭該提督迅赴直隸山東一帶勦賊茲據李鴻章奏稱已兩次手書傳令到營襄助曾國藩亦爲懇切函催等語劉銘傳受朝廷不次之擢任重專閭邇來捻勢猖獗自應奮勇誓師滅此朝食以圖報稱且三月假期已滿駭疾諒已全愈豈可藉病推諉自耽安逸見在捻逆徧處黃運之交各路大兵已集機會大有可乘李鴻章既稱劉銘傳熟悉捻情即著再行飛催銷假迅速到營不准片刻稽延致誤軍事並著曾國藩吳坤修就近催令啟行見在軍事甚急若待添募兵馬必致耽延時日所部銘軍既派丁壽昌在邳州代爲操練即可統率舊部鼓行而前不必另行招募至湘淮皖豫各統將平日既與劉銘傳相習該提督到營時即著總統前敵馬步各軍奮勇勦賊以期迅奏膚功榮膺上賞該提督素日尙明大義當不始終延誤自外生成也銘軍啟行時如有應需款項著曾國藩代籌助給以利進行將此由六百里諭知李鴻章曾國藩並傳諭吳坤修知之○甲辰諭軍機大臣等理藩院奏據土爾扈特汗布彥烏勒哲依圖報稱收留厄魯特人眾請歸布倫托海辦事大臣妥爲籌畫並應給俸餉請飭戶部覆議各等語厄魯特人眾因伊犁失陷逃避土爾扈特遊牧地方情極可憫而該汗布彥烏勒哲依圖竟能容留洵屬深明大義第厄魯特人眾寄居該遊牧地方究非久遠之計即著交李雲麟明瑤錫倫就近將厄魯特十四佐領下官兵等妥爲安插酌給耕牧地方以資生計所需俸餉應如何支給之處著戶部覆議具奏原摺著鈔給李雲麟等閱看將此由六百里各諭令知之○諭總理各國事務衙門奏西疆毗連俄境各卡倫請飭建立界牌鄂博一摺新疆各城多與俄界毗連前經分界大臣與俄官會勘分定嗣以該處回氛不靖未能舉辦續據俄使照會內稱俄國官員擬從昂吉斯台至烏科卡倫一帶撤出中國卡兵其建立鄂博一端並請速定等語分界一事見既可以設法辦理自應從速舉行著奎昌福濟車林多爾濟李雲麟明瑤錫倫咨商麟興榮全錦丕勒多爾濟速將分界事宜會同俄國邊界官員查明三年所分界址將應建界牌鄂博概行建立以固邊防原摺均著鈔給閱看將此由六百里各諭令知之○乙巳諭軍機大臣等崇厚奏捻撲滅河淮軍截擊獲勝一摺捻逆大股由減河以南撲犯于家橋等處經官軍追勦該逆敗竄慶雲所屬之舊縣匪蹤異常剽疾亟應速籌兜擊著左宗棠李鶴年懷遵二十五日諭旨迅速會商督軍進剿不可稍涉須臾致令賊蹤蔓延崇厚務將滅

河下游於淺處所趕緊設法疏濬與左宗棠等妥籌守禦毋稍疏虞左宗棠李鴻章當和衷共濟迅殄逆氛以副朝廷委任
不得各分畛域貽誤戎機自干咎戾將此由五百里各諭令知之○予直隸陣亡提督羅雨春知縣杜恩祿等祭葬世職○
是月豁免四川各土司三年租賦